





Ex Bibliotheca
majori Coll. Rom.
Societ. Jesu

63.3.20.
63
17
1

~~8-12-8-21~~

1

A N E C D O T A
LUDOVICI ANTONIJ
MURATORIJ.



T O M V S P R I O R.



THE
HISTORY OF THE
CITY OF
NEW YORK
FROM
1609 TO 1898



A N E C D O T - A ,

Q V Æ

EX AMBROSIANÆ BIBLIOTHECÆ
CODICIBVS

Nunc primum eruit,

NOTIS, AC DISQVISITIONIBVS
AVGET

LUDOVICUS ANTONIUS
MURATORIUS,

IN EADEM BIBLIOTHECA
AMBROSIANI COLLEGIJ DOCTOR.

TOMVS PRIOR

Quatuor S. PAVLINI Episcopi Nolani
Poemata complectens.



MEDIOLANI,

Typis Iosephi Pandulfi Malatestæ. 1697.
Superiorum permisso; & Privilegio.

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11

11-10-11



Iecumq; sit) nostro locupletior Paulinus, eiusque
stabunt opera, non modò vt eximium eruditio-
nis pignus, sed vt magnum etiam meæ erga te
venerationis monumentum. Cui autem melius
hæc sunt placitura quam tibi, qui perpetuò in
hoc vnum incumbis, vt vniuersa eruditionis sa-
cræ ornamenta complectaris? Enimuèrò quis
singularem ingenij tui supellectilem non mire-
tur? Nimirum cuncta Ecclesiasticæ Historiæ ar-
cana, Conciliorum sanctiones, Hæreticorum so-
phismata, veterumq; Patrum documenta memo-
riæ tuæ ita conciliare pergis, vt iam egregium
Ecclesiæ propugnatorem spondere possimus. De
vnâ tamen conqueror modestiâ tuâ, quæ nobis
potiorem subtrahit eruditionis tuæ vsum, neque
solum id agit, vt videaris, qui non sis, sed etiam
vt ne, qui sis, videaris. Posses agere magnum vi-
rum palam, & maioris tacitæ conscientiæ tuæ
testimonio frui, quam scribendo ambitionis pe-
riculum subire. Sed quænam est huiusce virtutis
seueritas, vt tibi vni scire, ac mûndo, vt ita di-
cam, te ipsum inuidere velis? Interim non sine
gloriâ fatebor, quicquid ego profecerim, ad
exemplum tuum, & ad beneficia tua totum esse
referendum. Tu vnâ cum Excellentissimo, & præ-
stantissimo fratre tuo Comite CAROLO, Ambro-
sianam Bibliothecam mihi reueraſti, ac in tantum
studia

studia mea promouisti, vt Respublica literaria
pusillum hoc opus meum imperijs potiùs tuis,
quam consilijs meis sit debitura. Itaq; excipe
exiguam patrocinij tui messem, imò accipe rem
tuam. Paulinum ab iniuriâ temporum vindica-
uit primus omnium magnanimus Cardinalis FE-
DERICVS inter maiores tuos fulgentissimum lu-
men, illumq; in celebri à se conditâ Bibliothecâ
reposuit alienæ adhuc indigum opis, & lucis be-
neficia poscentem. Tantum igitur opus nunc su-
prâ vires meas aggressus iam non donum tibi
offero, sed tributum soluo. Vtinam audaci con-
silio suffragium tuum accedat; siquidem in hoc
vno tota clauditur votorum meorum summa.
Nimium erit, atque inuidendum præmium tan-
to viro, tantoque Meccœnati placuisse. Vale.

Mediolani Non. Iul. MDCXCVII.

Non modò his in Anecdosis, quæ ex Ambrosianæ Bibliothecæ Codicibus eruit, notisque, ac Disquisitionibus auxit Vir, in primis sciens, Ludovicus Antonius Muratorius, in eadem Bibliothecâ Ambrosiani Collegij Doctor, aliquid non inueni, aut Fidei Catholicæ, aut bonis moribus oppositum; sed multa potiùs reperi, de quibus cum Auctore, cum Patriâ nostrâ, cum pijs, literarumque cupidis hominibus maximopere gratularer: cum Auctore, ob singularem eruditionem, laboremque valdè proficuum, quibus rapinam adedò ingentem Orbi Ecclesiastico à pluribus sæculis factam, tantâ cum viurâ præciosâ vnus restituere; cum Patriâ nostrâ, pro aduentu Sapientissimi terræ, Cælique Herois Sancti Paulini, per Diuum Ambrosium, Mediolanensem Clero, vt Sanctus idem Paulinus testatur, adscripti; atque amicitia cum Diuo ipso Ambrosio, nec non cum Diuo Augustino deuinctissimi; nouis in Poematibus, ingeniosâ, cultâque, & vberriam refertis faciendâ rediuiui; cum pijs autem, literarumque cupidis hominibus, quòd præsentis id habeant in Scriptione, quo pietatem, doctrinam, atque eloquentiam, mirum in modum, amplificent; Solida quippè, & florida in Sancti Nolani Episcopi, in Domini Muratorij Opere facillè cognoscere poterunt, facillè delibare; atque gratissimam in dulcedinem, ad suam; amicorumque vtilitatem, amicitiam conuertere. Pridè, Nonas Februarij; ex officio exposui, Anno MDCLXXXVII.

Ego D. Hieronymus Meazza Clericus Regularis, Sacer Theologiæ Professor, pro Sanctissimâ Inquisitione Censor librorum, &c.

IMPRIMATUR

F. Prosper de Leonibus Inquisitor Generalis Mediolani, &c.

Bartholomæus Crassus Canonicus Ordinarius pro Emin. D. D. Cardinali Archiepiscopo.

Franciscus Arbona pro Excellentissimo Senatu.

IN S. PAVLINI NATALES NVNC EDITOS

PROLEGOMENA.



Andem apertum in diem quatuor PAULINI Episcopi Nolani Poemata perduxī, diū ab omnibus literarum cultoribus desiderata, diū etiam deplorata. Hæc tanti viri monumenta hucusque nobis inuidit sæua temporum. edacitas, quæ inter illustres rapinas hoc quoque magnum inuoluerat eloquentiæ pignus. Maximè dolendum profectò est tot veterum Patrum diuitias excidisse, quibus & Ecclesiastica Historia, & Fidei Catholicæ dogmata promoueri feliciter possent; sed in earum potissimum iacturâ dolorem nostrum exercere iuuat, quæ ab eloquentissimis, Sanctissimisq; Patribus elaborata fuere, quorum ope æui nostri Heterodoxos euertere, & meliorem ad frugem reuocare fas esset. Quantus autem fuerit PAULINUS noster & Orator, & Poeta, & Sanctus, tum eius scripta, tum omnium illustrium Scriptorum documenta testantur. Eximiam illius Sanctitatem non attingam, vtpote quæ satis apertos laudatores inuenit S. Ambrosium Ep. 30. ad Sabin. Sulpic. Seuerum in fine Dialog. Gregor. Turon. lib. de Glor. Confess. cap. 107. Greg. Magnum lib. 3. Dialog. aliosq; eius res gestas prosequutos, ac etiamnum, in Fastis Ecclesiasticis commendetur. Mirum sanè videri debet, virum Senatoriâ dignitate, ac ipso Consulatu olim auctum, innumeris præstantem opibus seculo ita renunciasse, vt vniuersæ Christianorum Reipublicæ Sanctitatis exemplum extiterit, quod inquit ad eum scribens Augustinus Ep. 34, & Ep. 39. ad Licentium. Eius in Oratoriâ arte excellentiam commendauit Hieronymus in Ep. 13. his verbis: *Si quasi extrema manus operi tuo induceretur, nihil pulchrius, nihil doctius, nihil dulcius, nihilq; Latinius tuis haberemus voluminibus.* Tum addit: *Magnum habes ingenium, & infinitam sermonis suppellectilem, & faciliè loqueris, & purè &c.* Reliqua mitto, vt eiusdem in Poesi præstantiam magno viri magni testimonio ostendam. Aufonius PAULINUM inter paucos charum habuit, totusq; in eo semper fuit, vt illi dignitates compa-

rarentur, eiusq; nomen famæ commendaretur. Itaq; ad eum scribens Ep. 20. hæc habet:

*Et, quæ iam dudum tibi palma Poetica pollet,
Lemnisco ornata est, quo mea palma caret:
Cedimus ingenio, quantum præcedimus ævo,
Assurgit Musa nostra Camæna tua.*

Hinc discere, quantum in Poesi nominis PAULINO foret, cui Aufonius præclarissimus alioqui vates assurgeret. Idem Aufonius ad PAULINUM Ep. 1. iam quid, ait, de eloquentiâ dicam? Liquidò admirare possum nullum tibi ad poeticam facundiam Romanæ iuuentutis æquari. Sed viri tanti numquam satis laudandi Panegyrim texere non lubet. Ad eius igitur librorum seriem explicandam, me confero. Eiusdem quinquaginta ad plures Epistolæ extant, tum Poemata varia, ac præcipuè X. Natales in honorem S. Felicis conditi. Hæc, & alia S. Episcopi Opuscula typis sæpè commissâ fuere, ita tamen vt omnium venustissima habeatur Antuerpiensis editio Anni 1622., quippè quæ notis Frontonis Ducæi, & Heriberti Rosuueidi, ac PAULINI Vitâ per P. Sacchinum elaboratâ abundet. Parisijs demùm Anno 1685. in duos Tomos digesta prodire PAULINI opera ad MSS. Codices recognita, notisq; variorum, illustrata studio Ioannis Baptistæ le Brun, quæ ad manus meas, quod valdè dolui, deferri nondum potuerunt. Emiserat etiam Petrus Franc. Chiffletius V. C. è Soc. Iesu Anno 1662. librum, cui titulum fecerat *PAVLINVS illustratus*, eruditèque admodum res gestas, librosq; Sancti huius exornarat. Nemini tamen hucusque ea Poemata intueri contigit, quæ ex Ambrosianæ Bibliothecæ laebris omnium primus in lucem produco. Testatur PAULINUS in Ep. ad Seuerum nonâ, se quotannis *Natalitium carmen* S. Felici pangere consueuisse. Decem verò ex his Natalibus tantum extare opinio erat, quum in publicum prolatus est Dungali, qui A. Ch. circiter 821. florebat, liber aduersus Claudium Taurinensem *de cultu Sacrarum Imaginum*, quem Ludouico Pio Imperatori, eiusque filio Lothario inscripsit. Plurima ibi citat vir disertus ac pius S. PAULINI carmina, inter quæ nonnulla ex Natalibus XI. XIII. XIV. & XV. libata, quibus Sacrarum Imaginum, Reliquiarumq; cultus mirabiliter comprobatur. Vetusissimum huius Scriptoris exemplar & nostra Bibliotheca seruat. Istius igitur monitu alios quoq; Natales PAULINUM procudisse innotuit. Sitim auxit fragmentorum pretium, visisq;

visq; aliquot vndæ guttis continuò totus in votis fons fuit . Itaque dum vberimam Manuscriptorum Codicum seriem lustrò, quæ in Ambrosianâ asseruatur , incidit in manus meas antiquissimum volumen, in quo Venantij Fortunati , Prosperi, Iuueni, Aratoris, aliorumque veterum Christianorum carmina continebantur . Tres & decem S. PAULINI Natales ibi exaratos inueni, quos cum Dungali fragmentis collatos germanum protinus tanti Scriptoris fœtum, mihi, & orbi literario sum gratulatus. Codex venerandam sapit vetustatem . Characteres quadrati, ac minutissimi, mirâq; venustate rectis lineis inter se distincti, seculo, vt arbitror, nono elaborati fuere . Quindecim porrò Natales PAULINUM cecinisse hucusque creditum, quum expressè carmina Dungalus tum ex XIV. tum ex XV. citarit. Verum Auctor iste, aut librarij in illo exscribendo decepti fuere; quæ enim carmina ex Natali XIV. hausta referuntur, omninò reiicienda in XIII. Codex noster, & rerum ordo euincunt. Itaq; Natalis apud Dungalum XV. hinc inscribendus erit decimus quartus, quem in membranis nostris descriptum non fuisse vehementer dolemus. Nostro præterea in Codice simul confunduntur primus, & alter Natales, ac idcirco reliqui numero vno ab editis discrepant, ita vt hic septimus dicatur, qui apud alios octauus numeratur, quo ordine reliqui procedunt; sed amanuensium incuriâ id factum; quum penitus inter se distinguendi sint primus, & secundus. Subsequitur in laudato Codice aliud PAULINI Poema absque titulo, quod vti summâ refertur eruditione & ego produxi. Posthæc S. Marini vita cum huiusmodi inscriptione exhibetur: *Incipit opus PAULINI Petrecordie de Vita S. Martini Episcopi versibus*. Vnde Bellarmini de Script. Eccl., Sirmondi ad Sidon. Apoll., Labbæi de Script. Eccl., aliorumq; sententia confirmatur, qui horum carminum auctorem faciunt PAULINUM *Petricorinum*, seu *Petricordium*, qui 30. aut 40. annis ab obitu PAULINI nostri florebat. Parum accurate scripsit Vghellus tom. 6. Ital. Sacr. illorum Scriptorem Poëmatum fuisse S. PAVLINUM iuniorem, Nolanum item Episcopum; hic enim circa A. Ch. saltem 520. Episcopatu illo est auctus, Petricordium verò, vt dixi, circa A. 460. scripsisse certissimum est. Ceterum satis mirari nequeo, cur hosce Natales partim neglexerint, partim summo studio veteres protexerint. Beda, Norkerus, Ado, Marcellus presbyter antiquissimus, atq; ipse Gregorius Turon. aliq; in Acta SS. die 14. Ianuar. relati, S. Felicis vitam, ac miracula illu-

strarunt; neminem tamen ex ijs plures quam decem hucusq; editos
 Natales vidisse apparet, quum ea tantum miracula exhibeant, quæ in
 eis laudantur, alia etiam relaturi, si in promptu reliquos tres habuisse-
 rent, aut quatuor. Vix vnus Dungalus inuentus, qui horum ali-
 quam mentionem iniiceret. Lubentius igitur ab eruditis laborem no-
 strum exceptum iri speramus, quum thesaurum tam diu nobis erep-
 tum, ac penè desperatum tandem subduxerimus voracitati tempo-
 rum. Hæc autem omnia notis eruditis, ac disceptationibus pro vi-
 ribus enucleanda censui, tum ne reliquis PAVLINI operibus, quæ
 eruditorum studio hucusq; ornata visuntur, in aliquo cederent, tum
 vt Poeseos merito aliquâ per me ratione satisfaceret. Vt enim ea
 omittam, quæ hinc aduersus Nouatores, Reliquiarum, Sanctorumque
 cultum improbant adferri possunt, certè nusquam maiorem quam
 in hisce tribus saltem Poematibus, inuenias eruditionem. Hic Ethni-
 corum superstitio, hic Sanctorum Monumenta explicantur, resque
 gestæ PAULINI velut in vnum compendium coactæ illustrem Scrip-
 toribus seriem eruditionis præbebunt. Quod ad annos spectat, qui-
 bus recitati fuerint huiusmodi Natales, sententiæ Chiffletij par. 2.
 c. 9. Paulini ill. propositæ acquiescendum puto, primum nempe ad
 A. Ch. 394. pertinere, quum nondum Nolam se contulisset PAVLI-
 NVS, alterum deinde in A. 395. cadere, quo Sanctus iam Nolæ
 redditus erat, tertium in A. 396. & sic de reliquis, etenim quotannis
 Natalem cecinit PAVLINVS. Id autem ex Natali XIII. potissimum
 probatur. Ibi præclarissima de Gothis relata victoria, cæsusq; Rha-
 dagaisus memoratur, quæ A. 405. *Stilicone II.*, & *Anthemio Coss.*
 contingere, vti Prosper in Chronico testatur; ac propterea sequentem
 Annum 406. respicit Natalis XIII. Si ergò reliquis elapsis annis Nata-
 lem suum affigas, primum comperies in Annum 394. incidere; simi-
 liter vndecimum Anno 404., duodecimum Anno 405. esse tribuen-
 dos. Vnum tantummodò Lectores monitos velim, nimirum consul-
 to hosce versus vnâ cum amanuensium erroribus à me fuisse descrip-
 tos; conqueri enim sæpè solent doctissimi viri fidem Manuscriptis
 non seruata, germanasque lectiones emendantium opinione, aut
 audaciâ plerumque vitari. Iccircò omnium ingenio quædam casti-
 ganda reliqui, nonnullis etiam inter notas manum apposui. His ani-
 maduersis in omnium commodum PAVLINI vitam summatim
 scriptam subijcio.

BREVIS S. PAVLINI VITA.

SANCTUS Pontius Meropius PAVLINVS in Aquitaniâ Burdigalæ, seu Hebromagi Ann. Ch. 353. in lucem prodijt. Præceptorem fortitus Ausonium celeberrimum Poetam, ab illo ad Senatoris, Consulisque munera in Vrbe perductus est. Baptizatus An. 389. Presbyter ordinatus An. 393. Clero Mediolanensi adscriptus fuit. Anno sequenti Nolam profectus, distracto in pauperes immani facultatum cumulo, Monasticam amplexus est vitam. An. 409. in eius Urbis Episcopum electus Anno demùm 431. è vitâ decessit. Sanctos Ambrosium, Augustinum, Hieronymum, & Sulpicium, aliosque sui æui præclarissimos viros intimè coluit, maximi à cunctis factus. Multis egregiè scriptis, nobilitati eloquentiam iunxit, vtramque verò mirabili sanctitate superauit.



CONSILIUM AVCTORIS.

Quam utilem operam nauarint ij, qui tempestate nostrâ in hoc insudarunt, ut ab iniuriâ temporum, hominumq; obliuione, veterum Patrum scripta vendicarent, nemo nunc ignorat, nemo etiam illos non laudat. Quâ in re Clarissimi potissimum viri Dacherius, Baluzius, Coeclerius, ac Mabillonius ita sibi Eruditorum Rempublicam deuinxere, ut futura, aeterna-que fama satis consuluisse videantur; Non enim minoris est laudis vetera restituere, quàm noua proferre. Et sanè, quum nostri aui Scriptoribus longè antiqui Patres, tum eruditione, tum sanctitate praeſtent, quantò lubentius istorum, quàm illorum lucubrationes sunt excipiendae? Antiquitatis verò reſtitutores non priorum modò Auctorum gloria militant, verùm etiam sua, quum secundi quodammodò parentes Operum reparatorum sint iure censendi. Hac igitur ea sunt, quae Clarissimo quoq; viro Laurentio Zaccagna Vaticana Bibliotheca Custodi nunc suadent, ut ad euulganda veterum monumenta animum appellat; quod ut ille quamprimum praestet, mecum vota omnium conspirare non desinunt. Quapropter & ego, ut publicum literarum commodum pro virili promouerem, mentem ad nonnulla conuerſi, quae aut ex opulento Ambrosiana Bibliotheca penu, aut ex Aduersarijs meis adscita, publicâ luce donanda sum arbitratus. Primam autem locum S. Paulini carminibus aperui; etenim quis melius quàm aliquis eximius Scriptor libri mei limen occupet, susceptique laboris primordia sacret? Reliqua subindè, si diuinus fauor scribenti annuat, expectent eruditi. Consilium verò hoc meum tibi Summo Numini, tuaeque purissima Matri, ut placeat, obnixè rogo, demissèq; precor. Tibi scribo, Ecclesiæque tuae utilitati studeo; neq; enim homini in terris peregrinanti alia mens esse debet, quàm ad te tendere, quàm tibi tuaque gloria inseruire, cui accepta omnia sunt referenda. Itaq; Poemata ista, quae te anspicante, non nugis, & mendacys, sed incontaminatis referta sensis, Paulinus felicissimè composuit, quae eruditis legenda nunc trado, sicuti deliciae, gaudiumq; mei cordis fuisse, ita sint faces, ductu quarum te vnicum nocte exquirens inuenire possim, & in te, qui omnia regis, qui solus es sapiens, Doctrinae veritas, summè bonus, & iuniorum bonum, & omnia in omnibus, Deus meus, requiescere. Sic animus, quem tu nunc mones, benignoque afflatu ad literarum studia concitatus, erroris immunis te dulcem sentiat sciendi Auctorem, sublatiq; demùm vinculis te liber in patriâ completatur.



IN-

INDEX

DISSERTATIONVM

Ad S. PAVLINI Poemata.

| | |
|--|----------|
| D Insert. I. <i>De Turcio Aproniano.</i> | pag. 141 |
| Diff. II. <i>De Asterio Turcy Aproniani filio.</i> | 143 |
| Diff. III. <i>De Auitâ, ac Eunomiâ.</i> | 144 |
| Diff. IV. <i>De Albinâ.</i> | 145 |
| Diff. V. <i>De Therasiâ.</i> | 148 |
| Diff. VI. <i>De Piniano.</i> | 149 |
| Diff. VII. <i>De Melaniâ.</i> | 152 |
| Diff. VIII. <i>De Emilio Benenentano Episcopo.</i> | 153 |
| Diff. IX. <i>De S. Paulini dignitatibus.</i> | 157 |
| Diff. X. <i>S. Paulinus Campaniæ Consularis.</i> | 160 |
| Diff. XI. <i>De reliquis S. Paulini rebus gestis.</i> | 162 |
| Diff. XII. <i>De tempore suscepti à Paulino Episcopatus.</i> | 164 |
| Diff. XIII. <i>De aedificijs Nola à Paulino conditis.</i> | 167 |
| Diff. XIV. <i>De S. Felice Nolano.</i> | 169 |
| Diff. XV. <i>De Anno, quo SS. Protasij ac Geruasij corpora per S. Ambrosium fuere inuenta.</i> | 171 |
| Diff. XVI. <i>De Templorum apud veteres Christianos ornatu, ac de dinrno in eis cercorum usu.</i> | 178 |
| Diff. XVII. <i>De veterum Christianorum sepulcris.</i> | 185 |
| Diff. XVIII. <i>De votis, votiuſque Christianorum oblationibus in Sancto- rum venerationem factis.</i> | 190 |
| Diff. XIX. <i>De Sanctorum Martyrum Natalibus.</i> | 195 |
| Diff. XX. <i>De S. Paulini sententiâ in Elementorum numero assignan- do.</i> | 204 |
| Diff. XXI. <i>De Cruce Nolanâ.</i> | 210 |
| Diff. XXII. <i>Spicilegium ex operibus S. Paulini deperditis.</i> | 212 |
| Appendix <i>De antiquo iure Metropolitæ Mediolanensis in Episcopum Ticinensem.</i> | 221 |

Εἰς τὰ τῷ Παυλίῳ Ἀνέκδοτα
παρὰ τοῦ Λοδοίκου Μυρατωρίου
σαφῶς ἐξηγηθέντα.

Τετράστιχον.

Παυλίῳ κάλλιπα χρόνος ποιήματα κρύψε.
Εἰς ὧς ταῦτ' ἀνάγεις νῦν Λοδοίκα κλύον,
Οὐπὲτι τοῖς δοκίμοις χάρις οἴχεται. πότνια μῦσα
Μὴν ποιῶντι φανὴν βέγγος ἔνικα μέγα.

IN ANECDOTA S. PAVLINI POEMATA
A LVDOVICO MVRATORIO
B. A. D.
nunc primum vulgata.

T E T R A S T I C H O N
è Græco conuersum.

*Carmina PAVLINI, quæ nosse obduxerat ætas.
Edis in illustrem nunc Ludouice diem.
Iusta quidem merito respondet gratia; magnum
Attulit ornanti carmina musa decus.*

Michaelis Maddij.



DOCTORIS LVDOVICI ANTONII MVRATORII
LINEAMENTA.
GENETHLIACI COLORES.

LVDOVICVS ANTONIVS MVRATORIVS.

Pictura textilis.

VIR NAVVS, VIR DOCTVS, VTI SALOMON.

Textum in Pergulâ.

*Qui cupis Auctorem Libri cognoscere, specta:
Est VIR NAVVS, VIR DOCTVS, VTI SALOMON.*

Ità natiuis coloribus texebat
Petrus Hercules de Bellois
I. V. D. Bononiensis.

SAN-



SANCTI PAVLINI EPISCOPI NOLANI NATALIS VNDECIMVS.



*I*dera si cælo possunt, si gramina terris
Defore, mella fauis, aqua fontibus, vberibus lac,
Sic poterunt linguis laudes cessare piorum,
In quibus & vita, & virtus, & gloria mortis

5 Ipse

NOTÆ.

V. 1.



*I*dera si Cælo. Priora hæc carmina retulit etiam
Dungalus Diaconus, qui seculo Christi nono Li-
brum de cultu Imaginum ad versus Claudium Tau-
rinensem scripsit, eumque Ludouico, & Lothario
Augustis nuncupauit. Hæc eiusdem præclarissima
verba omnino sunt oculis omnium subiicienda :
Paulinus, ait, *Episcopus vir eruditissimus, & San-
ctissimus, sicut & multi de eo testati sunt, nobilem librum XV carmini-
bus distinctum in honore, & laude S. Felicis Martyris edidit, in quo quan-
ta miracula, & virtutes per ipsius merita, & intercessionem Diuinâ lar-
gente clementiâ ad suum fieri cotidè tumultum, & maximè die Natali
eius anniuersario disseruit, non faciliè à quoquam excerpi, aut de florari
potest, quia cuncta flores, aromata, rosa, lilia suauolentia, ac melli-
flua sunt.* Animaduerti tamen supra in Prolegom. deceptum Dunga-
lum, qui XV. à Paulino elucubratos Natales asseruit, quum reuera XIV.
tantum cecinerit; ipse enim Dungalus vnum ex eis in duos inconfide-
ratè diuisit.

V. 4. *In quibus & vita.* In fragmentis ex hoc Natali relat's Dunga-
lus legit: *In quibus & vita virtus, & gloria mortis.* Neque displicet
huiusmodi lectio.

A

V. 11.

- 9 Ipse Deus, pro quo vitam voluerè pacisci;
 Et moriendo piam sancire fidem populorum,
 Mercariq; sacrum pretioso sanguine Regnum;
 Sanguine, quo totum spargentes Martyres orbem
 Gentibus innumeris semen cæleste fuere.
- 10 Horum pro numero Procerum Confessor in istâ
 Vrbe datus Felix longè latèq; per orbem
 Nominis emicuit titulo. Sed Nola sepulti
 Facta Domus tamquam proprio sibi fidere plaudit;
 Oninis enim, quacumq; iacet mandatus in orâ,
 15 Martyr, stella locis simul, & medicina, colentum est.
 Namq; tenebrosum veteri caligine Mundum,
 Languentesq; animas miseratus in orbe Creator
 Sic sacra disposuit terris monumenta piorum,
 Sparxit vt astrorum nocturno lumina Cælo.
- 20 Et licet vna fides, par gratia, & æmula virtus
 Martyribus cunctis maneat, tamen omnibus iisdem
 Dissimiles operum formas extare videmus,
 Atq; alibi tacitis meritum sublime sepulchris
 Excolimus memores; alibi clamantia signa
- 25 Conspicuas miramur opes. Vbi credo mali plus
 Durior impietas retinet, maiorem ibi morbus
 Poscit opem grauior, vel adhuc vbi cæcior altam
 Perfidix noctem trahit error, & ægra laborat
 In populo titubante fides, ibi lumina prorsus
- 30 Accendi maiora decet, mundi; tenebras
 Inlustrante Deo perimi, mentesq; retusis
 Adtonitis oculis, trepidasq; intendere ad ipsos
 Diuini veri radios, caligine tetra
 Soluere, collyrioq; medentes inungere Christi.
- 35 Quod per Apostolicas curandis sensibus artes

Cota

V. 11. *Longè, latèque per orbem.* Tanta fuit per orbem S. Felicis fama,
 vt ex quavis terrarum parte Nolani populi venerabundi confluerent.
 Miracula immania Sanctum quotidie commendabant, ipsaque Roma,
 tot licet Sanctorum cætu sublimis, tota penè suis è sedibus soluebatur,
 vt gloriosi Confessoris sepulchrum inuiferet. Hoc sæpè repetit Paulinus,
 ac potissimum Natali II. S. Damasus Papa Sancto huic se quondam voto
 obstrinxerat, cuius rei testem Epigramma reliquit nostra quoque ad tem-
 pora

- Cote piâ teritur, quia lene iugum, & leue Christi
 Est onus ad Christum puro iam lumine versis,
 Atq; Euangelico suffusus pectora succo,
 Quo benè purgantur nebulæ, quibus interiorẽ
 40 Obducunt aciem mundi fallentis amores,
 Qui magnum per inane vagos sine remige sensus
 Circumagunt, hebetantq; graui caligine captos
 Mollibus inlecebris, vt frangant robora vitæ,
 Sectenturq; cauas per gaudia lubrica pompas.
 45 Hos igitur nobis cupiens auertere morbos
 Omnimedens Dominus Sanctos mortalibus ægris
 Per varias gentes medicos pietate salubri
 Edidit, vtq; suam Diuina potentia curam
 Clarius exereret, potioribus intulit illos.
 50 Urbibus, & quosdam licet oppida parua retentent,
 Martyres, ad proceres Deus ipsos mænibus amplis
 Intulit, & paucas sanctos diuisit in oras,
 Quos tamen antè obitum toto dedit Orbe Magistros.
 Inde Petrum, & Paulum, Romam fixit in Vrbe,

55 Prin-

pora reservatum. Videnda super his Acta SS. tom. 1. die 14. Ianuar.

V. 36. *Quia lene iugum.* Sunt ipsiusmet Saluatoris verba apud S. Mat-
 thæum cap. 11. homines ad se dulciter trahentis. *Iugum enim meum,*
 inquit, *suauis est, & onus meum leue.*

V. 44. *Sectenturque cauas.* Id est inanes. Virgil. 6. *Æneid.*

Et ni docta comes tenues sine corpore vitas
Admoneat volitare cauâ sub imagine formæ,
Irruat, & frustra ferro diuerberes umbras.

Et alibi.

Nox atra cauâ circumuolat umbrâ.

V. 45. *Hos igitur nobis.* Theophridus Abbas in Serm. 1. de SS. Reliqui-
 as, ac singulis Prouinciarum, & Ciuitatum populis dedit in solatium,
 vt dum importunis urgentur incursibus hostium visibilibus, & inuisibi-
 lium, per harum defenserent meritum. Intra: Sic & Deus noster vi-
 dens hostium multitudinem per totum volitare aërem, & pugnam aduer-
 sus adoptionis suæ filios struere multiplicem, humane miseriæ misericordi-
 ter consulit, & multiplicatis super arenam patrocinijs Ciuitatem suam,
 id est Ecclesiam custodit, & protegit.

V. 51. *Ad proceres.* Scriberem At proceres.

V. 54. *Inde Petrum, & Paulum.* S. Leo in Serm. de Nat. Apost. Petri,
 & Pauli. appositè ad hanc rem: *Beatissimus Petrus Princeps Apostolo-*

- 4
 55 Principibus quoniam medicis caput Orbis egebat
 Multis infanum vitijs, cæcumq; tenebris.
 Sed potiore Deo nostram reparare salutem,
 Quam Satanâ captos etiam nunc fraude tenere;
 Rarefunt tenebræ mundi, & iam penè per omnes
 60 Præualuit pietas, & mortem vita subegit.
 Crebrescente Fide viclus dilabitur error,
 Et propè iam nullis sceleri, mortiq; relictis;
 Tota pio Christi censeatur nomine Roma
 Inridens figmenta Numæ, vel fata Sibyllæ.
 65 Cumq; sac. & pia turba ferat Pastoribus Amen,

Per

rum ad arcem Romani destinatur Imperij, ut lux veritatis, quæ in omnium gentium reuelabatur salutem, efficacius se ab ipso capite per totum mundi corpus effunderet. Vide reliqua.

V. 63. *Tota pio Christi.* Haud ita strictè sumenda Paulini verba, Vt Romæ tum nullo superfluisse Paganos credamus; siquidem non vno cecidit ictu Superstitionis imperium, sed temporis beneficio id obtentum, quod statim à Constantino sacra Fidei documenta, Principumque exempla, euincere haudquaquam potuerant. Certè ex Paganorum gregibus Consules, Senatores, alijque Magistratus assumpti penè ad hæc vsque tempora, hoc est ad Annum Ch. 404. Quin & ipse Paulinus nondum profanâ Religione expeditus Consul processerat. Emisit verò per hæc eadem tempora plures à pijsimis Imperatoribus Leges, quæ Ethnicismus confodiebatur, satis innunt non dum illi, ut Taciti verbis utar, magnam diem impositum fuisse. Videndus hac de re Codex Theod. tit. de Paganis &c. Quin imò & Anno 410., sex videlicet ab hinc Annis, Roma Barbarorum irruptione sub Alarico euerfa S. Augustino scribendi præclarissimos de Civ. Dei libros causam præbuit, ut à Paganorum contumelijs Christi Fidem tueretur. Inquit autem Magnus Doctor lib. 1. cap. 1. *Annon etiam illi Romani Christi nomini infensi sunt, quibus propter Christum Barbari pepercerunt? Testantur hoc Martyrum loca, & Basilicæ Apostolorum, quæ in ipsâ vastatione Urbis ad se confugientes suos, alienosque (videlicet Paganos Romæ degentes) receperunt.*

V. 65. *Cumque sacris pia.* moris in Ecclesiâ primitiâ inualuit, ut post sacras Antistitis preces populus concordi voce responderet Amen. Egregius in hanc rem est S. Iustini Martyris locus in Apol. pro Christianis secundâ, quæ reuera prior dicenda est: ὁ συντάλεισας αὐτος, inquit is, τὰς εὐχὰς, καὶ τὰν εὐχαρίστην, πᾶς ὁ παρὼν λαὸς (πεντηκὼν λέγων ἅμιν. Vbi ille, (idest Episcopus) preces, & Eucharistiam absoluit, totus qui adest populus sanctâ approbatione acclamat dicens Amen. Quod etiam antiquissimus Doctor intra repetit. Tertullianus lib. de Spectac.

- Per nūmerosa Dei regnantis Oculia lætum
 Laudibus æterni Domini ferit æthera clamor
 Sanctus, & incusso Capitolia culmine nutant,
 In vacuis simulachra tremunt squallentia Templis,
 70 Vocibus ista pijs, impulsaq; nomine Christi,
 Diffugiunt trepidi desertas Dæmones ædes,
 Liuidus incassum Serpens fremit ore cruento
 Lugens humanam ieiunâ fauce salutem,
 Seq; simul pecudum quem sanguine defraudatum
 75 Prædo gemens frustra siccas circumuolat aras.
 Sic Deus & reliquis tribuens pia munera terris,
 Sparsit vbique loci magoas sua membra per vrbes.
 Sic dedit Andream Patris, Ephesq; Iohannem,

Vt

Etac. cap. XXV. ad Christianum ait: *Eo ore, quo Amen in Sanctum pro-*
culeris, gladiatori testimonium vis reddere? Ipse Paulinus in precatone
 Matut. de Deo loquens:

— *Quem celebrant modulato carmine plebes,
 Et responsuris ferit æra vocibus Amen.*

Consule præter hæc Bonam Rer. Liturg. lib. 2. cap. 5.

V. 68. *Capitolia culmine*. Legendum profectò *fulmine*, hoc est piarum
 vocum fragore.

V. 69. *In vacuis simulachra*. Eadem fermè verba exhibet S. Hier. in
 Præf. ad 2. Lib. Comment. in Ep. ad Galat. *Romana*, inquit, *plebis lau-*
datur fides. Vbi alibi tanto studio, & frequentia ad Ecclesias, & ad Mar-
tyrum sepulchra concurritur? Vbi sic ad similitudinem caelestis tonitru
Amen reboat, & vacua Idolorum templa quatuntur?

V. 74. *Quem sanguine*. Superfluit in sensu particula *quem*. Ego lege-
 rem: Iam sanguine defraudatum.

V. 78. *Sic dedit Andream*. Patræ Vrbs Achaïæ. Ibi consummasse
 Martyrium Andreas dicitur etiam in eius Actis apud Sur. tom. 6. Hiero-
 nymus in Ep. 148. ad Marcellam: *In omnibus locis versabatur* (Iesus)
cum Thomâ in Indiâ, cum Petro Romæ, cum Paulo in Illyrico, cum Tito
in Cretâ, cum Andreadâ in Achaïâ. Vide Bar. in Martyr. Rom., & Flo-
 rentin. in Martyr. Hieron.

V. 78. *Ephesoque Iohannem*. Ephesi occubuisse Iohannem mille monu-
 menta testantur. Euseb. Cæs. Lib. 3. cap. 35. Hist. Eccl. Polycratis Ephe-
 sini Episcopi Epistolam refert, in quâ idem asseritur. Vide Baron. in
 Martyr. ad diem 27. Decembr. Hinc celebris Ephesina Ecclesia, & inter
 Apollolicas releta Primatem, seu Exarchum nulli subditum Patriarchæ
 quondam iactauit. Tertull. cap. 36. Præscript. *Proximè, inquit, est tibi*
Achaia? habes Corynthus. Si non longè es à Macedoniâ, habes Philip-
pos,

- Vt simul Europam, atq; Asiam curaret in illis;
 8a Discuteretq; graues per lumina tanta tenebras.
 Parthia Matthæum complectitur, India Thomam,

Leb-

pos, habes Thessalonicenses. Si potes in Asiam tendere, habes Ephesum.
 Venantium Fortunatum his iuvat addere canentem lib. 8. carm. 4.

Nobilis Andream mittit Achaia suum.

Præcipuum meritis Ephesus veneranda Iohannem

Dirigit—

V. 81. *Parthia Matthæum.* M. Antonius Columna in libello de Vita, & gestis S. Matthæi: Illud, ait, certè inter Historicos conuenit in Regiâ *Æthiopiæ* Ciuitate B. Apostolum Martyrio coronatum, ibique diu sacrum mansisse corpus. Pro Martyrii loco adsentiri aliquantulum possem, siquidem Metaphrastes eidem adstipulatur, vnâque cum eo Venantius Fortun.

lib. 5. carm. 1. vbi ait.

Matthæus Æthiopes attemperat ore vapores,

Vinaque in exusto flumina fudit agro.

Verùm de Sepultura loco Columna decipitur. Quî enim Paulinus noster Parthiam Matthæi sepulchrum complecti dixisset, si in *Æthiopiâ* illud conditum fuisset? Parthi, *Æthiopes*que nimium diuersi, vt eorum nomina confundantur. Sed audiamus iterum Venantium lib. 8. carm. 4.

Inde triumphante fert India Bartholomæum,

Matthæum eximium Naddauer alta virum.

Idem etiam innuit carm. sequ.

Quos Patra, quos Ephesus, Naddauer arce tenet.

Vt igitur concilietur viri tanti, Urbem Naddauerem in Parthiâ positam arbitrarer, quò S. Matthæi ossa post mortem fuerint translata. Cur enim hic audiatur Abdias omnium iudicio scriptor apocryphus, qui hanc Urbem *Æthiopicâ* in regione statuit? Si huiusmodi auctoritatibus agendum, Dorotheum & ego reponerem pseudographum & ipsum Auctorem, qui in libello de XII. Apostolis Matthæum asserit *Hierapoli Parthiæ* definitum, seu *Hierapoli Syriæ*, vt prodit in fragmento quodam Gulielmus Cave lib. de Script. Eccl. Sed aperte Paulino meo subscribunt Anonymus apud Oecumenium dicens: *Matthæus Euangelista Euangelium Hebræicâ lingua conscriptum tradidit. Obdormiuit autem in Hierâ Ciuitate Parthiæ, & ibi sepelitur.* Hippolytus in Indiculo XII. Apoll. scribit: *Matthæus obdormiuit Hiereæ Parthorum Ciuitate.* Freculphus tom. 2. lib. 2. cap. 46. Matthæi sepulchrum ita signat: *Primum euangelizauit in Iudæâ, postmodum in Macedoniâ predicauit, requiescit in Montibus Parthorum.* C. V. Bollandus ad diem 24. Febr. ex Codice à mille annis exarato notitiam refert de locis SS. Apostol. ibiq; dicitur: *Natalis S. Matthæi Apostoli, qui passus est in Persida.* Martyr. Hieronym. a Florentinio editum hæc habet: *In Persida Natalis S. Matthæi Apostoli, & Euangelistæ.*

Lebbæum Lybies, Phryges accepere Philippum;
Creta Titum sumpfit, medicum Boethia Lucam,
Marcus Alexandria tibi datus, vt boue pulso

85 Cum

liffæ. Alius item Indiculus vetustissimus apud Florent. pag. 159. in *Persida* passum testatur Matthæum. Parthia certe Persidi adiacebat, imò, vt Plin. lib. 6. cap. 25. ait: *Persis in Parthorum iampridem translata est nomen.* Et Persiden. Parthia complectebatur, vt etiam erudit. & C. V. Baudrandus amicus meus in Lexico Geograph. monuit. Vnde opinioni meæ aliud suffragium accedit, dum in Parthiâ sepultum Matthæum vnâ cum Paulino affirmo. Patet etiam in Parthis prædicasse S. Apostolum, vt par sit credere relictos ibi discipulos eidem è vitiis sublato, eiusque ossibus in Urbem Naddauerem reportatis parentare potuisse.

V. 81. *India Thomam.* Obiisse hunc Apostolum ibidem præter alios Auctores testatur S. Hieron. de script. Eccles., qui & Urbem Calaminam locum Martyrij assignat. Eius corpus Edessam deinde translatum, vti videre est apud Baron. in Martyr. ad diem 3. Iulij. Laudata à Bollando notitia hoc etiam asserit: *Natalis S. Thomæ Apostoli in Indiâ, & translatio corporis eius in Edessâ.*

V. 82. *Lebbaum Lybies.* Lebbaeus idem est ac Thaddæus, qui alio etiam nomine Iudas nuncupatur. S. Hieron. in Cap. X. Matth. *Thaddæum Apostolum Ecclesiastica tradit Historia missum Edessan ad Abagarum Regem Chosidenæ* (Osrhoenæ legendum potius) *qui ab Euangelistâ Lucâ Iudas Iacobi dicitur, & alibi appellatur Lebbaeus, quod interpretatur corculum, credendumque est eum fuisse trinomium.* At à Paulino dissident reliqui Scriptores in constituendo loco, vbi sacrum illius corpus seruetur. Venant. Fortun. carm. 4. lib. 8.

Hinc Simonem, & Iudam lumen Persida gemellum

Lata relaxato mittit ad astra sinu.

Dorotheus Tyrius in lib. de XII. Apost. Iudas Iacobi, qui & Thaddæus; & est Lebbaeus Edessenis, & vniuersa Mesopotamiæ Euangelium Domini prædicauit. Sub Angaro Edessenorum Rege in Beryto Occisus, & cum honore sepultus. Florentin. in not. ad Martyr. Hieron. quædam producit Martyrologia antiquissima, quibus in Perside, aut in Suanis Ciuitate Persarum Occisus Thaddæus dicitur. Ego censerem hos de mortis loco intelligendos, Paulinum verò de sepulchri loco.

V. 82. *Phryges accepere.* Hierapoli in Vrbe Phrygiæ sepultum Philippum discimus etiam à Venantio Fortun.

Lata suis votis Hierapolis alma Philippum

Producens —

Cui adde Hieron. de Script. Eccles. *Philippus Apostolus in Phrygiâ prædicat Euangelium Domini Iesu. Sepelitur Hierapoli cum filibus honorifice.* Vide Baron. in Martyr. ad diem 1. Maij.

V. 83.

8. S. PAVLINI.
85 Cum Ioue, nec pecudes Ægyptus in Apide demens;

In

V. 83. *Creta Titum sumpsit.* Episcopum Cretæ fuisse Titum, ibique etiam sepulturam nactum docet Hieronymus, ceterique Scriptores, ac Menologia, ut eandem recoquere crambem nihil sit opus.

V. 83. *Medicum Boethia Lucam.* Hactenus depravatam lectionem è Dungalo hauseramus, quum ità in eius Codicibus, ac præsertim in antiquissimo Bibliothecæ nostræ legatur:

Creta Titum sibi sumpsit. & Antiochia, & Ostia Lucam.

Rosuevidus in notis ad hunc locum ità ait: *Mirum à Paulino asseri Lucæ reliquias servari Antiochiæ, & Ostiæ, quum Martyrologium Romanum IX. Maij dicat eius reliquias translatas ex Achaiâ Constantinopolim. Nisi tantum velit Antiochiam, & Ostiam Lucam Evangelij profeminatorem habuisse egregium, fors & reliquias aliquas eius aliundè expecterint.* Verum vultus huius sanitatem Codici nostro debemus. Reuera in Boethiâ, seu Achaiâ sepultus est Lucas. Gaudens Brix. in serm. habito in Dedic. Eccles. Iohannem in Sebaste Provinciæ Palestina, Thomam apud Indos, Andream, & Lucam apud Patras Achaiæ Civitatem tumulatos refert. Lucæ dein reliquias vñ cum Andream Apostoli Ossibus Constantinopolim de Achaiâ translatas meminit Hier. de script. Eccles. Quibus alia documenta addi possunt. Hinc pseudo Dorotheum arguas, dum Ephesi mortuum, ac sepulchrum Lucam somniat. Ceterum Medici titulus Lucæ à Paulino alibi aptatur, nempe Natal. 9.

Hic Medicus Lucas prius arte, deinde loquelâ

Bis Medicus Lucas —

V. 84. *Marcus Alexandria.* Alexandrinam Ecclesiam Marcus à S. Petro illic missus fundavit, eamque suo etiam sanguine, tumuloque beavit. Id à Hieronymo docemur, omnibusque Martyrologijs.

V. 84. *Ut boue pulso.* Apud Ægyptios celebris quondam fuit cultus Apidis, quem bouis specie figurabant. Huic quotannis longa caremoniarum series impendebatur. Solin. cap. 32. *Inter omnia, quæ Ægyptus habet digna memoratu, præcipuè bouem mirantur. Apim vocant. Hunc ad insar colunt numinis, insignem notæ alba maculâ, quæ dextero eius lateri ingenuita corniculantis Lunæ refert faciem &c.* Historiam de hisce Ægypti superstitionibus texere possem; præstat tamen Lectorem ad eas dimittere, quæ congesse sunt Vossius in Libris de Theolog. Gentil., Salmast. in Exercit. Phil. ad Solini locum supra relatam, Diodor. Sic. lib. 1., Clem. de Præp. Evang. cap. 11., Herodot. &c. Ego quoque ad quartum Paulini Poema plura notabo.

V. 85. *Cum Ioue.* Illaro per Titum in Cretensem urbem Evangelio, inde pulsus est Iupiter. Quod si ad Ægyptios huius mentionem referas, ille est Iupiter Ammon, quem summa illi veneratione prosequuntur. Plutarch. de Isid. & Osir. Ammonem ait esse *Ἰθὺν κατ' Ἀγυπτίους ὀνομαζομένην Δίον*, proprium nempe apud Ægyptios Iovis nomen. Herodot. ita Euterp.

In Ioue nec ciuem coleret malè Creta sepultum;
 Nec Phryges exsectis agerent Cybeleia Galli
 Impuram fædo solantes vulnere Matrem;
 Et tandem castis fronderet montibus Ida

90. Inta-

Euterp. Αἰμῦν γὰρ Ἀργίπιοι καλῶσι τὸν Δία. *Ammonem enim Ægyptij appellant Iouem.*

V. 86. *In Ioue nec coleret.* Iouem Cretæ Regem fuisse, ibique sepultum datum, atque ad diuinitatis fastigium ab infelici Ethnicorum errore perductum ipsi fatentur Gentiles, inter quos Lucianus in lib. de Sacrific. ita ait: οἱ δ' αὖ Κρήτες ἢ γίνεσθαι παρ' αὐτοῖς, ἢ δὲ τραπῆναι μὲν τὸν Δία λέγουσι, ἀλλὰ καὶ τὰς αὐτῷ δεικνύουσι. Rursum autem Cretenses Iouem affirmant non modò vixisse apud sese, nutritumque fuisse, verum etiam sepulcrum illius ostendunt. Idem asseruit Callimachus in Hymno ad Iouem dnobis his versibus:

Κρήτες αἰεὶ ψεύσας, καὶ γὰρ τὰς αὐτῷ ὥσ' ἄνα σῆς
 Κρήτι ἐπικτήναντο, σὺ δ' ἔ' εἰς θάνατον ἰοῖ γὰρ αἰὶ.
*Mendaces semper Cretenses, namque sepulcrum
 Construxere tuum, o Rex; non es morte peremptus
 Ipse, sed es semper—*

Vide Clement. Alex. in Orat. Hortatoriâ ad Græcos, Demetrium Scepsum apud Scholiast. Apollon. lib. 3. & reliquos Mythologos.

V. 87. *Nec Phryges exsectis.* Cybeleia Cybeles, seu Berecynthia magnæ Deorum matris dies Festi erant. Huius Deæ Sacerdotes Galli nuncupati virilibus carere in Atidis memoriam cogeantur. Paulinus noster in Poem. 4. ita ait:

Hic habet & matrem captam pastoris amore,
 Sed melior Pastor, castum seruare pudorem
 Qui voluit, spreuitque Deam, cui saua viriles
 Abscidit partes &c.

Nunc quoque seminiri mysteria turpia plangunt &c.

De Gallis etiam meminit Lucanus lib. 1.

—crinemque rotantes.

Sanguineum populis cecinerunt tristitia Galli.

Herodian. lib. 1. Inde Phryges olim Orgia colebant ad ipsum fluminem Gallum, à quo etiam Sacerdotes Cybeles cognominantur. Vide Panuin. lib. 2. Descript. Ciu. Rom. & ea, quæ ad quartum Poema retuli. Plura etiam de Gallis, & Archigallis dixi ad Inscriptionem quandam Iuliani 1. C., quam in marmorum collectione nouâ propediem sum editurus.

V. 89. *Et tandem castis.* Cybele potissimum in Idâ monte colebatur apud Phryges, quia ibi nefandos Atidis amores exercuerat. Hinc Virgil. lib. 10. *Æneid.*

Alma parens Idæa Deum—

A Cybello etiam Phrygiæ monte putatur Cybele nomen traxisse.

B

V. 90.

- 90 Intactas referens securo vertice pinus;
 Vana nec ulterius multos iam Græcia Delphos
 Consularet, spernensq; suum calcaret Olympum
 Altius in Sion gradiens, vbi collis alumni
 Lene iugum cello fastigat vertice Christus:
 95 Fugit & ex Epheso trudente Diana Iohanne

Ger-

V. 90. *Intactas referens*. Pinus in tutelâ Matris Deum est, inquit Sernius ad lib. 9. Virgil. vbi hæc leguntur Cybeles Iouem alloquentis verba &

Pinea sylva mihi varios dilecta per annos

Lucus in arce fuit summâ —

Arnobius etiam lib. 5. contra Gent. *Quid sibi vult illa pinus, quam semper statis diebus in Deum Matris intermittitis Sacrario?* Et eod. Lib. ad finem: *Pinus illa solemniter, quæ in Matris infertur Sacrum Dea, nonne illius imago est arboris, sub quâ sibi Atys virum demessis genitalibus abstulit?* Et quam memorant Diuam in solatium sui consecrauisse maroris? Multa super his videas apud V. C., mihiq; supra omnes charissimum Benedictum Bacchinum in singulari disert. de Sistris.

V. 91. *Vana nec ulterius*. Vnos adhuc nouimus Delphos Apollinis oraculo celebres. Quid est igitur, quod multi hic memorantur? Poeticè loquutus hoc in loco mihi videtur Paulinus, vt pro Delphis oracula, aut templa Phæbo præcipuè dicata intelligat. Est hoc Poetarum. Scimus etiam Apollini Pythio plura delubra fuisse sacrata, Delphosque antiquitus Pythum appellatos. Pausan. in Phocicis. *Κρήνη δὲ, αἶτ, ὕδατον, καὶ Πυθὼ τὴν πόλιν, ἣ Δίῳ μῖνον ἐκάλεσαν αἱ περίουκτοντες*. Sequenti verò tempore urbem Delphos non solum, sed etiam Pytho incolæ nuncuparunt. Quare pro Delphis multa Apollinis Pythij templa hic intelligenda non ineptè venirent. Dæmonem Delphicum obmutuisse nato Christo serunt Orosius lib. 1. Cedrenus, & Niceph. Callist. lib. 1. cap. 17. De silentij causâ rogatum respondisse aiunt:

Me puer Hebreus Diuos Deus ipse gubernans

Cedere sede iubet, tristemque redire sub Orcum &c.

Hinc arbitraretur in textu latere mendum, ac propterea pro multis reponerem mutos.

V. 94. *Fastigat*. hoc est: acuit. Silius lib. 5.

— *mediamque per aluum*

Sensim fastigans compressa cacumina nescit.

Et apud Cæsarem in Comment. *fastigatus leuiter collis legitur.*

V. 95. *Fugit & ex Epheso*. Plin. lib. 36. cap. 14. *Magnificentia vera admiratio extat templum Dianæ Ephesiæ*. Censebatur autem hoc templum inter septem mundi miracula. Paulus Apostolus, vt habetur in Actis Apost. cap. 19., delatus Ephesum hæc ait: *Magnæ Dianæ templum in nihilum reputabitur, & destrui incipiet maiestas eius, quem tota Asia,*

& Or-

Germanum comitata suum, quem nomine Christi
Imperitans Paulus pulso Pythone fugauit.
Fugit & Ægypto Satanas sub mille figuris.
Nomina mille sibi varijs adcommoda monstris
100 Sumpserat, vt Serapis Sanctum formaret Ioseph,

Nomi-

Orbis colit. Illuc demum S. Iohannes venit, ac Dianæ silentium im-
posuit. Prochorus licet Apocryphus scriptor in Iohannis Historia id
multis prodit cap. 4. & 5.

V. 97. Pulso Pythone. Cap. 16. Act. Ap. hæc habentur: *Factum est autem euntibus nobis ad orationem puellam quandam habentem spiritum Pythone obuiare sibi, qua quæsum magnum præbebat Dominis suis diuinando &c. Dolens autem Paulus, & conuersus spiritui dixit: Præcipio tibi in nomine Iesu Christi exire ab eâ, & exiit eadem hora.* Apollo Pythius oraculis clarus habebatur; quicumque igitur spiritu malo obidebantur, ac in diuinationem erumpebant, Pythium in se habere dicebantur. Hoc autem a muliere illâ expulso Paulinus Apollinem fugatum rectè memorat. Pythij verò cognomen a Pythone interfecto, vel a *πύθωνος* hoc est à consulendo Phæbustraxit.

V. 98. Fugit & Ægypto. Ægyptiorum Deorum numerus erat infinitus. Longam horum seriem texit Diodor. Sic. lib. 1. Biblioth. Iuuenalis Sat. 5.

*Quis nescit, Volusi Bisbrynice, qualia demens
Ægyptus portenta colat? Crocodilon adorat
Pars hæc, illa panes saturum serpentibus Ibim,
Effigies sacri nitet aurea Circopitheci &c.*

Tertull. cap. 34. Apolog. *Ægyptijs permissa est tam vana superstitionis potestas, auib, & bestijs consecrandis, & capite damnandis, qui aliquem huiusmodi Deum occiderit.* Videndi Lucian. de imag., Clemens Alexandr. lib. 3. Pædag. cap. 2., Minutius Fel. in Dialog., & imprimis Constantinus Manasses in Annal., vbi ab Ægyptijs coli asserunt

*ἑλλένες, καὶ πιδόνες,
Ἰβες, καὶ τράγες, βοῦντες, κυνές, καὶ προκοδίσκας,
καὶ τ' ἄλλα προσοχδίσματα τῆς σφῶν ἀρενοβλαβείας.*

*— felles, & simias,
Ibes, & hircos, & boues, canes, & Crocodilos,
Et alias abominations ab errore mentis profectas.*

Hinc S. Hieron. lib. 4. Comment. in Esaiam. cap. 11. aiebat *Gentem Ægyptiorum intantum Idololatriæ, & vanissimæ superstitioni deditam, vt accipitres, noctuas, canes, & bircoas, & asiuos Diuino nomine consecrarent &c.*

V. 100. Vt Serapis. Iosephum Patriarcham in Ægypto celebrem vana incolarum superstitio in Serapidem conuerterat, Iulius Firmicus de er-

- Nomine ferali abscindens venerabile nomen;
 Cum tamen ipsa Fidem simulacri forma doceret;
 Quâ modius capiti super est, quia frugibus olim
 Ante famem, Domino sic inspirante, coactis
 105 Innumeras gentes Ægypti ex vberibus pavit,
 Et steriles annos annis saturauit opimis.
 Sed ne vitra Sanctus coleretur honore profano;
 Mens arcana Dei deuotæ pectora plebis
 Immissis acuit stimulis, cultumq; nefandi
 110 Dæmonis auerso fractoque; Serapide clausit.

Non

ror. profan. Relig. cap. 14. id pluribus asserit; nomenque Serapidi inditum prodit. Nam quia Saræ pronepos fuerat, ex qua nonagenaria Abraham indulgentiâ Dei suscepit filium, Serapis dictus est Græco Ser-mone, hoc est Σαπῆς ἀπὸ. Sed hoc inuito Ioseph accidit, imò mortuo. &c. Hic in Ægypto colitur, hic adoratur, huius simulacrum Neocororum turba custodit, & ad memoriam vetustatis errans populus ordinem Sacro-rum in honorem integerrimi, ac prudentissimi hominis constitutum conten-tiosâ hodie animositate custodit. Post Firmicum Rufinus Paulino coæuus id quoque testatus est lib. 2. Hist. cap. 23. de Serapidis simulacro loquens: Quidam in honorem nostri Ioseph formatum perhibent simulacrum ob diu-sionem frumenti, quâ famis tempore subuenit Ægyptiis. Vide Baronium ad Ann. 389. De hac re præclaram dissertationem non ita pridem emissam Romæ à viro eruditissimo Patre Bonjour per literas monuit V. C. Ant. Magliabechius, eiq; Paulinum quoque nostrum fauere gratulamur.

V. 103. Quâ modius capiti. Serapidis statua modio capiti super im-po-sito effingebatur. Hanc effigiem reperire est apud Cartarium de Imag. Deor., & apud Fulu. Vrsin. in Scipionis numismate. Rufinus supra lau-datus ibidem ait: Post hoc reuulsum cernicibus, & depresso modio trahitur caput. Et infra: Alij Ionem putant, cuius capiti modius superimpositus. Suidas quoque verbo Σαράπιδος. inquit: οὐδὲ τὴν Νίλον ἱεράται εἶναι, διὰ τὸ ἔχειν μέδον ἐν τῇ κεφαλῇ. Alij verò Nilum esse dicebant, eo quod mo-dium in capite gestaret. Macrobius cap. 20. lib. 1. Saturn. huius falli nu-minis meminit, sed pro modio calathum eius capiti parum benè affingit. Ad Theodosij vsq; tempora stetit Ægyptij Serapidis templum. Dirutum deinde iacuit, vt Rufinus, Socrates, ceteriq; narrant Historici. Casalius de profan. rit. cap. 13. Serapidis effigiem exhibet, sed quum eius capiti modius desit, incertum mihi videtur, an illius Numinis sit simulacrum, certè plures Serapidis figuras profert Clar. Patinus in Imp. Numism. pag. 153. in Tito, & in Hadriano, ac omnes cum Modio intueri licet. Id etiam tetigit Plutarch. in libell. de Isid. & Osir.

V. 110. Fractoque; Serapide. Id innuit, quod æuo suo peractum fuerat; Sera-

Non Pelusiæcæ vaga saltibus Isis Osirim
Quærit haruspicibus caluis, qui pectore tunsio

Deploꝛ

Serapidis enim simulacrum sub Theodosio M. euersum.

V. 111. *Isis Osirim*. Osiris à Typhone interemptus fuit, ac in frustra dissectus. Isis coniugem occisum ulta cum luctu, ac eiulatibus eius reliquias quaesivit, inuentasq; sepulcro reddidit. Hinc profanus apud Aegyptios ritus quotannis repetebatur. Ouid. lib. 9. Metam.

*Et regale decus, cum qua latrator Anubis,
Sanctaq; Bubastis, varijsq; coloribus Apis,
Sistræq; erant, numquamq; satis quaesitus Osiris.*

Minutius in Octau. Considera deniq; sacra ipsa, & ipsa mysteria, inuenies exitus tristes, fata, & funera, & luctus, atq; plangens miserorum Deorum. Isis perditum filium cum Cynocephalo suo, & alijs Sacerdotibus luget, plangit, inquirat, & Isiaci miseri cadunt pectora, & dolorem infelicissimæ matris imitatur. Mox inuento parvulo gaudet Isis, exultant Sacerdotes, Cynocephalus inuentor gloriatur. Sed cur perditum filium vocat Minutius? Osiridem profecto maritū Isidis testantur antiqui omnes; ac potissimum Synesius in lib. de Provid., & Plutarchus in lib. de Isid., & Osir. Non inquit his immorari, quum tantum à se ipsis discrepantes ipsimet Aegyptij inueniantur in Sacrorum suorum Historiâ, ut fabulas ne venditent quidem sale mixtas, sed nugæ proferant inestimabiles. Pro Minutio stat Lactantius lib. 1. Instit. cap. 21. ubi inquit: *Isidis Sacra sunt, quatenus filium vel perdidit, vel innenerit; nam Sacerdotes eius sua pectora tundunt, lamentantur, deinde puer producit, quasi inuentus, & in latitiam luctus mutatur.* Filium autem Isidis Horum nomine deperditum ab Iside, simulque quaesitum, suspicor ex verbis Athanasij in Orat. contra gentes: *ἐν γὰρ Αἰγύπτῳ ἔτι καὶ νῦν ὁ πῖσις Ὀσίριος, καὶ Ὀρν, καὶ Τύφως, καὶ τῶν ἀλλῶν ἑρῶτος τῆς ἀπωλείας ἐπιτελεῖται.* Certè in Aegypto nunc etiam de Osiride, Horo, Typhone, alijsq; ut deperditis, & extinctis deploratio sollemnis peragitur.

V. 112. *Quærit Haruspicius*. Lampridius in Commodò: *Sacra Isidis coluit, ut & caput raderet, & Anubim portaret.* Idem repetit Spartianus in Pescenn. Nigro. *Vidimus Sacra Isidis ferentem, quibus Commodus adeo deditus fuit, ut & caput raderet, & Anubim portaret.* Hieron. in Ezech. cap. 13: *Perpicuè demonstratur rasæ capitis, sicut Sacerdotes, cultoresque Isidis, ac Serapidis nos esse non debere.* Ambros. quoque in Ep. ad Sabini: *Ipsi capita, & supercilia sua radunt, si quando Isidis suscipiunt Sacra.* Huius ridiculi moris causam tradit Plutarchus de Isid. & Osir. De vocabulo caluidæ rem facit Martialis distichon lib. 12. Epigr. 29.

*Linigeri fugiunt calui, sistrataq; turba
Inter adorantes cum stetit Hermogenes.*

V. 112. *Qui pectore tunsio*. Iulius Firmicus præclarissimus Scriptor de errore profan. Relig. cap. 2. *Isiaci Sacri summam his perstringit verbis: In adytis habent Idolum Osiridis sepultum. Hoc annuis luctibus plangunt, radunt*

- Deplorent aliena suo lamenta dolore,
 Moxq; isidem infani sopito gaudia planctu
 115 Vana gerunt eadem mentiti fraude repertum;
 Quà non amissum sibi quæsinere vagantes.
 Hæu quo stultitiæ merguntur gurgite mentes
 Luce Dei vacuæ! Nam quid, rogo, cæcis illis;
 Qui non amissum quæruunt, nusquamq; manentem
 120 Inveniunt, planguntq; alij, quod non dolet ipsis?
 Elige quid facias miser error. Quid colis? aut quid
 Plangis? Non cocunt, quæ iungis. Luctus honorem
 Non sequitur. Lamenta colis, lugendaq; credis.
 Quæ diuina putas, si dicis, nec miseri sunt;
 125 Aut si sunt miseri, Dij non sunt, atq; homines sunt,
 Et miseri. Miserece igitur mortalia passos,
 Aut lætos venerare Deos; nam cæcus apertè est
 Hic furor, aut miseros colere, aut lugere beatos.
 Ergò Dea est Iūs, mulier Dea, si Dea corpus
 130 Non habet, & sexus sine corpore, aut sine sexu

Pars

*vadunt capita, ut miserandum casum sui Regis turpitudine debonestati de-
 fleant capitis, tundunt pectus, lacerant lacertos, veterum vulnorum rese-
 rant cicatrices, ut annuis luctibus in animis eorum funesta, ac miseranda
 necis exitiū renascatur. &c. Lactane. lib. 1. diu. Inst. Sacerdotes Ifidis degla-
 brato corpore pectora sua tundunt, lamentando sicut ipsa, cum filium perdi-
 dit, fecerat. Commodus quoq; referente Lampridio Iliacos pineis usq; ad
 perniciem pectus tundere cogebat. Athenag. in Apolog. Αἰγυπτίους τὸν
 ποταμὸν ἢ τὴν ἰστίαν τὰ εἶδεν. Aegyptij pectus tundunt in Sacris suis.*

V. 116. Quà non amissum. Minutius in Octau. Nec desinunt annis om-
 nibus vel perdere, quod inveniunt, vel inuenire, quod perdant. Nonne ri-
 diculum est, vel lugere, quod colas, vel colere, quod luceas?

V. 125. Aut si sunt miseri. E Iulio Firmico lib. de Proph. Relig. er-
 ror. hæc hausit verba Paulinus: Si Dij sunt illi, inquit is cap. 8. quos co-
 litis, cur eos lugetis? Cur annuis luctibus eos plangitis? Si lacrymis, &
 luctu digni sunt, cur eos diuino honore cumulatis? Vnum itaq; è duobus
 facite, aut nolite eos lugere, si Dij sunt, aut si luctu eos dignos putatis, ac
 lacrymis, Deos eos appellare nolite, ne luctibus, ac lacrymis vestris maie-
 stas diuini nominis polluat. Epiphanius etiam in Anchorato cap. 106.
 Ἄλλος δὲ Ἐρακλῆιτος Αἰγυπτίους φασὶν: εἰ θεοὶ εἰσὶ, διὰ τὸ ἀπλῆτως αὐτοὺς
 Alius verò Heraclitus Aegyptijs ita obijcit: Si Dij sunt, quos colitis, cur
 illos lugetis?

V. 130. Et sexus sine corpore. Corruptum carmen. Ego emendatis
 verbis ita legerem:

Ergò

- Pars habet? Vnde ergò illi quem quærat Osirim;
 Atq; vbi quærat cum nescit Dea? Sed Dea nunquam
 Esse potest mater, nec fœmina. Nam Deus vnus,
 Virtus Trina Deus, Pater vnus, & vnus in ipso
 135 Filius, ex ipso simul vnus cum Patre Verbi
 Spiritus. Hæc trina sunt Deus vnus nomina semper.
 Sola Dei natura Deus. Quod Filius, & quod
 Spiritus, & Pater est. Sed Filius ex Patre natus
 Spiritus ex Patre procedens. Nihil hic habet illa
 140 Commune, aut simile in rebus natura creatis.

Et

*Ergò Dea est Isis? Mulier Dea? Si Dea, corpus
 Non habet, & sexum sine corpore, vel sine sexu
 Corpus habet?*

Vt sit sensus. Si Dea est Isis, quomodo corpus, à quo diuinitas abhorre-
 reprehenditur, habet illa? Si corpore carentem dicitis, quo pacto sexus
 illi erit sine corpore?

V. 131. Vnde ergò illi. Et hinc insciti exscriptores offenderunt. Cor-
 rigo sic:

Vnde ergò illi, quod quum quærit Osirim,

Aut vbi quærat eum, nescit Dea?

V. 135. Ex ipso simul vnus. Spiritus Sanctus hic Spiritus Verbi nuncu-
 patur, aut si aliter legendum censes, vt illud Verbi referendum sit ad Pa-
 trem, ex ipso referendum esset ad Filium, à quo Spiritus procederet, ac
 propterea de processione S. Spiritus à Filio argumentum hinc quoque
 duci posset. Priorem tamen sensum tuetur S. Augustinus Tract. 99. in
 Iohann., vbi ait: Cur non credamus, quod etiam de Filio procedat Spi-
 ritus Sanctus, cum Filij quoq; ipse sit Spiritus? Verum vide quæ inferius
 adnotauimus.

V. 136. Hæc trina sunt. Medico indiget carmen. Ita porro emendan-
 dum.

Hæc trino Deus vnus nomine semper.

V. 139. Spiritus ex Patre. Prioribus Ecclesiæ seculis quum in contro-
 uersiam non adduceretur, an ex Filio quoq; procederet S. Spiritus (id enim
 hæretici, vt Bellarminus ait, concedebant, quemadmodum ex Basilio lib. 2.
 contra Eunomium in Concilio Florentino euictum est) contenti erant
 Catholici ex Patre Filium procedentem dicere. Nusquam tamen à solo
 Patre procedentem affirmare ausi sunt; quin imò & complures expressè
 Spiritum à Filio procedere scripserunt, vt pluribus exemplis probat Bel-
 larminus lib. 2. de Christo cap. 24. 25. &c. Leo Allatijs, & alij. Ego in
 reliquis Anecdotorum libris Venantij Fortunati expositionem in Symbo-
 lum Quicumque producam, quâ idem etiam expressum reperietur. In
 alio

Et Carthago potens Cypriano Martyre floret;
Cuius & ore simul profusi, & sanguine fontes
Fæcundauerunt Lybię sitientis arenas.

Nec procul inde Vticam conlatis Caadida Massa

145 Martyribus magno venerandæ cædis aceruo
Extulit; vnum etenim benedicti cespitis agger
Corpora multa tegens altè caput extulit aruis,
Et meritis altos testatur monte sepulcri.

Inde Deo dudum iam fertilis Africa Christo

150 Multiplicat largas tanto de semine fruges,

Et

alio item vetustissimo Ambrosianæ Bibliothecæ Codice ante mille, & plures annos scriptor Symbolum idem sum nactus, vbi vulgata occurrunt verba: *Spiritus Sanctus à Patre, & Filio non factus, non creatus, nec genitus, sed procedens*. Quare insanam Græculorum, ipsorumq; Nouatorum querelam retundere fas erit, quibus particula *Filioq;* serò addita videtur. Nil igitur, vti superius dixi, obstat, si apud veterum nonnullos à Patre Spiritum procedere audiamus, quam, licet de Filio sileatur, nihil in nos eorum silentium pugnet. Sic Bachiarium audiemus antiquissimum Philosophum, qui seculo Christi quantum ex Genadiolo colligere possumus quinto florebat, in Apologiâ suâ *Patris*, non verò *Filij* meminisse. Hanc item Apologiam in Anecdotis meis veluti eximium vetustatis arcanium Deo fauente proferam. Illud etiam animaduerti in expositione Fidei, quæ inter S. Hieronymi Opera habetur, Rufinoq; presbytero adiudicatur, idemq; in Symbolo, quod à quibusdam Hieronymo, ab alijs Pelagio, & in vetustissimo Ambrosianæ Codice Papæ Damaso tribuitur, non addi particulam *Filioque*, vti volumina typis consignata habent, sed eam à nuperis exscriptoribus nimium scrupulosos adiectam. Verùm Lectorem ad secundum Anecdotorum volumen remitto, vbi de his fusiùs. Nunc animaduerte, si sufficiat Paulinum hunc S. Spiritus è Filio processum alibi affirmare, siquidem ita canit Natal. IX.

Spiritum ab vniuersâ Sanctum, & Patre procedentem.

Hoc est à prole *vniuersâ*, quæ alia non est, quam Filius. Hoc certè miror tanti Scriptoris testimonium nulli obseruatum fuisse.

V. 141. *Et Carthago potens*. Cypriani Sanctitas, & fama doctrinæ adeò se per Orbem propagauit, vt apud Latinos non tantum, sed & apud Græcos antiquis temporibus celeberrima fuerit illius solemnitas. Extant de illo sermones quidam S. Augustini, & duo S. Maximi. Quinque etiam alios eiusdem Taurinatis Episcopi in S. Cypriani laudem proferam in reliquis Anecdotorum libris.

V. 144. *Nec procul inde Vticam*. Celebris est Catonis fato, amplitudine, & antiquitate inter Africanas Vrbes Utica. De eâ sic Appianus:

17011

Et parit egregios verboq; fideq; Magistros;
 Nec minor Occiduis effulsit gratia terris:
 Ambrosius Latio, Vincentius extat Iberis,
 Gallia Martinum, Delphinum Aquitanica sumpsit;
 Multaq; præterea per eandem largiter oras
 Semina Sanctorum positis diffusa sepulcris
 Iolustrant totum superis virtutibus Orbem,
 Et toto antiquum detrudunt Orbe Draconem,
 Qui genus humanum per nomina mille Deorum;

160 Quæ

Ἰὺνκ Λιβύης μέγιστη μετὰ Καρχήδονα πέλις. *Vtica* post Carthaginem maxima urbs Africa. Sub Valeriano trecenti Martyres, ut fatentur quævis Martyrologia, seu ut S. Augusti. Tract. in Psal. 49., centum quinquaginta pres in fornacem coniecti gloriose occubuerunt. Hinc cinerum sacrorum massa in summâ veneratione habita. Vide Baron. in Martyr. ad diem 24. Septemb. Prudentius in Hymno 13. de S. Cypriano.

Corpora candor habet, candor vehit ad superna mentes,

Candida massa dehinc dici meruit per omne sæculum.

V. 151. *Et parit egregios.* Ita me Deus amet, quum Paulinus religioni sibi aliquantulum duceret, Sanctos in viuis agentes laudibus extollere, quod saltem potuit, tacite laudavit. Hic itaque S. Augustinum, qui tum Hipponensem urbem, imò totum orbem *verboq; fideq;* illustrabat, innui certo certius arbitror, & fortè etiam Alipium egregium virum, ac tum temporis Tagastensem Episcopum, quos omnes Paulinus archâ familiaritate complectebatur. Consule Augustini, Pauliniq; amæbaras Epistolas.

V. 153. *Ambrosius Latio.* Doctorem tantum nullus est ex antiquis, qui dignis non exalterit laudibus. Vnum producam Venantium Fortunatum lib. 8. carm. 4., ut eius vulneri opem feram. Commendat ille

Vitalem, & reliquos, quos chara Ravenna sepulsat

Gerunsium, Ambrosium Mediolane tuum.

Haftenus deprauata lectio; sed ex Codice optimo Ambrosianæ Bibliothecæ lectionem genuinam restituo: *Gerbasium, Ambrosium* &c. scilicet S. Geruasii Fortunatus meminit, cuius corpus ab Ambrosio repertum. Paulinus infrâ memorat.

V. 153. *Vincentius extat.* Idem Ven. Fortun. ibid.

Vincenti Hispanâ surgit ab arce decus.

V. 154. *Gallia Martinum.* Ad S. Martini memoriam illustrandam non est meum plura congerere. Eiusdem res gettas à Paulino Petricordio, Sulpicio Seuero, alijsq; magnis Scriptoribus pete. Satis sit adnotasse patris ante annis tantum virum ad Superos concessisse. An. 397, an verò 400, aut 401. is annus fuerit, inquirendum alijs relinquo.

V. 154. *Delphinum Aquitanica.* Burdegalenſis Episcopus fuit Delphi-

C

160. Quæ tamen ex obitis mortalibus & sibi sumpfit
 Ipse, suisq; dedit coluber, quibus arte nocendi
 Princeps in vacuo tetrum gerit aere signum,
 Dæmonibusq; caput nobis inimicus oberrat.
 Sic itaq; & nostra hæc Christi miserantis amore
 165. Felices meruit muniri Nola sepulcro,
 Purgariq; simul, quia cæcis mixta ruinis
 Orbis, & ipsa simul moriens in nocte iacebat
 Saxicolis polluta diu cultoribus, in quâ
 Prostibulum Veneris, simul dementia Bacchi

170 Nu.

phinus, Pauliniq; nostri admodum familiaris; Ad illum etiamnum quin-
 que Paulini Epistolæ extant, in quibus etiam testatur Poeta noster se ab hoc
 viro Sancto baptizatum. Hinc autem discere Delphinum Anno Ch. 404.
 inter viuos non extitisse, quippe viros Sanctitatis famâ post mortem præ-
 claros hîc tantum Paulinus recenset.

V. 169. *Prostibulum Veneris*. Vetus ænigma de quadam muliere Clo-
 dia nomine vsurpatum legitur: *In triclinio Coa, in cubiculo Nola*. Quod
 eruditorum consensu nil aliud portendit, quam Clodiam in triclinio,
 conuiuijsq; lasciuo ore, verbisq; procacibus sic vsam, vt Venerem, quæ in
 Insulâ Coa colebatur, penitus exhiberet; in cubiculo verò in omne libi-
 dinis genus Nolanorum more incubuisse. Et reuera Nolana lascitia in-
 adagium translata est, ac propterea Ausonius in Epigr. 70. Crispæ cui-
 dam fædissimos obijcit amores hisce verbis:

Et quam Nolanis capitalis luxur inussit.

Campani autem populi, inter quos Nolani, antiquitus Osci appellaban-
 tur, hoc est quasi *obsceni*, vt Porphyrius antiquissimi Scholiastis verba
 ad Horatium testantur, & Festus Osci frequentissimum fuisse spurca-
 rum libidinum vsum asserit. Jure itaq; Paulinus Nola positum *Veneris*
prostibulum inquit.

V. 169. *Et dementia Bacchi*. Ambrosius Leo lib. 3. cap. ult. de Nolâ.
 Eiusdem regionis vindemiam eleganter expressit. Inter alia hæc ait:
At verò vindemiaiores eâ die, quâ pro quoq; vindemiam faciunt, atq; per
totum vindemia tempus Baccho Deo pleni esse, ac furere prorsus videntur.
 Subdit: *Clamor verò captum omnem hominis superat, atq; qui vix au-*
dientibus creditur, nam omnino furentium est. In agro quin etiam, in quo
vindemiant, semper pudibunda vindemiando inclamant, obscenissimas
quasq; partes suis nominibus pronunciantes, Veneres vel obscenissimas se
optare exclamant, eas iactant, minitantur &c. Quis certe crederet ijs in
 oristantas Ethnicismi reliquias tam diu durasse, vt nostra ad vsq; tempo-
 ra illic Orgia celebrarentur, & sub Christianis mutato tantum nomine
 Bacchus coleretur? Proh summum dedecus! Quale enim, vt cum Ter-
 tullia-

- 170 Numen erant miseris, sædoq; nefaria ritu
 Sacra celebrabat sociata libido furori.
 Et quis erat vitæ locus hic, vbi nec pudor vsquam;
 Nec metus ullus erat? Quis enim peccare timeret
 Hic, vbi sanguineus furor, atq; incæsta libido
 175 Religiones erant, & erat pro Numine crimen?
 Atq; erat in toto quasi sanctior agmine cultor,
 Qui Veneris Sacris pollutius incaluisset,
 Pienus & ille Deo, reliquisq; beator esset,
 Qui magis infuso sibi Dæmone sæuius in se
 180 Desipiens, proprijs litans furialia sacra
 Vulneribus sanam meruisset perdere mentem?
 O cæcis mens digna animis, & Numine, digna

Aduer-

tulliano lib. de cor. mil. cap. 6. loquar, habendum est apud homines verum Dei, quod à candidatis Diaboli introductum, & ipsis à primordio dicatum est, quodq; iam tunc Idololatria initiabatur ab Idolis, & Idolis adhuc viuis?

V. 179. Sæuius in se desipiens. Non possum me continere, quin egregium proferam S. Maximi Taurinatis Episcopi locum ex sermone de Idolis auferendis, quem vnà cum alijs eiusdem Sancti in ceteris Anecdotorum libris orbi propediem Deo fauente communicabo. Inquit ille: Cum matutinum vigilaueris, & videris saucium vino rusticum, scire debes, quoniam, sicut dicunt, aut Dianaticus est, aut haruspex est; insanum enim Numen amentem solet habere Pontificem; talis enim Sacerdos parat se vino ad plagas Dea sua, ut dum est ebrins panem suam miser ipse non sentiat. Hoc autem non solum de intemperantia, sed & de arte faciunt, ut minus vulnera sua doleant, dum vini ebrietate iactantur. Tum haruspicum vestes, furoremq; describens addit: More gladiatorum paratus ad pugnam ferrum gestat in manibus, nisi quod gladiatore peior est, quia ille aduersus alterum dimicare cogitur, iste contra se pugnare compellitur. Multa dein insignia in hanc rem addit, quæ silentio præterire proposui suadet. Tibull. de fæminâ sacrificante agens.

Ipsa bipenne suos cedit violenta lacertos,
 Sanguineq; effuso spargit inepta Deam.

Expressius hæc asserit Prudentius in Hymn. S. Romani:

Sunt Sacra, quando vos ipsi exciditis,
 Potius & cum membra detruncat dolor,
 Cultrum in lacertos erexit fanaticus,
 Sectisq; matrem brachijs placat Deam.

V. 180. Litans furialia. Lege furialia sacra, hoc est Matri Deum, aut potius furialia Sacra.

Aduersis seruire Deis! Venus, & nemus illis
 Sint Deus. E' pietas demons, amor impius illos
 185 Sanctificent. Oscula colant, miseriq; pudorem
 Erroris fædi. Patris Mysteria dicant.
 Digna fides illis, quibus almo in lumine veri,
 Legibus & castis, & magno nomine Christi
 Nulla fides, & nullus amor, ideòq; nec vllum
 190 Indignæ pretium vitæ est in sanguine Christi.
 Sit Deus his venter, vel cetera gaudia carnis,
 Queis Deus ipse Deus non est, quibus in Cruce Christi
 Gloria nulla subest, quia non dignatur adire
 Degeneres animos virtus Crucis. Inde Beatus

195 Fe-

V. 183. *Venus, & nemus*. Nemora, quæ alio nomine *luci* appellabantur, apud antiquos magnâ superstitione coli solebant. *Nemus Aricinum*, vbi Dianæ simulacrum conditum, *Lucus Martis* apud Athenienses, & in Ponto, & alia nemora passim memorata audimus. Ouid. lib. 2. Fast.

Lucus Auentino suberat niger ilicis umbrâ,

Quo possis viso dicere: Numen inest.

Claudian. de rap. Prof. l. 3. Lucum venerabilem refert prope flumen Acym, additq; numen loco, religionemq; fuisse. Propert. El. 10. lib. 4. *Lucosq; abscede verendo*. His addam Apuleium in Apolog. pag. 377. ita loquentem: *Iste verò nec Dÿs rurationis, qui eum pascunt, ac vestiunt, segetis vllas, aut vitis, aut gregis primitias impartit, nullum in villâ eius delubrum situm, nullus locus, aut lucus consecratus*. Et hæc in re satis notâ sint satis. Hanc eruditionem supra omnes illustrauit Pinto Ramirez in Spicileg. sacro. Tract. 1. cap. 6., quem consule.

V. 185. *Abscissa colant*. Tum in Iliacis, tum in Orgijs nefandus hic ritus inoleuerat, vt virilia colerentur, quæ Phallum nominabant antiqui. Diodor. lib. 1. Biblioth. hæc omnia explicat: *Virilia*, inquit, *Osiridis à Typhone in fluuium abiecta esse aiunt, quod sociorum nemo hac recipere, vellet*. Quæ tamen o^h *ide recepta diuinis sunt honoribus affecta*. Nam in templis effigiem eorum. *ornatam coli præcepit, & caremoniis, sacrificijsque Deo isti peragendis honoratissimus vt esset effecit*. Idcirco, & *Graci postquam Sacrorum Bacchicorum, & Orgiorum solemnitates ab Aegyptijs accepere, membrum id in mysterijs, initiationibus, & sacrificijs Dei huius Phalli nomine honorant*. Sed hæc Scriptioribus Priapeis animo lubentissimò tractanda relinquo.

V. 191. *Sit Deus his venter*. Respicit cap. 3. Epistolæ 1. Pauli ad Philipp., vbi de inimicis Crucis Christi ait Apostolus: *Quorum finis interitus, quorum Deus venter &c.* Apud Philisteos Dagon colebatur, quod numen propriè *Deus venter* interpretandum venit.

V. 228.

- 195 Felix, vt reliqui diuerso Martyres Orbe,
 Nolanis Medicus fuit, estq; perennis ope ista.
 Nec modò Nolanis, sed & omnibus, à quibus idem
 Imploratus erit, dabit isto iure salutem,
 Si Crucis alma Fides in pectore supplicis adsit.
- 200 Ista Fides genus humanum curatq;, piatq;,
 Hæc ubi defuerit medicina, morabitur illic
 Omne mali regnum, nec in illo desinet vnquam
 Cypres adulterijs, furijs regnare Lyæus,
 In quo defuerit Christi pudor, & Crucis ardor.
- 205 Ignis enim diuinus inest, ubi vis Crucis intus
 Ardesciente fide cruciat malè conscia corda,
 Viuificans animam, vitijs in carne peremptis.
 Hostibus his obtrita diu, corruptaq; tantis
 Pestibus ingentem poscebat Nola medelam,
- 210 Atq; idè pensante Deo discrimen, opemq;
 Felicem accepit medicum, qui vinceret omnem
 Quamlibet antiquam miserorum in cordibus atris
 His, qui crediderant esse vnum in crimine Numen,
 Perniciem, & meriti virtute potentior altis
- 215 Vulneribus ductum super vlcera putria callum
 Scinderet, vt saniem suffusâ labe coactam
 Exprimeret sinibus ruptis, ac deinde lacunam
 Vulneris expleret planâ cute ducta cicatrix.
 Ergò ubi Nolanis Felix vt stella tenebris
- 220 Fulsit ab ore Dei veniens, verbumq; medendi
 Ore gerens, tamquam venturo Sole serenus
 In matutino lætum iubar exerit ortu
 Phosphorus, occiduisq; nouus præfulgurat astris
 Nuncius instantis cessurâ nocte diei.
- 225 Sic iam Euangelio totum radiante per Orbem;
 Propitiant Deo cunctis mox Iudice terris,
 Aduentus vexilla sui prætendit vbique,
 Perq; suos Christus sua signa coruscat amicos,

Ex

V. 228. *Sua signa coruscat*. Eleganter, atq; meliorum exemplo id
 usurpatum. Virgil. lib. 12. Aeneid.

Aeneas instat contra, telumq; coruscat.

Ite:



- Ex quibus hac voluit sibi præluce sub orâ
 230 Felicem, vt nostras isto decerneret umbras
 Sidere, & an' quos istâ quoq; pelleret vrbe
 Dæmones, & pulsos hominum de corde colonis
 Talibus, intraret puras Deus incola montes,
 Et vice mutatâ nobis pietate solutis
 235 Nostra prius nostros premerent modò vincla Leones
 Frustrâ in oues Christi vinclâ feritate frementes.
 Et manet hæc nobis etiam nunc gratia, quæ nos
 Peccatis prece Sanctorum exorante resoluit,
 Atq; iisdem Sanctis vltoribus alligat illos,
 240 Discruciatq; hostes, qui nos vincire solebant.
 Hi modò tam lato deprensî lumine fures,
 Atq; in vincla dati, nunc ignea flagra piorum;
 Vt meruere, ferunt, aut iam Infernis malè trusî
 Carceribus trepident, vicinũ instare fatentes
 245 Iudicium Domini solis sibi triste, suisq;
 Omnibus, in Satanæ partem quos sæua voluntas
 Verterit, & Satanæ sociauerit æmula vita
 Istic nequitiz socios homines, ibi pænæ.
 Ecce dies accepta Deo; modò vera salutis
 250 Lux micat; omnia iam nobis benè versa videmus!
 Diffugère doli, cecidit Bel, interit error,
 Quiq; colebantur tot quasi Numina templis
 Dæmones, hi per terræ Dei torquentur inermes,
 Et qui diuinos audebant sumere honores,
 255 Hi modò ab humanâ plestuntur lege subacti.
 Namq; isti, quos nunc celebri Felicis in aulâ

Tor-

Iterum ibidem:

Hinc atq; hinc oditq; moras, hastamq; cornuscat.

Græcorum quidem ad imitationem hoc factum, sed venustè admodum.
 V. 251. *Hi modò ab humanâ.* Pissimi Imperatores Constantinus, eiusq;
 successores plurimas in Paganos leges emisert, quæ Codicem Theod.
 ric. de Pagan. &c. consulenti parebunt. In his autem Gentilium Sacra-
 mentumq; cultus omninò interdicitur, quod hîc per Poetam no-
 strum innui arbitrarer.

V. 256. *Namq; isti, quos.* S. Felicis mirabilem in fugandis immundis
 spiritibus alibi canit, ac præcipuè Natal. III., vbi inquit:

Marty-

- Torquēri, clamare, r . . per capta videmus
 Corpora, corporibus vincti retinentur in ipsis,
 In quæ se trahere ipsi, pœnamq; volentes
 260 Humanam, inuenere suam. Nunc gò reorum
 Personæ exululant pœnis, qui Nunc falso
 Dij fuerant, & qui mentito Numine viuos
 Ante Dei cultum sibi nil cœleste vidētes
 Dediderant homines, hi nunc vbi lumine Christi
 265 Vera Fides patuit, non possunt ferre sepultos;
 Sed magis vt pateat, quia nunc hi, qui cruciantur
 Dæmones ante fores, aut ante sepulcra piorum,
 Ijdem sunt illi, quibus olim serua litabat
 Gens hominum, & sacros demens litabat honores,
 270 Ipsa docet vocum species, nam sæpius illā
 Voce gemunt, solitum vt noscas clamare furorem.
 Sic plerumq; velut disoluto laxius ore
 Dente fremunt, spumant labris, horrentq; capillis,
 Vtq; manu prensante comam excutiantur in altum,
 275 Et pede pendentes stant crinibus, interea illic
 Sacrorum memores veterum, quibus extra solebant
 Lambere cæsarum pecudum, aut libamine pasci,
 Lasciuosq; choros hederatis ducere pompis,
 Nunc etiam sua testantes Sacra illa fuisse,
 280 In quibus insanos dabat ebria turba tumultus,
 Euhoc Bacchifonum fractis imitantur anhelis
 Vocibus, & lento iactant sua colla rotatu.

Sed

*Martyris ostendit meritum, cum inire potenti
 Dæmonas exercet, deuinctaq; corpora soluit;
 Nam sibi Felicem cæcis incumbere pœnis
 Pestiferi proceres tristi clamore fatentur,
 Occultasq; Cruces gemitu testantur aperto &c.*

V. 262. *Mentito Numine viuos.* Scriberem potius: *mentito numine viuo.* Dungalus in fragmentis habet: *mentito nomine viuos.*

V. 278. *Hederatis.* In Dionysiacis mos erat hederā caput redimire. Hinc Seneca in Oedip. Act. 2. in choro: *Te caput Tyriā cohibere mitrā, Hederāq; mollem bacciferā religare frontem.* Hæc ille ad Bacchum. Statius in lib. 1. Sylu. 2. vers. 233. *Atq; hederis, redimita cohors.* Vide comment. Delrij in Senec. ibid., reliquosq; Mythologos; ne in re satis notā putidus videar, pluribus parco.

V. 282.

- Sed quia non poterat mortalibus vnius ætas
 Sufficere, vt longo contagia tempore tracta
 285 Dilueret paucis, quos corpore viueret, annis;
 Confessor Felix, & Presbyter, ore Magister,
 Elogio Martyr, merito, officioq; Sacerdos,
 Omnipotens Dominus finitum corporis æuum
 Felici potiore viâ persistere fecit
 290 Continuans medicos operosi Martyris actus,
 Virtutes vt eas idem celebraret humatus,
 Quas in carne manens Christi virtute gerebat,
 Atq; ita susceptæ nec mortuus abforet Vrbi
 Corpore, cum tantum positi sanator adisset
 295 Spiritus, & desiderijs latitaret amantum
 Ad tempus cari facies subtrahita Patroni,
 Prompta sed ægrorum semper medicina saluti
 Adforet. Inde perennis honos, & gloria Sanctum
 Felicem meritis sine fine virentibus ambit,
 300 Et licet à veteri tumulis absconditus æuo,

Quâ

V. 287. *Elogio Martyr*. Felicis Nolani tormenta, passionemque prioribus in Natalibus expressit Paulinus, exprimuntur & illa in Actis edicis. Non tamen in persecutione mortem obiit Sanctus ille. Hinc *Elogio tantum Martyr* dicitur, vti etiam alibi *sine sanguine Martyr* appellatur. Primaua in Ecclesiâ verò Martyris nomen etiam ijs tribuebatur, qui tormentis superstites erant, vt manifestè ex lib. Tertull. ad Martyras colligitur. Cyprianus ad Martyras, & Confessores Iesu Christi Epistolam 9. dedit, & Ep. 12. ait: *De hoc & ad Clerum, & ad Martyras, & Confessores literas feci*. Ep. quoq; 15. *Literas, inquit, feci, quibus Martyres, & Confessores consilio meo, quantum possem, ad Dominica præcepta renouarem*. Quidam igitur viuentes adhuc Martyris appellatione distinguebantur, quia ad sanguinis vsq; effusionem Christum constantissimè fuerant confessi. Scribit in hanc rem Cyprianus laudatus Ep. 30. *Illud præterea vellemus addiscere, si Martyres non propter aliud Martyres sunt, nisi vt non sacrificantes teneant Ecclesiæ vsq; ad effusionem sanguinis sui pacem*.

V. 287. *Officioq; Sacerdos*. Sacerdotis vox pro Episcopo hic capienda; siquidem superius Presbyter dicitur S. Felix. Reuera tantum pro grege Christi egerat hic Sanctus, vt Antistitis nomen promereretur. Sic Natal. XIII. ait Paulinus additam Felici in Cælis coronam Antistitis. Vide quæ ibidem notauimus versu 568.

V. 300. *Et licet à veteri*. Septem sequentia carmina reculerat etiam Dungalus, eaq; Rosuueido visa erant ad Natalem IX. referenda; sed verum

- Quâ mortalis erat, lateat telluris operto;
 Viua tamen vegetante Deo membrisque superstes
 Gratia diuïnum spirantia Martyris ossa
 Clarificat populis, merito viuente sepulti,
 305 Et magni solium breuē Confessoris adorat
 Iugiter è varijs, confecta frequentia terris;
 Sed Deus vt cunctorum hominum fator omnibus istam
 De Sanctis indulgit opem procedere terris,
 Vt iam de tumulis agerent pia dona Beati
 310 Martyres, & viuos possent curare sepulti.
 Nec satis hoc donum Domino fuit, vt sua tantum
 Nomine, siue opibus loca Martyres inlustrarent,
 Ex iisdem tumulis etiam monimenta piorum
 Multiplicans multis tribuit miserator eisdem
 315 Gentibus. Et referam varias ab origine causas,
 Ex quibus hæc orta est varijs benedictio terris.
 Nam quia non totum pariter diffusa per Orbem
 Prima Fides ierat, multis regionibus Orbis
 Martyres absuerant, & ob hoc, puto, munere magno
 320 Id placitum Christo nunc inspirante potentes,
 Vt Constantino primum sub Cæsare factum est,
 Tunc famulis retegente suis; vt sede priori
 Martyres accitos transferrent in noua terræ
 Hospitia, vt Sancto non olim Antislite factum
 325 Nouimus Ambrosio, qui fultus munere tali

Post-

rum intueris eorum situm. In antiquo Dungali Codice, quem Ambrosiana Bibliotheca asseruat, ex Natali XI. dilucidè citata reperiuntur.

V. 305. *Et magni solium.* Animaduertere iuuat, quibus verbis debitam Sanctis venerationem Paulinus exprimat. Certè is ait eorum sepulcra adorari.

Et magni solium breue Confessoris adorat.

Cui si tot alia Paulini adicias hæc de re testimonia, profectò Nouatorum impudentiam miraberis, quibus tantam bilem mouet idem Sanctorum cultus in Ecclesiâ Catholica etiâ nunc seruatus. Paulinum itaque, ceterosque Sanctos velint nolint Idololatriæ accenseant oportet, quum nos passim huiusmodi laborare morbo gens cæca exclamet.

V. 321. *Vt Constantino.* Ea recolere, quæ de Sanctorum Translationibus fusè notauimus in diss. IX.

V. 325. *Nouimus Ambrosio.* Celebrem refert, suisque peractam temporibus

D

ribus

Postquam ignoratos prius, & tunc indice Christo
 Detectos sibi met mutatâ transfudit aulâ,
 Reginam promptâ confudit luce furentem.
 Nam Constantinus proprij cum conderet Urbem
 330 Nominis, & primus Romano in nomine Regum
 Christicolam gereret, diuinum mente recepit
 Consilium, vt quoniam Romanæ mœnibus Urbis
 Æmula magnificis strueret tunc mœnia cæptis,
 His quoq; Romuleam sequeretur dotibus Urbem,
 335 Vt sua Apostolicis muniret mœnia lætus

Cor-

ribus SS. corporm Protasij, & Geruasij inuentionem, quæ magno Mediolanensium Antistiti Ambrosio contigit. De illâ S. August. lib. Conf. 9. cap. 7. hæc habet: *Tunc memorato Antistiti tuo (Ambrosio) per visum aperuisti, quo loco laterent Martyrum corpora Protasij, & Geruasij, quæ per tot annos incorrupta in thesauro secreti tui recondideras.* Sidon. Apoll. Ep. 1. lib. 7. *Ambrosium duorum Martyrum repertorem* appellat. Videnda etiam Ambrosij ipsius Ep. 14. ad Marcellinam sororem, & Paulinus alter in Ambrosij vitâ. Fulissimè autem omnium Io. Petrus Puricellus, quo accuratius nemo res Mediolanensium prosequutus est, hanc rem tractat in diss. Nazar. & in Monum. Basil. Ambros. Horum Sanctorum reliquias ad se ipsum ab Ambrosio transmissas meminit Poeta noster in Ep. 12. ad Seuer. dum enim reliquias recenset in Fundanâ Basilicâ per se conditas ait: *Quosq; suo Deus Ambrosio post longa reuelat*

Secula Protasium cum pare Geruasio.

V. 326. *Et tunc indice Christo.* Per visionem S. Ambrosio reuelata SS. Protasij, & Geruasij corpora testatur etiam, vt nuper vidimus, S. Augustinus præter ipsum Ambrosium ad Marcellinam Ep. 14. Molinæus tamē famosus inter Calvinistas minister lib. 7. coner. Perron. cap. 11. totam huius inuentionis historiam inter commentitias fabulas rejicit. Vir sanè & fronte, & mente destitutus, qui tantos Auctores pijsissimi huius euentus testes quasi impijsimos impostores traducere est ausus. S. Aug. iterum hanc rem diuinitus factam asseruit lib. 22. de Ciu. Dei cap. 8., vbi agens de SS. Protasij, & Geruasij corporibus ait: *Quæ cum laterent, & penitus nescirentur, Episcopo Ambrosio per somnium reuelata reperta sunt.*

V. 328. *Reginam.* Arianâ labe infecta Imperatrix Iustina, vt Paulinus, qui Ambrosij vitam scriptis consignauit, expressum nobis reliquit, Ambrosium oderat, viresque plurimum eius inimicis augebat. Viso autem tanto miraculo per Sanctissimum Antistitem patrato, coercuit exinde furorem, & à Catholicorum persecutione abstinuit. Hæc quoq; Augustinus habet cap. 7. l. 9. Confess. *Vnde opportunè promeris ad coercendam rabiem*

Corporibus; tunc Andream deuenit Achius;
Timotheumq; Asia. Geminis ita turribus extat
Constantinopolis magne caput æmula Romæ,

Verius

rabiem famineam, sed regiam &c. Inde illius inimica (Iustinæ scilicet) animus, etsi ad credendi sanitatem non applicitus, à persequendi tamen furore compressus est.

V. 336. *Tunc Andream*: Mirum in modum discrepant Auctores in assignando tempore, quo SS. Andream, Timotheiq; corpora Constantinopolim fuere translata; Alij enim Constantino, alij Constantio pium opus adiudicant. Cæterum tamen crediderim id sub Constantio contigisse, quum Hieronymus duobus in locis id expresse tradat. Adverl. Vigilant. agens ironice hæc habet: *Sacrilegus fuit Constantinus Imperator, qui Sanctas Reliquias Andree, & Lucae, & Timothei transtulit Constantinopolim*. Idem quoq; de Script. Eccl. in Lucâ: *Sepultus est, ait, Constantinopoli, ad quam urbem vigesimo Constantini anno ossa eius cum Reliquiis Andree Apostoli translata sunt de Achaia*. Illud quidem verum eundem Scriptorem in Addit. ad Euseb. Chron. A. 19. Constantij ita loquutum: *Reliquia Apostoli Timothei Constantinopolim inuectæ*. Sed exscriptorum vitio potius quam Hieronymi memorie tribuendus error. B. Petrus Damiani Serm. 16. de S. Marco: *Vigesimo anno Constantini Caesaris Lucas de Achaia Constantinopolim translatus est una cum sacris B. Andree Apostoli Reliquiis*. Certè Euseb. lib. 4. de vit. Constantini. cap. 60. inquit: *αὐτὸς γὰρ αὐτῷ εἰς δέκτα καὶ οὐκ εἰς τὴν αὐτῷ λελευτῆς τὸν ἐνταυθα τὴν ἱταμίευτο τῆς τῶν Ἀποστόλων προσέτις κοινὴν εἰς τὸ ταυτὸ σελῶος*. Is igitur in opportunum ventura mortis diem hic locum sibi divina dispensatione preparauit, qui Apostolorum appellatione innotescit, ad suum sepulcrum. Igitur Ecclesiam Apostolorum Andree, & Lucae Constantinus ædificari mandauit, ut ibi tum Apostolorum ossa, tum suum corpus requiem haberent. Hoc alij multi, & meliorem tradunt. Sed Lectorem ad lib. 4. cap. 5. Constantinop. Chr. Cl. viri Du Fresui remitto. Is rem huiusmodi supra cunctos diligentissime examini subiecit.

V. 337. *Geminis ita turribus*. Sancti Regnorum propugnacula, turresque merito vocantur. In hanc rem optimè conferri possunt Basilij Magni verba in Or. in XL. Martyr., vbi de Reliquis eorumdem loquens similia habet: *Hi sunt, inquit, qui nostram regionem administrant, & veluti turres quadam coherentes securitatem ab hostium incursum exhibent, non uno loco se ipsos incidentes, sed multis iam locis hospites facti, & multas patrias exornantes*. Theophrid. Abbas serm. 1. de SS. Reliqu. Vnicuique locorum sicut & huic nostro abundè magnas Sanctorum reliquias accommodat, quatenus dum ab indigenis dignè, ac familiaribus honorantur, iidem indigena earum perpetuâ defensione firmentur.

V. 338. *Constantinopolis. Secundam, & nonam Romam* Constantini urbem dictam pluribus probat eruditionis fons Du Fresnius lib. 1. Const.

D 2

Chr.

- Verius hoc similis Romanis culmine muris;
 340 Quod Petrum, Paulumque pari Deus ambitione
 Composuit ei, meruit quia fumero Pauli
 Discipulum cum fratre Petri. Iam quanta per istam
 Sanctorum per longa viam diuortia terræ
 Creuerit utilitas ad nostræ munia vitæ,
 345 Ipsa docent hodieque loca, in quibus illa Beati
 Rheda capax oneris positâ statione resedit;
 Omnibus in spatijs quacumq; aut mansio Sanctis
 Corporibus, requiesque fuit vestantibus illos
 Sacratos cineres, miris clamantia signis
 350 Nam diuina manus medicâ virtute per omnes
 Est illic operata vias, quâ corpora Sancta
 Impressere sacro vestigia viua meatu.
 Inde igitur suadente Fide data copia fidis
 Tum comitum studijs, quædam vt sibi pignora vellent
 355 Omissis è Sanctis merito decerpere fructu,
 Vt quasi mercedem officij, pretiumq; laboris
 Præsidia ad priuata domum sibi quisque referret.
 Ex illo sacri cineres quasi semina vitæ
 Diuersis sunt sparsa locis, quâq; osse minuto
 360 De modicâ sacri stipe corporis exiguis ros

Deci-

Chr. cap. 6. Socrates de Constantino loquens lib. 1. cap. 16. hæc habet : *ἡτοιμασέν τινι δι' αὐτοῦ τὴν πόλιν ὡς αὐτῶν .* Lege denique, *fanciuit, ut secunda Roma Constantinopolis diceretur.* Eaque lex marmoreæ columnæ incisa, quod etiam asserunt Chron. Alex., & Theophanes A. 25. Constantini. Secunda Synodus Oecumenica A. C. 381. celebrata Constantinopolitanæ vrbis Episcopo post Romanum privilegia honoris concedit, *ὅτι τὸ ἴδιον αὐτῷ τῇ νύκτι Πάπῳ, ἐδ' ὅτι ἡ πόλις νέα Ῥώμη.* Appositè verò ad Paulini verba cecinit Claudian, in Ruin. lib. 2.

Vrbs etiam magna qua dicitur amula Romæ.

Vide Gothfr. ad l. 1. C. Th. de Iure Italiæ.

V. 346. Rheda capax. Sanctorum Reliquias in lecticis collocatas transferri consueuisse & nos docuit Paulinus alter in vitâ S. Ambrosij; agens enim de SS. Protasij, & Geruasij translatione ait : *Sed ubi SS. Martyrum Corpora sunt lenata, & in lecticis posita, multorum ibi sanata agitudines perdocentur.*

V. 358. Ex illo sacri. Vide quæ de SS. Reliquiarum translatione notauit in diss. XIX.

V. 364.

Decidit, ingentes illic pia gratia fontes,
 Et fluuios vitæ generauit gutta fauillæ.
 Inde, in nos etiam stillauit copia Christi
 Diues & in minimis, nam hoc quoque sumptisum istic

365 Carnis Apostolicæ sacra pignora puluere Patrum,
 Quæ Sanctus nostri Dominusq; paterq; cubilis,
 Et custos animæ nostræ, & tutela salutis
 Felix vicinâ sibi cominus æde recepit,
 Quæ reliquis eius ætate recentior aulis

370 Exiguos cineres, & magnos seruat honores,
 Seruaturq; magis custodibus ipsa Patronis;
 Absit enim vt seruari vnquam videantur egero,
 Qui seruare solent tamen, & curâ suorum
 Commoda alumnorum patrio dignantur amore,

375 Atq;

V. 364. Nam hoc quoq; Emendandum carmen. Nam nos quoq;

V. 365. Carnis Apostolicæ. Plures Apostolorum Reliquias in Basilicis
 Nolanis repositas sæpè testatur Paulinus. In Ep. 12. ad Seuer. agens de
 Reliquijs in Basilicâ S. Felici sacrâ conditis ita canit:

*Sancta Deo geminum velant altaria honorem,
 Cum Cruce Apostolicos quæ sociant cineres.*

De Basilicâ Fundanâ loquens ait:

*Hic & Apostolicas præsentat gratia vires
 Magnis in paruo puluere pignoribus.
 Hic pater Andreas, & magno nomine Lucas &c.*

V. 369. Quæ reliquis eius. Hæc eadem est Basilica, quam descripsit
 Natali IX. ad Nicetam Episcopum, eamq; vix perfectam fuisse tum tem-
 poris innuit hisce versibus, quibus Nicetæ ad se opportunè delato gratu-
 latur, vt

*Imperfecta inuuet precibus, perfecta Sacerdos
 Dedicet ———*

Tum illam elegantissimis carminibus describit, & Reliquias ibi collocatas
 recensens addit:

*Namq; & Apostolici cineres sub calite mensâ
 Depositi placidum Christo spirantis odorem
 Pulueris inter Sancta sacri libamina reddunt.*

Hanc eandem Basilicam Nat. X. his verbis designat, simulq; eosdem
 Apostolorum cineres memorat:

*Currimus ergo fide tantum, & prece supplice mixti
 Ad vicina mei Felicis limina, & inde
 Contiguam paribus votis adcurrimus aulam,
 Atq; ab Apostolici cineris virtute medelam
 Poscimus. ———*

V. 375.

- 375 Atq; dicatorum sibi tutamenta locorum
Diligere. Hoc Sanctis studium pietatis inesse
Spiritus miranda fide documenta dederunt.
Inde recens etiam paucis opus eloquar orsis,
Dignum etenim Sancti Felicis munera in ipso
380 Natali eiusdem gratantibus edere verbis.
Non peregrina loquar, neq; tempore prisca profabor;
Finibus in nostris, & in istâ Sede patratum
Nuper opus referam, quod fortè agnoscere vobis
Promptum erit in medio, quoniam res lumino gesta est.
385 Credo ex hoc numero vestrum propè nullus in isto
Sit nouus auditu, quia per longinqua remotis
Fama volans iuit. Certè adfueratis in istâ
Urbe aliqui per idem tempus, quo contigit, vt fur
Inlicitis animo stimulis agitatus avaras
390 Mitteret in sacra dona manus, & ab omnibus vnâ
Improbis, & demens, venerandæ insignibus aulæ
Eligeret prædæ speciem Crucis, inscius illam
Indicio sibi, non spolio fore, quam velut hamum
Piscis edax hausit captâ capiendus ab escâ.
395 Quis, rogo, latronem tam grandis spiritus auso
Impulit, armauit, cæcauit, præcipitauit?
Vt nec ad excubias vigilum, nec ad ipsa (quod est plus)
Quæ cineres reuerenda tegunt altaria sacros,

Pul-

V. 375. *Atq; dicatorum*. Nescio quid aduersus Ecclesiarum nostrarum dedicationes obmurmurent Heterodoxi, quum eas etiam Sanctis honoris causâ dicemus. Sed animaduertant quæso, quam nostro mori suffragetur Paulinus.

V. 392. *Eligeret prædæ*. In Ms. est; *Eligeret prædæ speciem Crucis*. emendauit.

V. 398. *Quæ cineres &c.* Altaribus quibusque subesse Martyrum corpora, aut ossa solebant. Quin & absq; illis aræ sacrari nequibant. Expressus est can. 14. Concilij Carthag. V. id interdicens. S. Hieron. contra Vigilant. hæc habet ironicè: *Malè facit ergò Romanus Episcopus, qui super mortuorum hominum Petri, & Pauli secundum nos ossa veneranda, secundum te vilem puluisculum, offert Domino sacrificia, & tumulos eorum Christi arbitratur altaria*. Synodus VII. Oecum. Can. 7. Ἐπιτοκοῦς τοῖς ἀγίων λειψάνοις κατιστῶν τοὺς καθαιρούμενους, ὡς παραβιβηκὼς τὰς ἀλλοθιστικὰς παραδόσεις. *Episcopus absq; sacris Reliquijs consecrans tem-*

Pulueris & Sancti virtutem halantia fragrant;
 400 Corde percussio fugeret, neq; Numine tantum;
 Sed specie simul, & præstantia ferret?

Multa

templum deponatur, ut ille, qui Ecclesiasticas traditiones transgreditur. Hoc alix Synodi statuere, Præterire etiam nolo egregium S. Ambrosij locum in Ep. ad Marcellinam, vbi SS. Protasij, & Gervasij inuentione exposita ita ad populum se dixisse ait: *Succedant victima triumphales in locum, vbi Christus hostia est. Sed ille super altare, qui omnibus passus est, isti sub altari, qui illius redempti sunt passione &c.*

V. 398. *Altaria*. Rosineus ih Addend. ad notas in Paulini locum Ep. 12. ad Seuer. *Reliquijs Apostolorum, & Martyrum intra Absidem trichora sub altaria sacratiss, prioribus Ecclesiæ temporibus vnicum altare in templis fuisse censet. Salmas. in Solin. Polyhist. pag. 1217. hæc ait: De trichoris altaribus nuga, Vnicum tantum altare in templis Paulini tempore habebatur. Tum laudata verba ita corrigit: intra Absidem trichoram sub altari sacratiss. Verum non ita certum vnum altare antiquitus sacris in ædibus constitutum. En ipse Paulinus in vnâ Basilicâ memorat:*

Qua cineres reuerenda tegunt altaria sacros.

Ipse in Ep. 12. ad Seuer.

Dinum veneranda tegunt altaria sedus

Compositis sacra cum Cruce Martyribus;

Item: *Sancta Deo geminum velant altaria honorem,*

Cum Cruce Apostolicos qua sociant cineres.

Verum quidem Paulino rationem carminis suadere potuisse, ut plurali numero pro singulari vteretur. Sed ab ipso etiam pluralem numerum soluta in oratione vsurpatum ostendam. Agit in ead. Ep. de consecrandâ vnâ Basilicâ, ad quod opus Martyrum reliquiæ faciserant, *Quorum Martyrum*, inquit Paulinus, *venerandus cinis si sine Crucis consortio subiiciatur altaribus, hic apertus titulus indicabit.* Sed & in Ep. XI. ad Seuer. de Basilicâ per Helenam Augustam Hierosolymæ conditâ ait: *Dignoq; mox ambitu consecratur condita in Passionis loco Basilica, qua auratis corrusca laquearibus, & aureis dines altaribus arcana positam Sacrario Crucem seruat.* Verum audiamus & magnum Ambrosium in Ep. 4. lib. 2. ad Marcellinam. Refert ille celebrem de Portianâ Basilicâ aduersus Arianos defensâ historiam. Inclusus ipse cum plebe immisus per vim armatos inrepidus sustinebat, quum repente nunciatur pax ab Imperatore reddita: *Certatim*, inquit, *hoc nunciare milites, irruentes in altaria osculis significare pacis infigne.* Ergo non vnum altare, sed p'ura, S. Greg. M. l. 5. Ep. 50. ad Pallad. Ecclesiæ meminit, in qua *XIII. Altaria* collocata. In Cæmeterijs item, quæ sub Ethnicorum Imperio Ecclesiæ erant, idem est obseruare. Vnum ex ijs describit Auringhus Rom. Subterr. l. 3. c. 22., &

non

- Multa etenim suberant alia, vt nouistis, in ipso
 Ornamenta loco, quæ sumeret, vt Crucis auro
 Parceret; intus enim latitabant mystica vasa
 405 Sumendis mandata sacris. Sed præter & aulæ
 Ipsius in spatio varijs insignia formis
 Munera erant de more sita, hæc quæ cernitis illic
 Omni prompta die, vel circumfixa per omnes
 Ordine dimenso quasi candelabra columnas,
 410 Depictas extare gerunt quæ cuspide ceras,
 Lumina vt inclusis reddantur odora papyris.
 At medio in spatio fixi laquearibus altis

Pende-

non pauca altaria Martyrum tumulis superposita monet. Quæd id vti-
 tatus futurum fuit, quum Religioni libertas reddita, pluraq; Sanctorum
 Corpora in vnâ eademq; Ecclesia plerumq; conderentur? Ad alia propero.

V. 402. *Multa etenim suberant.* Consule diss. XVI. de Ecclesiarum or-
 namentis, quam ad hæc explicanda, ne in notis nimium prolixus essem,
 ad libri calcem retraxi.

V. 409. *Ordine dimenso.* Candelabra antiquitus in Christianorum
 Sacris adhibita. Id satis in præf. diss. probaui. Iuvat nunc apponere
 S. Clementis auctoritatem in Ep. ad Iacob; licet enim tanti Pontificis
 illam esse genuinum factum & ego vix arbitrer, adhuc apud antiquos ve-
 nerabilis fuit: ait igitur: *De vasis sanè sacris ita gerendum est: Altaris*
palla, canthara, candelabrum, & velum, si fuerint vetustate consumpta,
incendio dentur. Quam verò magnifica forent candelabra, hinc discẽ,
 vbi dicuntur columnarum ad instar extructa.

V. 410. *Depictas extare.* Non ausim extare illud aut corrigere, aut
 immutare. Olim quoq; pingebantur cerei, idemq; mos in Ecclesiâ per-
 durat. Paulin. Natal. VI.

At alij pictis accendant lumina ceris.

V. 411. *Lumina vt inclusis.* Idem Paulin. Natal. III. cecinit.

Lumina ceratis adolentur odora papyris.

Mos fuit tum Ethnicis, tum Christianis scyrrum papyri speciem cerâ
 circumdare, atque ex illo candelas efformare. Plinius cap. 27. lib. 16. de
 scyrris loquens: *E quibus detracto cortice candelæ luminibus, & funeri-*
bus seruiunt. Sunt etiam Antipatri carmina apud Suidam in hanc rem.

Λαμπάδα κηροχέτωρα κρίνι τυρῆρα λῦχνον

Χοῖνον, καὶ λαπτῆ σφιγγόμενον πατῆρ.

Quæ sic vnto: Lampadem, ceream tunicam habentem, Saturni ardentem
 lucernam iunco, & leui constrictam papyro.

V. 412. *Fixi laquearibus.* Virgil. lib. 1. Aeneid. ita:

Dependent lychni laquearibus altis

Incensi ———

Ipse

- Pendebant per athena caui retinacula lychni,
 Qui specie arborea lentis quasi vitea virgis
 415 Brachia iactantes, summoq; cacumine rami
 Vitreolos gestant tamquam sua poma caliclos,
 Et quasi vernantes accenso lumine florent,
 Deniq; multicomis imitantur sidera flammis,
 Distinguuntq; graues numerosa luce tenebras,
 420 Et tenerum igniculis florentibus aethera pingunt,
 Dumq; tremunt liquidos crines, crebrumq; coruscant
 Assiduus facibus, sparsa caligine noctis,
 Ambiguam faciem miscent lucem inter & umbras,
 Et dubium trepidis conspectibus aera turbant.
 425 Iste ergo licet in patulo sibi prompta videret,
 Tutius & furanda sibi, quoniam minus esset
 Criminis, & pretij suspensam altaris ab ora
 Longius, argentoq; leuem emendare lucernam;
 Sed miser, ambitiosus, & ipsa in fraude superbus,
 430 Tamquam vile nefas argentea sumere furto
 Spreuit, & audacem porrexit in aurea dextram,
 Quae simul & varijs scite distincta lapillis
 Viderat, & magnis inflarat pectora votis,
 Vt pariter gemmis gauderet diues, & auro.
 435 Sed tantum sceleris magni cumulat iniquo
 Pondere, peccato mansit grauis, & levis aere;
 Sacrilegum sua poena manet, sua praeda latronem

De.

Ipse Paulinus Nat. VI.

*Multiforesq; canis lychnos laquearibus aptent.*Et Natal. IX. *_____ tellosq; supernè**Pendentes lychni spiris retinentur athenis,**Et medio in vacuo laevis vaga lumina nutant**Funibus, undantes flammis laevis aura fatigat.*

V. 414. *Qui specie arborea.* Lucernas graphice describit, quae *Lumière* Italice nuncupantur, quaeq; Mediolani arte mirè elaborari solent. Haec pluribus constant ramis, aut brachijs ab vno stipite, aut à medio orbe in circulum tendentibus. Singuli rami cereis suis in cacumine grauantur, & pendentes circum vndiq; crystalh baecae ita gerunt, ut lumen in illas impingens nobili varietate iteretur.

V. 416. *Vitreolos.* En tibi vitreae illae baccae, quas modò memorabam.

V. 427. *Altaris ab ora.* Etiam xuo Paulini suspendabantur lampades

E

ad

- Deservit. Spolio furti, non crimine, nudus
 Vivit inops fructu, sed vulnere fraudis abundans.
 440 Quamquam illum non hoc magno sine numine Christi
 Consilioq; putem permisum crimen adesse,
 Vt, quia vel quicquam de sacris tollere rebus
 Mente recepisset, sineretur ad illa venire
 In quibus admissi impietas insignior esset.
 445 Ante dies paucos idem confugerat illuc
 Militiam simulans fugore, & susceptus amicè
 Hospes ab ædituis sacram curantibus aulam,
 Toto penè latens vbi mense, cubilia, somnos,
 Tempora custodum simul explorauerat. Et cum
 450 Cæpisset placitas meditati criminis horas,
 Nocte nefas tacitâ arripuit, nulloq; labore,
 Nec strepitu foribus clausis inclusus, vt vnus

Scr-

ad altaris latus. Hinc ille Natal. III.

Clara coronantur densis altaria lychnis.

V. 441. *Permisum crimen*: Certè malè positum illud *adesse*. Emendo itaq; *Permisum crimen adesse*, aut *adire*.

V. 445. *Confugerat illuc*. Ecclesiarum immunitatem, seu asyllum multis exemplis illustrat V. C. Gothofr. tom. 3. Cod. Th. tit. 45. l. 1. de his qui ad Eccl. confug. Hanc statuerunt postea Imp. Theodosius, ac Valentinianus l. 4. eod. tit. *Pateant*, inquit, *Summi Dei templa timen- tibus*. *Nec sola altaria, & oratorium templi circumiectum ad tuitionem confugientium sancimus esse proposita* &c. Idem exprimitur in alia Theo- dosij iun. Lege, super quibus consulendus laudatus Gothofredus.

V. 447. *Ab ædituis*. Aedituus apud veteres *aeditimus* etiam diceba- tur, & sacræ ædis custos hoc nomine insignebatur. Ab Ethnicis ad Chri- stianos vocabulum translatum. Aeditui autem nil aliud sunt, quam Ostiarii, quorum Ordo in Ecclesiâ Dei ab ipsis eius incunabulis viguit. Hinc apud Græcos Ostiariorum Ordo *Νοτέριον τάξις* appellatur, quod nomen propriè *aeditum* sonat. Paulini verò nostri locus in Ep. 6. ad Se- uer. ab his lucem accipiet. Inquit is: *Repentinâ vi multitudinis, sed credo ipsius ordinatione correptus, & Presbyteratu initiatus sum, fateor, inuitus, non fastidio loci* (nam testor ipsum, quia & ab Aeditui nomine, & officio optati sacram incipere seruitutem) *sed* &c. Vides itaq; etiam Paulini tempore Ostiarii munus primum Clericatus gradum extitisse.

V. 448. *Toto penè latens*. In lege superius memoratâ Imperatores im- munitatem multis etiam Ecclesiæ adiacentibus locis concesserant, ratio- nemque pietatis hanc adferunt: *Hanc autem spatij latitudinem idè in- dulge-*

- Servantum, quibus hospes erat, primos ubi somnos
 Non vigiles Vigiles cæpere silentibus vmbria
 455 Carpero, & oppressis obliuia ducere curis,
 Ille locum sceleri sumens, quam nouerat vsu
 Adpositam lychnis per noctem ex more parandis
 Machinulam gradibus scalas præbere paratam,
 Et malè securo sibi iam custode relictam,
 460 Quâ Crucis instar erat, quod & est modò perpete virgâ
 Directum geminos transuerso limite gestans

Car-

dulgemus, ne in ipso Dei Templo, & sacrosanctis altaribus confugientium quemquam manè, vel vespere cubare, vel pernoctare liceat. Fur igitur iste in ipsâ Basilicâ somnos carpere non solebat.

V. 453. *Primos ubi somnos.* Hinc discite Ostiarijs necessitatem impostam in Ecclesijs noctu cubandi, ibiq; vigilias ducendi. Consule Hallier. p. 2. art. 1. cap. 1. de Sacr. Elect. & Morin. de Sacr. Ordin. Etiamnum in Metropolitana Mediolani Ecclesiâ id moris retinetur.

V. 460. *Quâ Crucis instar.* Instar hic sumendum pro imagine, formâ, aut figurâ. Id alibi in hoc Natali occurrit:

Ante tamen, quia res hoc postulat, ipsius instar

Enarrabo Crucis ———

Nat. XIII. *Ipsius instar eris Domino puer iste beatus*

Arboris ———

Hoc est *imago*. Fuit hoc etiam Latio meliori vocabulum.

Virg. l. 6. *Aeneid.* — *Quantum instar in ipso est!*

Videlicet *exemplar*. Vlpian. in l. si stipulatio ff. de noui op. nuntiat. ait: *Si proponatur instar quoddam, & quasi facies quâdam operis facta.*

V. 461. *Transuerso limite.* Limes transuersus alius non est quam trabs transuersa, quæ lateralia Crucis brachia constituit. Hanc infra ita designat:

Quâq; cacumen habet, transuerso velle ingatur.

S. Aug. tract. 118. in Iohann. *Crux lata est in transuerso ligno, quo extenduntur pendentis manus.* Duo itaq; ex his Cantharulis Crucis Sanctæ lateralibus brachijs superponebantur. Crucem elegantissimè elaboratam Aringhus proferit lib. 2. cap. 22. pag. 381. Rom. Subterr., in cuius brachijs candelabra duo itidem superposita cernuntur. Huius ad instar sitos fuisse Crucis Paulinianæ Cantharulos crediderim, quum nulla catenæ mentio occurrat, quâ hi regerentur, uti de alio mox videbimus. Hincmarus Rhem. Episc. in S. Remigij vitâ apud Suriam Id. Ianu. ait: *Assumptâ igitur pallâ de Beati sepulcro, componunt eam in modum fere tri, accensisq; super Cruces cereis, atq; super ceroforarijs dant voces incantantis.*

E 2

V. 462.

- Cartarulos; vnum de calce catenula pendens
Sustinet in tribus. His scyphulis incerta relucet
Lumina, cum fert festa dies; Tunc verò sine vsu
465 Luminis ad speciem tantum suspensa manebant.
Sed paulò Crucis ante decus de limine eodem
Continuum scyphus est argenteus aptus ad vsu:
Hunc importuno sibi lumine prædo micantem
Protinus extinguit, namq; id quoq; nouerat idem
470 Sæpe folere mori, cum stuppa perarida longam
Conderet in noctem consumpto lumen oliuo,
Nec miraturum vigilem, si fortè tenebras
Cerneret obducto subducere culmine lychno,
More putaturus noctem, non crimine, factam:
475 Non igitur quasi fur, quod erat latro, sed quasi custos
Aufert

V. 462. *Cartarulos*. Necessariò vox corrigenda, ac reponendum *Cantharulos*. Canthari autem species lucernæ fuere, quæ in Ecclesijs suspendebantur aliarum lampadum more. Anastas. Bibl. sæpè illorum meminit, & expressè in Syluestro: *Pharum cantharum*, ait, *ex auro purissimo ante altare, in quo ardet oleum nardinum piscicum, ubi candelæ ardent*. In Leone 3. *Canthara habentia in medio ceros ex argento deauratos*. *Pha-vocanthara* alibi etiam occurrunt, & *canthara cerostrata*. Cl. V. Io. Ciampinus Urbis, ac literarum decus in eximio opere de musius canthari figuram exhibet. Frequentius tamen candelabra per hanc vocem designata arbitror. Hac significatione Canthari nomen in Ambrosianæ Ecclesiæ Ritualibus perdurat. Beroldus vetustissimus huiusce ritus Scriptor, qui in Metropolitane Archiuo, & in Bibl. Ambros. Ms. asseruatur, vocabulum non rarò usurpat, vt candelabra designet. Exscribam quædam loca: In Sabbati S. ritibus hæc ait: *Et tunc duo Diaconi de circumstantibus accendunt Cereos, quos tenent cum cantharis de igne, qui est super candelabrum maius*. Infra: *Duo Diaconi portant duo candelabra, quæ vocantur canthara cum cereis desuper accensis*. Item Paschatis die: *Diaconi portant candelabra, quæ vocantur Canthara*. Et pluries alibi.

V. 462. *Vnum de calce*. Catenula pendens de Crucis calce alium candelarulum sustinebat in tribus, nempe in tribus catenis.

V. 464. *Cum fert festa dies*. Etiam in diurnis Sacris cereos accendi consueuisse hinc discet, de quâ re consule diss. XVI. *Incerta* vero lumina relucere dicuntur, quia interdiu accensa Solaris luminis vigore ita premuntur, vt vix ardere cera videatur.

V. 467. *Continuum scyphus*: *Scyphus* tum sacrum vas, in quo vinum, ad Missæ Sacrificium detinebatur, tum etiam candelabri, lampadisve species

- Aufert illicitam securus prædo rapinam,
 Nec fugit, impavidusq; manet. Tegit una latentem
 Cellula de multis, quæ per latera undiq; magnis
 Adpositæ testis præbent secunda sepultis]
- 480 Hospitia. Harum una fur abditur, atq; ubi manet
 Clausura patere videt, referatâ profilit aulâ,
 Et latebram linquens portat scelus. Ire parabat
 Romuleam, ut post iam captus narrabat, ad Urbem;
 Illic infandæ acturus commercia fraudis.
- 485 Interea ignavis nostris nox illa diesq;
 Totus obit. Sero solitum iam vespere munus
 Curantes posuere gradus. Ut scandere cæpit
 Facturus lychnum, nihil inuenit. Orba manebat
 Virga Crucis solitæ, pulchro spoliata monili.
- 490 Palescunt miseri, neq; damnum criminis audent
 Prodere nolcentes etiam sibi posse reatum
 Competere. Abscedunt trepidi, fugiuntq; latronem
 Sectantes profugum. Nusquam vestigia lapsi
 Vlla legunt. Omnes adeunt diuersa viarum,
- 495 Scrutanturq; sitos diuerso litore portus.
 Effluxere dies frustra quærentibus octo,
 Siue decem, & cunctis vacuâ iam indage recursis
 Vnus quærentum puer inritus ipse laboris
 Incassum fusi longâ regione redibat,
- 500 Et prope iam Nolam veniens subsistit in ipso
 Aggere, & ingenti gemitu, sletuq; profuso
 Felicem clamans præsumit corde fideli
 Non remeare domum, nisi cum Cruce. Moxq; peractum
 Promptus iter relegit, sitq; illicit obuius illi
- 505 Quidam homo qui furem, non furem, sed quasi ciuem
 Norat eum. Noster primus rogat, unde viator
 Adforet. Ille refert. Rursus de fure rogatus,

Si

cies fuit, ita à calicis similitudine appellatus. Cap. 25. & 37. Exodi, & alibi hoc sensu usurpatur *scyphorum* vox, & in Græcâ editione κρατῆρς dicuntur.

V. 478. *Cellula*. Recurre ad diss. XVII., ubi etiam in Ecclesijs priuatos homines sepulcri locum inuenisse probam, simulq; hanc vocem illustrare studui.

V. 509.

- Si vidisset eum, respondit at ille, propinquis
 Inde locis agere, & regio prope ipsos,
 510 Dum loquerentur, erat monti coniuncta Beseuo;
 Quintus ab vrbe lapis Nolâ. Sed vesperis ortus
 Consilium differt. Placet ut lux crastina rursus
 lungat utrumq; sibi. Fit mane; Reuertitur index;
 Perducit nostros; capitur fur; præda refertur.
 515 Fortè sacrata dies inluxerat illa Beati
 Natalem Prisci referens, quem Nola celebrat,
 Quamuis ille aliâ Nucerinus Episcopus vrba
 Sederit. Ecce ipsam Sancti Felicis in aulam,
 Quam tunc solempni populus stipauit honore,
 520 Post Sacra iam soluente pios Antistite cætus,
 Tempore prouiso diuinitus egredientis
 Plebis in occursum subito introducitur ille
 Furaces post terga manus nodata reuinctus.
 Lætitia populus, formidine prædo repletur;
 525 Utq; nouum ad monstrum totâ concurritur Vrbe:

Turba

V. 509. *Et regio prope.* Claudicat versus, ac propterea addendum.
 Epithetum, dicis causa: *Et regio monstrata prope ipsos.*

V. 510. *Beseuo.* Græcorum aliquorum more V. consonans per B. effert.
 Apud hos non rarò *Besibios*, & *Biosbios* nuncupatur Vesuuus. Celebre,
 est Agellij effatum de ips Virgilij versibus: *Pleins Veseno Ora iugo*; ait
 enim Poetam scripsisse prius *Nola iugo*, at ob negatum à Nolanis aquæ
 petita beneficium pro *Nola* reposuisse *Ora*. Fidem seruamus Auctori.
 Vesuuium montem ab vrbe Nolâ quinque passuum millia distare docet
 quoq; Ambr. Leo lib. 2. de Nolâ cap. 3.

V. 516. *Natalem Prisci.* Nuceria dux. In Vmbriâ vna, in Picenti-
 bus altera. Postrema hæc *Nuceria Paganorum* nominatim dicta, eiusq;
 Episcopus fuit S. Priscus. Vghellus tom. 7. Ital. sacræ hæc de illo profert:
S. Priscus primus huius Ecclesiæ Episcopus censetur sub Nerone coronatus,
cuius dies festus agitur IX. Maij in Martyrol. Rom., de quo Bar. in notis,
Estq; Diuus tutelaris. In Martyrol. hodierno nil tamen de hoc Sancto
 occurrit, vnde Vghellum suspicari licet hallucinatum, ac pro Ferrario
 Baronium, eiusq; notas memorasse. Illi Cathedralis à Nucerinis dicata,
 ac tutelaris apud illos est semper habitus. Agunt de hoc Sancto ad
 diem IX. Maij in Act. SS. Cl. Viri Henscherius, & Papebrocius, qui ta-
 men incertam fatentur huius historiam, sicuti incertissimum etiam est
 Martyrij tempus. Ego Nucerinis gratulor, quod illustrem ante tot se-
 cula S. Episcopi memoriam primus è tenebris eruerim; Quam enim ce-
 lebris

- Turba furens odijs popularibus ibat in illum;
 Læticia incertos miscebat & ira tumultus.
 Pertimui, fateor, ne fortè Diabolus illà,
 Quà solet, inuidià violaret sanguine pompam;
 530 Et peiore prius curaret vulnere vulnus.
 Eripitur populo, cellàque includitur ipsà
 (Quod sic fortè reo capto tunc accedit) in quā
 Delituit raptā Cruce, quā post ipse repertā
 Clauditur, vt viuat. Tunc ergò vt mente receptā
 535 Ipse suum facinus reus, atque obstacula cæpit
 Mirandis narrare modis, falsusque per illos
 Octo, decemue dies, quibus ire parauerat Urbem
 Romuleam, implicitis ita se pedibus retroactum,
 Semper vt ire parans, semper retrahente rediret
 540 Nescio quò, rursusq; illam remearet ad oram
 Bosæui, quā iussus erat quasi carcere claudi,
 Angelicā nectente manu. Tamen ille putabat
 Arbitrij miser esse tui, quod corpore liber
 Esse videbatur, quem non extante catenā
 545 Fortior arcanis retinebat dextera vinclis.
 Vltor eum digno Felix errore ligabat
 Et tali mentem vertigine circumagebat,
 Semper vt abscedens nusquam descendere tectum
 Profiliante gradu cæpisset abire rediret.
 550 Mira fides! ibat stando, remanebat eundo,
 Nescius hoc ipso, pro quo fugitare parabat;
 Ne fugeret fieri, & secum sua vincla manere;
 Inruptamq; sibi proprium scelus esse catenam.
 Namq; sinu clausæ mandauerat insita prædæ
 555 Pondera, & hinc auidam quasi captus mente latebram
 Quærens, luce tamen campis errabat apertis,
 Seq; latere putans extabat in æquore claro.

Con:

lebris ille fuit, cuius natalitius dies non Nuceriæ modò, sed & in alijs vr-
 bibus Paulini tempore colebatur!

V. 534. *Tunc ergò.* Textum correxi, vbi *Tunc ego*. Nempè versus
 claudicabat.

V. 557. *In æquore.* Mendum certè exscriptoris, ac positum pro *athere*,
 aut *aere claro*.

V. 561.

- Conscia sic mentem impietas cæcauerat, vt nec
 Effugeret fugiens, nec celaretur aberrans
 560 Sentibus aduersis. Metus hinc, Ruptor inde nocentem
 Miscuerant animam, vitabat strata viarum,
 Secretos metuebat iners accedere saltus;
 Ipsa etiam in syluis sibi fortè silentia tantum
 Clamatura nefas metuens, aut tristitia formis
 565 Occursura putans vlticum monstra ferarum.
 Inde miser celebri seductus ab aggere iuxta
 Deuius in quodam spatiabatur sibi rure,
 Securum ignaris simulans, sed corde timorem
 Vt facinus sub veste premens, nam vestis in altum
 570 Succinctæ sinibus clausum mandauerat aurum;
 Nam neq; vel tacitæ furtum committere terræ
 Ausus erat, specubusue cauis de more latronum,
 Indicium metuens credendæ fraudis auarus,
 Inde suæ tantum tunicæ sua furta nefandus
 575 Crediderat. Quare strictum nudarat amictum
 Suspendens fluidam nudato poplite vestem.
 Hanc prædo pænam sceleris tunc semet in ipso
 Struxerat, & dignè tali est formidine victus,
 Crederet vt nullis miseri consortia furti,
 580 Vt sceleris tanti contagia solus haberet,
 Et sinus illius fieret custodia furti,

Cuius

V. 561. *Strata viarum*. Vide quæ de stratis collegi ad vers. 375. Nat. XII., vbi de his fusè.

V. 577. *Hanc prædo*. Ms. ita habet: *Hanc sibi prædo pænam*. Sed syl-
 labâ versus abundabat. Errorem Amanuentium reparaui.

V. 581. *Et sinus illius*. Descripserat modò Paulinus tunicam, quæ vul-
 garibus hominibus in vfu fuit. De illâ audiendus Quinctilianus lib. XI.
*Eni laticlavi ius non erit, ita cingatur, vt tunica prioribus oris infra ge-
 nus paulum, posterioribus ad medios poplites usq; perueniant*. Cinge-
 bant autem Romani tunicam, & prout libebat, illam contrahebant, aut
 dimittebant, interdum ita laxabant, vt sinu facto ibi celare aliquid pos-
 sent. Inquit supra Paulin.

————— *vestis in altum*

Succinctæ sinibus clausum mandauerat aurum,

Suspendens fluidam nudato poplite vestem.

Hoc idem fieri solitum docet Plutarchus in Coriolano, vbi Candidatos
 olim

- Cuius sacrilegam fuerat manus ausa rapinam;
 Ipse suum sibi ferret onus, solumq; grauaret,
 Pollueretq; suæ lethalis sarcina prædæ;
 585 Vt nihil ex illo vacuum impietate maneret;
 Qui spoliū sceleris sacris ex ædibus actum
 Includens habitu cincto contingeret ipsum,
 Atq; suis signum prætenderet ipse catenis.
 Namq; breui captus mutauit cingula vinculis;
 590 Vtq; aurum finibus discinctâ veste solutis
 Decidit, ex ipsâ fuerat quâ cinctus habenâ
 Vincit eas, quas in sacra dona tetenderat audax
 Prædo manus, proprij captus nodamine lori
 Rettulit, & prædæ vacuas, & rete repletas.
 595 Verum si penitus totam spectare velimus
 Ordinis exacti seriem magis, ac magis omni
 In specie, vel quâ latuit, quâue arte reclusus
 Claruit, admiranda Dei cernemus operta
 Felicem gessisse manus. Iam plurima retrò
 600 Diximus, vt fugiens non fugerit, vtq; redactis
 Passibus emensos sua per vestigia cursus
 Incautum totiens voluente relegerit orso,
 Longinquis exclusus, & ad vicina recursus.
 Nunc aliud Felicis opus, quod dextera Christi
 605 Edidit, vt meritum cari monstraret alumni,
 Commemorabo pari specimen mirabile signo,
 Quod reus ipse tremens confesso prodidit auso.
 Ante tamen, quia res hæc postulat, ipsius instar
 Enarrabo Crucis, qualem & pictura biformem
 610 Pingere conueuit, baculo vel stante bicornem,
 Vel per quinque tribus dispanfam cornua virgis.

Forma

olim sine tunicis ad Comitia accessisse ait, ne incluso in eisdem auro suffragia mercarentur: Ἀΐωνος ἰσχυροῦ προΐσται, καὶ ἀξίωνα τοῖς ποδῶν τοῖς ἀμείνων αὐτῶν. Discinctum volebant, ac sine tunica ad Cines accedere candidatum. Ouid. Amor. lib. 1.

Quid puerum Veneris pretio proflare inbetis?

Quò pretium condas non habet ille sinum.

Horat. lib. 2. Sat. 3.

Ferre sinu laxo, donare, & ludere vidi.

F

Super

- Conscia sic mentem impietas cæcauerat, vt nec
 Effugeret fugiens, nec celaretur aberrans
 560 Sentibus aduersis. Metus hinc, Rupor inde nocentem
 Miscuerant animam, vitabat strata viarum,
 Secretos metuebat iners accedere saltus;
 Ipsa etiam in syluis sibi fortè silentia tantum
 Clamatura nefas metuens, aut tristitia formis
 565 Occursura putans vlticum monstra ferarum.
 Inde miser celebri seductus ab aggere iuxta
 Deuius in quodam spatiabatur sibi rure,
 Securum ignaris simulans, sed corde timorem
 Vt facinus sub veste premens, nam vestis in altum
 570 Succinctæ sinibus clausum mandauerat aurum;
 Nam neq; vel tacitæ furtum committere terræ.
 Ausus erat, specubusue cauis de more latronum,
 Indicium metuens credendæ fraudis auarus,
 Inde suæ tantùm tunicæ sua furta nefandus
 575 Crediderat. Quare strictum nudarat amicum
 Suspendens fluidam nudato poplite vestem.
 Hanc prædo pænam sceleris tunc semet in ipso
 Struxerat, & dignè tali est formidine victus,
 Crederet vt nullis miseri consortia furti,
 580 Vt sceleris tanti contagia solus haberet,
 Et sinus illius fieret custodia furti,

Cuius

V. 561. *Strata viarum*. Vide quæ de stratis collegi ad vers. 375. Nat. XII. vbi de his fusè.

V. 577. *Hanc prædo*. Ms. ita habet: *Hanc sibi prædo penam*. Sed syl-
 labâ versus abundabat. Errorem Amanuentium reparaui.

V. 581. *Et sinus illius*. Descripserat modò Paulinus tunicam, quæ vul-
 garibus hominibus in vsu fuit. De illâ audiendus Quinckianus lib. XI.
*Cui laticlavi ins non erit, ita cingatur, vt tunica prioribus oris infra ge-
 nua paulum, posterioribus ad medios poplites usq; perueniant*. Cinge-
 bant autem Romani tunicam, & prout libebat, illam contrahebant, aut
 dimittebant, interdum ita laxabant, vt sinu factò ibi celare aliquid pos-
 sent. Inquit supra Paulin.

————— *vestis in altum*

Succinctæ sinibus clausum mandauerat aurum,

Suspendens fluidam nudato poplite vestem.

Hoc idem fieri solitum docet Plutarchus in Coriolano, vbi Candidatos
 olim

- Cuius sacrilegam fuerat manus ausa rapinam;
 Ipse suum sibi ferret onus, solumq; grauaret,
 Pollueretq; suae lethalis sarcina praedæ;
 585 Vt nihil ex illo vacuum impietate maneret;
 Qui spoliū sceleris sacris ex ædibus actum
 Includens habitu cincto contingeret ipsum,
 Atq; suis signum prætenderet ipse catenis.
 Namq; breui captus mutauit cingula vinculis;
 590 Vtq; aurum finibus discinctâ veste solutis
 Decidit, ex ipsâ fuerat quâ cinctus habentâ
 Vincit eas, quas in sacra dona tetenderat audax
 Prædo manus, proprij captus nodamine lori
 Rettulit, & prædæ vacuas, & rete repletas.
 595 Verum si penitus totam spectare velimus
 Ordinis exacti seriem magis, ac magis omni
 In specie, vel quâ latuit, quâue arte reclusus
 Claruit, admiranda Dei cernemus operta
 Felicem gessisse manu. Iam plurima retrò
 600 Diximus? vt fugiens non fugerit, vtq; redactis
 Passibus emensos sua per vestigia cursus
 Incautum totiens volente relegit orso,
 Longinquis exclusus, & ad vicina recursus.
 Nunc aliud Felicis opus, quod dextera Christi
 605 Edidit, vt meritum cari monstraret alumni,
 Commemorabo pari specimen mirabile sigao,
 Quod reus ipse tremens confesso prodidit auso.
 Ante tamen, quia res hæc postulat, ipsius instar
 Enarrabo Crucis, qualem & pictura biformem
 610 Pingere consuevit, baculo vel stante bicornem,
 Vel per quinque tribus dispanfam cornua virgis.

Forma

olim sine tunicis ad Comiticia accessisse ait, ne incluso in eisdem auro suffragia mercarentur: Αὐτὸν ἰβέλοντο προίται, καὶ ἀχίτωνα τοῖς ποδί-
 ταις τῶν δεινῶν αὐτῶν. Discinctum volebant, ac sine tunica ad Cines
 accedere candidatum. Ouid. Amor. lib. 1.

Quid puerum Veneris pretio proflare iubetis?

Quò pretium condas non habet ille sinum.

Horat. lib. 2. Sat. 3.

Ferre sinu laxo, donare, & ludere vidi.

F

Super

- Forma Crucis geminâ specie componitur, & atunc
 Antennæ speciem navalis imagine mali,
 Siue notam Græcis solitam signare trecentos
 615 Explicat exstans, cum stipite figitur vno,
 Quâq; cacumen habet transverso veste iugatur.
 Nunc eadem Crux dissimili compacta paratu

Eloqui:

Super his Consule Oct. Ferrar. de re vest.

V. 612. *Forma Crucis.* Elegantissima est Crucis ista descriptio; Hanc duplici modo effingi dicit. Alius Crucem exhibet eius ad instar, in quâ Christus Redemptionem nostram consummauit; alius verò Monogramma Græcis, Latinisq; notum profert. Singula dispiciamus.

V. 613. *Antennæ speciem.* Minutius in Octau. Signum sancti, ait, *Crucis naturaliter visimus in navi, cum velis tumentibus vehitur.* Auctor Poematis de Pascha, quod S. Cypriano adscribitur, sed à Beda Victorino Pictau. vindicatur:

*Arboris hac species vno de stipite surgit,
 Et mox in geminos extendit brachia ramos;
 Sicut plena graues antennæ carbasa tendunt.*

I. Iustinus Apol. 2. κατακρίνεται πάντα τὰ ἐν τῷ κόσμῳ, ἑκαστὸν τῷ σχήματι τῆς δικαιοσύνης, ἢ κοινωρίας ἔχειν δύναται. θάλασσα μὲν γὰρ ἐ τέμνεται καὶ μὴ τῷ τοῦ τρίτανου, ὃ καλεῖται ἱεῖος, ἐν τῇ νηὶ σῶν πάντων. Considerate omnia, quæ in mundo sunt, an sine signo hoc (Crux) gubernentur, aut possint præbere sui usum. Mare etenim non secatur, nisi trophaeum hoc, quod appellatur malus, saluum in navi maneat. Auctor. ser. 56. tom. 3. op. S. Ambt. seu ille S. Maximus, seu Ambrosius sit, id luculenter asserit. Origen. Hom. 8. in diuers. inquit: *Antennæ nauium, velorum cornua sub figurâ nostræ Crucis volitant.*

V. 614. *Sine notam Græcis.* Hoc est Tau. Vide quæ congesti in diss. XXI.

V. 617. *Nunc eadem Crux.* Monogramma Christi nomen fuit compendiosè scriptum. Hoc antiquis vexillis, quæ Labara nuncupantur, Constantinus Magnus addidit, quum Christianorum alio primus nomen suum dedit. Euseb. lib. 2. cap. 8. de vit. Const. hoc signum τῶν ἄλλων τιμωμένων, alijs pretiosius, ac sanctius, habitum asserit. Videndus Gretser. in egregio Opere de S. Cruce lib. 2. cap. 38. & sequ. Brentius hæreticus perquam famosus Monogramma aiebat nullam habere formam. Crucis, sed significare tantum hanc vocem *Christus*. En ut illum Paulinus nosler impudentiæ arguit, dum ita loquitur:

*Nunc eadem Crux dissimili compacta paratu
 Eloquitur Dominum samquam Monogrammate Christum.*

Est hoc planè Crucis exhibere figuram.
 Effingebatur autem ita Monogramma.



V. 619.

Eloquitur Dominum tamquam monogrammate Christum.

Nam nota, quâ bis quinque notat numerante Latino

620 Calculus, hæc Græcis Chi scribitur, & mediâ Rho,

Cuius apex & signa tenet, quod rursus ad ipsam

Curvatum virgam facit O, velut orbe peracto;

Nam rigor obstitit facit I, quod in E lade Iota est,

Tau idem stylus ipse brevi retrò à cacumine ductus

625 Effi-

V. 619. *Nam nota.* Numerus decem per X. exprimitur apud Latinos. Hæc eadem litera apud Græcos Chi dicitur.

V. 620. *Et mediâ Rho.* Fortè scribendum: *Et medium est Rho.*

V. 621. *Et signa tenet.* Ad efformandum Christi Græcum nomen, hoc est *Χριστός*, utique septem elementa concurrunt, quæ tamen sex melius vocantur, quia vnum sigma utrobique inservit. Quum verò adnumeravit Paulinus X. P. I. T. O., nihil de Σ. addit. Censerem itaq; pro *Signa* scribendum *Sigma*. Hoc autem elementum dupliciter olim Effigebatur; modò enim Σ. & modò C. exaratum invenimus. Illud in nummis antiquioribus Græcis observare est, alterum, testante Spanhemio diss. 2. de Præst. & v. Numism., post Domitiani tempora ita in usu fuit, ut prioris vestigia vix deprehendantur. Adfunt etiam in Inscriptionibus quibusdam Christianorum notæ istæ XC. hoc est *ΧΡΙΣΤΟΣ*. *Christus*, Equidem fateor me nondum satis perspexisse, quomodò Sigma illud in Monogrammate exprimitur, ut verum fiat, quod hic Paulinus canit:

Atq; ita sex, quibus omni nomine nomen
Celsius exprimitur, coeunt elementa sub uno
Indice.

Et infra: *Sex itaq; una notas simul exprimit.*

Neque enim ibidem cernitur. Censeo tamen alteram eiusdem *Sigma* figuram, nempe C, in Monogrammate constitutam, si partem lineæ rectæ, partemq; convexæ literam Rho constituentium sumamus. Aliter Paulinus explicari nequit.

V. 622. *Facit O.* Ita ego reposui, quum in Codice scribatur *facit ω*, non enim Omega, sed Omicron in voce *Χριστός* occurrit. Illud verò satis exprimitur in lineâ curvatâ ipsius P.

V. 623. *Facit I.* Demptra ex P lineâ curvâ, purum superest Iota I.

V. 624. *Tau idem stylus.* Posito Iota si lineam transversam eius cacumini superponas, habes T., cuius altera pars in sinum curvata integrum deinde P. præbebit. Animadverti autem in antiquis Labaris aliquantulum protendi summam lineam ipsius Rho ad sinistram, quæ protensio etiam Paulino, dicitur brevis. Huius observationis exempla ab Aringho petes in Rom. subterr. i. 4. c. 27. pag. 175. & 178. l. 6. c. 50. pag. 685. l. 3. c. 22. pag. 124. Annulum etiam præfatus Armgilius exhibet, in quo Monogramma ita expressum, ut integrum quoq; Tau ibi conspicias.

- 44
 625 Efficit, atque ita lex, quibus omni nomine nomen
 Celsius exprimitur, coeunt elementa sub vno
 Indice, & vna tribus formatur litera virgis.
 Sex itaq; vna notas simul exprimit, & tribus vna
 Significat virgis Dominum simul esse ter vnum.
 630 Et Deus in Christo est, quem sumpto corpore nasci
 Pro nobis voluit Trinæ concordia mentis,
 Idq; Sacramenti est, geminæ quod in vtraq; virgæ
 Vt deducta pari fastigia sine supinant,
 Infra autem distante situ parili pede constant,
 635 Adfixæq; sibi mediâ compage cohærent,
 Et paribus spectant discreta cacumina summi.
 His intermedio coeuntibus insita puncto
 Virga quasi sceptrum Regale superbius extat,
 Significans regnare Deum super omnia Christum;
 640 Qui Cruce dispensâ per quatuor extima ligni
 Quatuor attingit dimensum partibus Orbem,

Vt

spicias. Sex itaq; literas, quod infra Paulinus asserit, in Monogrammate delineatas nanciscêris. Neq; sensus, neq; carmen hîc sibi constant. Supprimendum iccirco illud *Idem*; reliquum carmen si pro cacumine legas acumine, ita restitui posset:

Tau stylus ipse breui retrorsum acumine ductus.

V. 627. *Vnatribus*. Virgæ duæ ad constituendum X., vna verò dumtaxat ad efformandum P. concurrunt. Et hinc sublime Triadis mysterium educit Paulinus. X. duabus constare virgis subiecta docent carmina.

*Idq; Sacramenti est, gemina quod in vtraq; virgæ
 Vt deducta pari fastigia sine supinant,
 Infra autem distante situ parili pede constant,
 Adfixæq; sibi mediâ compage cohærent.*

V. 636. *Cacumina summi*. Mendum, cui apponere manum haud scio. Fortè scribendo *summis*, intelligi posset paribus extremis discreta cacumina, idest paribus extremitatibus. Feliciter emendent alij.

V. 637. *His intermedio*. Ita lego. Ms. habet: *Has inter medio*.

V. 640. *Extima ligni*. An ex ligno Monogramma efformari solitum? Ne credas. Hic itaq; legendum duco *extima Signi*.

V. 641. *Quatuor attingit*. S. Ambr. Serm. 56., seu vt melius dicam, S. Maximus ita scribit: *Calum quoq; ipsum huius signi figurâ dispositum est; nam cum quatuor partibus, hoc est Oriente, & Occidente, & Meridiano, & Septentrione distinguitur, quatuor quasi Crucis angulis continetur.*

Greg.

Vt irahat ad vitam populos ex omnibus oris.

Et quia morte Crucis cunctis Deus omnia Christus

Extat in exortum vitæ, finemq; malorum,

645 Alpha Crucem circumstat, & ω , tribus utraq; virgis

Litera diuersam trinā ratione figuram

Perficiens, quia perfectum est mens vna, triplex vis.

Alpha itidem mihi Christus, & ω , qui summa supremis

Finibus excelsi pariter complexus, & imi,

650 Victor & inferna, & pariter cælestia cepit,

Effraçtisq; Abyssis cælos penetrauit apertos,

Victricem referens superatā morte salutem.

Vtq; illum patriæ iunxit victoria dextræ,

Corporeum statuit cælesti in sede tropæum,

655 Vexillumq; Crucis super omnia sidera fixit.

Illā igitur species, quam fur agitatus avaris


Incaustum furijis pendente refixerat vno,

Pollutāq; manu sanctā amandauerat aulā,

Hoc opere est perfecta, modis vt consita miris

660 Æter-

Greg. Nyss. Orat. de Christi Resurr. hæc de Cruce ab Apostolo memora-
tā habet: *Novit enim eā figurā quatuor cornibus ē medio prouenientibus
descriptā potentiam, ac prouidentiam illius, qui ex ipsā pependit, decla-
rari.* S. Hier. (seu quis alius sit Auctōr ille) in cap. 11. Marci. *Ipsa spe-
cies Crucis quid est nisi forma quadrata Mundi?*

V. 645. Alpha Crucem. In plurimis Græcorum numismatis, ac
in omnibus fermè veterū Christianorū sepulchralibus notis Mo-
nogramma inuenias cū literis A. & ω . utrinq; locatis, hoc modo .
Appositè ad illud Apocal. cap. 1. Εγώ εἰμι Α καὶ Ω, ὁ Κύριος
ὁ θεός, ὁ ἀρχὴ καὶ ὁ τέλος. Ego sum Alpha, & Omega, principium, & finis,
primus, & nouissimus. Clemens Alex. lib. 1. παιδαγ. ἐκόντος γὰρ αὐτοῦ
ὁπισθιενταὶ τοῖς δικαίοις ὁ Κύριος, ἵνα δι' σαφὸς ὁ λόγος αὐτοῦ διεχθῇ Α καὶ
Ω ἀρχὴ, καὶ τέλος. Meritò rursus hac instis pollicetur Dominus, vt
manifestè Verbum utrumq; esse ostendatur, Alpha, & Omega, principium,
& finis.

V. 645. Tribus utraq; Tres virgæ A componunt. Duæ etenim in ca-
cumine coeuntes tertiam sinu complectuntur. Similiter Omega tali figu-
rā delineatum ω . tres exhibet virgas, queis magnum Trinitatis mysterium
aperitur.

V. 654. Tropæum. Ita Codex noster, & ad veræ orthographiæ amuf-
sim. Bulengerus in Opusc. de Spol. bell. tropæum potius legendum cen-
set propter vsus constantiam, neq; tamen dimittetur rectiùs Tropæum dici.

Ver-

- 660 *Æternæ Crucis effigiem designet vtramq;
Vt modò si libeat spectari cominus ipsam;
Prompta fides oculis; nam reddita fulget in ipso;
Quo fuerat prius apta loco, & velamine clausi
Altaris faciem signo pietatis adornat.*
- 665 *Ergò eadem species formam Crucis exerit illam,*

Quæ

Verbum è Greciâ prodijt, a quâ ita exprimitur *τρόπαιον* videlicet *tropæum*. Ger. Io. Vossius in Etymol. hanc lectionem tuetur. Sanè vetusti Codices ita legunt, quos & ego consului, & Virgilianus Codex antiquissimus in Florentinâ M. Ducis Bibliothecâ asseruatus sub curâ Cl. viri, eximijq; in re literariâ fulgoris Antonij Magliabechij *tropæum* non *trophæum* inscriptum habet. Neq; ipsa dissentiunt marmora. Vide Daulquium in orthogr.

V. 660. *Æternæ Crucis.* Non purum putumq; Monogramma fuit Crux à Paulino descripta, verùm vulgaris etiam Crucis imagini iunctum erat. Omnia percurri Monogrammatiss exempla tum in vetustis nummis, tum in sepulcralibus monumentis, neq; mihi vtramq; hanc effigiem simul copulatam nancisci fas fuit. Vnum tantum, atq; egregium huius eruditionis testimonium occurrit apud Aringum in Rom. Subterr. lib. 2. cap. 10. pag. 311. Exhibetur ibi marmorei Sarcophagi ex Vaticano cæmeterio effossi icon, in quo XII. Apostolorum imagines eleganter delineatæ cernuntur. Media inter illos gemmatæ Crucis forma conspicitur, eodem planè modo, quo Crux vulgaris efformatur, nempe transuer so ligno. Ab hastæ rectæ superiori cacumine sacrum accollitur Monogramma venustâ coronâ circumdatum. Huius ad instar Paulinianam Crucem elaboratam autumo.

V. 163. *Velamine.* Fortè scripsit Paulinus: *Velamine clausa altaris faciem* &c. quod puriorem sensum efficeret. Solebant autem altaria velo claudi ad eius similitudinem, quod olim fuit in Salomonis templo ante Sancta Sanctorum 2. Paralip. 3., quodq; *περιτάσµα τὸ ἄδυτον ὑψυλτον*. *Αλυσι* vocabatur. Theodoricus lib. 1. H. R. cap. 31. *διποσµεῖτο δὲ καὶ τὸ θεῖον θυσιαστήριον βασιλικαῖς τε περιτάσµασι.* Ornabatur autem & *Divinum Altare regijs velis.* Conc. Tolet. cap. 7. *Qui insanâ temeritate abrepti altaria nudantes sacratis vestibibus exiunt.* Anaslaf. in Steph. 2. ait: *In circuitu altaris fecit tetracla octo.* Item: *super altare in Ecclesiâ S. Laurentij coopertorium fecit.*

V. 664. *Altaris faciem.* Cruces in Altaribus antiquitus collocabantur, quicquid obmurmurent heterodoxi. S. Io. Chrys. orat. *quod Christus sit Deus:* ait: *in mensâ sacrâ Crux.* Egregius porro est in hanc rem Sozomeni locus lib. 2. cap. 3. Hilt. Eccl. vbi narrat Probiano cuidam, qui ex Ethnicis Christianus factus Crucis tamen virtutem non admittebat, oblatum per visionem fuisse *σταυρὸν σύμβολον τῶν ἀγαπισµένων ἐν τῷ θυσιαστηρίῳ τῆς*

- Quæ trutinam æquato libratam stamine signat ;
 Subrectoq; iugum concors temone figurat,
 Siue supercilij à fronte iugantia vultum
 Lumina transuersis imitatur cornibus arbor
- 670 Ardua , quâ Dominus mundo trepidante pendit
 Innocuum fundens pro peccatore cruorem.
 Huic autem solido quam pondere regula duplex
 lungit, in extremâ producti calce metalli
 Parua corona subest varijs circumdata gemmis .
- 675 Hæc quoq; Crux Domini tamquam diademate cincta
 Emicat æternâ vitalis imagine ligni.
 Hanc fur ille sui toto de corpore furti
 Intactam ferro, quo cetera fregerat , vnâ
 Liquit, & vt capto tunc discinctoq; refulis
- 680 Vestibus, elapsæ ceciderunt fragmina prædæ .
 Visa rei species tunc inuentoribus ipsis
 Ancipiti motu confudit pectora . Gaudent
 Inuentis, sed fracta dolent, cum quærere causam
 Incipiunt, cautum simul, audacemque latronem
- 685 Mirantes cæcum fractis, cautumq; relictis.
 Tunc ille adtonitis crimen, Numenque fatetur ,

Mente

τὴς ἐνθάδε ἐκκλησίας , Crucis signum , seu effigiem , quæ in sacro eius
 Ecclesiæ altari collocata erat. Hanc quidem historiam mendacissimi Cen-
 turiatores cent. 4. c. 13. superstitiosam vocant , & à Constantini tempore
 alienam, à Sozomeno confictam, vel stultè pro verâ acceptam . Sed nos
 non morantur eorum calumniæ. Sigebert. ad A. C. 451. Crucem auream
 in Altari fuisse docet, quum Episcopus Vatasensis Missam celebraret. Hæc
 rectè animaduertit Gretser. cap. 13. lib. 2. de S. Cruce . Quibus adde quæ
 habet Can. 3. Concil. Turonensis habiti A. 567. (non vt quidam putant
 570.) *Vt Corpus Domini in altari, non in imaginario ordine, sed sub Crucis
 titulo componatur* . Qui canon profectò de Cruce in altari positâ intelli-
 gendus . Hinc lucem accipit Paulini carmen , de Cruce .

Altaris faciem signo pietatis adornat.

V. 666. *Quæ trutinam* . MS. ità se habebat : *Quæ trutinam æquata li-
 brata stamine &c.* Emendaui . Recurre ad ea , quæ disserui in diss. XXI.

V. 667. *Subrectoque iugum* . Ita scribendum duxi, non *subrepto* , vt in
 MS. consule eandem diss. XXI.

V. 668. *Siue supercilij* . De his in præd. diss. XXI.

V. 674. *Parua corona* . Cruces coronâ circumdatæ pingi solebant .
 Idem

- Mente etenim placida confederat; hoc tamen vñum
 Numine sesuarat, quo Crux inclusa vetabat
 Quamlibet audacem segni virtute latronem.
 690 Ipse fatebatur mentis scelus, atque Crucis vim
 Contestans quotiensque manus armasset in illam
 In Cruce consortam sociâ compage coronam,
 Ceu fractas totiens istu cecidisse recusso,
 Brachiaque ægra sibi nervis stupuisse solutis.
 695 Hic libet in miserum paucis insurgere furem:
 Infelix quæ tanta tuam dementia mentem
 Verterat, vt tanto reprehensus lumine veri
 Non festinares omnem præuertere cursu
 Indagem reuolans, vt furtum sponte reserres?
 700 Tantane vis animum tenebris oppressit avaris,
 Auderes illam vt gremio tibi condere partem,
 Quam totiens arcente Deo violare timebas?
 Dic mihi: quâ pauor ille tuus fugiebat, & vnde?
 Rursus vt intrepidum præceps audacia sensum
 705 Tam malè durabat, pauidus, contemptor & idem,
 Eiusdem sceleris speciem diuersus abibas,
 Perfidæque fidem diuiso pectore miscens,

Vir:

Idem nos edocet Paulin. Ep. 11. ad Seuer. vbi sic ait:

*Cerne coronatam Domini super atria Christi
 Stare Crucem duro spondentem celsa labori
 Præmia, tolle Crucem qui vis auferre coronam.*

Ibidem: *Ardua florifera Crux cingitur orbe corona.*

Iterum: *Crucem coronalucido cingit gyro,
 Cui corona sunt corona Apostoli.*

De coronis item Crucem ambientibus hæc ibidem carmina sunt capien-
 da:

*Sanctorum labor, & merces sibi ritè coherent,
 Ardua Crux, pretiumq; Crucis sublime coronæ.*

Greg. Nazianz. in Iulian. Orat. 1. idem expressit. τὸ δ' ἐν λείμῳ ὅτι
 θυμὸν τὸ ἀπλόγη τὸν ταυτὴν ἀναδίκῃσι σαφάνετον, Ferunt quum
 Iulianus sacrificaret, victimarum exta coronatam Crucis effigiem illi
 ostendisse. Harum Crucium exempla in pluribus Christianorum Imp-
 perialis occurrunt. Vide quæ Aringh. in Rom. Subterr. habet, &
 Grefser. lib. 2. cap. 11. de S. Cruce, & ex eo Rosuueid. in not. ad prælau-
 datam Paulini Epistolam.

V. 687. *Mente etenim.* Quum pede carmen laboraret, ex coniecturâ
 addidi illud placidâ.

V. 711.

- Virtutem Crucis, & signum inuiolabile Christi
 Credebas metuendo fidem confringere ferro,
 710 Et quod noscebas metuens, portando negabas.
 Sed tamen impietas tua nec tibi profuit, & nos
 Stultitiam confesse tuam, diuinaque signa
 Fecisti magno Crucis exultare triumpho.
 Ergo relinquamus captum iam incesdere furem;
 715 Cui satis ad pœnam est spoliatae fraudis egestas.
 Nunc ad te veneranda Dei Crux verto loquelas,
 Gratantesque tuâ concludam laude profatus.
 O Crux magna Dei pietas, Crux gloria Cæli,
 Crux æterna salus hominis, Crux terror iniquis,
 720 Et virtus iustis, lumenque fidelibus. O Crux,
 Quæ terris in carne Deum seruire salutis,
 Inque Deo cælis hominem regnare dedisti.
 Per te lux patuit veri, nox impia fugit.
 Tu destruxisti credentibus eruta fana
 725 Gentibus, humanæ concors tu sibula pacis
 Concilians hominem medijs per fœdera Christi,
 Facta hominis gradus es, quo possit in æthera ferri.
 Eslo columna pijs tu semper, & anchora nobis
 Vt benè nostra domus maneat, bonè classis agatur
 730 In Cruce nixa Fidem, & de Cruce nata coronam.

V. 711. *Sed tamen impietas.* Aberat in MS. *profuit.* Sensus, & carmen
 poscebant. Idcirco adieci,



AD SANCTI PAULINI NATALEM DVODECIMVM.

P R Æ F A T I O.

ANno Christi 405. Natalem hunc cecinit S. PAVLINVS. Tria verò Sancti Felicis miracula complectitur. Quidam Beato Confessori suum vouerat, diuissique inter pauperes exiguis victimæ partibus votum completum arbitratus abibat. Mirabiliter è cælo tactus ex equo ruit, pedesque secretis compedibus laborare dolet. Ad S. Felicis Basilicam rursus defertur. Ibi Sanctum precibus, & carnum distributione demulcet, pristinaque sanitate diuinitus donatur. Apuli quidam agricolæ suum alium S. Felici votium Nolam trahere conantur. Animal saginâ oppressum pio desiderio obstat, primoque in itinere gressu destituitur. Hi aliter votum completuri ad S. Felicis pergunt. Inscijs ipsis per plura passuum millia, nulloque hominum ducente, sus sponte Nolam defertur. Miraculum cuncti stupent, & hostiâ improvisâ Nolanos pauperes alunt. Postremum prodigium agricolis alijs accidit. Iuuenecam & ipsi glorioso Confessori vouent. Hæc plauistro iungi renuit, & è Dominorum manibus furiosa dilabitur. Sponte dein ipsorum iter comitatur, & non sine miraculo mansuefacta se ad securim sistit. Omnia fusè, atq; eleganter à PAVLINO canuntur.



SAN-

SANCTI PAVLINI

EPISCOPI NOLANI

NATALIS DVODECIMVS.



Æpè boni Domini caris famulantur alumni
Mente piâ, patrio subiecta tuentur amore
Mancipia, hisque fauent curâ propiore fouendis,
Quos magis indignos opis, & virtute carentes

- 5 Affectu rimante vident. Et si quis eorum,
Moris vt humani solemnitis postulat vsus,
Votum aliquod celebrare velit, neque possit egenis
Id patrare opibus, studio curatur herili
Seruus inops, cui diues opum, queis pauper egebat,
10 Contulerit Dominus cumulandæ impendia mensæ.
Hæc mihi conditio est data sub Felice Patrono,
Nulla mihi ex me sint, vt sint mihi cuncta per illum;
Namque ad Natalem nunc ipsius, vt quidem & ante
Præteritis, quibus ista dies mihi floruit, annis,
15 Non erat vnde epulum voti solenne pararem,
Instabatque dies, nec adhuc mihi prompta facultas
Ex aliquo suberat; subito ecce Patronus abundans,
Vnde dapem instruerem, geminos dedit vna
Cum iunice sues, quorum de carne cibatis

20 Pau.

NOTÆ.

V. 19.



VM Iunice sues. Iunx est bos femina tenera atatis, quæ iam cessauit vitula esse, nec dum tamen ad summam magnitudinem peruenit. Persius: Sac. 2. Tot tibi quum in flammâ iunicum omenta liquefcent. Plautus Mil. 6.

Quam mox ad stabulum iunx recipiat sese pabulo.
Papias: Iunices, boues iuuenes. Alexander Iatroso-

phista lib. 2. Passionum: Qualia sunt bubula, & de iunice pedes.

G 2

V. 14.

- 20 Pauperibus, nos materiam ex animalibus iisdem
 Sumpſimus, egregijs quoniam miracula ſignis
 Per pecudes ipſas nuper Deus edidit, altā
 Deſtimulans ratione homines adtendere Chriſto,
 Nec deſiderium Carnis præferre Fidei.
- 25 Namque ad avaritiæ noſtræ lacrymabile probum
 Et pecora humanæ rationis egentia ſummum
 Signa dediffe Deum ſeries recitanda docebit.
 Non adſicta canam, licet arte Poematis utar;
 Hiſtoricā narrabo fide ſine fraude Poetæ,
- 30 Abſit enim famulo Chriſti mentita profari.
 Gentibus hæ placeant, ut falſa colentibus, artes;
 At nobis ars vna Fides, & muſica Chriſtus,
 Qui docuit miram ſibiſmet concurrere pacem
 Diſparis armoniæ quondam, quā corpus in vnum
- 35 Contulit adſumens hominem, qui miſcuit alium
 Infuſā virtute Deum, ut duo conderet in ſe,
 Diſtanteſque procul naturas redderet vnum;
 Ut Deus eſſet homo, Deus eſt homo factus ab ipſo,
 Qui Deus eſt, genitore Deo, cui gratia non eſt,
- 40 Sed natura, quod eſt ſummi Patris vnicus hæres,
 Solum & habens proprium, quod munere præſtat habere
 His, quibus alma Fides dederit diuina mereri.
 Ille igitur verè nobis eſt muſicus auctor,
 Ille Dauid verus, cytharam qui corporis huius
- 45 Reſtituit Patri dudum compage iacentem,
 Et tacitam ruptis antiquo crimine chordis
 Adſumendo ſuum Dominus reparauit in uſum,
 Conſertisque Deo mortalibus, omnia rerum

In

V. 24. *Fidei*. Vocabulum hoc ſæpè Paulinus uſurpat pen. longā. In Paneg. Et genus humanum paſſim ſine lege *Fidei* Nat. V. *onans galeā*, ſcutog; *Fidei*, Et alibi.

V. 52. *Nobis ars vna*. Idem Paulin. Nat. IX. dixerat:

*Sic Deus omnifoſa modulator, & arbiter vnus
 Armonia, per cuncta monet quam corpora rerum. &c.*

Infrā Nat. XIII. Cytharæ exemplum allatum repetit.

*Omnes ex nobis cytharam faciamus in vnum
 Carmen diuerſis compoſitum ſidibus.*

V. 72.

- In speciem primæ fecit reuirescere formæ;
 50 Vt noua cuncta forent, cunctis abeunte veterno;
 Hanc renouaturus cytharam Deus ipse Magister
 Ipse sui positam suspendit in arbore ligni,
 Et Cruce peccatum carnis perimente, nouauit,
 Atque ita mortalem numeris cælestibus aptam
 55 Composuit Cytharam varijs ex gentibus vnâ,
 Omnigenas populos compingens corpus in vnum.
 Inde laceffit fidibus de pectine Verbi
 Vox Euangelicæ testudinis omnia complet
 Laude Dei. Toto Christi chelys aurea mundo
 60 Personat innumeris vno modulamine linguis,
 Respondentque Deo paribus noua carmina neruis.
 Sed referam ad mea cæpta pedem, nam tempus, & hora est
 Promissas offerre dapes, adponere vobis
 Prandia sollicitas castè sumenda per aures.
 65 Nec veteri repetam, quæ sum dicturus, ab æuo;
 Ante dies paucos istic spectata profabor.
 Venerat huc quidam placitum sibi soluere votum
 Virbis Abellinæ de finibus aduena nostris
 Sedibus. Hic porcum studio curante paratum
 70 Dilatumque diu, vt simul annis, atque saginâ
 Cresceret, huc illuc perduxerat, atque vbi venit;
 Pingue pecus voti iugulat de more vouentum.
 Fama suis magnopere gentum accenderat acrem
 Ore famem, & cuncti magnæ spe partis hiantes
 75 Tendebant ad opima senes conuiuia fauces.
 Interea largitor inops non partibus æquis
 Diuidit, & totum sibi corpus habere relinquit;
 Et votum compleffe putat, lætusque redire
 Incipit, ausus eas iumento imponere secum
 80 Reliquias, & in his placiti se pignora voti
 Sancta referre domum malè credulus, in quibus idem
 Damnum animæ, nodumque viæ portabat auarus.

Deni-

V. 72. *Pingue pecus voti.* Votorum, ac oblationum vsum, quæ Sanctis exhibebantur, elucidavi diss. XVIII. ad quam Lectores dimitto.

V. 74. *Ore famem.* Est in MS. *ora famem.* Emendavi.

V. 89,

- Denique mox nec mille viam permixtus abire
 Passibus, elucente die, simul aggera plano,
 85 Non tenebris pavitante, nec offendente salebris
 Lapsus equo, & quasi fixus humi se tollere rursus
 Ad consistendum reparato robore surgens
 Non potuit, cæpitque pedes clamare ligatos,
 Idque probare iacens plantis quasi compede iunctis.
 90 Hic aliud mirum casu sociatur in ipso,
 Nam dum illum tantâ cum debilitate iacentem
 Mæsta propinquorum circumstat turba suorum,
 Lumentum, cui sola oneri porcina manebat,
 Ascensore sui vacuum, & ductore relictum
 95 Sponte suâ sese nullo fiescente refrænans,
 Tamquam offendiculi causam cognosceret ultro,
 Aut aliquem prohibere viam, quâ cæperat ire,
 Vidisset, sic fugit iter, cursumque retorfit,
 Et properante gradu recurrit ad hospita tecti
 100 Omnibus anteuolans, quos lapsi attentata tenebat
 Cura viri, quem paulatim quasi corpore fracto
 Nitentem, & genibus rigidis prodiro negantem,
 Cæcæque vincla, pedem amissum, meritumque ruinæ
 Illius, & pænæ, lacrymosâ voce fatentem,
 105 Luce palam manibus graue subuectantibus ægri
 Corpus, fida cohors sanctas referebat in aulas
 Orantem medici Felicis ad ipsa reduci
 Limina, mox illic certam reperire medelam.
 Illum homines interque manus, interque cateruas
 110 In sacra vestratum mirantibus atria turbis,
 Dispositi trino per longa sedilia cætu
 Obilupere senes, inopum miserabile vulgus,

Et

V. 89. *Quasi compede iunctis*. In MS. erat *quasi pede coniunctis*.V. 101. *Quem paulatim*. Ita scripsi; malè etenim in MS. habetur *Quæ paulatim*.V. 108. *Certam reperire*. Legere mallet: *Certum reperire*, Græcâ planè poeticâque elegantia.V. 111. *Dispositi trino*. Triplex hominum cætus in veteribus Ecclesijs cernebatur, ibique omnes per longa sedilia dispositi pijs precibus operam dabant. Ex Ecclesiarum redicibus fortè unusquisq; alebatur. Senes primò

- Et socio canæ residentes agmine matres.
 Præterea multi, sua quos deuotio sanctis
 115 Aedibus attulerat diuersis eminus oris,
 Viderunt insignæ pium, cum tempore eodem;
 Imò dic, tam mira foret mutatio rerum.
 Idem homo, qui paulò ante suo digressus ab iisdem
 Liminibus gressu, nunc ipse redux alienis
 120 Infertur pedibus, subuecto corpore pendens.
 Parto aliâ stratus, nullo seruante sequentum,
 Hospitis ante fores etiam nunc carne suillâ
 Stabat onustus equus, nec quisquam notior illi
 Adstiterat, cui cura foret releuare grauatum
 125 Falce suo, & notis reducem subducere testis.
 Ille tamen velut humanâ ratione repletus
 Quærentique suos, & protinus opperienti
 Adstiterat similis, certo vestigia seruans
 Fixa loco, simul aure micans, & naribus efflans
 130 Adsuætorum hominum notos quærebat odores.
 Mirum erat hospitibus quænam fuga, qui status ille
 Esset equi, notumque animal fascibat amicis
 Ambiguum noua forma rei, neque quisquam erat inde

Acci-

primò memorantur, deinde *inopum miserabile vulgus*, postremò *canæ matres*. De prioribus utiq; nil dicendum habeo, nisi quod eos Ecclesijs inseruisse crediderim, vt ad veteris Legis instar oblationes ad Altare deferrent. Hic vsus etiamnum in Metropolitana Mediolani Ecclesiâ seruatur, *Veglonesq;* vocantur à Beroldo nostro MS., ac in pluribus alijs verustis diplomatis. Pauperes ex Ecclesiarum prouentibus nutriti solitos fuisse expressè docet Conc. Antioch. can. 25., Chrysost. passim, Possidius in Vitâ S. Aug., aliq; innumeri Patres, vt res maiori claritate non egeat.

V. 113. *Et socio canæ*. Hic Diaconissas intelligi penè certum duco, quarum gradus, & vsus in Ecclesiâ non paucis seculis viguit. Hæ verò nonnisi ætate admodum prouectæ ad id muneris admittebantur iuxta Apostoli præceptum 1. Timoth. 5. *Vt eligantur vidua non minus sexaginta annorum, neque bigama*. Id confirmat Tertull. lib. de vel. Virg., & lex 27. C. Theod. de Ep. & Cler. De ministerio earum plura docebit Hallier. de Sacr. Elect. par. 2. sect. 5. cap. 2., & Morin. de Sacr. Ord. Earum vestigia in Ambrosianæ Ecclesiæ ritibus permanere certum est mihi, quam Viduæ illæ, quæ hic *Veglônissæ* nuncupantur, oblationes ad sacrum Altare deferendo inseruiant, quod itidem veterum Diaconissarum munus fuit, vt S. Hier. in cap. 13. Matth. docet. Tam verò illæ, quam istæ, ex Eccle-

- Quod factum mihi nunc, ut tam citò tangere rursus
 155 Limina Felicis misero veneranda liceret.
 Nam mihi si pullus, vel si levis iste fuisset
 Casus, ut adreptum possem pertendere cursum,
 Tunc magis infelix de prosperitate fuisset,
 Mansisset mihi culpa nocens, neque vulnus adactum
 160 Intus in ossa animæ sensissem carne rebeli;
 Occultasset enim meriti discrimen iniqui
 Corporis inlæsi vigor, & vixisset inertem
 Mens durata reum, nisi lapsum pæna ligasset.
 Ergò potens medice in Domino tu nomine Christi
 165 Felix, iam satis hoc tibi sit, Dominoque potenti,
 Quod non ira mihi, pietas sed amica saluti
 Supplicium peperit, deunctam ut corpore culpam
 Solueret ecce malum, seruumque, fugamque voracem
 Iure retraxisti. Iniectis pro crimine vinculis
 170 Debitor infelix teneor, constringor, aduror,
 Propositus cunctis diuini forma timoris.
 Mentibus hæc trepidis omnes attendite, quæ nunc
 Me miserum reliquis documento ferre videtis.
 Nunquid enim hoc errore carent aliqui? Sed in vno
 175 Exemplum fieri placuit, quo sit mea pæna,
 Et præiudicium quibus emendatio non est.
 Sed iam parce tuo, misero, precor, optime Felix,
 Parce libens, succurre fauens, dolor ultimus vrget
 Clamosas iterare preces, festinus adesto,
 180 Ne mors præueniat medicum festina morantem.
 Sed scio quod Domini manus hæc, quæ verberat, & quæ
 Parcet more suo, Mihi tantum tu modo fesso,
 Iamque fatiscenti propera laxare catenam,

Quam

Paulinus infra. ——— *Dum postibus hæret in ipsi
 Felicis Sancti, lambensq; per oscula tergit.*

Idem Natal. VI. dixerat.

*Sternitur ante fores, & postibus oscula figit.
 Et lacrymis rigat omne solum, pro limine Sancto
 Fusus humi* ———

V. 159. *Mansisset.* Legebatur in MS. *Mansissetq; mihi.* illud que suppri-
 mendum docuit metri ratio.

H

V. 132.

- Quam tu Sancte vides, ego sentio ; Sicut operto
 185 Clam tacitus vinco fugitivi membra ligasti,
 Sic inuisibili medicinâ solue reuerſum.
 Talia clamantem, dum poſtibus hæret in ipſis
 Felicis Sancti, lambensque per oſcula tergit,
 Adtonitis illum pia turba & cernit, & audit
 190 Cætibus. Ipſe iacens etiam nunc erigitur ſpe,
 Increpitatque moras omnes, & tarda ſuorum
 Obſequia, adferri porcum, totaſque iubet mox
 Pauperibus reddi partes, ſibi viuere tantum
 Concedi petit, atque inopum ſaturamine paſci.
 195 Certatim ſocij citò iuſſa fidelia curant.
 Itur ad hoſpitiū notum, deponitur illic
 Sarcina iumento, carnes in fruſta ſecantur,
 Et diuiſa coquit lymphis ſpumantibus ignis,
 Coſta importantur patulis numeroſa catinis.
 200 Exſatorata fames inopum gratantia reddit
 Verba Deo, & veniam petit, vt placata datori.
 Nec mora; Confeſſim voti ratione ſolutâ
 Debitor ille intus meritæ compage catenæ
 Soluitur, & pedibus Domino miſerante reſectis,
 205 Tamquam liber equus, vel ruptis caſſibus ales
 Euolat, & cerui ſalientis imagine currit.
 Mira fides oculis obtenditur. Omnia gaudent
 Tam facili pietate Dei, tantumque valenti
 Felicis merito, vt coram adſit Chriſtus in illo,
 210 Pro meritis hominum moderans in vtroque potenter,
 Vt reſiſcenti medicus ſit, & vltor iniquo.
 Cernite enim quantæ fuit illa iniuria fraudis,
 Quâ miſer ille prius diuiſerat inter egentes,
 Sequē, ſuam, atque iſtic vbi totum reddere votum
 215 Debuerat, ſolum caput, inſeſtinaque porci
 Carpſerat, & reliquum toto ſibi corpore partem
 Fecerat imprudens, atque improbus, & tamen ipſâ,
 Quâ miſer extiterat, factus mox fraude beatus
 Commutante Deo pietatis verbere culpam.
 220 Talis enim cenſura Dei eſt. Sic temperat alti
 Pondera iudicij Deus arbiter, & Pater, & Rex;

Omni-

- Omnibus vt tacitam moderato examine libret
Iustitiam , & leuior mixtâ bonitate potestas
Ante reos moneat , stimulo quam fulminet villo ,
- 215 Vt si profuerit præmijs , sine verberis istu
Salua salus hominis redeat compage remissâ.
At si quis sacri monitus terrere flagelli
Noluerit sentire plagam , incuratus abibit ,
Seruatusque neci perfectam sentiet iram .
- 230 Ille igitur miser ante , dehinc mox ipse beatus
Tali sanatus carnemque animamque medelâ ,
Sed quia cognouit causam , agnoscentique iacentem
Pœnituit , meritum curæ sibi met simul ipse
Repperit , inque breui est expertus vtrumque , quod orane
- 235 Iustâ lege manet Diuinæ pacis & iræ
Ius & opus , maneat vindex vti iure superbos
Pœna reos , pietas seruet miserata fatentes .
Ergo relaxatus alacer vestigia vinculis
Idem ex incolumi citò debilis , & citò liber
- 240 Ex modò captiuo , lætâ cum voce redibat ,
Insultans velut ille olim , quem matris ab alio
Claudentem in verbo Domini Petrus , atque Iohannes
Iusserunt validis in saltum exurgere plantis .
Dignus & hic pauper Speciosæ limine portæ ,
- 245 Quem Deus ipse Petri Deus , & Felicis , eadē
Nunc verbi virtute sui sanauit apud nos
Excessu claudum modò , quâ sanauerat olim
Ex vtero claudum . Istâ nunc ope lætus abibat ,
Quique preces mæstas pro vulnere fuderat intus ,
- 250 Ecce foris sano reddebat corpore grates .

Quid-

V. 232. *Sed quia*. Mihi magis arrideret : *Se quia cognouit* .V. 242. *Claudentem*. Hoc est claudicantem . Vox certè noua , neq; Parrino digna , de quo ait S. Hieron. Ep. 13. ad eundem scribens : *Si quis extrema manus operi tuo induceretur , nihil dulcius , nihilq; Latinius tuis haberemus voluminibus* . An scribendum *Plaudentem* ? Historia nota est in Act. Apost. cap. 3.V. 244. *Speciosæ limine portæ*. Ibid. in Act. ἐν τῇ θύρᾳ καὶ τῇ πύλῃ τοῦ ἁγίου ὁποῦσαν . Quem ponchant quotidie ad portam templi , qua dicitur Speciosa .

H 2

V. 254.

- Quidnam ego Felici possum redhibere patrono?
 Quas illi referam pro tanto munere dignas
 Tam citò de tanto sanatus vulnere grates?
 Non pretium statui medico, aut fastidia lecti
 255 Tristitia sustinui, neque per scalpella, vel ignes;
 Aut malè mordaces vario de gramine succos,
 Sæuior & morbis & vulneribus medicina
 In corpus grassata meum est, velut accidit illis;
 Quos humana manus suspectâ visitat arte,
 260 Semper & incerto trepidos solamine palpat.
 En ego per breue nunc spatium perlatus ad ipsum
 Felicis Sancti solium, & proiectus in ipso
 Limine tam gelido quam duro in marmore fractus;
 Atque dolens iacui, & solus mihi sermo precandi,
 265 Sola fides medicina fuit. Nullum adfore vidi,
 Et sensu medicum. Quisnam hic medicus nisi Christus
 Ipse, vel à Christo Felix de nomine Christi,
 Et virtute potens? Neutrum illo in tempore sensi,
 Et tamen ipse fuit præsens in vtroque, velut me
 270 Peccantem argueret citò, sanaretque dolentem.
 Par modus in specie variâ mihi castigantis,
 Parcentisque fuit Domini. Sanator, & vltor
 Luminibus latuit, pœna atque medela refulsit.
 Nunc ego iam pleno perfectis ordine votis
 275 Ibo domum gaudens medico, totusque Patrono
 Æternum Felice, nec amplius vlla verebor
 Occursura mihi, velut antea, pericla viarum,
 Namque periculum aberit, quia causa est nulla periculi.
 Non resoluta fides tamen: alliget, oro, tuus me

280 Scm²

V. 254. *Non pretium statui.* Celebres admodum sunt Plinij senioris cap. i. lib. 19. in Medicos querimonix; neq; minorem plausum assequutus est Leonardus a Capuâ peritissimus nostri ævi latrofophista in lib. *de Medicina, ac medicamentorum incertitudine*, quem annis præteritis interdum vidimus, ac dolemus. Huic addere lubet Bernardinum Ramazzinum V. C., & de Medicinâ optimè meritum, qui in diss. *de Constitutionibus* annor. 1692. 93. & 94. num. xxv. crudelibus Medicis subrafcitur, incertamque eorum in medendo methodum eleganter castigat, *gentem rusticam, quæ magis Parocho quam Medico fides*, fortunatam appellans.

Erudi-

- 280 Semper amor Felix, istam mihi nocte catenam;
 Quæ tibi me nunquam nec mors, nec vita resoluat.
 Verum omnes quicumque meos videre dolores,
 Inque tuo merito magnis insignibus altam
 Conspectere manum Christi, cognoscere debent;
- 285 Quantum illis mea pœna boni prouiderit, ut iam
 Præcaueant de terrenis sibi parcere rebus,
 Et, lucea dum captant, adquirere damna salutis?
 Nam si de vili pecudis mihi carne alimentum
 Pauperibus fraudasse malo fuit, & quid in illis;
- 290 Qui malè diuitias vano amplectuntur amore?
 Desolatusque suo pariter cum corde metallis
 Incubitant, atque hæc latitare superflua produnt;
 Quæ proprio longè secreta tuentur ab usu?
 Quid facient, quidnam pro se tibi Christe loquentur;
- 295 Tantorum qui partem inopum inuasere, nec vilam
 Apposuerunt sibi de re superante salutem?
 Vnus abijt missus. Nunc mensæ grata secundæ
 Ferula ponemus, sed quamuis rursus eandem
 Diuersa carnem conditam iure feremus.
- 300 Namque aliud vobis iterum, quod de sue mirum
 Lulit opus Felix, mirâ nouitate rotexam.
 Tempore res prior est, sed nostris ante libellis
 Præterita in præsens tempus seruata canetur.
 Nec refert, quod opus quo sit sub tempore gestum;
- 305 Vnus erit quoniam varijs operator in annis,
 Qui diuersa facit Sanctorum in laude suorum
 Omnibus in terris rerum miracula Christus,

Agri-

Eruditissimus quoque Haræus non ita pridem dissertationem emisit *de Medicorum dolis, mendacijs &c.* S. Bernardus in Ep. 321. ad Fratres de S. Anastasio: *Propterea, inquit, minimè competit religioni vestra medicinas querere corporales, sed nec expedit saluti.* Ibidem ad remedia spiritualia, quibus maior quam humanis inest virtus, confugiendum potius docet. Hunc Doctoris mellistui locum frustra Io. Molanus in suo Diario cap. 34. mitigare nititur. Refert etiam S. Hier. in Hilarion. vitâ adductam ad hunc Sanctum fuisse mulierem, quæ omnem substantiam in Medicos se erogasse querebatur, cui Hilarion. *Si quæ Medicis dando perdidisti, pauperibus elargita fuisses, curasset te verus Medicus Iesus Christus.*

V. 309.

- Agricolæ quidam de nostris longius oris
 Apula trans urbem Veneuentum rura colentes
 310 De grege fetigero multis à fætibus vnum
 Lactea adhuc tenero pulstantem sumina rostro
 Excerptare sibi, & curatum tempore multo
 Pauerunt in vota suam, & cæpere paratum
 Ducere sancitam Sancti Felicis ad aulam,
 315 Corpore de magno ut multos mactatus egenos
 Pasceret, & saturo gauderet paupere Martyr.
 Sed graue saginâ porcus superante pedumque
 Non potuit se ferre diu, primoque viarum
 Limine succubuit sibi met, neque deinde moueri
 320 Voce, manu, stimulis potuit. Liquere iacentem,
 Hospitibusque suis commendauere relictum
 Mærentes Domini. Mens anxia nutat in anceps,
 Nam voti reuocare viam pia pectora nolunt,
 Rursus Felicia veneratum limina longè

325 Ire

V. 309. *Veneuentum*. Beneuentum, quod alias *Malcuentum* dicebatur. Ptolomæo vocatur *Venebentus*. Paulinus noster recentiorum more Græcorum V. consonans pro B. vsurpat.

V. 311. *Pulstantem sumina*. *Sumen, inis*, mamilla a sugendo dicitur. Lucil. Satyr. lib. 4. apud Nonnium.

Quod si nulla potest mulier tam corpore duro

Esse, tamen tenero maneat succussa lacerto,

Et manus vberior lactanti in sumine fidat.

Lamprid. in Alex. Seueri vitâ: *Iussit, ne quis suminatam occideret, ne quis lactantem*. Casaubonus in notis *suminatam* pro *saginatam* explicat, ita tamen ut meliorem sensum arbitretur, sitextum corrigat sic legendo: *Ne quis suam suminatam occideret*. Reuera *sumen* de suillis mammis propriè vsurpatur, & ex illo quoddam fæcimen efformabatur Plinio, ac Martiali sæpe memoratum. Salmasius ad eundem Lampridij locum *suminatam* censet pro *scrophâ* intelligendam, & *lactantem* esse *tenerum porculum*, rectèq; & ad genuinum vocabuli sensum. Plin. lib. 11. cap. 37. *Sumina* olim sub abdominis appellatione venisse affirmat, quem consuleret cuiq; liberum facio.

V. 319. *Ut multos mactatus*. Oblationes votiuas ih pauperum subsidium conferri solitas non semel repetit Paulinus, quia Martyribus id admodum placebat. Et sanè in Ecclesiâ laudabilis olim fuit Agaparum vsus, quo nomine pia intra Ecclesias conuiuia distinguebantur. In ijs autem pauperes ex diuitum mensâ participabant, & charitatis ardor fouebatur.

- 325 Ire pudet vacuos deuoti muneris . Ergo
 Ambiguis talis sententia mentibus hæsit ,
 Et totidem lectos eadem de grego minores
 Ad sua vota legunt , quot erat prouectus in annos
 Ille suâ pressus qui mole manebat ineptus .
- 330 Quod deuota fides obstricti debita voti
 Maturare parans tali ratione putauit ,
 Pluribus ut modicis vnum pensaret optimam .
 Ergo sacrum huc venere locum , votisque patratis
 Hospitium rediere suum non cominus istinc ,
- 335 Nam tum forte domos , quæ circa Martyris aulam ;
 Implerat solitis densata frequentia turbis ;
 Propterea procul hinc secreto in rure remotam
 Contenti subiere casam , quâ mane parabant
 Ad reditum proferre pedem , cum prima ruberet
- 340 Parturiens Aurora diem ; tuguri fortè aperti
 Hospes homo egreditur tecto , notumque suum vir
 Conspicit ante fores mirando adstare paratu ,
 Tamquam se missum Domino loqueretur adesse ,

Atque

batur . Sed quum inde multa incommoda fluerent , Agapæ è Christianorum cætu sublata . Oblationum tamen usus aliquatenus permansit , easque in Martyrum honorem factas S. Aug. memorat lib. 8. cap. 7. de Ciui. Dei, in quarum partem pauperes etiam vocabantur . Quacumque ait ille , exhibentur religiosorum obsequia in Martyrum locis , ornamenta sunt Memoriarum , non Sacra , vel Sacrificia mortuorum , tamquam Deorum . Quicumque etiam epulas suas eò deferunt (quod quidem à Christianis melioribus non fit , & in plerisque terrarum locis nulla talis est consuetudo) tamen quicumque id faciunt , quas cum apposuerint , orant , & auferunt , ut vescantur , vel ex eis etiam indigentibus largiantur , sanctificari ibi eas volunt per merita Martyrum in nomine Domini .

V. 327. Eadem de grege . Mendum graue inest . Alijs emendandum relinquo .

V. 336. Implerat solitis . Quanta gens ad S. Felicis venerationem coiret , sæpè monuit Paulinus . In Nat. Ill. postquam multos enumerauit populos Nolam idcirco confluentes , addit :

Pna dies cunctos vocat , vna & Nola recepat ,

Totaque plena suis , spatiosaque limina cunctis ,

Credas innumeris ut mania dilatari

Hospitibus . Sic Nola astringit imagine Roma .

V. 340. Tuguri fortè aperti . Mendum quod emendare non audeo ;

V. 355.

- Atque salutaanti similis vestigia lambit
 345 Gaudentis Domini, & gestu subgrunat alumno
 Blandus, & olfaciens motando dat oscula rostro;
 Seque quasi votum debere agnoscat herile
 Ingerit, & tardos inuitat gutture cultros.
 Quo duce, quæso, vias ignotis sinibus egit;
 350 Quosue pedes, tam longè vt posset currere, sumpsit,
 Qui breuib. spatij. in primo fine viarum
 Defecit fluidæ depressus mole saginæ?
 Certè nulla manus tantum pecus aggere longo
 Nec sinus aduexit, nec mens sua tam spatiosam
 355 Ignorâ regione viam penetrare subegit,
 Quando homines etiam & mentis ratione vigentes,
 Perque ignotâ regi faciles interprete linguâ,
 Si tamen hi careant duce, quo via luceat illis,
 Cæcus in extremis regionibus implicat error.
 360 Quisnam igitur direxit iter suis? vnde voluntas,
 Quâ Dominos sequeretur, ei, vel sensus, vt esset
 Conscijs ad votum se longâ ætate paratum?
 Vnde hæc cura fuit pecori, quæ rara fideles
 Excitat, vt, tamquam proprio culpabilis astu
 365 Pigra remansisset læuâ sus cincta timore,
 Contractam remanendo sibi veniendo piare
 Curaret culpam, & vitium pensaret inertis
 Desidiæ, quamuis serò comitata profectos
 Obsequio Dominos? Patet admirabile monstrum
 370 Cælesti ditione datum,..... suis auso
 Solus vt iret iter longum; tantoque fuisse
 Ingenio porcum, ignotis vt tramite recto
 Digereret spatij; quod & hoc quam grande quod illum
 Trans Veneuentanis huc sinibus aduenientem
 375 Publica seu medij se strata per aggeris audax
 Miserit, occursum numquam capere frequentes;

Siue

V. 355. *Subegit.* Nonne magis arderet: penetrare coegit?

V. 375. *Publica seu medij.* Viæ olim *strata* appellabantur, vnde nomen
Italicum strada, eo quod silicibus sternerentur. Hinc Paulin. Nat. XIII.
Cum tacitâ inspirans curam mihi mente iuberes
Muniri, sterniq; viam ad tua tecta ferentem.

Idem

- Sine per occultos igitur vestigia saltus
 Nulla manus ferro, fera vel fuit obuia morsu!
 Quæ solum duxit manus, aut protexit euntem?
 380 Nempe oculos aliquâ celatus nube fefellit;
 Aere vel raptus vento mage quam pede venit,
 Et subito hospitium Domini delapsus ad ipsum
 Constitit ignoto pro limine quadrupes hospes.
 Dicam aliud propè vicini mirabile signi;
 385 Nam genere abiunctam pecus armentale iuencam
 Quidam homines æquè longinquâ hac sede profecti
 Secretam primo lactentis ab ubere matris
 Nutrierant nostris votiuo munere pactam
 Pauperibus, magnâ quos illâ plebe coactos
 390 Largâ ope multorum Felicis gratia pascit.
 Ergo vbi iam membris vitula exultabat adultis

Facta

Idem Sanctus in Carm. ad Cyther. de viâ Appiâ:

Post hac & ad nos pergere incipit viam,

Quâ sternit aggerem fulex,

Cui munitor Appius nomen dedit.

Tibullus quoque ad Messal. scribens:

Namq; opibus congesta tuis hic glareæ dura

Steruitur, hic aptâ iungitur arte fulex.

Propterea Procopius lib. 2. de Bello Pers. pag. 45. ait: *στράτα ἢ ἐσπομένη ἰσὶς τῇ Λατίνοι καλεῖται ὁδὸν*. Strata Latino sermone via vocatur filicibus constrata. Neque hoc inferiorum seculorum inuentum fuit, sed ipsos melioris seculi Latinos vocabulum istud Auctores habuit.

Virgil. 1. *Aeneid.* Strata viarum ait. Lucretius quoque;

Strataq; iam pedibus populi detrita viarum

Saxeæ conspicimus ———

Hinc noster Nat. XI.

——— *vitabat strata viarum.*

Strata a absque alio additamento usurpabatur etiam Paulini ævo; siquidem in l. 6. C. Theod. de imag. Imper. edita ab Honorio, & Theod. AA. ita habetur: *Abstine nos instructionem viæ publicæ, & pontium, stratarumq; operam inter sordida munera numeremus*. Vide Gothofr. ad eandem Legem. Du Fresnium in Gloss. Lat. verb. *strata*, Isidor. l. 15. c. 16. & Iuenc. lib. 2.

V. 377. *Sine per occultos*. Illud *vestigia* nullo verbo sustineri video, quid si legamus: *Sine per occultos regeret vestigia saltus?*

V. 381. *Aere vel raptus*. Ita scriptum. In MS. est *aera*.

- Facta per excretum iam corpus idonea voto;
 Promouere domo; sed qui mos esse videtur
 Persolueda pijs longè sua vota ferentum
- 395 Martyribus, plauistro subiungere, quo vherentur;
 Adgressi hanc voluere iugo submittere, quamuis.
 Infuetam, tamen vt mitem iam mente subactâ
 Vîbus humanis, quibus illam è congrege cætu
 Sustulerant Domini paruam, testisque cibisque,
- 400 Miscuerant; hinc vt domitâ feritate putantes
 Sub iuga se facilem docili ceruice daturam,
 Sollicitant palpante manu, & conantur in artum
 Ducere. At illa sibi solitos adludere tactus
 Credula consentit primùm, sequiturque vocantes!
- 405 Verùm vbi iam propiata iugo conspexit habenas,
 Ceruicique suæ persensit lora parari,
 Indignata dolos, & permutata repentè
 Fit fera, nec ceruice iugum, nec vincula collo
 Suscipit, & victis manibus, lorisque recussis
- 410 Proflit a cætu retinentum, & deuia longè
 Rura petit, fugiens Dominos, adsuetaque testâ:
 Nec procul ex oculis hominum de more ferino
 Se rapit, & cæcis fugitiuam saltibus addit;
 Nam fugiens Dominos abeuntes eminus adstans
- 415 Sic fugit, vt non se patiatur rure relinqui,
 Denique vbi vinctum gemino boue currere plaustrum
 Conspicit, humanum sapit, & quasi conscia voto
 Deberi sese, comes incipit esse profectis.
 Nec longè comes est: tardis comes orbibus ire
- 420 Spernit, & excursu velut insultante gementes
 Præter vecta rotas lenti moliminis agmen
 Respicit anteuolans, nec iam timet ad iuga cogi,
 Inuisoque prius sit amica, & præuia plauistro,
 Donec sacratam ventum Felicis ad aulam.
- 425 Illic spontè gradum sistit, seseque vocanti
 Adplicat, & tamquam voti rea gaudet in ipso
 Stare loco, propriam cui debet victima cædem.

Illa

V. 395. *Plauistro*. MS. habebat *plaustrum*. Hinc emendauit.

V. 433.

- Illa rebellis, & humanis non subdita vinculis
 Ducitur ad placidam nullo luctamine mortem
 430 Intemerata iugis submittens colla securi,
 Pauperibus factura cibos de corpore cæso,
 Læta suum fundit Dominorum in vota cruorem.
 Quorum istæc numquid pecudum est, vt Apostolus inquit,
 Cura Deo? sed qui propter nos omnia fecit,
 435 Omnia pro nobis operatur in omnibus auctor,
 Atque per ignotas pecudes operantia nobis
 Signa facit, brutas per clara insignia mentes
 Sollicitans firmare fidem, & confidere vero,
 Vt Dominum dociles linguis in verba solutis
 440 Non taceant homines, quem signis muta loquuntur.

V. 433. *Numquid pecudum.* S. Paulus 1. ad Corinth. cap. 9. ἐν γὰρ τῷ νόμῳ Μωϋσέως γέγραπται: ὃ σικμάσῃς βὺν ἀλόοντα. Μὰ τῶν βοῶν μὴ ἐν τῷ θεῷ;
Scriptum est in Lege Moysi: Non alligabis os boni trituranti. Numquid de bobus cura est Deo?



AD NATALEM DECIMVM TERTIVM

P R Æ F A T I O.

SVpra alios Natales procul dubio præclarissimus est decimus tertius, tum propter vberissimam eruditionem, resque gestas PAVLINI fusè illic explicatas, tum etiam propter eximios viros, pliasque fæminas, quæ Noix constitutæ Episcopo canenti aderant, pretiumque solemnitatis augebant. Annus, quo Natalis pronunciatus, est vulgaris Epochæ 406., vt Chiffletius parte 2. PAVLINI illustrati solidis argumentis ductus probat, ac Prosperi Chronicon testatur. Etenim ibi Radagaisus cum suo exercitu ad internecionem profligatus dicitur *Stilicone II. & Anthemio Consulibus*, anno nempe 405. Igitur sequenti anno pacem Italiæ redditam canit PAVLINVS, ac in anno propterea 406. figendus Natalis. Nunc videamus quinam sint illustres ij viri, ac fæminæ, quibus præsentibus elegantissimum carmen recitavit Poeta noster. Decem vnà cum PAVLINO fuisse proditur hisce carminibus:

Ergò nouem cuncti socii cum prole parentes

Pectore concordii sumus vt vna chelys.

Æmilius veniat decimus. Tunc denique pleno

Concinet in nobis mystica lex numero.

Singillatim itaque eorum nomina recolamus. Primi omnium memorantur

Turcius ore pio, florente Succrius auo.

Turcius idem est ac Aproniamus V. C., qui postea his versibus commendatur:

Apronianum Turcia gentis decus

Ecce puerum, sensibus carnis senem &c.

Succrius (si tamen purè hoc nomen in Codice refertur) aut Asterium Turcij Aproniani supra relati filium exhibet, de quo PAVLINVS infra:

Ast aliud mihi par lumen in Asterio est &c.

aut Pinianum V. C., de quo mox. Sequuntur puellæ duæ:

simi-

— — — — — similesque puella,
Alfia, qualis erat soror illa *Philemonis* olim;
 Nobilis in titulo, quam signat *Epistola Pauli*,
 Et simul *Eunomia* aeternis iam pacta virago
 In *Celo thalamis*.

Vnius puellæ nomen elucescit, *Eunomiæ* nempe, quæ *Turcium* *Apronianum*, ac *Auitam* parentes habebat. Alterius verò sup-
 plendum, hoc est *Melaniæ* iunioris, cui *Albina* mater; hæc ete-
 nim vna propter ætatem teneram, matrisque præsentiam puella
 dici potuit. Hoc autem infra melius exprimitur:

Matribus his duo sunt tribus uno pignora sexu,

Flos geminus, Melani germen, & Eunomia.

Germen Melani pro *Melaniâ* ponitur, seu quia ex filio senioris
Melaniæ prodierat, seu, vt rectius dicamus, *Poetarum* ac præ-
 cipuè *Græcorum* more, quibus familiare est pro nomine recto
 similia usurpare. Sic *Βίη Πριάμοιο*, vis *Priami*, idest *Priamus*,
 & *Τηλεμάχοιο*, robur *Telemachi*, idest *Telemachus*, apud *Home-*
rum, fortis equi vis, hoc est equus apud *Lucretium*, & odora-
 canum vis pro canes apud *Virgilium* reperiuntur. Quum itaque
 certum sit *Melaniam* hic innui, dubium in *Alfiæ* nomine exor-
 tum est mihi. Siquidem soror *Philemonis* non *Alfia*, sed Græcè
Ἀρπία, & in vulgatâ versione Latinâ *Appia* rectè dicitur, vnde
 si sensus hic habendus: Qualis fuit *Alfia* soror *Philemonis*, corri-
 gendum nomen, ac *Appia* reponendum. Verum in eam potius
 sententiam traheret, vt *Alfia* *Melaniæ* nomen quoque foret, sic-
 que legerem, vt post *Alfia* ponendum comma arbitrarer. No-
 men hoc veteribus notum, vt nos non pauca docent marmora,
 ac ipse textus id præ se ferre videtur; quum enim inferius dicat:
 Et simul *Eunomia*, oppidò nos monet expressum superius fuisse &
 alterius puellæ nomen. Hisce succedit *Albina* eiusdem *Melaniæ*
 mater:

Prima chori Albina est. — — — — —

Et infra de *Melaniâ* sermonem habens eam *Albinâ* cum matre co-
 pulat. Inde subsequitur *Hærasia*: Compar & *Hæresia*, seu, vt *Disf.*
 dicemus, *Therasia* illa sit, ac ita corrigendus textus: Cum pare
Therasiâ. Hæc in seculo *PAVLINI* coniux fuit, cum quo dein
 continentiam amplexa piissimam etiam tum *Noiæ* vitam ducebat:
 Auita mulier alia dein memoratur:

lungi;

Iungitur huic germana iugo, ut sit tertia princeps

Agratini hymenisonis mater Anita choris.

Auita autem Turcij Aproniani coniux erat, & ex eo duos genuerat filios, Asterium nempe, ac Eunomiam supra laudatos. Post hos Pinianus V.C. sequitur Melaniæ iunioris maritus:

Huic propinquat socius equali iugo

Aeo minor Pinianus, par fide &c.

Aequale iugum illi cum Turcio facit, ambo enim coniugati erant. Si istis PAVLINVM ipsum adicias, ac Æmilium, decem habebis procul dubio illos, quos carmine supra laudato innuebat ipse Poeta. Quibus positis elucet cur ille cecinerit:

Ergo cohors hæc tota simul, tria nomina matres,

Quatuor in natis, in patribus duo sunt.

Albina, Auita, ac Therasia matres erant. Licet nullum pignus Therasiam matrem tunc commendaret, eius ætas tamen, & receptus olim in Hispaniâ filius nomine hoc illam distinguebat. Duæ filiarum matribus erant, Melaniæ Albinae, Eunomia Auitæ, quod PAVLINVS melius expressit:

Matribus his duo sunt tribus uno pignora sexu,

Flos geminus, Melani germen, & Eunomia.

Subsequuntur duo filij mares, Pinianus videlicet, ac Asterius. Hic Turcium naturalem parentem, ille PAVLINVM Spiritualem patrem profitebantur, unde ait idem Sanctus:

Cum pater PAVLINO pater aequè Turcius iste est,

Sed me atas, soboles hunc facit esse patrem.

Ergo quatuor nati, ac duo patres apertè produuntur. De his autem omnibus dissertationes singillatim posuimus, ad quas Lectorem remittimus. Ceterum fama sanctitatis, piissimæque vitæ, quam ducebat PAVLINVS, Nolim illustres illos Romanos adduxerat, ut ibi, abdicatione seculo, sibi ac Deo unanimiter viverent. Nimirum illic Monasticam vitam profitebatur PAVLINVS, pluresque sub eius regimine melioris, tutiorisque instituti rudimenta haurire gestiebant. Hinc animaduertes Pinianum à S. Augustino, & quidem Episcopo, Fratrem appellatum, quo nomine utique illum S. Doctor non compellasset, nisi Monachus saltem, laicus iste fuisset. Auctor vitæ S. Melaniæ apud Sur. die 31. Ianuar. Pinianum, ac Melaniam in Siciliam nauigasse ait, partim quidem ut agros, qui illic erant, venderent, partim autem ut sanctissimum

simum Episcopum PAVLINVM dicerent, qui erat eis Pater secundum spiritum. En vt optimè vniuersa congruent. In eo tamèn decipitur Auctor iste, quod clarissimam hanc catheruam ad PAVLINVM officij tantum gratiâ perrexisse; illud enim iter ab eis susceptum, tum vt instantes Vrbi Gothos declinarent, tum vt vitam ibi suam perpetuo Christi seruitio manciparent. Certè PAVLINVS inquit :

*Hos ergò Felix in suo sinu abditos
Mandante Christo condidit testis suis,
Mecumque sumpsit sempiternos hospites &c.*

Infra subdit :

*———— Socios in testâ recepimus, & nunc
Omnes iure pari Felicis iura tenemus,
Felicisque Patris gremio coniuncta fouemur
Pignora &c.*

Tantum enim emicuerat in PAVLINO viro ante nobilissimo, ac ditissimo rerum secularium repudium, vt vnus PAVLINVS fermè in perfectionis exemplum proponeretur. Vide Ep. Augustini 34. ad eundem PAVLINVM, & 39. ad Licentium, rursusque 59. ad ipsum PAVLINVM. Consule Hieronymum itidem in Ep. 34. ad Iulianum, & Sacchinum in PAVLINI vitâ par. 2. Quod autem illustis hic cætus diu Nolæ moratus non fuerit, in causâ fuisse videtur ingruentium iterum Barbarorum motus, qui seruitutem Italiæ minitantes Anno postea 310. impetu funestissimo ipsam Urbem ingressi cædibus, atque rapinis impleuere, atque adedò Campaniam ipsam vastauere. In hoc insuper Natali quum plura proponantur ad tanti Antistitis res gestas illustrandas, omnia pro viribus meis diligenter in Diss. 9. & sequentibus expendi.



SAN

SANCTI PAVLINI EPISCOPI NOLANI NATALIS DECIMVSTERTIVS.



Andida pax lætū gratā vice temporis annum

Post hyemes actas tranquillo lumine ducit,

Signatumque pio Sancti Felicis honore

Securis aperit populis. Gaudere serenis

5 Mentibus, abstersā diri caligine belli,

Suadet ouans Felix, quia pacis & ipse patronus

Cum patribus Paulo, atque Petro, & cum fratribus alim

Martyribus Regem Regum exorauit amico

Numine Romani producere tempora Regni,

10 Instantesque Getas ipsis iam faucibus Urbis

Pellere, & exitum, seu vincula vertere in ipsos,

Qui minitabantur Romanis vltima Regnis.

Nunc

NOTÆ.

V. 1.



Andida pax. Anno præterito, hoc est A. C. 405. Stilicone II., & Anthemio Coss., vt Prosper in Chronico asserit, est ingens de Gothis relata victoria, ac idcirco anno præsentis 406. pacem Italix redditam, canit Paulinus. Addidi illud *lætum*, vt carmen in MS. laborans supplerem.

V. 10.

Instantesque Getas. Paul Orosius lib. 7. cap. 37. Hist. eadem de Rhadagaiso Gothorum Rege habet: *Hoc igitur, ait, Romanis arcibus imminente sit omnium Paganorum in Urbem concursus*. Et infra: *Hic iam receptus sinu Italia Romam è proximo tremensem terrore quassabat*. S. August. de Ciu. Dei lib. 5. cap. 23. hanc Gothorum irruptionem tangit: *Cum Rhadagaisus, inquit, Rex Gothorum agmine ingenti, & immani iam in Urbis viciniam constitutus Romanis cernicibus immineret*.

V. 12. *Qui minitabantur*. Paulino adtipulatur Orosius supra laudatus: *Qui (Rhadagaisus) vt mos est barbaris gentibus, omnem Romani generis sanguinem Dijs suis propinare deuouerat*.

V. 20.

- Nunc igitur pulsâ formidine, & imbris actis
 Respiciere expulſas nubes, præſentia rerum
 15 Præteritis conferre iuvat. Quam tetra per iſtos,
 Qui fluxere, dies elapſo nox erat anno,
 Cum ſuſor accenſus Diuinæ motibus iræ
 Immiſſo Latijs arderet in urbibus hoſte!
 Nunc itidem placidi ſpectata potentia Chriſti
 20 Munere, maſtatis pariter cum Rege profano
 Hoſtibus, Auguſti pueri victoria pacem
 Reddidit, atque annis tener idem, & fortis in armis,
 Præualuit virtute Dei, & mortalia fregit
 Robora, ſacrilegum Chriſto ſuperante Tyrannum.
 25 Sed quid ego hinc modò plura loquar, quod non ſpeciale
 Eſſe mei Felicis opus Reſpublica monſtrat?
 Pluribus hæc etenim cauſa eſt curata patronis,
 Vt Romana ſalus, & publica vita maneret.
 Hic Petrus, hic Paulus proceres, hic Martyres omnes,
 30 Quos ſimul innumeros magnæ tenet ambitus Urbis,
 Quosque

V. 20. *Maſtatis pariter.* Iterum audiamus Oroſium Rhadagaſiſ cædem his verbis teſtantem: *Igitur Rex Rhadagaſiſ ſolus ſpem fuga ſumens clam ſuos deſernit, atque in noſtros incidit, à quibus captus, & pauliſper retentus, deinde interfectus eſt.* Auguſtinus quoque loco citato Barbarum hunc interemptum affirmat.

V. 21. *Auguſti pueri.* Natus erat Honorius Auguſtus Coſs. *Richomere, & Clearcho*, videlicet A. C. 384., vt Marcellinus in Chron., Idacius, So- crates lib. 5. cap. 12. aſſerunt, quamquam Claudianus in 4. Conſul. euſ- dem Honorij obſtare videatur. Igitur Anno 405. vigefimum primum ætatis ſuæ annum compleuit, ac vigefimum, & alterum iniit. Nihilò ſecius *Puer Paulino* dicitur, Poeticâ certè libertate. Vide quæ infrâ ad- notauimus ad v. 158.

V. 27. *Pluribus hæc etenim.* Prodigioſè Gothos ad internecionem compulſos, aut in vincula redactos farentur quicumque hanc Fidelium Romanorum tetigere victoriâ. S. Aug. Serm. 29. in Luc. *Deus oſtendens, quia non in iſtis ſacrificijs eſt iſta temporalis ſalus, iſta Regna terrena mutat. Viſus eſt Rhadagaſiſ adiuuante Domino, miro modo.* Et Oroſ. loco laudato: *Conterritum diuinitus Rhadagaſiſ in Faſſianos montes cogit.*

V. 30. *Quos ſimul innumeros.* Doduſius inter Proteſtantes vir erudit. de *pauitate Martyrum* diſſertationem emiſit, ſed quantum ille à vero aberrauerit hic vnus Paulinus docet, quum innumeros in Urbe vnâ Martyres extiſſe affirmet. Huic omninò conſentit Prudent. in Hymno XI. ad Valerian. de Hippolyto:

K

In-

- Quosque per innumeras diffuso lumine gentes
 Intra Romuleos veneratur Ecclesia fines,
 Sollicitas simul impenso duxere precatu
 Excubias. Felix meus his, velut vnus eorum;
 35 In precibus pars magna fuit, sed summa petiti
 Muneris ad cunctos, nulli priuata refertur.
 Ergo pedem referam, sat enim mihi pauca locutum,
 Vnde nihil proprium meritis Felicis adesset,
 Nec reticere tamen potui, quia portio laudis
 40 Hoc quoque Felici suberat, quod summa potestas;
 Rexque potens Regum Christus Deus omnibus vnâ
 Adnuerat Sanctis, quibus in grege supplice mixtum
 Felicem parili audiuit pietate benignus.
 Parcâ igitur proprijs adiungere publica donis
 45 Munera, priuatosque canam Felicis honores,
 Quæque suis propriè egerit hic in sedibus edam?
 Vnde igitur faciam texendi carminis orsum?
 Quæ bona Felicis referam? Quæ multa per omnes
 Passim agit, expediam? magis anne domestica dicam
 50 Munera, quorum ego sum specialis debitor illi?
 Hæc potius repetam, mihi quæ conlata meisque
 Sat memini, & quia præteritis magis illa libellis
 Dicta mihi, quæ partim alijs, permixtaque nobis
 Præstitit, ex his nunc opibus, quas largiter in nos
 55 Contulit, hunc animo texam gratante libellum;
 Et contra solitum vario modulamine morem,

Sicut

*Innumeros cineres Sanctorum Romulâ in Vrbe**Vidimus, o Christo Valeriane sacer.*

Idem in Hymno S. Laurent.

*Vix fama nota est**Quam plena Sanctis Roma sit,**Quam diues Vrbanum solum**Sacris sepulcris floreat.*

Idem & : tradidit S. Leo in quod. Sermonem.

V. 56. *Et contra solitum.* Reliquos Natales Heroico versu prosequutus est Paulinus, hunc vario metro absoluit. Hanc illi mentem obuénisse crediderim, ut Piniani nomen Poemate complecteretur; non enim illud Exametris saluâ metri ratione includi poterat. Ita Rutil. Numatianus in Itiner., quum Volusiani nomen illâs Profodiz legibus carmini com-
 menda-

Sicut & ipse mihi varias parit omnibus annis
Materias, mutabo modos, serieque sub vnâ
Non vnâ sub lege dati pede carminis ibo.

- 60 Nam quia fecundo Sancti Felicis in agro
Emerfere noui flores, duo germina Christi
Turcius ore pio, florente Suecricus æuo,
Et pariter Sanctæ matres, similesque puellæ,
Alia, qualis erat soror illa Philemonis olim
65 Nobilis in titulo, quam signat epistola Pauli,
Et simul Eonomia æternis iam pacta virago
In cælo thalamis, quam matris ab vbere raptam

Feli-

mendare non posset, satis habuit desiderium suum testari: ait ille

*Optarem verum complecti carmine nomen,
Sed quosdam refugit regula dura pedes.*

Est hic ille Rufus Volusianus Albinae inferius memorandæ auunculus, de quo consule Diss. meam. IV.

V. 62. *Turcius ore pio.* Vide Diss. I.

V. 62. *Suecricus æno.* Adeat Lector Diss. II.

V. 64. *Alia.* Quæ de hoc nomine obseruari, habebis in Præf. ad hunc Natalem.

V. 64. *Qualis erat.* S. Pauli Epistola ad Philemonem his incipit verbis: Παῦλος δίδωμις Κρίστῳ ἰησοῦ, καὶ Τιμόθεος ὁ ἀδελφεὶς Φιλήμονι τῷ ἀγαπῶν, καὶ συντρέγων ἡμῶν, καὶ Ἀπολίᾳ τῇ ἀγαπῶν. Paulus vinctus Christi Iesu, & Timotheus frater, Philemoni dilecto, & adiutori nostro, & Appia carissima. In vulgatis additur: Sorori carissima, atque ita Paulini æuo scriptum dignoscitur. Hanc vocem ad Paulum referunt Sacri Interpretes, vt eius in Christo soror iuxta Christianæ gentis ritum dicatur; at noster ad Philemonem trahit, illamque eiusdem sororem indiget. Porro sanctam hanc feminam non sororem, sed vxorem Philemonis existisse tum ex Chrysostomo, tum ex Theodorito, alijsque discimus. Sentit igitur Paulinus eam vxorem quidem, sed adhuc in Christo sororem Philemonis appellat, nimirum quia continentiam Christo cum illâ vouerat Philemon, qui mos non ignotus antiquis probatione haud indiget.

V. 66. *Et simul Eonomia.* Plura de hac S. Virgine reui in Diss. III.

V. 67. *Quam matris ab vbere.* Hunc pium Christianorum vsum illustratum infra repeties in not. ad vers. 162. Nunc sufficiat Prudentius in Hymno S. Laurentij:

*Videmus illustres domos
Sexu ex utroque nobiles
Offerre votis pignora
Clarissimorum liberam.*

K 2

V. 71.

- Festino placitam sibi Christus amore dicauit;
 Vaguentoque sui perfudit nominis, vnde
 70 Tincta comas animæ, & mentis caput vincta pudicum
 Debere quemquam plaudere, & confidere,
 Quamuis honestâ rectus incedat viâ,
 Tamen timere semper offensam pedis,
 Donec peractis vsque metam cursibus
 75 Palmam petitz comprehendat gloriæ.
 Quare Beatos Martyres, quos extulit
 Perfecta virtus in coronam cælitern
 Iustis honoris debiti præconijs
 Celebramus omnes nos eorum posteri
 80 Confessione Christiani nominis,
 Quibus profuso sanguine ob Sanctam Fidem
 Profeminarunt frugis æternæ bonum,
 Vt si ambulemus Martyrum vestigijs
 Partis parentum perfruamur præmijs.
 85 Hinc ergo Sanctis, siue Confessoribus,
 Siue consecratis passione testibus
 Dies sacratos, in quibus functi diem

Mortu-

- V. 71. *Debere quemquam*. Deesse ante hæc verba versum aliquem sensus docet, quum à nullo pendeant fulcro illa *debere*, & *timere*. Similia itaq; verba hic desiderantur: *Numquam in terrenis opibus illa docet debere quemquam plaudere* &c.

V. 86. *Siue consecratis*. *Μαρτύρ* Græcè, Latine *testis* dicitur. Frequentius tamen vsurpata vox Græca. August. lib. 22. contra Faust. cap. 76. huius nominis significationem expressit: *Per quorum*, ait, *confessiones, passiones, & mortes hoc Deo placuit attestari, Martyres appellantur, qui Latine testes dicuntur*. Isidor. lib. 7. cap. 11. *Martyres, seu testes idè vocati sunt, quia propter testimonium Christi passionibus insinuerunt*.

V. 87. *Dies sacratos*. Quam apertis hic verbis doceat, laudet, ac suadeat Paulinus Festos dies in Sanctorum honorem institutos, etiam lippis pateret. Id alibi tetigit, hic plenius testatur encomijs. Totius verò Ecclesiæ Catholicæ calculo quum hic pius olim probaretur vsus, impudenter tamen Lutherus in libello de Form. Miss. *Omnium*, ait, *Sanctorum Festa prorsus abroganda putamus*. Et in lib. de cærem. Eccl. seruand. *Festa Sanctorum in vniuersum aboleantur*. Cui non pauci Heterodoxi dant manum. Nos Catholici cum Paulino, reliquisque Sanctis Patribus sentientes sacra celebrabimus Sanctorum Festa, illi verò duce Luthero contenti nouam credulis venditabunt sententiam.

V. 99.

- Mortalis æui morte vitali suum
De labe mundi transferunt ad Deum;
90 Populi fideles gaudijs sollemnibus
Honore Christi gratulantes excolunt;
Vt iste Sancti pace Felicis dies,
Quo clausit olim corporis vitam senex
Confessionis ante functus prælia,
95 Sed incruento consecratus exitu
Post bella victor pacis adsumptus die
Vocante Christo liquit exultans humum,
Et in supernas transitum fecit domos,
Non defraudatus a coronâ Martyris,
100 Quia passionis mente votum gesserat.
Nam læpè agonem miles intrauit potens
Victorque semper hoste Confessor redijt;
Sed præparatâ mente contentus Deus
Seruauit illum, non coronam Martyris
105 Negans, sed addens & coronam Antistitis,
Vt incruento palmam adeptus prælio,

Et

V. 99. *A coronâ Martyris*. Alibi innuimus S. Felicem Martyrio vitam non consumasse; ac propterea vocatur iste in Nat. XI. *Elogio Martyr*, & alibi *sine sanguine Martyr*. In Natali verò VI. hæc ipsa canit de Felice in calum assumpto.

*Tum niueâ sacrum caput ornauere coronâ,
Sed tamen & roseam Pater addidit, indice Christo;
Purpureoq; habitu niueos duplicauit amictus,
Quod meritis utrumq; decus. Nam lucida sumpsit
Serta quasi placido translatus in æthera letho,
Sed meruit pariter quasi casi Martyris ostrum,
Qui Confessor obit &c.*

V. 105. *Et coronam Antistitis*. Iure hanc in Cælis adeptus coronam; Felix, quia oblatam respuerat in terris. Exposcebat illum populus post S. Maximi obitum in Antistitem; at ille (sunt Paulini verba Nat. V.)

*— velut indignus, non audebat honore
Crescere, testaturq; seni magè debita Quinto &c.
Ergò sub hoc etiam Felix Antistite vixit
Presbyter, & crenis meritis, qui crescere sede
Noluit. —*

In Nat. XI. S. Felix dicitur *Officioq; Sacerdos*, hoc est, vt ibi explicauit; Episcopus. Verum vide infra ad v. 568., vbi de hac voce plura.

V. 112.

- Et præliati possideret præmium
 Confessionis purpurante lauræ,
 Vittæque pacis in Sacerdotis stolâ
 110 Redimitus idem bis coronatus foret
 Confessor, atque Presbyter Felix Dei:
 Hic ergò votis, quem recolimus, annus
 Non est agonis, sed sepulturæ dies,
 Quo separatâ ab invicem substantiâ
 115 Anima volavit ad Deum, in terram caro
 Reversa tumulo conquieuit abdita,
 Et meritò Sanctis iste Natalis dies
 Notatur, in quo lege functi carnem
 Mortalitatibus exuuntur vinculis,
 120 Et in superna regna nascuntur Deo
 Secumque lætam spem resurgendi ferunt:
 Ego semper istum sic honoravi diem,

Magis

V. 112. *Hic ergò votis.* S. Felici sacer dies postrid. Id. Ianu. celebratur, quemadmodum etiam xuo Paulini factum. Vuandelbert. testis accedit:

*Quam nonam & decimam constat Februi ante Kalendas
 Esse diem, Felix sacer, & Confessor honorat.*

V. 112. *Quem recolimus annus.* A metri regulâ, & à sensu abhorret illa vox annus. Scribe itaq; dies.

V. 115. *Anima.* Ita scripsi, quum in MS. *anima* haberetur.

V. 117. *Natalis dies.* Apud antiquos familiare fuit diem Sanctorum æmortualem Natalis nomine exprimere, quia tum cælo reuera nascebantur. Noster vates Nat. III.

*Venit festa dies calo, celeberrima terris,
 Natalem Felicis agens, quâ corpore terris
 Occidit, & Christo superis est natus in astris.*

S. August. ser. 10. de Sanctis eandem profert rationem: *Dignè Natalis istorum colimus, quos beatius æterna vita mundus edidit, quam Mundo maternorum viscerum partus edidit.* Euseb. Gallicanus, seu Cæsarius. Hom. 50. de S. Genesio: *Beatorum Martyrum passiones Natales vocamus dies, quando eos Martyrj vita, & gloria fides dum ingerit morti, genuit æternitati.* His adde Petrum Chrysost. serm. 129., Belet. de div. Off. cap. 4., Amalar. lib. 4. cap. 35. de Eccl. Offic., Raban. lib. 2. de Instit. Cler. cap. 43., Honor. Augustodun. lib. 3. cap. 17., Albin. Comment. in Iohan. Evang. lib. 6. cap. 38., aliosq; non paucos. De his consule Disert. XIX.

V. 122. *Ego semper istum.* Idem Natali IV.

Na-

- Magis hunc putarem vt esse Natalem mihi,
 Quam quo fuisset natus incassum die.
- 125 Legendus etenim est ille dignus mihi
 Dies, in istum quo creatus seculum
 Peccator vtero peccatricis excidi
 Conceptus atris ex iniquitatibus,
 Vt iam nocentem pareret me mater mea:
- 130 Maledictus ergo sit dies, quo sum miser
 Ad iniquitates ex iniquis editus.
 Benedictus iste sit Natalis & mihi,
 Quo mihi patronus natus in cælestibus
 Felix ad illam exortus est potentiam,
- 135 Quâ me valeret sæce purgatum meâ
 Laxare vinclis, & redemptum absoluere
 De luctuosâ morte Natalis mei.
 Acto per orbem circulus anno suis
 Eadem recurrit semper hæc cunctis dies;
- 140 Verum quotannis innouante gratiâ
 Diuersitatem munerum, quæ dat suo
 Christus sodali, donet vt Felix mihi,
 Mutatur & non ipsa, quæ cunctis venit

Varias

———— Natalis tuus, o charissime Christo;

Felix, Natali proprio mihi charior.

Vide, quæ congesti in Diss. XII.

V. 130. *Maledictus ergo*. S. Iobum imitatur diei, quâ natus erat, male dicentem. Præter Origenem (seu alius ille sit Auctor) lib. 3. in Iob audiendus S. Gregorius lib. 4. Moral. cap. 7. Iobi verba explicans, atq; ita concludens: *Quid est ergo diei Natiuitatis maledicere, nisi aperte dicere: dies mutabilitatis pereat, & dies æternitatis erumpat?* Iuvat etiam adducere verba Philippi in hunc locum. Philippus iste Gennadio memoratus, ac S. Hieronymi discipulus Commentarium in Iob edidit, quem nobis infesta ætas eripuit. Quædam illius fragmenta ex vetustissimo Bibliothecæ Ambrosianæ Codice Saxonici characteribus exarato in reliquis Anecdotorum libris producuntur, quorum vnum in præsentiarum omittere nolo: *Quidam, ait, dicunt tempora Natiuitatis humane, quia præterierunt, non posse maledici. Certè ex superfluo maledicuntur, quia suis iam sunt peracta transcursibus. Sancti autem inflati spiritu Prophetia maledicunt diem Natiuitatis humane, quod quidem non sine tribulatione suâ faciunt; sentiunt quippe in se compatiendo generi humano iustitiâ Dei sententiam mortis inlatam &c.*

V. 150.

- Varias meorum carminum causas ferens ?
 145 Videamus ergò quid mihi hoc anno nouum
 Adtulerit, vnde vocibus vernem nouis.
 Non ibo longè, nec procul sumam mihi
 Præterita tempore, aut locis absentia.
 Adfunt, tenentur ipsa dona cominus:
 150 Videtis omnes munera hoc anno data
 Nobis in vno iuncta Felicis sinu
 Mancipia Christi, nobiles terræ prius;
 Nunc verò cælo destinatos incolas,
 Quos Christus ipse, qui creauit diuites,
 155 Hoc pauperavit seculo, in regnum vt suum
 Terreni honoris arce deiectos vehat.
 Apronianum Turciæ gentis decus
 Ætate puerum, sensibus carnis senem,
 Vteteri togarum nobilem profapiâ,

160 Sed

V. 150. *Hoc anno data*. Igitur Anno 406. Nolam concesserat Sanctæ
 hac Romanorum cohors.

V. 155. *Pauperavit*. Pauperare est inopem facere. Vox melioribus
 etiam nota Latinis. Horat. 2. Serm. Sat. 5.

*Eripiet quisvis oculos mihi citius quam te
 Contemptum cassâ nuce pauperet.*

Plaut. in Pseud. 20.

————— *Nam boni viri*

Me pauperant, improbi alunt.

Eandem vocem in M.I. Glor. repetit. Chrômat. Aquileiens. Episcop.
 Hom. 2. *Qui se causâ religionis, ac Fidei seculo pauperarunt*.

V. 157. *Apronianum*. De illo in Diss. I.

V. 158. *Ætate puerum*. Summa dignum est animaduersione, quod
 hic Turcius puer nuncupetur; infra enim ait Pinianum Turcio ætate
 minorem fuisse. At Pinianus circa A. C. 406. trigésimum, & quod ex-
 currit, vitæ suæ annum agebat. Quum enim Auctor vitæ S. Melan-
 iæ apud Surium die 31. Ianu. Pinianum asserat vnâ cum Melaniâ Deo conti-
 nentiam vouisse, dum illi ætatis annus 24. excurreret, & id An. Dom. 399.
 contingerit, vti probauimus in Diss. VI. manifestò colligitur Pinianum A. 406.
 trigésimo saltem in anno ætatis constitutum. Vnde quum Turcius etiam
 puer vocetur, qui tamen Pinianum ætate præcelleret, *pueri* vocabulum à
 Paulino amplificari admodum videtur. Hic ipse Pinianum infra, Iulia-
 num in eus Epithal., & Honorium Imperatorem, dum annus ætatis vi-
 gésimus secundus illi foret, eodem *pueri* cognomine afficit. Id quidem
 nescio,

- 160 Sed clariorem Christiano nomine,
 Qui mixtâ veteris, & noui ortus gloriâ,
 Vetus est Senator Curia, Christo nouus:
 Huic propinquat socius æquali iugo
 Aëo minor Pinianus, par fide,
 165 Et ipse prisco sanguine inlustris puer;
 In principe Vrbe Consul primigenus.
 Valerius ille Consulari stemmate
 Primus Latinis nomen in Fastis tenens,
 Quem Roma pulsus Regibus Bruto addidit;
 170 Valeri modò huius Christiani Consul
 Longè retrorsum generis auctor vltimus.
 O vena felix! Ille gentili licet
 Terrore functus hoc suæ stirpis bonum
 Non capiat atro mersus Inferni lacu;

171 Sed
 nescio, an vsum obtinuerit apud Græcos, Latinosue auctores; sed in Sacris Biblijs quandoque *pueri* appellantur ij, qui virilitatem iam attigere. Crediderim forsân hanc vocem à Paulino de ijs vsurpari, qui nuper Baptismum susceperant; ait enim in Ep. 36. ad Macarium de sene quodam recenter baptizato: *iam in extrema ætatis senectâ puer, & malitiâ paruulus non solum gratia, sed & mentis infantiam gerit.*

V. 164. *Pinianus.* De hoc illustri viro singularem consule diss. VI.

V. 166. *In principe Vrbe.* Cur Consulem *in Vrbe principe*, nimirum in Vrbe Româ, vocat? An alibi tum temporis Consules, vt ad eorum distinctionem Vrbis nomen fuerit apponendum? Ita sanè. Ad exemplum Vrbis in Ciuitatibus Imperij præclarissimis Consules vocabantur supremi Magistratus. Burdigalæ constitutos Consules nos docuit Ausonius de Clar. Vrb. in fine:

Diligo Burdigalam, Romam colo. Cuius in hac sum,

Consul in ambabus. Cuna hic, ibi sella curulis.

Exhibet Gruterus septem Inscriptiones pag. 429. & sequ. L. Licinio cui-dam positas, qui ter Consul Barcinone fuerat. Memoratur itidem apud illum pag. 351. num. 5. alius in *Colonia Astigitanâ* Consul VI. *Allius Mamercus.* Sic Sidonius Apollin. Consul appellatus fuit, quum reuerâ in patriâ suâ tantum hoc peregerit munus.

V. 167. *Valerius ille.* P. Valerius postea Poplicolæ cognomentum adeptus inter primos Consules numeratus fuit. Ita nos omnes Fasti docent, Linius, Plutarchus in eius vitâ, Sigonius, & reliqui Romanæ conditores Historiæ. Is Brutum collegam hostili transfixum hastâ publicè laudauit, Legesq; in populi fauorem condidit. Existius familiâ Pinianus prodierat.

L

V. 184.

- 175 Sed nōs fideli contuentes lumine
 Retroacta, vel præsentia humani status
 Miramur opera conditoris ardui,
 Et præparatos à vetustis seculis
 Successionum mysticarum lineis
 180 Post stupemus impiorum filios.
 Tamen in tenebris impiarum mentium
 Lucis videmus emicasse semina
 In tempore ipso noctis antiquæ sitis,
 Quibus probata quamlibet Gentilibus
 185 Mens, & voluntas lego naturæ fuit.
 Hinc in quibusdam nunc eorum posteris
 Veterum subinde vena respondet patrum;
 Vt ille quondam Piniani, nunc mei
 Auctor supremus in libertatem suis
 190 Post Regna dura vindicandis ciuibus
 Læsus nepotis huius ortum prætulit,
 Qui mente auitâ persequens superbiam
 Potiore causâ seruitutem depulit
 A se met ipso, corporis victor sui,
 195 Pulsoque Regno Diaboli è membris suis
 Iam spiritali pace peccati iugum

Fidels

V. 184. *Quibus probata.* Acris inter Pelagianæ, ac Iansenianæ Historiz Scriptores intercedit quæstio, nempe utrū Gentilibus solo naturæ lumine bonum aliquod opus patrare licuerit, an verò omnia eorum facta nomen peccati mererentur. De huiusmodi quæstione legendus magnus Augustini clypeus, & gloria Em. Norisius in Vindicijs Augustin. §. 4. Gonet. disp. 1. de Necess. gratiæ sect. 5. Art. 3. Maced. in lib. aduers. Caluin., aliq; plurimi præstantissimi Theologi. Apostolus ad Rom. 2. ita scribit: *Gentes, quæ Legem non habent, naturaliter ea, quæ legis sunt, faciunt.* S. August. de Spir. & lit. cap. 27., & 28. aliqua ab Infidelibus opera bona fieri asserit, additq; rationem, *quia non vsq; adeò in animâ humanâ imago Dei terrenorum affectuum labe detrita est, ut nulla in eâ velut lineamenta permanferint.* Hinc Paulinus in Ethnicis ait quædam lucis emicasse semina, eiq; propterea aliquam in seculo mercedem, quum iuxta naturæ documenta operantur, à Deo concessam consentiunt plerique Auctores.

V. 190. *Post Regna dura.* Hoc est post durum Regum Imperium, quibus Roma diu paruerat.

V. 205.

- Fidelis animæ casta libertas terit,
 Et in hoc parentis aliquid illius refert
 Puer iste Christi Consulatum militans,
 200 Quod liberandis consulens munus pium
 Redemptionis ope dispensat Deo
 Prisci parentis æmulator hæctenus,
 Quod seruitute liberat domesticos,
 Ut ille ciues. Sed quod ille gesserat
 205 In Vrbe & vnâ, & paruulâ primis adhuc
 Romæ sub annis, hic modò in multis agit
 Diuerso in orbe constitutis vrbibus,
 Passim benignus & suis, & exteris;
 Nam & libertorum plurimis ceruicibus
 210 Seruile sanctis opibus expellit iugum,
 Quos ære vinctos in tenebris carceris
 Absoluit auro de catenâ sænoris.
 Hos ergò Felix in suo sinu abditos
 Mandante Christo condidit testis suis,
 215 Mecumque sumpsit sempiternos hospites.
 His nunc vtrinque lætus adiutoribus
 Trium sub vnâ voce votum dedico,
 Vno loquente spiritu in affectu trium.
 Magnificato Deum mecum, & sapientes honestis
 220 Vnanimis pueri psallite carminibus.
 Ut decachorda sonent pulsis psalteria neruis,
 Et paribus cocant dissona fila modis.
 Sic pia compagis nostræ testudo resulet,
 Tamquam vno triplex lingua sonet labio.
 225 Tres etenim numero sumus iidem, mentibus vnum.

Et

V. 205. *In Vrbe & vnâ.* Florus lib. 1. cap. 9. enarratâ Regum ab Vrbe expulsionem ita loquitur: *Liber iam hinc Pop. Rom. prima aduersus externos arma pro libertate corripuit, mox pro finibus, deinde pro socijs, tum pro gloriâ, & Imperio, lacessentibus assiluit usquequaq; finitimis; quippe cum patrij soligleba nulla esset, sed statim hostile pomarium, mediusque inter Latium, & Tuscos quasi in quodam biuio collocatus omnibus portis in hostem in urreret &c.*

V. 209. *Nam & libertorum.* Consule diss. VI.

V. 215. *Tres etenim.* Hæc omnia explicui in Præf. ad hunc Natalem.

L 2

V. 228.

- Et plures cocunt in tribus his animæ:
 Quorum cælestis liber indita nomina seruat;
 Prima chori Albina est, compar & Harasia;
 Iungitur hoc germana iugo, vt sit tertia princeps
 230 Agminis hymnisonis mater Auita choris.
 Matribus his duo sunt tribus vno pignora sexu;
 Flos geminus Melani germen, & Eunomia.
 Hæc eadem & nobis maribus sunt pignora, nam quos
 Discernit sexus, consociat pietas.
 235 Cum patre Paulino pater æquè Turcius iste est,
 Sed me ætas, soboles hunc facit esse patrem.
 Diuerso ex æuo nomen sociamur in vnum,
 Et non ambo senes, sed tamen ambo pares.
 Ergo cohors hæc tota simul, tria nomina matres,
 240 Quatuor in natis, in patribus duo sunt.
 Nam puer hinc Melani coniux in corpore Christi,
 Cui Deus à pinu nomen habere dedit,
 Natus vt æternæ vitæ puer arbore ab illâ
 Susciperet nomen, quæ sine fine viret.
 245 Pinus enim semper florento cacumine persans

Semper

V. 228. *Albina*. Adeat Lector diss. IV. vbi multa de hac præclarissimâ fæminâ.

V. 228. *Compar & Harasia*. Legendum prorsus *compare Therasia*, seu *cum pare Therasiâ*. Vide diss. V.

V. 230. *Auita*. De istâ quoq; diss. III. institui.

V. 232. *Flos geminus*. In Præf. ad hoc Poema elucidavi totum.

V. 238. *Ambo pares*. Mihi magis arrideret hæc lectio: *sed tamen ambo patres*.

V. 241. *Melani coniux*. Ad ea recurre, quæ fusiustractaui in diss. VII.

V. 245. *Pinus enim semper*. Virgil. in Culiæ.

Bumastusq; virens, & semper florida pinus.

Columella lib. 9. de pabulis apum disputans ait: *Posthæc frequens sit incrementi maioris surculus, vt rosmarinus, & utraq; cytisus; est enim satina, & altera suæ spontis; itemq; semper virens pinus, & minor ilex.* Hunc Columellæ locum Petrus Victorius lib. 25. cap. 5. variat, Pontan. in Virgil. ad 4. Georg. v. 112. non de pinu arbore, sed de quodam virgulti genere interpretantur, cui perpetua insit viriditas. Salmastius ad Solin. pag. 279. tum apud Virgilium, tum etiam apud Columellam legendum censet *tinus*, non *pinus*. Verum arguuntur viri tanti Paulini testi-

- Semper amans celsis alta comare iugis ;
 Non mutat speciem cum tempore , namque sub æstu ,
 Et niue par sibimet stat viridante comâ .
 Fertilis & fructu validæ nucus intus ad escam
 250 Lac tenerum crispo tegmine mater habet ;
 Pinguis odoratum desudat thæda liquorem ,
 Vt nec in ipso arbor robore sit sterilis .
 Hæc igitur typus est æterni corporis arbor ,
 Pulchra , ferax , viuax , ardua , odora , virens .
 255 Istius instar erit Domino puer iste beatus
 Arboris , vt maneat gratia perpes ei .
 Iamque Deo plantatus agit ; sanctoque profectu
 Fructiferum adtollet pinus vt alta caput .
 Eminet hic proprio mihi filius in grege primus ;
 260 Ast aliud mihi par lumen in Asterio est .

Quem

testimonio apertè arborem , non virgultum , pinum semper florentem ,
 appellantis :

Natus ut aterna vita puer arbore ab illâ

Susciperet nomen , qua sine fine viret .

Hæc infra expressius habet . La Cerda ad citatum locum Georg. pinum
 delitijs destinatam , ac in hortis sæpè locum inuenisse euincit , nimirum
 ad apum vtilitatem , quibus mediocres pinos Virgilius , & Columella
 destinant .

V. 251. *Desudat thæda* . Ita in Codice nostro , & in vetustis MSS. le-
 gitur , quamquam Stephani *sedam* absque diptongo scribere maluerint .
 Thæda Græcè *θάλα* , vel *θαλα* , quasi fax , seu lampas vocatur . Est autem
 Thæda Pini morbus ; nempe quum arbor illa nimia succi abundantia
 luxuriat , in lignum materiemue oleaginosam ad incendium accommo-
 dam migrat . Theophrast. de caus. Plant. lib. 5. cap. 15. *Τάχα δὲ καὶ γίνε-
 ται θάλα, καὶ ἡ κακία, ἀλλ' ἐνδιαιστος, ὅσον τῆς λελυγμένης, ὅταν αἱ
 ῥίζαι διαδωδωτοί* . Arborum autem genus etiam aliquod fortè est , cui cor-
 ruptio spontè , nec ullo pacto læso , sed benè vigenti eueniat , vt pino ,
 quum radices in thadam mutata fuerint . Ex hoc ligno faces parabantur ,
 quæ in Nuptijs potissimum præferri solebant . Hinc Ouid. Ep. 12. *Pinea
 sedam* inquit . Columella lib. 5. cap. 10. 12. *Fissuram cuneo thæda pinea adi-
 gito* . De Thædis multa Salmast. in Solin. cap. 33 .

V. 259. *Mihi filius* . Pinianum spiritalem Paulini filium etiam tetigit
 Auctor vitæ S. Melanæ apud Surium die 31. Ianuar. de Piniano , ac Me-
 lanâ eius coniuge in Siciliam profectis inquires : *Vt Sanctissimum Epif-
 copum Paulinum viserent , qui erat eis pater secundum spiritum* .

V. 260. *Asterio* . De isto multa in Dill. II.

V. 262.

- Quem simul vnanimes verâ pietate parentes
 Infantem Christo constituere sacrum.
 Ut tamquam Samuel primis signatus ab annis
 Cresceret in sanctis votus alente Deo.
- 265 Prima parente Christi sub nomine murmura soluit,
 Et Domini nomen prima loquela fuit.
 Iamque parente Deo regnis cælestibus ortus
 Sidereo pariter nomine, & ore micat.
- Hunc puerum, & fratrem fecit pia gratia patri,
 270 Nam pariter sancto flumine sunt geniti.
 Quos natura gradu diuiserat, hos Deus almo
 Munere germanos in sua regna vehet.

V. 262. *Infantem*. Nostrorum temporum Heterodoxi totâ inuehuntur rabie in Monachismum, ac in Religiosorum vota. Verum non ita sentiebant priorum seculorum Christiani, quando & ab ipsis incunabulis Deo dicare pueros, puellasque solebant. Hoc de Asterio Paulinus affirmat, dixeratque antè de Eunomiâ:

*Et simul Eunomia aternis iam passa virago
 In calo thalamis, quam matris ab ubere raptam
 Festino placitam sibi Christus amore dicanit.*

Augustinus in Psal. 75. hunc eundem morem nobis insinuat: *Alij virginitatem, aut, ab inenunte atate vouent, ut nihil tale vel experiantur, quale illi experti sunt, & reliquerunt, & isti vouerunt plurimum.* Sic SS. Virginum præclarissimæ, vt Tæcla, Agnes, Cæcilia, Agatha, Catharina &c. à teneris, vt aiunt, vnguiculis Deo dicatæ fueræ. S. Melania quoque Piniani vxor, vti habent eius acta die 31. Ianu. ap. Sur., filiam vix natam Deo dicanit: *Nascitur ei puella. Ea, cum primùm lucem adspexit, castitatis soli consecrata fuit, Melanâ offerente primitias Domino, qui ipsam dederat, ut sic vel consuetudinem habens matrimonij videretur plurimum tribuere virginitati.* Hinc explicare facillimum erit Hincmari Rhem. Episcopi locum in vitâ S. Remigij, vbi ait Sanctum hunc, postquam per viginti, & duos annos in Clericali conditione, in Episcopatu verò septuaginta & quatuor continentissimè ministravit, nonagesimo sexto atatis anno terræ corpus reddidisse; nam vix natus Remigius Deo sacratus fuit, atque iccirco ab ipsa eius natiuitate Clericatus illius anni ab Hincmario dinumerantur.

V. 265. *Parente Christi*. Facile foret versum emendare, & pro Christi nomine *Dei* nomen reponere, sed malè etiam versus federet. Insulsè repetita hîc ab excerptoribus alterius carminis vox, nempe:

Iamque parente Deo.

V. 268. *Sidereo*. Asterius ab astro, hoc est *fidere* deducitur; hinc nomen

- Ergò nouem cuncti sociâ cum prole parentes;
 Pectore concordî simus vt vna chelys;
 275 Omnes ex nobis cytharam faciamus in vnum
 Carmen diuersis compositam fidibus.
 Æmilius veniat decimus. Tunc denique pleno
 Concinet in nobis mystica lex numero.
 Hoc etenim numeri in capite, in testudine pacis
 280 Viua salutiferum chorda loquetur opus.
 Huic cytharæ plectrum Felix erit. Hoc decachordam
 Christus ouans cytharam pectine percutiet.
 Quæ cythara in nobis Christo modulante sonabit
 Plenam perfectis sensibus armoniam.
 285 Sic pax nostra Deo totis sit consona fibris,
 Simus vt vniti corpore, mente, Fide.
 Talis enim cytharam sanctis homo legibus implet
 Omnibus ad vitam compositus numeris.
 Cuius vitæ sacræ concordat ad omnia legi,
 290 Omnis enim inrupto flamine chorda canet.
 Nunc ad te, venerande Parens, æterne patrone,
 Susceptor meus, & Christo carissime Felix,
 Gratificas verso referam sermone loquelas.
 Multa mihi varijs tribuisti munera donis;
 295 Omnia, præsentis vitæ rem spemque futuræ
 Quæ pariunt, tibi me memini debere, cui me
 Mancipium primis donauit Christus ab annis.
 Si mihi flumineis facundia curreret vndis,

Oraque

men fidereum Asterio esse Paulinus ait:

V. 273. *Ergò nouem*. Vide Præf. ad hoc Poema.

V. 277. *Æmilius*. De isto prolixam disceptationem habes Diss. VIII.

V. 291. *Nunc ad te*. Dungalus in respons. ad Claud. Taurin. hos versus ex Natali XIV. citat; aliosque iidem ex eodem Natali decerpisse fatetur, qui tamen omnes Codicis nostri beneficio ad vnum, & eundem Natalem XIII. pertinere dignoscuntur. Inde ortus error, Paulinum XV. Natales elucubrasse, quum solùm XIV. potius sint reputandi.

V. 298. *Si mihi flumineis*. Celebriores Poetas Poeta noster imitatur, qui huiusmodi verbis sunt vsi. Homerus:

Οὐδ' εἰ μοι δῖκα μὲν γλῶσσαι, δῖκα δὲ στόματ' ἦεν.

Φωνὴ δ' ἄρρηκτος, καλῶς δὲ μοι ἦτορ ἔειπεν.

Neque si mihi decem lingua quidem, decem & ora essent, vox & in-
 fran-

- Oraque mille forent centenis persona linguis;
 300 Fortè nec his opibus conlato fonte refertus.
 Omnia Felicis percurrere munera possem,
 Quanta suo Dominus donauit Christus amico;
 Et mihi Confessor famulo transfudit alumno.
 Quæ quibus ante feram donis diuersa, sed æquis
 305 Grandia ponderibus concurrunt multa, nec ex his
 Quid potius memorare legam, discernere possim.
 Iudicij facilis discrimen copia turbat.
 Si primâ repetens ab origine cuncta reuoluam,
 Quæ pietate pari vario mihi præstitit æuo,
 310 Ante quam capitis proprij numerare capillos,
 Quam tua circa me, Felix bone, dona referre.
 Tu mihi cælestum, si possem adtingere, rerum
 Prima salutiferis iecisti semina caulis.
 Nam puer occiduis Gallorum aduectus ab oris,
 315 Vt primùm tetigi trepido tua limina gressu,
 Admiranda videns operum documenta sacrorum
 Pro foribus feruere tuis, vbi corpore humato
 Clauderis, & meritis latè diffunderis altis,

Toto

frangibilis, arenam & mihi pectus inestet. Virgil. 6. Æneid.

Non mihi si lingua centum sine, oraque centum,

Ferreæ vox &c.

Ouid. Lib. 1. Trist. Eleg. 4., Silius lib. 9., Claudian in Paneg. Olybr. & Prob., & alij cecinere. Persius tamen Sat. 5. hunc morem ridet:

Vatibus hic mos est centum sibi poscere voces,

Centum ora, & linguas optare in carmina centum &c.

V. 314. Nam puer. Sunt qui in dubium reuocarunt, an Paulinus in Aquitaniâ cunas fuerit sortitus, sed præter alias auctoritates id euincen-tes in idem astruitur.

Nam puer occiduis Gallorum aduectus ab oris.

Paulinus ergò suum apud Gallos ortum traxit. Clariùs infra asseritur:

Te renocante soli quondam genitalis ad oram

Sollicita matri sum redditis.

Hæc de se ipso in Galliam profecto loquitur, vbi etiam innuit parentem suam etiam tum in viuis egisse. Addit se, licet in Hispaniâ morantem, Gallâ tamen mente vixisse. Ceterum Nolum se adhuc puerum concessisse superius iterum testatus est Paulinus S. Felicem ita alloquens:

tibi me

Mancipium primis donauit Christus ab annis.

V. 321.

- Toto corde Fidem divini nominis hausi,
 320 Inque tuo gaudens adamavi lumine Christum;
 Te Duce fascigerum gessi primævus honorem,
 Teque meam moderante manum, servante salutem,
 Purus ab humani sanguinis discrimine mansi.
 Tunc etiam primæ..... libamina barbæ
 325 Ante tuum solium, quasi te carpente, totondi;
 Iam tunc præmisso per honorem pignore sedis
 Campanis metanda locis habitacula fixi,

Te

V. 321. *Te Duce fascigerum*. De Consulatu S. Paulini prolixè egi in Diss. IX.

V. 323. *Purus ab humani*. Carmen emendandum, ac *sanguinis* vocabulum aut tollendum, aut in meo anteponendum. Placeret

Purus ab humana cadis discrimine mansi.

V. 324. *Tunc etiam primæ*. Res à versu abest. Aut epicheto igitur libamina sunt iungenda, aut quid aliud interponendum exempli causâ. Tunc etiam primæ, ut mos est, libamina barbæ. Mos antiquis fuit, quum primum ex ephabis prodirent, barbam tondere, eamque Deo altici, aut Penatibus dicare. Theseus Delam huius rei causâ profectus est, ut in eius vitâ Plutarchus docet. Silius Thebaid. hb. 8.

Ille genas Phæbo, erinem hic pascebat iaccho.

Dio lib. 61. de Nerone agens ait: Τριχας ἐς σφαίριον τι χρυσῶν ἐμβαλὼν ἀνέθηκε τῷ Διὶ τῷ Καπιτωλίῳ. Barbam in sphaeram quandam auream conijciens dedicavit Ioni Capitolino. Quod idem Suetonius hisce verbis prodiderat: Gymnico, quod in septis sedebat, inter Buthysia apparatus barbam primam posuit, conditamque in auream pixidem, & pretiosissimâ margaritis adornatam Ioni Capitolino consecrauit. De hoc more videndi Bisciol. Hor. Subcelsur. lib. 7. cap. 1., Alex. ab Alex. Dier. Gen. lib. 1. cap. 16. & hb. 3. cap. 27., & alibi, Cæll. Rhodig. lib. 19. cap. 22.; Tiraquell. de lure primig., Adrian. lun. lib. 2. de coma, & alij. Quod Ethnici fecere, id & in Christianos translatum hinc discimus. Illi Dijs suis, isti Sanctis Martyribus, aut ipsi Deo summo dicabant. E vita S. Villedmi Ducis editâ per V. C. Mabillonium cap. 23. edocemur barbam Deo consecratam à Monachis, qui eam ponebant. Barbæ apud Christianos benedictio fiebat, quum illa tondebatur. Ademarus Cabanensis apud Bessid. pag. 328. de Iordano Episc. ait: *Crastino diem barbam benedicti iubet, & detondi*. De quo more consule Du Fresnoy in Diss. 22. ad Iornillam pag. 273. Paulinus itaque ante S. Felicis tumulum barbam primam secari voluit, eamque fortè S. Confessori dicauit.

V. 327. *Campanis*. Ad ea recurre, quæ fusiùs tractauimus in Diss. X. ne hic morosi nimium euaderemus.

M

V. 342-

- Te fundante tui ventura cubilia serui.
 Cum tacitâ inspirans curam mihi mente iuberes
 330 Muniri, sternique viam ad tua tecta ferentem,
 Adiguumque tuis longo confurgere tractu
 Culminibus tegimen, sub quo prior vsus egentum
 Incoluit, post hæc geminato tegmine creuit
 Structa domus, nostris quæ nunc manet hospita cellis,
 335 Subdita pauperibus famulatur porticus ægris,
 Quæ nos impositis super addita tecta colentes
 Sustinet hospitij, inopumque salubria præstat
 Vulneribus nostris confortia sede sub vnâ,
 Commoda præstemus nobis vt amica vicissim,
 340 Fundamenta illi confirmant nostra precantes,
 Nos fraterna inopum foueamus corpora tecto.
 Ergò vbi bis terno ditionis fasce leuatus
 Deposui nullâ maculatam cæde securim,
 Te reuocante soli quondam genitalis ad oram
 345 Sollicitæ matri sum redditus. Inde propinquos
 Trans iuga Pyrenes adij peregrinus liberos.
 Illic me thalamis humanâ lege iugari
 Passus es, vt vitam commercarere duorum,
 Perque iugum carnis duplicata salus animarum
 350 Dilatam vnus posset pensare salutem.
 Ex illo quamuis alio mihi tramite vita
 Curreret, atque alio colerem procul absitus orbe;

Quâ

V. 342. *Ergo vbi bis terno.* Vide eandem Diss. X.V. 344. *Soli quondam genitalis.* Nimirum Galliz, seu Aquitaniz, ex qua ortum suum traxerat Paulinus.V. 345. *Inde propinquos.* Burdigalæ in clarissimâ Aquitaniz vrbe natus est Paulinus, quod Vranius in eius vitâ testatur, aut Hebromagi in pago eidem vrbi proximo, vt Ausonius in Ep. ad eundem Paulin. innuit. Hinc est, quod Paulinus propinquos vocet liberos, & iuga Pyrenes.V. 347. *Illic me thalamis.* Therasia, de quâ Diss. V. vide, Paulino coniux obtrigit. Hæc probabili nimium coniecturâ in Hispanijs nata, fuitque eius patria fortasse Complutum, siquidem in Paneg. Celsi Paulinus ait de filio sibi nato:

*Quem Complutensi mandauimus vrbe propinquis
 Coniunctum tumuli sedere Martyribus.*

V. 353.

- Quâ maris Oceani circumsonat vnditus æstu;
 Gallâ mente tamen numquam diuulsus ab istâ
 355 Sede fui, semperque sinu Felicis inhæsi,
 Inque vicem sensi Felicem adfistere nostris
 Rebus in omne bonum, per cuncta, domique, forisque,
 Conscienda. Mihi res, & defensio rerum
 Vnus erat Felix placato Numine Christi,
 360 Semper & auertens auersa, & prospera præstans.
 Tu Felix semper felix mihi, ne miser essem,
 Perpetuâ pater, & custos pietate fuisti.
 Cumque laborarem germani sanguine cæsi,
 Et consanguineum pareret fraterna periculum
 365 Causa mihi, censumque meum iam Rector adijisset,

1 a

V. 353. *Quâ maris Oceani*. Facili negotio versus emendandus, neque enim Paulinus vnquam illud *vnditus* excogitauit, sed verbum aliquod mutandum. Petrus Bernardonius elegantissimus Poeta, summoque vir præditus ingenio ita legendum hunc versum censet:

Quâ maris Oceani circumsona tunditur æstu,
 ac propterea corrigendum etiam superiorem, vt sibi sensus constet:
Atque aliam colerem procul absitus oram.

Sed quamnam Hispaniæ regionem colebat Paulinus? Nos ne Ausonio fidem habeamus, dum nostro Poetæ in Ep. 24. querulus hæc obijcit:

————— *Me Punica ledit*

Barcino, me bimaribus iuga ninguida Pyrenæi.

Et infra: Nunc tibi trans Alpes, & marmoream Tyrenen,
Cæsareæ Augustæque domus Tyrrhenica propter
Tarraco, & ostrifero superaddita Barcino ponto.

Hæc siquidem vrbes Tyrrheno tantum mari alluuntur, non verò Oceano. Equidem arbitror in Vasconiâ plerumque egisse Paulinum. Erat hæc Hispaniæ pars prope Oceanum in Aquitaniæ finibus. Ipse Poeta fidem facit in Ep. 4. ad eundem, Auson.

————— *Quid tu mihi vastos*

Vasconiæ saltus, & ninguida Pyrenæi
Obycis hospitia? In primo quasi limine fixus
Hispanæ regionis agam &c.

Non ita tamen Paulinus ibi constitit; vt reliquum Hispaniæ Tarracoenensis tractum sæpè non inuideret. Hoc alia eiusdem carmina suadent. Ego ad alia progredior.

V. 365. *Iam Rector*. Prouincijs Romani Imperij Rectores præficiantur, quibus summa potestas in fontes, & patrimonium erat. Est Tit. in C. Theod. Lib. 1. de Off. Rector, Prouinciæ, vbi de his plura. Agunt

M 2

etiam

- Tu mea colla, pater, gladio, patrimonia Fisco
 Eximis, & Christo Domino mea, meque referuas:
 Nam quo consilio rebus capitique meo tunc
 Christus opem tulerit, Felicia cura potester
 370 Adfuerit, docuit rerum post exitus ingeas,
 Quo mutata mea est fors, & septentia vitæ,
 Abiurante Fide mundum, patriamque, domumque;
 Proditæ diuersis egit commercia terris,
 Portandamque Crucem distractis omnibus emit:
 375 Res igitur terræ Regni cælestis emit spem;
 Spes etenim Fidei carnis re fortior. Hæc spes
 Perpetuam, quæ nixa Deo est, rem parturit; At res
 Carnea cælestem perimit spem, quæ tamen & rem
 Si superet vincente Fide, non protinus aufert,
 380 Sed benè mutatam diuino iure reformat
 De fragili æternam referens, terrisque remotam
 In Cælis statuens, vbi fidus creditæ custos
 Christus habet, neque tantum isto, quo sumpserit istinc.
 Depositum numero seruat, sed multiplicato,
 385 His, qui crediderint, commissa talenta rependet
 Fanero, seque credentibus efficiet rem.
 Et quæ res hac re poterit pretiosior esse?
 Si totus Mundus mihi res priuata fuisset,
 Num potior Domino foret hæc possessio Christo?
 390 Et quis me tantæ vel spe modò possessorem
 Præstitit esse rei? Quis me rem compulit istam
 Spernere pro Christo, vt Christum mihi verteret in rem?
 Quis nisi tu, semper mea magna potentia, Felix

Pec-

etiam de illis l. 1. C. de Off. Præf. Præt. Afr. §. Deo nobis. L. illicitas. & de Off. Præsid., & alia Imperatorum edicta. Vide Gothofr. in Not. Di-gnitat., Pancirol. ad Not. vtriusque Imp., & Bulenger. in Imp. Rom.

V. 373. *Egit commercia.* Mallet *egi commercia*, vt etiam in sequenti carmine: *distractis omnibus emi.*

V. 386. *Seque credentibus.* Adderem *ipsum*, vt sit completum carmen:

Fanore, seque ipsum credentibus efficiet rem.

V. 393. *Mea magna potentia.* Virgiliana imitatio. Ait Venus Æneid. lib. 1. ad Cupidinem:

Nate,

- Peccatis inimice meis, & amice salutis?
- 395 Tu mihi mutasti patriam meliore paratu
Te mihi pro patriâ reddens. Tu carnea nobis
Vincula rupisti. Tu nos de labe caduci
Sanguinis exemptos terræ genitalis ab orâ
Ad genus emigrare tuum, & cælestia magnis
- 400 Fecisti sperare animis. Tu stemmata nostra
Mutans de pravis mortalibus inter amicos
Cælestis Domini, & libro signata perenni
Nomina translato mortalis originis ortu.
Deleri facies morti, transcripta salutis.
- 405 Quid simile his habui, cum dicerer esse Senator,
Qualia nunc istic habeo, cum dicor egenus?
Ecce mihi per tot benedicti Martyris aulas,
Et spatijs amplas, & culminibus sublimes,
Et recauis altè laquearibus ambitiosas,
- 410 Intriguis & aquis, & porticibus redimitas;
Undique, & ubique simul, quodcumque per ista Beati
Nomine Felicis colitur, celebratur, habetur,
Omnibus in spatijs domus est mea. Nec locus vllus
Ædibus illius coniunctus, & insitus extat,
- 415 Qui mihi non quasi res pateat mea. Sed quid in isto
Mu?

*Nate, mea vires, mea magna potentia solus.
Statius lib. i. Theb. ita Venerem inducit loquentem:
Sed dabitur iuveni, cui tu mea summa potestas
Nate cupis.*

V. 396. *Tu carnea nobis.* Sanctum castitatis propositum innuit, quo se vnâ cum coniuge Therasiâ Christo dicauerat; Vt enim ad Sacerdotium promoueretur, ab vxoris toro seiungendus erat. Hæc prisca Ecclesie consuetudo multis Conciliorum Canonibus roborata inuenitur. S. Hier. in Ep. ad Pammach. *Episcopi, Præsbyteri, Diaconi aut virgines eliguntur, aut vidui, aut certè post Sacerdotium in æternum pudici.* Idem sæpe repetit, & præsertim contra Vigilantium. Arator Subdiac. cap. 30.

*Ecclesia nunc alma Fides sine fine pudicos
Pontifices iubet esse suos &c.*

De hac quaestione plures plura, & præcipuè Bessarm. lib. 1. de Clericis; Allatus de consens. vtriusque Eccl. Propterea Therasiam *de coniuge sororem Paulini factam* inquit Idacius in Chron.

- Munere me iactem, si rem Felicis amati
 Visibili lapidum tecto vernaculus hospes
 Possideam? Quantò plus est mihi, quod mihi Felix
 Ipse Dei dono domus est, in quo mea vivat
 420 Vita, domum nullis lapsuram possidet annis?
 Nam quod Felicis domus & mea sit domus, ipso
 Permittente sui licitas mihi iuris habenas,
 His etiam probat officijs audacia nostra,
 Hospita quod socios in tecta recepimus, & nunc
 425 Omnes iure pari Felicis iura tenemus,
 Felicisque patris gremio coniuncta fouemur
 Pignora, quæ nostis, quos cernitis, & modò in ipsius
 Felicis tectis mecum metata tuentes
 Hospitia, oblitos veterum præcellsa domorum
 430 Culmina, & angustis vicino Martyre cellis
 Tutius in paruo spretâ ambitione manentes.
 Christus enim iuxta est modicis, auertitur altis,
 Pauperis & tuguri magis arcta tigilla frequentat,
 Quam præcellsa superbarum fastigia rerum.
 435 Ergò ut componam, quæ nunc colo, tecta relatis
 Culminibus, quæ nunc habeo, aut habuisse recordor,
 Si placet, arbitris sibi met componite iustis.
 Quæ tam pulchra domus? Quis ager tam fertilis? aut quid
 In re mortali fuerit mihi, quam modò in istâ
 440 Paupere contribuit Christus, per quem mihi abundat
 Diues inexhausto reditu possessio Felix?

Vt

V. 430. *Vicino Martyre*. In his eisdem Cellis à se exceptam fuisse Melaniam seniore scriptit Paulinus in Ep. X. ad Sever. *Tugurium* verò nostrum, quod à terrâ suspensum canaculo uno, porticu cellulis hospitalibus interpositâ, longius tenditur, quasi dilatatum gratiâ Domini non solum Sanctis, qui illam plurimi comitabantur, sed etiam diuitum illorum ceteris non incapaces angustias præbuit.

V. 433. *Arcta tigilla*. Tigillum est tignum paruum, seu exigua trabs, ac propterea parum sibi constat sensus. Emendare placet: *magis arcta tegella*. Tegellum nuncupatur *paruum tegmen*, pusillamue tectum. Hoc Poetæ menti magis consonat.

V. 441. *Inexhausto reditu*. *Reditus*, non *redditus* pro proventu apud optimos Auctores in usu fuit: Ouid. lib. 4. de Ponto. Eleg. 5.

Aur populi reditus positam componat ad bastam.

Vbe-

- Vt verò ex veteri relegam mea prædia censu;
 Quicquid erat magnum quondam mihi qualibet in re,
 Terra erat, & vacuæ species ventosa figuræ,
 445 Siue aurum, gemmæque forent, erat illa supellex
 Ville bonis pretium, pretiosum virus auaris.
 At modò castus opum, nec opum, sed verius expers
 Damnatorum onerum securâ liber habendi
 Paupertate fruor, nec habent inimica sequentum
 450 Vincula, quo teneant nudum. Facile levis exit
 Corpore, quem nullis suffocat amoribus illex
 Per varias species mundi fallentis imago.
 O veneranda mihi, & toto pretiosior orbe
 Pauperies Christi thesauro cælice ditas;
 455 Quos spoliis opibus, terræ quasi rudere purgas,
 Destruis in nobis terrena, æterna vicissim
 Construis in pretium vitæ; dispendia terræ
 Vertis vere nouo, versâ vice detrimenti,
 Vt lucri nobis seruata pecunia damnum,

460 Non

Periores reditus Velleio Paterculo dicuntur lib. 2. Hist., & populi reditus Plinio lib. 16. cap. 37 memorantur.

V. 443. Quicquid erat magnum. Vir profectò ditissimus olim Paulinus fuerat. Præter alios Auctores apertè Ausonius innuit Ep. 24. ad eundem:

Ne sparsam raptamque domum, lacerataque centum

Per dominos veteris Paulini regna fleamus.

S. Eucherius in Ep. de contemptu Mundi: Paulinus quoque Nolanus Episcopus peculiare, & beatum Gallia nostra exemplum ingenti quondam diuitiarum censu &c. Venant. Fortun. in Vita S. Martini lib. 2. hæc de Paulino habet:

Dives agris, opulens famulis, locupletus acernis,

Vir censu vastus, lare celsus, & ore rotundus,

Ditior ipse fide, pro Christo fit sibi pauper,

Et dedit innumeros redimenes crimina nummos.

Mitto Augustin. lib. 1. cap. 10. de Civ. Dei, Prosper. in Chron. ad An. num 4. Arcad. & Honor., Greg. Turon. de Gl. Conf. cap. 107., & reliquos.

V. 450. Facile levis exit. S. Hieronymus in Ep. 13. ad Paulinum nostrum: Denique, ait, & tu, auditâ Saluatoris sententiâ: Si vis perfectus esse, vade, vende omnia, quæ habes, & da pauperibus, & veni, sequere me, verba vertis in opera, & nudam Crucem nudus sequens expeditior, & leuior scandis scalam Iacob.

V. 461.

- 460 Non servata lucrum faciat, sed more sinistro
Fusa eadem damno est. Nec enim sine nomine Christi
Præceptoque cuiquam sua fundere prodest;
Nam verè pereunt vitij impensæ profanis
Luxus, & ambitio magno discrimine morbi
- 465 Crimen avaritiæ pensant, quia par in utroque
Causa fubest mortis, quæ sit maculosa libido
Perficit, & rerum mundi maleuada cupido.
His me divitijs inopem cupis, optime Felix,
Vt facias vitæ locupletem, & paupere cultu
- 470 Exsortem reddas mortis sine fine luendæ
Divitibus mundi, quibus auri lethifer usus
Parturit æternos socijs cum vermibus ignes.
Non solis tibi nos iunctis vis degere tectis,
Quæ & in æternæ tibi met consortia vitæ
- 475 Enutrire paras, & ad illam ducere formam,
Quam tu sub Domini perfectus imagine Christi
Gessisti in terris homo quondam ex diuite pauper;
Nam cui paupertas tua, quam pro nomine sancto
Proscriptus opibus gaudens Confessor adisti,
- 480 Ignorata manet, & quæ præditus vique senectam
Conducto felix coluisti semper in horto?

Propi

V. 461. *Nec enim sine nomine.* Idem S. Hier. lib. 3. in Matthæum:
Non dixit Christus: qui reliquistis omnia, hoc enim & Crates fecit Philo-
sophus, & multi alij divitias contempserunt; sed qui sequuntur estis me,
quod proprium Apostolorum est, atque credentium.

V. 462. *Præceptoque cuiquam.* Carmini deest aliquid. Scriberem:
Præceptoque eius cuiquam.

V. 477. *Quondam ex diuite.* De S. Felice idem Paulinus Nat. IV.
dixerat:

————— multoque relictus in agro

Diues opum vixit, quamvis non unicus bares.

Hermia cum fratre sui cognomina patris

Terrenas diuinit opes, caelestia solus

Obtinuit Felix &c.

V. 481. *Conducto Felix.* De eod. S. Confessore Paulin. Nat. V.

————— vris macri iugera ruris

Nec proprio sub iure tenens, conducta colonus

Ipse manu coluit, famulo sine, pauperis horti

Posseßor —————

Eadem

- Propterea similes tibi niteris efficere omnes
 Paupertate piâ, quos suscipis hospite tecto;
 Dissimilis nec enim tibi posset forma coire.
- 485 Quantum etenim discors agno lupus, & tenebris lux;
 Tantum dispecunt via diuitis, & via Christi.
 Nam via lata patet, quæ prono lubrica cliuo
 Vergit in Infernum, quâ dices vrget avaros
 Molibus impulsos proprijs in Tartara ferri.
- 490 At via, quæ Christi est, quæ Confessoribus almis
 Martyribusque patet, paucis iter ardua pandit.
 Non capit ergo via hæc furfos, excludit onustos.
 Propterea famulum, sectatoremque Beati
 Martyris adstringi decet, exutumque molestis
- 495 Compedibus tenuem de paupertate salubri,
 Atque leuem fieri, vt portam penetrare per artam
 Possit, & excelsum Domini contendere montem.
 Sed quid ego imprudens discernere pondera rerum?
 Pro magis hæc ego pono tuis, pater optime, donis,
- 500 Quamlibet hæc quoque sint mihi grandia, parua tamen sunt,
 Si potiora loquar. Quota portio namque tuorum est
 Ergâ nos operum reputatio muneris huius,
 Quod terram hospitio dederis, habitandaque testa
 Condere præstiteris, cum tu, pater, & tua nobis
- 505 Viscera præbueris? Nam quid nisi viscera nobis
 Intima prompsisti, quibus interiora sepulcri,
 Sanctæ, tui excitis ab operto puluere cauis
 Pandere dignatus speciali nos tibi amore
 Inertos tanto voluisti prodere signo,

510 V8

Eadem habent Beda, & Marcellus Presbyter in S. Felicis vitâ.

V. 486. *Tantum dispecunt*. *Dispecere* pro *diffidere* vox inusitata.
 Lege idcirco: *tantum discordant*, vt carmen superius docet, in quo di-
 citur: *agno lupus discors*.

V. 492. *Via uac furfos*. Placet coniectura hoc in loco Petri Anto-
 nij Bernardonij, amantissimi Poetæ, meique supra omnes familiaris, cui
 legendum videtur *fartos*, literis nimirum in Codice parumper vitiatis.
 Hoc autem verbum proprie *plenos*, *grauisque cibo* significat, ac Poetæ
 menti omnino conuenit.

V. 504. *Cum tu pater*, Melius scriberetur: *cui*, vel *quod tu pater*.

N

V. 510.

- 510 Vt tacitam, & fixam per tot retrò secula sedem
 Corporis, almae, tui subito existente fauilla
 Pulueris in nostro seruari tempore velles?
 Ergò illas Felicis opes in laudibus eius
 Transcursu properante legam, quasi dona minora;
 515 Multa suo nobis quæ iam gremio susceptis
 Sedulus adtribuit, neque parceret prodigus in nos
 Iugiter affluere innumeris ope diuite donis,
 Non ea suppeditans tantum, quibus indiget usus
 Corporis, illa etiam, quibus & nunc gratia nobis
 520 Quæritur, & post nos retinetur nomen honoris,
 Addidit, vt tantis numquam retrò condita seclis
 Nostro opere extructas adcrefcere, vel renouari
 Porticibus domibuique suas permitteret aulas.
 Ille etiam proprii nobis secreta sepulcri
 525 Sancta reuelauit. Paucis venerabile munus
 Eloquent, vt magnæ pietatis luceat instar,
 Quâ nos indignos tanto dignatus amore est;
 Vt propè ad arcanum permittens nostra verendum
 Lumina ceu proprijs sua proderet ossa medullis.
 530 Ergò suam toto vobis loquar ordine causam,
 Quâ tribuit vinina suis nos cernere membris,
 Atque ipsam positi contingere corporis arcam;
 Nota loci facies cunctis manet, vt super ipsum
 Martyris abstrusi solium, claudente sepulcri
 535 Cancelli latus in medio, sit pagina quædam

Mar-

V. 510. *Per tot retro secula*. Dissertationem XIV. adi, in quâ de S. Felice. Ibi aduersus vulgarem opinionem de eius Martyrii tempore plura diximus.

V. 535. *Cancelli*. Cancellis circumdari hominum Sanctitate illustrium sepulcra solebant. Paulinus Nat. VII.

Excussum de plebe rapi, admotumque sacratis

Ante fores Sancti cancellis corpore verso &c.

Greg. Turon. lib. 6. Hist. Franc. cap. 10. *Qui fures ponentes ad fenestram absidæ cancellum, qui super tumulum cuiusdam defuncti erat &c.* Paulus in libello, quem S. Augustino obtulit Serm. 31. de diuers. ait: *Orabam ego quotidie cum magnis lacrymis in loco, ubi est memoria gloriosissimi Martyris Stephani. Die autem Dominico Paschæ, sicut alij, qui præsentess erant, viderant, dum orans cum magno fletu Cancelli teneo, subito cecidi.*

Marmoris adfixo argenti vestita metallo!
Ista superficies tabulæ gemino patet ore
Præbens infusæ subiccta foramina nardo,

Quæ

ecceidi. S. Ambr. in Ep. ad Marcellinam: *Formidantibus etiam Clericis
inssu eruderi terram eo loci, qui est ante cancellos SS. Felicis, & Nabo-
ris &c.* Quod idem repetit Paulinus alter in Ambrosij vitâ. Noster verò
infra de aperiendo S. Felicis tumulo ait:

Est primus labor illis

Cancellos removere loco

V. 535. *Sit pagina quadam.* Ita scripti, quum in MS. haberetur: *Sed
pagina quadam.* Sanctorum sepulcra argento, aut auro olim tegebantur.
Celebris est hîc Mediolani ara, ubi SSS. Ambrosij, Protasij, & Ger-
nasij corpora conduntur, quam Angilbertus Archiepiscopus aureis co-
operuit laminis. Anno 1468., referente Spondano de Carmet. Sacr. lib. 1.
part. 3. cap. 4. Romæ in sacello S. Petronillæ reperta est arca marmorea
candidissima in se duas capfas ligneas continens, vnam grandio-
rem, alteram pueruli capacem, vtramque laminis argenteis contextam, Signo-
que Crucis insignitam. Aut ipsæ arcæ ex argento efformari solebant, ha-
rumque exempla petes ab Aringh. in Rom. Subterr. Anno 1695. Ticini
sub Confessione, seu altari S. Augustini repertus non dissimilis sarcopha-
gus capfas duas in se continens, quarum altera ex purissimo argento.
Diù quaesitum an ossa inclusa Augustini forent; Sed res adhuc in in-
certo.

V. 537. *Gemino patet ore.* Sanctorum tumuli ita conditi, vt corpora
in capsulis inclusa penitus humi laterent; superiore verò parte aperi-
batur in pavimento foramen vnum, aut geminum, quod in Vitâ S. Quin-
tini ap. Surium 31. Octob., & apud alios *fenestella* nuncupatur, cui cir-
cumpositi cancelli, de quibus supra. Huiusmodi imaginem conspici-
re est in S. Caroli sepulcro hîc Mediolani. Per hæc foramina pallæ, ora-
ria, Brandea (vti apud veteres velamina quadam vocabantur) oleaque
immittebantur, vt vniuersa per tumuli contactum virtute ex Sanctorum
reliquijs effluente imbuerentur. Greg. Turon. lib. 2. de Glor. Mart. cap.
46. de sepulcro S. Venerandi ait: *Super quod caput quicumque vult per
fenestellam immittit precans, quæ necessitas cogit.* Idem de Glor. Conf.
cap. 37. lib. 1. Sepulcrum SS. Petri, & Pauli describens: *Qui orare desi-
derat, reueratis cancellis, quibus locus ille ambitur, accedit super se-
pulcrum, & sic fenestellâ parvulâ patefactâ &c.* Metaphrastes ap. Sur. 11.
Iul. S. Euphemix reliquias adiuuentas retire; In eius autem sepulcro ar-
ca erat, *paruum foramen habens, in quod cum ego quoque indignus ali-
quando ausus essem manum inferre, & loculum tetigissem, sensi bonum
odorem, & gratiam apprehendi.*

V. 538. *Præbens infusa.* Pius iste mos Christianorum erat, vt oleum

N 2

nar-

Quæ cineris sancti veniens à sede reposita
 540 Sanctificat medicans arcanâ spiritus aurâ.
 Hæc subito infusus solito sibi more liquores
 Pocula de tumultu terrâ subeunte biberunt,
 Quique loco dederant nardum exhaurire parantes;
 Vt sibi iam ferrent, mirâ nouitate repletis
 545 Pro nardo iaculis cumulum erumpentis arenæ

Inue-

nardumue ad Sanctorum sepulcra deferrent, quæ liquoribus curationum
 gratia communicabatur. En quid Paulinus de hac nardo ferat:

*Quæ cineris sancti veniens à sede reposita
 Sanctificat medicans arcanâ spiritus aurâ.
 Infusam nardum solebant reportare immitcentes.
 Quique loco dederant, nardum exhaurire parantes
 Vt sibi iam ferrent*

Dixerat Nat. VI.

*Martyris hi tumulum studeant perfundere nardo;
 Et medicata pio referant vnguenta sepulcro.*
 Quot autem virtutes oleum, ac nardus è SS. Martyrum tumulis asporta-
 ta operarentur, pluribus euincere possem. Augustinus vnus sat erit, qui
 lib. 12. cap. 8. de Ciui. Dei hæc de filio quodam defuncto habet: *Cumque
 corpus iaceret exanime, atque à gementibus, & plangentibus exequiæ
 pararentur, amicorum eius quidam inter consolantium verba suggessit,
 ut eiusdem Martyris oleo corpus perungeretur. Factum est, & reuixit.*
 Hunc morem, oleique benedicti virtutem videant Agiomachi, quam
 rectè ipsi calumniantur. Nos ad alia festinamus.

V. 539. *Quæ cineris sancti.* Rem hanc mirè illustrant Paulini Petri-
 cordij carmina lib. 5. de Vitâ S. Martini, vbi sic ait:

*Namque ut sæpe solent præcauto corde Fideles
 Vasa oleo opplere, & seruanda adducta saluti
 Vel iustis offerre viris, vel condere sanctis
 Religione locis, quibus aut operatio præsens
 Martyris emeritos prodit virtute patronos &c.
 His persæpe locis, quibus hoc vicinia præstat,
 Pacificum exponunt per vascula pura liquorem
 Desuper infusi mutandum necesse roris,
 Quo fuit in sanctum caelestis gratia succum.*

Reliqua oleo apud præfatum Auctorem legenda.

V. 545. *Pro nardo iaculis.* Mendum fortè latet. *Iaculum* tamen ita
 explicarem, vt esset vas, aut spongia aliqua in sepulcralem arcam per
 foramen inuicta, vt inde immissa nardus, oleumue extraheretur; *Iacu-*
lum enim dicitur, quod vt iaciatur sit, teste Varrone. Sic Plautus Tru-
 cul. 3. *Ecce iaculum vocat:*

Ten-

- Inueniunt; pauidique manus cum puluere multo
 Faucibus à tumuli retrahunt. Noua res mouet omnes;
 Et studium accendit subiti disquirere causam
 Prodigij. Placet ergò diem condicere certam,
 550 Scrutari & penitam submoto marmore sedem.
 Hoc etenim, fateor, nimis anxia cura timebat,
 Ne quid fortè pio de corpore puluis haberet,
 Quem manus e tumulo per aperta foramina promptum
 Hauserat, & variâ concretum sorde ferebat
 555 Cum officulis simul, & testis cum rudere mixtis.
 Inde metus hominum per mutua verba putabant,
 Ne fortasse sacram sanctâ de carne fauillam
 Bestiola occultis aliqua interclusa cauernis
 Altiùs expueret, sicut deserta per agros
 560 Monstra solent terram rostris fodere intus acutis,

Et

*Tentant benignusne, an bone frugi fies, quasi in pixinam
 Rete qui iaculum parat, quando abiit rete pessum abducit.*
 Melius tamen ita emendarem paucis mutatis.

————— *mirâ nouitate repletis*

Pro nardo vasclis cumulum &c.

Vasclum pro *vasculum* dicere figura Syncope finit, vti etiam *maniplis* pro *manipulis*, *ducti* pro *duxisti*, *dispostus* pro *dispositus*, *tablis* pro *tabulis*, *solidis* pro *solidis*, & sexcenta huiusmodi vsurparunt antiqui Poetæ. Hanc autem lectionem mirabiliter firmant Paulini alterius carmina nuper allata:

Pacificum exponunt per VASCPA pura liquorem.

V. 546. *Cum puluere multo*. Solitum tamen antiquitus fuit è Sancto-
 rum tumulis puluerem asportare, cui curationum virtus haud minor,
 quam ipsis Reliquijs inerat. Beda lib. 1. Hist. Angl. cap. 3. Beati Ceaddæ
 Episcopi tumulum hisce describit: *Est autem locus sepulcri tumba lignea
 in modum domuncula facta, coopertum habens foramen in pariete, per
 quod solet hi, qui causâ deuotionis illò adueniunt, manum suam immit-
 tere, ac partem pulueris inde assumere*. De hac re consulendus Io: Fer-
 randus è Soc. Ies. lib. 1. cap. 3. Disquis. Reliqu.

V. 550. *Scrutari & penitam*. Idest *intrinsecam*. *Penitus* adiectiuum
 exemplis meliorum non caret. Plaut. Afin. 3. *Age quasò herclè vsque
 ex penitis faucibus*. Catull. in carm. nupt. *At non minus quam tu pecto-
 re uritur intimo Flamma sed penita magis*. Hinc *penitissimus*, & *penitior*
 apud veteres Latinos.

V. 552. *Ne quid*. In MS. est: *Et quid*. Emendaui.

V. 568.

- Et foueas circum cumulos effundere nigros ;
 Sic & ab interno Sancti Felicis operto ,
 Quò magis hoc mirum foret , interualla dierum
 Fecit congestæ miranda eruptio terræ .
 565 Ergò die placitâ multis opus vtile rebus
 Arripitur . Cunctos transmittit Episcopus ad nos
 Presbyteros . His fabra manus spectantibus instat
 Iussa Sacerdotum facere . Est primus labor illis
 Cancellos remouere loco , curâque sequenti
 570 Hærentes tabulas resolutis tollere clauis .
 Verùm vbi depressam sub tegmine marmoris arcam
 Vidimus inruptâ folij compago manentem ,
 Tunc secura fides dubio de corde periculum
 Erroris pepulit , cum tactu oculoque probaret ,
 575 Incolumi folio numquam rimante sepulcro
 Vndique vallatum valido munimine corpus

Mar-

V. 568. *Iussa Sacerdotum* . Primis Ecclesiæ sexculis *Sacerdotis* nomen Episcopis solis tribui solitum . Mos iste paulatim fractus , & inde ad Presbyteros vox passim delata ; vnde Rhabanus lib. 2. de Instit. Cler. cap. 5. *Sacerdos vocari potest siue Episcopus sit , siue Presbyter* . Cui præiunt Honorius Augustod. lib. 1. cap. 182. Apud veteres verò , puta apud Cyprianum , Augustinum , aliosque solis semper , aut plerumque deferretur hoc nomen Episcopis . S. Ambrosius lib. 5. Ep. 30. S. *Damasus Romana Ecclesia Sacerdos* . Greg. Turon. lib. de Glor. Conf. cap. 107. de Paulino meo loquens : *Desedente Sacerdote apud Nolanam urbem , ipse in locum Episcopi subrogatus* . Paulinus ipse in Epith. agens de Amelio Beneuentano Episcopo hæc ait :

*Posterior natus senior , quia sede Sacerdos
 Gestat Apostolicam pectore canitiem .*

Supra. *Sancta Sacerdotis venerando pignora pulso*

Iunguntur -----

Hoc est Memoris Episcopi . De hac re vide etiam sa Cerda in Aduers. Sacr. cap. 59. n. 13. Appellabantur verò Presbyteri *secundi ordinis Sacerdotes* , ut videri potest apud Sidonium Ep. 25. lib. 4. , & alios . Episcopi verò *primi ordinis Sacerdotes* dicti . Hæc tamen vox Presbyteros ipsos hic significare posset , quum in plurali numero essetatur , & Nolæ tunc temporis vnus memoraretur Episcopus . Non ausim nihilominus asserere , sed potius pro *Sacerdotum Sacerdotis* reponendum arbitrarer .

V. 575. *Incolumi folio* . Octo sequentia carmina perperam ex Nat. XIV. retulit Dungalus . Tu vide quantò hæc emendatiora nunc prodeant .

V. 586.

- Martyris emeriti nullis patuisse piacis,
 Et dignum retinere suæ pia carnis honorem
 Ossa, quibus Sanctus numquam desistit adesse
 580 Spiritus, vnde pijs stat gratia viua sepulcris,
 Quæ probet in Christo sanctos sine morte sepultos
 Ad tempus placido sopiri corpora somno.
 Ergò reformato Felicis honore sepulcri
 Omnia sollicitè munita relinquimus, vt iam
 585 Vsque diem Domini, quo debita principe Christo
 Excitis pariter radiabit gloria Sanctis,

Incon-

V. 586. *Excitis pariter*. Quum tempore Paulini haud ita exploratum foret, statimne à morte, an post extremum iudicium piorum animæ ad visionem Dei, gloriamque perennem admitterentur, Paulinum suspicabar in huiusmodi quæstione ambiguum stetitisse, & aliorum quorundam Patrum itidem hic ancipitum exempla fuisse sequutum. Ex hoc versu satis eius opinionem deprehendisse mihi videbar, & euidentius ex Ep. 12. ad Seuer., vbi de Claro homine sancto iam defuncto ita canit:

Sino Patrum sinibus recubas, dominine sub arâ

Conderis, aut sacro pasceris in nemore:

Qualibet in regione poli situs, aut paradisi,

Clare sub aternâ pace beatus agis.

Verùm P. Eustachius à S. Vbaldo Congr. Erem. S. Aug. Excalc. V. C. & exquisitâ eruditione refertus, Paulinum, si eius verba expendantur, rectè sensisse me monuit. Et reuera Sanctum vatem hoc versu completam illam beatitatem innuisse, quâ post supremum iudicij diem corpore etiam glorificati fruuntur Sancti, facile nobis persuadere possumus. Memorata verò nuper carmina ad Seuerum de loco dumtaxat, vbi nunc detineantur Fidelium animæ, Paulinum ambigere testantur; Gloriam enim Sanctis ante corporum resurrectionem collatam tantum abest vt eat inficias, quin illam expressè asserat, quum ait:

Qualibet in regione poli situs, aut Paradisi,

Clare sub aternâ pace beatus agis.

Hinc eius opem apud Deum implorat. Sæpè verò S. Felicem Cælo reditum canit Paulinus. Nat. I. inquit:

Pectus in æthereum sine sanguine Martyr honorem.

Nat. III. *Occidit, & Christo superis est natus in astris,*

Cælestem natus sine sanguine Martyr honorem.

Nat. VI. expressè S. Felicis gloriam testatur:

Superi Felicis mente fruuntur,

Corpore nos, animæque potentis spiritus illic

Vinit, & hic meritum, —————

Defun-

- Inconcuſſa ſuo requieſcant oſſa cubili,
 Quæque animam ſanctam manet in regione ſupernâ
 Pax, eadem in terrâ teneat venerabile corpus.
 590 Quid ſuperest quod adhuc referam ? quaſi verò vel ipſa ;
 Quæ cecini , dignè ediderim , vel cuncta profuſi
 Munera rettulerim pleno ſermone patroni ?
 Multa latent, numero memori tamen omnia nobis
 Pectore fixa ſedent, & plurima iam memorata,
 595 Plura etiam memoranda manent ; Sed maxima multis
 Excerptenda monet moderandi regula libri.
 Omnibus extructis operum , quæ ſtare videntur,
 Diuerſis extare modis excelsa per aulas,
 Et per veſtībula extentis circumdata latè
 600 Porticibus, ſolum ſimul omnia munus aquarum
 Teſta videbantur mæſtis orare colonis.
 Ipſum etiam , fateor , querulâ iam voce ſolebam
 Felicem inculcare meum , quaſi ſegniter iſtis
 Inſtaret votis, quod aquæ confortia nobis
 605 Tam longum ſociâ pateretur ab vrbe negari.
 Verùm inconſultâ properantes mente trahebat
 Conſilio potiore moras in tempora neſſens
 Congrua, ſic etenim iuſtâ ratione petebat

Ordo

Deſunctum Felicem ait per Angelos delatum

Regis in adſpectum, ſummiſque parentis ad ora.

Tribus illum coronis donatum exhibet, ſubditque:

———— tenet ergò & præmia paſſi

Quod promptâ virtute ſuis, nec pacis honore

Ornatusque caret. —————

Igitur de loco, ubi Fidelium animæ detinerentur, non verò de eorum
 beatitate aliquantulum dubitaſſe Paulinus videtur.

V. 602. *Ipſum etiam, fateor.* Hunc aquarum defectum tetigit Pauli-
 nus Nat. IX.

Forſitan hæc inter cupidus ſpectacula quæras,

Vnde replenda ſit hæc fontibus area dines,

Cum procul vrbs, & ductus aqua prope nullus ab vrbe

Exiguam hæc tenui demittat limite guttam.

Reſpondebo: nihil propriâ nos fidere dextrâ,

Nil ope terrenâ conſidere: cuncta potenti

Depoſuiſſe Deo, & fontes præſumere Cælo.

V. 632.

- Ordo operum, prior esset ut his perfectio capitis;
 610 Quæ circa Sanctas venerandi Martyris aulas
 Sedula multiuigo molimine cura parabat,
 Cumque manum summam factis diuina dedisset
 Gratia, tunc pleno finitis ordine votis
 Condita perductos riuaret in atria fontes.
 615 Denique ut impleto stetit hic opus omne paratu,
 Non extincta diu nostri sitis arida voti,
 Moxque volente Deo populi prius aspera corda
 Consensum facilem proclui corde dedere.
 Dicam igitur modò munus aquar. Da nunc mihi Felix
 620 A Domino exorans Verbo mihi currere verbum
 Tam facili eloquio, quam largo flumine fontes
 In tua vestibula, atque domos manare dedisti,
 Omnia, quæ nobis te suffragante benignus
 Contribuit Dominus, tali decorauit & auxit
 625 Munere, quo fontes sitientibus intulit aruis.
 Illa pio rursus petra Christus ab ubere fluxit,
 Antiquæ referens donum pietatis, ut omnem
 Insolito siccam prius inroraret arenam,
 Et terram sine aquâ subitis manare fluentis
 630 Efficeret, sanctasque sui Felicis in aulas,
 Hospitibus populis diuersâ gente coactis,
 Per puteos simul, atque lacus, conchasque capaces
 Largiter infusus noua currere pocula riuus.
 Quis mea te fons summa daret deserta rigare,
 635 Pumiceumque mei cordis perrumpere saxum,
 Exque petrâ fundare domum, & de te bibere vndam;
 Quæ pareret viuam mihi sicco in pectore venam
 Æternum salientis aquar? Sed & hæc mihi gutta

Elo-

V. 631. *Per puteos.* Hic est Nolanæ urbis vsus, illatas per aquar ductum vndas puteis, & lacubus excipere, futurum æstiuo tempore solatium. Capacius Hist. Neap. in fin. de aquâ Nolanâ ex vrbe Abellâ deriuatâ agens hæc ait: Non modò agrum alluit, atque ita ut, cum per riuos deriuetur, immistatur in puteos, qui passim ubique conspiciuntur, cuiusque aquarum bonitate, & frigiditate Abellani æstiuis caloribus maximâ cum voluptate recreantur, sed ad Nolanorum quoque cisternas, soluto pretio, deferantur.

O

V. 642.

- Eloquij tenuis, quo te loquar, inde profectò
 640 Ducitur, vnde etiam fluuijs exundat origo.
 Nam quis vel modico te summa potentia summi
 Christe Patris fari sine te queat? Ipse tuus te
 Inspirat Christus dici quo lumine lumen
 Et Patris & nati par cernimus, vt duce sancto
 645 Adspirante Deum fateamur cum Patre Christum.
 Sed quia dum viuifontis gero nomen in ore,
 Gutta meum stillauit in os de flumine Verbi.
 Fortè aliquem referent ex hinc mea labra saporem,
 Et nunc munus aquæ non siccis faucibus arens
 650 Lingua, sed vberius velut humectata loquetur.
 Omnibus instructis operum, quæ multa videntur,
 Postulat iste locus deuotæ nomen Abellæ
 Indere versiculis, nam digna videtur honore
 Nominis huius, vt in laudem Felicis & ipsa
 655 Laudetur, quia pro Felicis honore laborem
 Sponte sibi sumpsit, quod desudare sub æstu
 Rupibus abruptis requiem, pretiumque putauit.
 Parua quidem hæc muris, sed sancto magna feretro
 Vibs opere hæc nostræ hinc sex milibus absta Nollæ

660 AL-

V. 642. *Ipse tuus te*. Lectio, sensusque non parua in caligine sedent. Medesam tamen alijs intentandam relinquo.

V. 652. *Nomen Abella*. Legendum *Abella*, non *Auella*, quippe quod apud Ptolomæum, ac Strabonem, vt obseruat Cluuer. in Ital. antiquâ lib. 4. pag. 1185. scribitur *Αβέλλα*, non verò *Αυέλλα*. In marmore vetulio apud Capacium legitur POPVLVS ABELLANVS. Virgilius quoque *Æneid.* lib. 7. Abellam memorauit:

Et quos mellifera despectant mania Abellæ.

Seruius tamen ad hunc Virgilij locum *malifera* legendum monet, nam *Nollæ Punica mala nascuntur*. Vide præterea Iustinum Trogi abbreviatorem lib. 20., & Plinium lib. 3. cap. 5.

V. 658. *Sancto magna feretro*. Nondum rescire datum est mihi, quodnam Sancti corpus olim Abellæ conderetur, quicquid in hanc rem laboris impenderit eruditissimus vir, mihiq; multum commendandus Hercules Barussius, qui nullum prætermisit, dum Neapoli ageret, officium, vt huius eruditionis cognitionem attingeret. In Codice nostro ita legitur: *Sed Sancto mihi magna feret*. Ego defectum suppleui in postremo verbo, illudque *mihi* metro suadente expunxi.

V. 659. *Vibs opere*. Error procul dubio in carmine, quem tollere non audeo.

- 660 Altiugos montes interiacet, ex quibus ortas
 Cominus haurit aquas, & in vnam sulcipit arcam,
 Vnde per insertos calices sibi prima fluentum
 Vindicat, & reliquo Nolanam profiuit urbem
 Flumine, multa rigans & in agris prædia passim.
 665 Sed redeam ad grates operis pro munere habendas;
 Namque operas ad aquæductum, quem longa vetustas
 Ruperat, ad sua vasa iterum formasque vocandum
 Præbuit vbertim gratas operas. Locus altis
 Infertus scopulis nullo neque calle viarum
 670 lumentis etiam penetrabilis esse negabat;
 Vnde etiam mercede manum reperire paratam
 Difficile immensi faciebant ardua montis;
 Quò maior mercedis honor locupletat Abellam,

Quod

audeo. Geminæ nunc temporis numerari possunt Abellæ. Noua vna; vetus altera. Illa non sex passuum millibus Nolanâ ab vrbe distat; hæc verò, vt ait Capac. Hist. Neap. lib. 2. cap. 30., vestigia vetusta prode, quæ hand à nouâ longius absunt, murorum, turrimque reliquis perspicua, 24. ferè stadiorum ambitu circumscripta.

V. 660. *Altiugos montes.* Capacius loco laudato hæc habet: *In montium, & collium theatro posita sedet Abella in Campanâ planitie, & quamvis hyeme montium iuga rigeant, tantâ nihilominus afflatur aeris aménitate, vt nunquam accole frigorû iniurias pertimescant.*

V. 661. *Cominus haurit aquas.* De riuis, qui ex Abellanis montibus cadunt, & Nolam vsque deferuntur legendus Ambrosius Leo de Nolâ lib. 1. cap. 1., & Capacius loco memorato.

V. 662. *Per insertos calices.* Quid sit calix in Aquæductibus Glossæ, & reliqui Lexicographi silent. Frontinum tamen habeo docentem lib. de Aquæd. Romæ: *Est autem, inquit ille, calix modulus æneus, qui riuo, vel castello inditur, huic fistula applicantur, Longitudo eius habere debet digitos non minus XII., lumen, idest capacitatem, quanta imperata fuerit.* Excogitatus videtur, quoniam rigor aris difficilior ad flexum non temerè potest laxari, vel coarctari. Hanc vocem vsurpat infrâ laudatus Auctor: *Procurator calicem eius moduli, qui fuerit imperatus, adhibitis libratoribus signari cogitet.* Et rursus: *Circa collocandos quoque calices obseruari oportet, vt ad lineam ordinentur, nec alterius inferior calix alterius superior ponatur.* Denique hæc notanda refert: *In quorundam fistulis ne calices quidem positi fuerunt.*

V. 666. *Namque operas.* Ita scripsi. In MS. habetur: *Namque operis.*

V. 668. *Gratas operas.* Et hic quoque sic legendum arbitror pro eo quod est in MS. *gratis operis.*

O 2

V. 680.

- Quod promptè famulata sacro Felicis honori
 675 Effusâ pietate manus impendit inemptas,
 Cernere erat trepidas totâ de plebe catheruas
 Ordinis & populi simul vnâ mente coactas
 Mane nouo excitos ad opus concurrere lætos,
 Certatimque alacres in summa cacumina ferri,
 680 Et sub falce graui cophini ceruice subactâ,
 Cæmentisque simul dumosa per ardua vectos
 Sole sub ardenti crebros iterare recursus,
 Et totâ, quam longa dies æstate moratur,
 Tendere ab Aurorâ seras in vespers horas,
 685 Peruigileque animis, modicâ vix nocte relictis
 Corporibus, rursus ante diem fabrilis ad arma
 Surgere, nec sentire Deo vegetante laborem.
 Denique sic operis procedit gratia magni,
 Vt tamquam ludo paucis opus omne diebus
 690 Sumeret explicitum perfectò munere finem,
 Formaue longinquis a montibus aggeris, arto
 Quæ fuerat longè prius interrupta veterno,
 Vndique fonticulus diuersâ ex rupe receptis

Col-

V. 680. *Cophini*. Cophinus est viminea fiscella, aut quid simile. Vox apud Euangelistas non modò, sed apud Latinos quoque meliores occurrit. Iuuenal. Sat. 3. v. 13.

Nunc sacri fontis nemus, & delubra locantur

Iudeis, quorum cophinus, sanumque supellex.

Idem repetit in Sat. 6. v. 542. Egregiam de cophino eruditionem, nempe signum Iudaicæ seruitutis fuisse, pete à Laurentio Ramirez de Prado in Pentecont. cap. 40.

V. 691. *Formaque*. Formæ canales structiles sunt, & arcuati, vt ait Vitruuius, quoniam hoc Sidon. Apoll. lib. 8. cap. 7. usurpauit: Cuius mihi non solum formas, verum etiam Naumachias videbar epotaturus. Frontin. lib. 1. & 2., Cassiod. Ep. 21., & 31., Symmach. Ep. 33. lib. 10., Ammian. lib. 28., & alij meminere. Anonymus de Aqueduct. Nunc nomina aquarum, quæ usibus æternæ Urbis formarum constructionibus aduectæ sunt, indicemus. Palladius lib. 9. tit. 11. Aqua si per formam ducetur, solidandus est canalis, ne per rimas possit elabi. Hinc Magistratus iubebatur, cui Comes Formarum, & Curator Formarum nomen erat, in Inscriptionibus vetustis non rarò occurrens. De hoc vide Clarissimum Du Fresnoy in Gloss. Med. & inf. Lat.

Y. 695.

- Collectam reuocaret aquam sitientibus olim
 695 Urbibus, & pleno per milia multa viarum
 Tramite formarum, & nostri Felicis inundans
 Læta nouum calicem fluuio superante repletet.
 Et quod diuini documentum muneris egit
 Largior æstiuus huc mensibus vnda cucurrit,
 700 Quam prius hybernæ ex imbribus ire solebat.
 Hic ego te modò iure ream, mea Nola, patrono
 Communi statuam, & blandæ pietatis ab irâ
 Mente manens placidâ motum simulabo patrônâ
 Filiolam increpitans veteris sub voce querelæ.
 705 Nam mihi, Nola, tui consortia iusta petenti
 Fontis eo turbata metu quasi dura negabas
 Hospitium communis aquæ, diuinæque iura
 Respicere oblita, humanis mea vota putabas
 Viribus, & mihi te Felicem oblita daturam
 710 Credebas, ac, si tribuisses, mox tibi siccam
 Subducto patriam potu fore mæsta gemebas,
 Idque etiam moto damnabas sæpè tumultu,

Nescia

V. 695. *Per milia multa.* Milia pro *Milliaria* vox profectò melioribus ignota, sed xuo Paulini vsurpata. Hac noster supra vsus fuerat;

Urbs opere hac nostra hinc sex milibus absta Nola.

Adhibitam quoque inuenio à Rutino Numatiano lib. 2., qui Paulini ætate floruit:

Internalla via fessis prestare videtur

Qui notat inscriptus: Millia multa lapis.

Ego à Græcis Latine illatum hoc nomen arbitror; apud illos enim in vsu fuit *Míliov* pro mille passibus, quod vocabulum Scrabo lib. 7. vsurpauit. De hac voce Suidas ait: *Μίλιον μέτρον τῆς γῆς. Τὰ δέκα μίλια ἔχουσι τὰς τ'.* Milium mensura terræ. Decem Milia habent 80. stadia. Idcirco Constantinopoli *Míliov* appellabatur locus, vnde via numerabatur, & vbi itinerum meta fuerat sita, ad instar *Milliaris Aurei*, quod Romæ antiquitus erectum fuit, de quo vide erudit. Du Frésnium lib. 1. CP. Christ. cap. 24. Palladius propterea Paulino synchronus in Hist. Laus. cap. 6 20. & 77. *milij* vocem pro *milliari* vsurpat, quam Latinus eius interpres admodum vetustus retinuit. In Codice nostro per vnicum L. scribitur hoc vocabulum. Ego non immutauit, quum maximè ad Græcorum lectionem accedat.

V. 710. *Credebas.* Forfan verbum aliquâ indiget emendatione. Certè sensus clarior euadere posset,

V. 736.

- Nescia diuinis opibus promptos fore fontes;
Sicut & experta es. Nam mox Deus ipse Creator
- 715 Arguit ignauas Christo diffidere mentes,
Cum tibi post placitam pacem vt iam fluminis vsum
Felici conforte piè partita teneres;
Quò magis exsuperante tuam bonitate querelam
Agueret. Non, vt metuebas, ille sitire
- 720 Diuisâ te fecit aquâ, sed vt auctor, & altor
Rerum hominumque simul, qui condidit omnia verba;
Ostendit tibi rem esse suam, quam tu eius amico
Vt propriam Domino rerum diffisa negabas.
Vidisti certè (nam te res ipsa fateri
- 725 Compulit) æterni sublimia iura parentis;
Cis potens meritum cum larga sub æstu
Efflueret, damnoque pio, quo Martyris aulis
Tradideras partem, subitos creuisse meatus,
Laxatoque suis in faucibus vberis fontis
- 730 Iussa fluente tibi cum fœnore reddita multo
Mœnibus influxisse tuis, & tempore in ipso;
Qvo totiens vndæ possessor egere solebas,
In multum referente Deo quod sumpserrat à te;
Fluxit abunda tuis aqua potibus, atque lauacris.
- 735 Quodnam igitur tanto pro munere munus, Abella
Pauper opum, referam tibi? Saltem carmine nostro
Obsequium nomenque tuum dum prædico signans,
Hoc pensabo tibi pretium mercedis honore,
Felicis Sancti scribaris vt addita semper
- 740 Laudibus, & tanti memoreris alumna patroni,
Cuius donorum tibi portio maxima facta est.
Nunc tuus iste labor, quo te Felicis adegit
Spiritus, vt totâ tibi plebe vel Ordine concors
Adgredereris opus magno sudore parandum,
- 745 Tempore & æstiuo durum duplicante laborem;
Molis vt antiquæ per iniqua cacumina formam

Præ-

V. 736. *Pauper opum.* Abellæ pauperiem tetigit etiam Silius Italic.
lib. 8.

Sorrentum, & pauper sulci Cerealis Abella.

V. 767.

- Præteritis notam seclis, iam verò sine vfu
 Deficientis aquæ, superactis vndique multâ
 Congerie syluis inter iuga vasta latentem
 750 Exuis aggeribus densis, oblitaque dudum
 Munia restituis, sparsasque per auiâ venas,
 Pumiceis altè quæ sorbebantur arenis,
 Colligis, & sua quamque sequi vestigia rursus
 Cogis aquam, & reducem formæ matricis in ora
 755 Inuehis, & dudum vacuos cessante meatu
 Exundare facis fluctu remeante canales,
 Atque diu querulam subductis fontibus vrbem
 Iam desperato perfundis flumine Nolam,
 Quæ fruitur Felicis aquis (quia copia non est
 760 Hæc ipsi sua nunc vrbi, quam nuper adepta est
 Felicis studio) modicæ pro munere guttæ
 Ex ope diuinâ largis ditata fluentis.
 Ergò & tu mecum paruam quasi mater Abellam
 Nola fove, quoniam, vt cognoscis, & ipsa tuarum,
 765 Filia cum tua sit, tamen est tibi mater aquarum,
 Cuius ab indigenis tibi montibus affluet omnis
 Copia, quæ fueras felicibus ante superba,
 Et quâ post studio meliore ministra fuisti.
 Gaude igitur, mea Nola, tibi, & gratare profusa
 770 Viribus exultans Christo, qui te per amicum
 Dilectumque suum Felicem finxit, & auxit
 Naturâ famulante tuum manus alta decorem.
 Cerne tuam faciem, quâ nunc noua pænituisti,
 Vt noscas, dederisne aliquid Felicis honori,
 775 An magis a Felice Dei cumulata colaris;

Asper

V. 767. *Copia qua fueras*. Ita in Codice. Corrigitur non ausim.

V. 773. *Pænituisti*. *Paniteo* apud veteres Latinos usurpatum, ac propterea eleganter quoque à Paulino usurpat. Teltis est vetustiss. Priscian. lib. 11. de temp. & form. Particip. vbi de Imperfion. loquens ait: *Sciendum tamen quod hæc omnia inneniuntur perfectorum declinationem habentia in vsu veterum teste Capro, pigeo, pudeo, tadeo, paniteo*. Monuit etiam vtriusque linguæ peritissimus vir, & summa refulgens eruditione Michael Madd. us magni viri Caroli Mariæ Maddij filius apud Pacu-
nium se legisse pænitebunt.

V. 787.

- Asper vbi nudis arebat calculus aruis,
 Nunc mutata viret madefactis gratia glebis:
 Non istos tantum fontes tibi, Nola, profudit
 Felicis merito tibi diues gratia Christi,
 780 Celsifluos etiam fontes huc ad tua duxit
 Mœnia, Felicisque sinu gaudente locatos
 Diffluere in multas effusis amnibus vrbes
 Vrbe tuâ iussit. Famulos Christi loquor istos;
 Par inlustre Deo, par nobile nomine Christi
 785 Albinâ cum matre tuis modò sinibus ortos,
 Pignora Cunctorum Sanctorum, & gaudia Cœli,
 Piniadæ Melani cum sædere par benedictum.
 Hos Deus & natos Felicis, & vbera fecit,
 Vbera Diuinæ bonitatis proflua lacte,
 790 E quibus omnis inops alimenta fluentia sumit,
 Omnis item diues documenta salubria sumit.
 Hi sunt ecce pio Christi de flumine fontes,
 Qui non visibili per terram gurgite manant,
 De viuâ miserantis aquâ pietatis abundant.
 795 Hos tu Christe tibi præsta vbertate perenni
 Scaturire tui Felicis in vbere fontes,
 Et numquam has villo tenuari fidere venas.
 Influx pectoribus semper tibi Christe dicatis,
 Felicique tuo de peccatoribus ipsi
 800 Mandatis tribue, vt numquam pietas tua nostris
 Visceribus fontem huius opis subducatur, & ipse
 Fons à fonte tuo Felix nos largus inundet,
 Semper vt in nobis saliat, Rex Christe, tuus fons,
 Et nos de miseris, & egenis forte tui iam
 805 Nominis obtineat felices viuere Felix.

V. 787. *Piniadæ*. Hoc est Piniani, qui fortè alterius Piniani filius erat, iuxta Patronymicorum nominum normam. Vide quæ dixi in Diss. VI.



113

AD SANCTI PAULINI POEMA VLTIMUM. P R Æ F A T I O.

PRæclarissima hæc S. PAULINI carmina in Ethnicos post XIII. Natalem subsequuntur in Codice nostro. Miræ inest eruditio, & solitus Poetæ eloquentissimi spiritus. Primum in Iudæos, in Gentiles deinde fertur, quorum Numina, variam Philosophiam, erroresque plurimos notat. Hoc opus inuui certum arbitror in Epist. 34. S. Augustini ad PAULINUM ita scribentis: *Aduersus Paganos te scribere didici ex fratribus. Si quid de tuo pectore meremur, indifferenter mitte, ut legamus; nam pectus tuum tale Domini oraculum est, ut ex eo nobis tam placita, & aduersus loquacissimas quæstiones explicatissima dari responsa præsumamus.* Opinabatur forsan Augustinus: statutum fuisse PAULINO vniuersam Ethnicorum confodere superstitionem, sed huiusmodi consilium Poetæ sacro non obuenérat, cui tantum placuit Paganorum explicare, non refutare deitiam. Fama aliud Augustino suasisit, ut mirum non sit, si à PAULINO loquacissimas quæstiones explicatas opperiri se dicat. Certe si PAULINVS egregium aliquod opus in Paganos scribendum suscepisset, Gennadius eius scripta recensens mentionem aliquam inieciisset. Superest igitur, ut ab eodem Sancto exiguum hæc de re opus elaboratum fuisse dicamus, cuiusmodi est hocce: *Porro, Quin & elucubratu libelli tempus coniecturam: collam tueri videtur. Olybrio, & Probino Coss., inquit Prosper in Chron. (hoc est Anno Domini 395.) Augustinus B. Ambrosij discipulus multa fecundus, doctrinæque excellens Hippone Regio in Africâ Episcopus ordinatur. Suæ porro ordinationis tamquam nuper factæ certiores PAULINUM Augustinus facit in eadem supracitata Epistola, dum ait: Quia Ecclesia curâ teneat, ex hoc vestra charitas oportet attendat, quod Beatissimus Pater Valerius nec presbyterum me esse suum passus est, nisi maiorem mihi Corpiscopatus sarcinam imponeret &c.* Hæc ergo Augustini Epistola aut sub finem anni 395., aut sub initium subequentis procul dubio scripta. Ut enim Chiffletius parte 2. cap. 8. Paulin. Illustr. probat, contigit ordinatio Augustini post mediam Decem-

P

breui

brem eiusdem Anni 395. Itaque hoc Anno aduersus Paganos PAV-
LINVS noster scriptus pugnabat. Nolum hic se receperat cadente
A. C. 394., ibique maturato conuersionis suæ consilio præstantissi-
mam Christianæ vitæ methodum aggressus fuerat. Hoc verò idem
consilium tangit huius Poematis initio his verbis:

*Discussi, fateor, sectas Antonius omnes
Plurima quæsi, per singula quæque cucurri,
Sed nihil inueni melius, quam credere Christo.*

Vberius hoc lequentia euincunt.

*Hæc ego cuncta prius æ clarum cum lumen adeptus,
Meque diu incertum, & tot tempestatibus ælium
Sancta saluari suscepit Ecclesia portu,
Postque vagos fluctus tranquillâ in sede locauit,
Ut mihi iam liceat detergâ nube malorum
Tempore promisso lucem sperare serenam*

Et infra: *Ut modò qui nobis errorem mentis ademit,*

Hic meliore viâ Paradisi limina pandat

Felix. Nostra fides uni certoque dicata.

En ut recessum Nolanum, nouumque vitæ institutum nuper sibi ele-
ctum nobis PAVLINVS insinuat. Itaque quum hos versus elucu-
brarit eo tempore PAVLINVS, quo totum animum Christo, eius-
que Fidei deuouerat, hoc est A. 394., aut 395., vides eisdem inci-
dere in supra memoratum tempus, quo PAVLINVS contra Paga-
nos scribere ab Augustino etiam dicitur. Quis ille Antonius fuerit,
cui Poema suum PAVLINVS inscribit, diuinare nequeo. Ad pri-
mum operis conspectum pro Antonius legendum Ausonius suspica-
bar, quem utique archissimâ familiaritate quondam complectebatur
PAVLINVS, carminibusque non paucis etiamnum extantibus est
alloquutus; Sed interruptum inter hosce duos egregios viros amoris
commercium iampridem fuerat, & alijs sanè verbis Poeta noster
vixisset, si ad Ausonium, suum olim præceptorem, ac penè pa-
rentem, scripsisset. Antonium verò istum Christianorum albo fuisse
inscriptum non ambigo, quum David illi in exemplum adducatur:

Et ne displiceat, quod talia carmina pando,

David ipse chetym modulâ voce rogauit,


Quo nos exemplo pro magnis parua canemus.

Quum igitur à Religione Christianâ alienum fuisse Ausonium
nemo dubitet, hic illum innui nemo etiam arbitrabitur.

SAN-

115


SANCTI PAVLINI EPISCOPI NOLANI POEMA VLTIMVM.

 Iccussi, fateor, scēas Antonius omnes,
Plurima quæsiui, per singula quæque cucurri;
Sed nihil inueni melius quam credere Christo.

- Hæc ego disposui leni conscribere versu,
- 5 Et ne displiceat, quod talia carmina pando,
David ipse chelym modulata voce rogauit,
Quo nos exemplo pro magnis parua canemus,
Dicentes quæ sunt fugienda, sequenda, colenda,
Cum tamen in cunctis & res, & causa probetur.
- 10 Iudaicum primò populum nec gratia mouit
Mira Dei; nam tum Pharaoni ereptus iniquo,
Et mare transgressus pedibus, lucente columnâ
Cum Duce, qui mergi infestos vidit equestres,
Et cui desertis nihilum quoque defuit agris,
- 15 Manna cui è cælo, & fons de rupe cucurrit,
Post hæc ipse Deum præstantem tanta negauit,
Dumque aliud Numen dementi pectore quærit,
Ignibus incensus quod misit perdidit aurum.
Par quoque Paganus lapides, quos sculpsit, adorat,
- 20 Et facit ipse sibi, quod debeat ipse timere.
Tum simulacra colit, quæ sic ex ære figurat,

Vt

NOTÆ,

V. 13.  *Vi mergi.* Ni Poeticâ licentiâ Paulinus est vsus;
carminis rationi aliquid deest. Fortasse pro *mergi*
legendum *mersos*.

V. 15. *Et fons.* Hic quoque laborat aliquantulum versus.
Scriberem:

V. 21. *Manna cui è cælo, cui fons &c.*
Ex ære figurat. Tertullian. in Apolog. cap. 13. idem
Ethnicis obijciebat. *Domesticos Deos, quos Lares dicitis, domesticâ po-*
testate

- Vt quando libitum est, mittat conficta monetæ;
 Aut magis in species conuertat sæpè pudendas.
 Hinc miseras mactat pecudes, mentesque Deorum;
 25 Quos putat irasci, calido in pulmone requirit,
 Atque hominis vitam pecoris de morte precatur.
 Quid petit ignosci veniam, qui sanguino poscit?
 Illud enim quale est? quam stultum? quamue notandum?
 Cum Deus omnipotens hominem formauerit olim;
 30 Audet homo formare Deum. Ne crimina desint,
 Hunc etiam vendit dominus, sibi comparat emptor?
 Philosophos credam quicquam rationis habere,
 Qui ratione carent, quibus est sapientia vana?

Sunt

testate tractatis pignerando, demutando aliquandò in Cacabulum de Saturno, aliquando in trullam de Minernâ, ut quisque contritus, atque contusus est, dum diu colitur, ut quisque dominus sanctiorem expertus est domesticâ necessitate. Publicos aequè publico iure sedatis, quos in hastario vectigales habetis. Si Capitolium, si olitorium forum petatur, sub eâdem voce præconis sub eâdem hastâ, sub eâdem annotatione quæstoris diuinitas addita conducitur. Cacabulum Tertulliano memoratum, quod vas spurcitiarum fuit, à Paulino modestè innuitur per hæc verba:

Aut magis in species conuertat sæpè pudendas.

V. 24. *Mentesque Deorum.* In pecudum casarum extis Deorum mentem stultè perquirebant Gentiles. Ouid. lib. 5. Metam.

Fibra quoque ægra notas veri, monitusque Deorum

Prodiderat

Hunc eorumdem errorem Seneca & ipse Ethnicus improbabat. Natur. Quæst. lib. 2. *Nimis Deum otiosum, & pusillæ rei ministrum facis, si alijs somnia, alijs exta disponis &c.* Confule l. Cæf. Buleng. de Magia &c.

V. 31. *Etiam vendit.* Ad hoc spectant rursus, quæ ex Tertulliano nuper attulimus. Iulius Firmicus de Err. prof. Relig. cap. 16. *Vendebatur Deus, ut prodesset emptori, & emptor suppliciter adorabat quicquid paulò ante viderat subhastatum.*

V. 32. *Philosophos credam.* Eleganter in hanc rem scripsit S. Eucherius in Parænet. ad Valerian. Inter alia hæc habet: *Breni tibi liquebit, quando hæc nostra, idest pietatis veritatisque præcepta illis Philosophorum præceptis præferri debeant. In illis namque eorum præceptis vel adumbrata virtus, vel falsa sapientia, in his verò consummata iustitia, solida veritas continetur. Unde licet dicere Philosophiæ alios nomen usurpasse, nos vitam. Etenim qualia possunt ab his dari præcepta viuendi? Causam nesciunt &c.*

V. 34.

Sunt Cynici canibus similes, quod nomine produnt.

- 35 Sunt & sectantes incerti dogma Platonis,
Quos quæsitæ diu animæ substantia turbat,
Traçantes semper, nec definire valentes;
Vnde Platonis amant de animâ describere librum;
Qui præter titulum nil certi continet intus.

40 Sunt

V. 34. *Sunt Cynici.* Vulgò κυνικὸι dicebantur hi Philosophi, hoc est canini ἀπὸ τοῦ κυνὸς à cane. Diogenes Laert. in Antisthenis vitâ hæc ait: κατ'ἄρχην πρῶτος τοῦ κυνισμοῦ, Cynicam primus sectam instituit, & in eâ princeps fuit. Hinc de illo Ausonius canit:

Inuentor primus Cynices ego. Quæ ratio isthæc?

Alcides multò dicitur esse prior.

Alcida quondam fueram doctore secundus,

Nunc ego sum Cynices primus, & ille Deus.

Idem verò Laertius in Proem. Cynicos ab ignominia sic appellatos asserit: καὶ ἀπὸ ἐκωμῶτων, ὡς οἱ κυνικὸι. Suetonius in Vespas. *Demitrium Cynicum* in itinere obutum sibi post damnationem, ac neque asurgere, neque salutare se dignantem, oblatrantem etiam nescio quid, satis habuit Canem appellare. Eleganter quoque Augustinus de Ciu. Dei l. 14. cap. 20. Hoc illi canini Philosophi, hoc est Cynici non viderunt, proferentes contra humanam verecundiam quid aliud quam caninam, hoc est immundam sententiam.

V. 35. *Sectantes incerti.* Plato plerumque Socrati adhæsit, ac idcirco inter Socraticos refertur à Laertio in Prolegom. Quia verò τὴν ἀρχαίαν Ἀκαδημίαν εὐνοσάμενος veterem Academiam instituit, Sectæ novæ fundamenta iecit. Hinc Platoniorum secta, Proprie tamen ἵj vocabantur Academici. Laertius in Platonis vitâ: Ἐτάδην ἐν τῷ Ἀκαδημικῷ, ἔρδα τὴν πλείστην χρόνον διατίλεισι φιλοσοφῶν. ἔδειν καὶ Ἀκαδημικὴν προσηγορίαν ἢ παρ' αὐτῷ αἰῶνι. Sepultus est in Academiâ, ubi plurimum temporis philosophatus fuerat, unde & quæ ab eo fluxit secta Academica est appellata. August. de Ciu. Dei. cap. 12. lib. 8. Cum Spensippus sororis Platonis filius, & Xenocrates in scholam eius, quæ Academiâ vocabatur, eidem successissent, ob hoc & ipsi, & eorum successores Academici appellabantur. Recentiores tamen Philosophi nobilissimi, quibus Plato sectandus placuit, noluerunt se dici Peripateticus, aut Academicos, sed Platonicos.

V. 35. *Incerti dogma.* Prudentius in Apotheosi:

Consule barbati deliramenta Platonis,

Consule & hircosus Cynicos, quos somniat, & quos

Texit Aristoteles tortâ vertigine nervus.

V. 36. *Diu animæ.* Versus aliquantùm laborat. Scriberem;

Quos animæ quæsita diu substantia turbat.

V. 39. *Qui præter titulum.* Egregius utique, celeberrimusque Platonis

- 40 Sunt etiam Physici naturæ nomine dicti,
Quos antiqua iuvat, rudis, atque incondita vita.
Namque vas baculum quondam, & vas fictile portans,
Vtile quod solum, solumque putarat habendum,
Illud ut auxilij, atque hoc esset causa bibendi,
45 Cum stare agricolam, manibusque haurire supinis

Potan-

nis est liber, ubi de anima immortalitate questionem habet; Sed sic cum Christianorum assertis, certissimisque nostræ Fidei documentis componatur, nil certi continet intus. Homini Ethnico, & longè à verâ Religionis posito magnum fuit sapientiæ portentum, non irridendam omnino de eiusdem animæ perennitate proferre sententiam, in quâ tamen quot errores erraverit non est meum hic investigare, sed monere tantummodò, ibi in incertum pleraque ferri. Theodoricus scriptor eruditissimus Serm. 5. contra Græcos hanc Platonis sententiam acutissimè examinât, ac nutantem sapissimè deprehendit. Addit porro καὶ ὁ μὴ σοφώτατος Πλάτων περὶ τῆς ἀθανασίας τῆς ψυχῆς παμπόνητος λόγος διεξελθὼν ὡς Ἀριστοτέλην τὸν σοφιστὴν ἔστιν αὐτῶν διὰ τῆς αὐτῶν τὴν ὁρὴν. Ita vertit Acciaiolius: *Ac Plato quidem sapientissimus, qui complures sermones de immortalitate animæ disseruit, ne Aristoteli quidem auditori suo persuasit eam positionem.*

V. 40. *Sunt etiam Physici.* ὅστις Græcè Latine dicitur *natura*. Hinc Physici, seu naturales Philosophi. Laetius in Proem. καὶ εἰ μὴ ἀπὸ τῆς περὶ φύσιν πραγματίας φυσικοὶ προσηγορεύουσιν. Et alij, quod de naturâ rerum scripsere, *Physici sunt appellati.*

V. 42. *Namque unus baculum.* Laetius in Vitâ Diogenis: θεωρῶμεν ποτὶ παιδὸς τὰς χερσὶ πῖνον, ἐξ ἧς αὐτοῦ τῆς πῖρας τὸ κοτύλιον. Intuitus Diogenes aliquandò puerum causâ bibentem manu, cotylum perâ productum abiecit. Hoc Diogeni universa scriptorum cohors adiudicat, ac Seneca potissimum Ep. 90., & S. Hieronym. advers. Iovinian. lib. 2., qui Paulino concordēs, non puerum, ut Laetius habet, sed rusticum Diogeni magistrum fuisse consentiunt. Quum verò Antisthenis Cynicorum antesignani auditor iste fuerit, ac Cynicam Philosophiam sectatus Cynici supra omnes cognomentum meruerit, vtiq; miror, cur Paulinus Cynicos à Physicis apertè distinguens, cuiusdam postea è Physicis hoc Diogenis factum adscribat. Neque reponatur, veteres tripartitam coluisse Philosophiam, ac propterea Physicam, quæ pars è tribus erat, Cynicis etiam competere; siquidem Cynici hanc Philosophiæ partem agnoscantur, ac vni Ethicæ operam dabant. Sunt Laetij verba in Menedemio: Ἀρίσκει ἢ αὐτοῖς (κυνικοῖς) τὸν λογικὸν, καὶ τὸν φυσικὸν τόπον περιπατεῖν, μὲν δὲ προσίχην τῷ ἠθικῷ. Placet ergò illis (Cynicis) Logicam, ac Naturalem Philosophiam tollere, ac vni Ethicæ animam intendere. Quæ verò Paulinus addit, omnino Cynicis, non Physicis conueniunt.

Y. 49.

Potandas vidisset aquas, vas fictile fregit,
 Quo procul abiecto remouenda superflua dixit.
 Rusticus hunc docuit quod spernere posset & istud.
 Hi neque vina bibunt, nec victu panis aluntur,
 50 Nec lecto recubant, nec frigora vestibus arcent,
 Ingratque Deo, quod præstitit ille, recusant.
 Quid dicam diuersa sacra? Et Dis, atque Deabus
 Condita templa loquar? Quæ sint Capitolia primum
 His Deus, vxorque Dei, ipsamque sororem

55 Esse

V. 49. *Hi neque vina bibunt.* Expresse de Cynicis id Laertius tradidit in Menedemi Cynici vitâ: *ἵστω τε γῆν, καὶ σαρδάνας, καὶ πατάγια, καὶ ἰδαί, χαῖμας.* Plerique etiam herbis, & aquâ frigidâ utuntur. Et de Diogene in eius vitâ sic ait: *ἐν ὕδατι τε, ἐν ἰδαίᾳ διακονῶντα, καὶ ὑποὶ χαίματι, καὶ ὑδαὶ σαρδάνας.* Domi etiam ministrare docebat cibum leui, ac vili contentos, & aquâ.

V. 50. *Nec lecto recubant.* Celebre Diogenis Cynici dolium etiamnum habetur, in quo Philosophus ille noctu diuque recubabat. Hunc atque Cynici imitati. Chresolius in Mystagog. lib. 4. cap. 20. sect. 3. de his ait: *Inanissima gloria causâ Cynici dormiebant in herbaceis toris, aut nudâ humo, ut eâ vita duritate, & fucâ patientiâ omnium in se oculos conuerterent.* Pallio itaque subtrato incubare etiam isti solebant, quod innuit Martial. lib. 4. Epigr. 52. de Cynico agens:

Quem nudi tegit vxor abolla grabati.

Abolla autem pallium erat.

V. 50. *Nec frigora.* Ijs tantum vestibus caruere Cynici, quæ frigori arcendo inferuiunt; tunicâ enim destituti solo utebantur pallio. S. Cyprrianus in his exerti, ac seminudi pectoris innerecundam iactantiam arguit. Vide August. lib. 14. de Ciu. Dei cap. 20.

V. 51. *Ingratque Deo.* Rectè Seneca lib. de Breu. vitæ cap. 14. Cynicos ait naturam hominis excedere. Tot corporis ab his Philosophis quæ sita incommoda superbiæ potius, quam verè sapientiæ miracula fuere. Diogenes fastum Platonis se aliquando calcare profitebatur, cui Plato: *At fastum alio.* Tatianus Assyrius in elegantissimâ oratione ad vers. Græc. super his consulatur.

V. 53. *Quæ sint Capitolia.* Mutila hîc, & absque interpunctione (quæ totus Codex MS. caret) non faciliè enucleanda oratio occurrit. Adde-rem tamen binum est, ac ita distinguerem:

————— *Quæ sint Capitolia? Primum*

His Deus est, vxorque Dei est, ipsamque sororem

Esse volunt &c.

V. 54. *Ipsamque sororem.* Virgilius hîc à Paulino memoratus *Æneid.*
 lib. 1.

- 55 Esse volunt, quam Vergilius notat auctor eorum
 Dicendo: Et soror, & coniux. Plus de Ioue fertur;
 Et natam stuprasse suam, fratrique dedisse;
 Utque alias caperet, propriam variasse figuram,
 Nunc serpens, nunc taurus erat, nunc cignus, & arbos,
 60 Sc:

lib. 1. Sic Iunonem de se loquentem inducit:

*Est ego quæ Divum incedo Regina', Iouisque
 Et soror & coniux*

Greg. Nazianz. Orat. 1. in Iulian. ἡρὰ τῷ μεγάλῳ Διὸς ἀδελφὴ, καὶ ὁμόζυγος. Iuno magni Iouis soror, & coniux. Hanc Ethnicis impudentiam exprobat August. lib. 4. cap. 10. de Civ. Dei. Minutius quoque Deos colitis incautos cum matre, cum filia, cum sorore coniunctos.

V. 55. *Vergilius*. Ita Codex. Politian. Miscell. Ep. 2. cap. 77. & lib. 5. Ep. 3. apertis testimonijs euincit *Vergilius*, non *Virgilius* esse scribendum. Ita marmora plura, ita vetustissimi libri ferunt. Cæl. Rhodig. lib. 7. Antiqu. lect. cap. 4., Manut. in Orthogr. alijs exemplis prolatis contrariam tuentur sententiam. Horum rationes apud Dausquium in Orthogr. recolendæ, apud quem *Virgilius* rectius sonat.

V. 57. *Natam stuprasse*. Non hic aliam intelligi quam Proserpinam Iouis & Cerere filiam fatebuntur omnes, quum ista Plutonis deinde fuerit marcipata conuigio. Verum quis illam à Ioue stupratam affirmavit? Eusebius Cæsar. lib. 2. de Præp. Evang. hæc habet: Κυὲ μὲν ἡ Δημήτηρ ἀνατρίβεται δὲ ἡ κέρη, μίγνυται δ' αὖθις ὁ γένεσας ὑποστὶ Ζεὺς τῷ θεῖς ῥεῖσάτῃ τῇ ἰδίᾳ θυγατρὶ, μετὰ τῷ μητέρα Διὸς, ἐκλαβόμενος τῷ προτέρῳ μύσῳ, καὶ μίγνυται δράκοντ γινόμενος. Hoc est: Ceres peperit, educavit filia, huic Proserpina filia à se genita rursus Iupiter post matrem Cererem immiscetur prioris oblitus sceleris, ac Draconis formâ susceptâ illam comprimit. Hæc autem iisdem penè verbis Eusebius & Clemente Alexandr. in monit. ad Gent. hausit, cui Arnobium aduers. Gent. lib. 3. fusè rem hanc tractantem addere potes. Hinc lucem accipiet Ouidij locus 6. Metampr. Inquit is Iouis adulteria recensens:

*Aureus ut Danaen, Asopida luserit ignis,
 Mnemosynen pastor, variisque Deoïda serpens.*

Deoï hic Proserpina est Cereris ex Ioue filia, Græcè enim Διὸς ἀπὸ τῷ Διὶ, hoc est inuenio dicitur Ceres, & inde Patronymicum nomen Deoïdis Proserpinæ communicatum. Orpheus (seu quis alius sit Auctor) ex hoc nefando concubitu Liberum genitum ait, cui ad stipulatur Diodor. Sic. lib. 3. Bibl. Hist.

V. 59. *Nunc serpens*. Serpentis figuram induit Iupiter, quum Proserpinæ, ut nuper vidimus, se miscuit; *Tauri*, quum Europam asportauit; *Cygni*, quum Leda se fecellit; ac denique *arboris* (nisi forte *aurum* pro *arbo* hic legendum sit) quum in aliam quandam feminam nefandus

60 Sequē immutando, qualis fuit, indicat ipse,
Plus aliena sibi quam propria forma placebat.
Turpius his aquilam finxit, puerique nefandos
Venit in amplexus. Quid dicit turba colentum?
Aut neget esse Iovem, aut fateatur dedecus istud.

65 No-

aus aduiter procubuit. Hæc & alia Ouidius exprimit lib. 6. Metam.

*Fecit olorinis Leda recubare sub alis,
Addidit ut Satyri celatus imagine pulcrâ
Iupiter implevit gemino Nyctæida satum,
Amphitryon fuerit, cum se Tirynthia cepit,
Aureus ut Danaen, Asopida luserit ignis,
Mnemosynen pastor, variusque Deoïda serpens.*

Venusit etiam Græcis quidam duobus hisce carminibus lusit:

*Ζῆς κύριος, τῶπος, σάτυρος, χρυσὸς δὲ ἱρῶτα
Λῆδας, Εὐρώπης, Ἀντιόπης, Δαναῶς.*

Fit Iupiter cypnus, taurus, satyrus, aurum propter amorem Leda, Europa, Antiopes, Danaes; Hanc Iouis procaciam ridet Nazianzen. in Orat. 1. aduers. Iulian. τὰ πάντα γίνεται δι' ἀσέλγεια, καὶ ἀκαταστάτης ὁ Ζῆς &c. Quidnis efficitur Iupiter ob impuritatem, ac libidinem. Plura pete ex Arnobio, Lactantio, Clemente; alijsque vetustissimis Patribus.

V. 62. Turpius his aquilam. Per aquilam Ganymedem rapuit Iupiter. De hoc Virgil. lib. 3. Æneid.

Quem præpes ab Idæ

Sublimem pedibus rapuit Iouis armiger uncis.

Quidam tamen ipsum Iovem in aquilam conuersum huius rapinæ auctorem faciunt. Est Græcum carmen:

Αἰντὸς ὁ Ζῆς ἦλθεν ἐκ ἀντίδρων Γανυμήδων.

Iupiter aquila factus volauit ad pulcrum Ganymedem. Ouidius quoque lib. 10. Metam.

*Rex superum Phrygi quondam Ganymedis amore
Arsit, & inuentum est aliquid, quod Iupiter esse,
Quam quod erat, mallet. Nullo tamen alite verti
Dignatur, nisi quæ portat sua fulmina terra.*

Est hæc Paulini nostri mens isto in loco.

V. 64. Aut neget esse Iovem. S. Iustinus Martyr in Apolog. primâ, quæ hæcennis habitâ secunda, sic loquitur: ἀποὶν δὲ σοφρονισμοῦ ψυχῆς ἀντοια τοιαύτη περὶ θεῶν, ὅς καὶ αὐτὸν τῶν ἡγεμόνα, καὶ γινώσκοντα πάντων, κατ' αὐτὸς Δία, πατρογέντην, καὶ πάντες τοιαύτη γεγονέναι, ἱερῶτι πε κακῶν, καὶ διασφῶν ἡδονῶν ἥττω γινόμενον, ἐπὶ Γανυμήδων, καὶ τὰς πολλὰς μοιχευδίστας γυναικας ἔλθον. Absit enim à castâ mente hæc de Dijs cogitatio, videlicet ipsum eorum ducem, & patrem omnium secundum

Q.

dum

65 Nomen habet certè, quod nec ratione probetur.
 Sacra Ioui faciunt, & Iupiter Optime dicunt,
 Huncque rogant, & Iane pater primo ordine ponunt.
 Rex fuit hic Ianus, proprio qui nomine fecit

Iani:

dum eos Iouem, parricidam, & patre taligenitum, & prae amoris impotentia à prauis, sedisq; voluptatibus uictum ad Ganymedem, compluresq; alias adulterijs imminut asfæminas uenisse. Lactantius Ganymedis raptu memorato subdit: Hæc qui fecit uiderimus an maximus, certè optimus non est. Plura in hanc rem Aug. lib. 7. cap. 9. de Ciu. Dei, & Arnob. lib. 3. aduers. Gent.

V. 65. *Nomen habet certè. Quum tot sint Iouis flagitia, utpotè qui stupris familias exagitet, & sæpe Iouem Ethnici sine causâ inimicum habeant, nomen Iouis huic Deo non competere ait, seu, ut opinatur Lactantius Diu. Inst. lib. 1. cap. 11., Iouem, Iunonemq; à iuuando esse dictos Cicero interpretatur, & Iupiter quasi iuuans pater dicitur, quod nomen in Deum minimè congruit, quia iuuare hominis est, opis aliquid conferentis in eum, qui sit alienus, & exigui beneficij. Tum demonstrare pergit, quam parum Summo Deo conueniat uocabulum istud.*

V. 66. *Et Iupiter Optime. Plinius in Paneg. Parens, ait, hominum Deorumq; Optimus prius, deinde Maximi nomine colitur. Erat cognomen hoc præcipuum Iouis, illudq; apud veteres Scriptores sæpissimè occurrit. Nostam ad rem faciunt Lactant. lib. 1. Inst. Diu. cap. 10., ubi inquit: Quid horum omnium pater Iupiter, qui in Solemni precatatione Optimus, & Maximus nominatur? Et infra: Hæc qui fecit uiderimus an maximus, certè optimus non est. Arnobius quoq; lib. 1. aduersus Gent. Cum à uobis & Iupiter Optimus, & Maximus habeatur.*

V. 67. *Iane pater. Veteres, ut docet Briffonius de Formul. lib. 1. à Iano precatationes auspicabantur, Martial. lib. 10. Epigr. 28. de hoc numine agens:*

Annorum, nitidique sator pulcherrius mundi,

Publica quem primum uota precesq; canunt.

Aur. Victor in Breu. Hist. Rom. In sacris omnibus primum locum Iano detulerunt usq; eo, ut etiam cum alijs Dijs sacrificium fit, dato thure in altaria, Ianus prior nominetur, cognomento quoq; addito Pater. Paulus Festi abbreviator in verbo Chaos: Unde Ianns detractâ aspiratione nominatur, idè quod fuerit omnium primus, cui primò supplicabatur. Arnob. lib. 3. de ipso agens: Atq; ita per uos Dei nomen creditur, quem in cunctis antepositis precibus. Hinc Ouid. lib. 10. Fast.

Cur quamuis aliorum numina placem

Iane tibi primum thura merumq; fero?

Consultantur Macrobi. lib. 1. Saturn. cap. 9., Horat. Ep. 16. lib. 1., Seruius in VII. Aeneid. &c.

V. 69.

Ianiculum, prudens homo, qui cum multa futura
 70 Posset respicere, hunc duplici pinxere figurâ,
 Et Ianum geminum veteres dixerê Latini.
 Hic quia nauigio Aufonias aduenit ad oras,
 Nummus huic primùm tali est excusus honore,

Vt

V. 69. *Ianiculum*. Cyprian. lib. de Idol. vanit. de Saturno agens: *Hunc fugatum, ait, hospitio Ianus excepit, de cuius nomine Ianiculum dictum est*. Solin. Polyhist. cap. 2., Arnob. lib. 1., & August. lib. 7. de Ciu. Dei cap. 4. idem asserunt. Sed & Virgil. lib. 8.

*Hanc Ianus pater, hanc Saturnus condidit arcem,
 Ianiculum huic, illi fuerat Saturnia nomen.*

Minutius: Itaq; latebram suam, quod tunc latuisset, vocari maluit Latium, & urbem Saturniam de suo nomine, & Ianiculum Ianus ad memoriam uterq; posteritati reliquerunt. Miror Dionysium Halicarnass. tam accuratum alioqui Romanarum antiquitatum Scriptorem scriptis prodidisse à Romulo Æneæ filio, Ascanijq; & Romi fratre conditam. *Ἀνίας πόλις, ἀπὸ τοῦ πατρὸς, τὴν ἑτέραν κληθίσαν Ἰανικκλον*, hoc est: *Urbem Æneam à patre denominatam, qua postea Ianiculum appellata fuit.*

V. 69. *Qui cum multa futura*. Et hæc aliorum opinio asserentium ideò bifrontem Ianus fingi, quia præterita respexerit, ac futura præiuderit. Ouidius tamen lib. 1. Fast., Macrob. lib. 1. Saturn., August. lib. 7. de Ciu. Dei cap. 8., aliq; diuersas excogitarunt rationes, quas recollere, volenti ad manum erunt eorum volumina. Macrobius verò lib. citato, & potissimum cap. 7. Paulino adstipulatur.

V. 71. *Ianus geminus*. Numa omnium primus Ianum Geminum dedicauit. Velleius lib. 2. ita illum vocat: *Certa pacis argumentum Ianus Geminus clausus dedit*. Plin. lib. 34. cap. 7. *Præterea Ianus Geminus à Nummâ Rege dicatus*. Idem cap. 2. lib. 33. *Nota aris fuit ex alterâ parte Ianus Geminus, ex alterâ rostrum nauis*. Ad hoc respiciunt sequentia Paulini carmina. Vide quoq; Varronem lib. 4. de Lingua Latinâ, Sueton. in Neron. cap. 14., & Macrob. cap. 9. lib. 1. Saturn.

V. 73. *Nummus huic*. Plutarchus in Quæst. Rom. hac de re scribit: *Διὰ τὸ τὸ παλαιὸν νόμισμα τῷ μὲν εἶχεν Ἰανὸν διπρόσωπον ἔκδοσα, τῷ δὲ πλοῖον πρίμνα, ἢ πρῶταν ἐγκυχαλαμμένῳ; πότερον (ὡς οἱ πολλοὶ λέγουσι) ἐπὶ τὴν Κρονίῳ πλοῖον διαπρίσαντος εἰς Ἰταλίαν, ὧς antiquum nomen ab una parte Iani bifrontis imaginem, ab alterâ nauis aut proram, aut puppim insculptam habet? An, qua vulgata opinio est, in honorem hoc sit Saturni nauigio in Italiam aduecti? Ipse quidem Plutarchus hanc rationem haud omninò probandam ait, sed huic acquieuerunt probatissimi Auctores. Ouid. Fast. lib. 1. cum Iano colloquens ita canit:*

— Sed cur naualis in ære
 Altera signata est, altera forma biceps?

Q 2

Ianus

Vt pars vna caput, pars scalperet altera nauem.
 75 Cuius nunc memores quæcumque nomismata signant
 Ex veteri sacro capita hæc, & nauia dicunt.

De

Ianus respondet:

*Causa ratis superest. Tuscum rate venit in amnem.**Ante pererrato falcifer orbe Deus.**At bona posteritas puppem formauit in ære**Hospitis aduentum testificata Dei.*

Verum enim verò ab alijs dissidere videtur Paulinus, quam ipsi Iano aduentum in Italiam tribuit, quod alij ad Saturnum referunt. Athenæus Deipnos. lib. 15. non Italiz solum, sed & Græciæ in vsu fuisse asserit huiusmodi nummos; ait enim τὰς κατὰ τὴν Ἑλλάδα πολλὰς πόλεις, καὶ τὰς κατὰ τὴν Ἰταλίαν, Σικελίαν, ἐπὶ τῷ νομισματὶ ἐγχαράττειν φρίκτορος δικήραλον, καὶ ἐκ θατέρου μίχρος ἢ σκεδίων, ἢ σεραιόν, ἢ πλοίων. Ciuitates in Græciâ multas, in Italiâ, Siciliâq; monetam eundem impressam bicipiti facie, & ex alterâ parte vel rate, vel coronâ, vel nauigio. Similes nummi visuntur etiamnum apud antiquitatis amatores, & præfertim apud Clariss. Virum S. R. I. Com. Franciscum Mediobarbum Biragum, qui amplissimum in re nummariâ thesaurum possidebat, præteritq; annis laudatissimum emisit opus de Numism. Imper, quo Occonem mirabiliter auxit. Sed heu infortunium nostrum. Ereptus è viuis est hoc anno vir ille doctissimus, magnumq; sui desiderium viris eruditis reliquit.

V. 75. *Nomismata*. Numisma, & nomisma dicitur. Primum apud Horatium occurrit lib. 2. Ep. 1., & Martialis. lib. 1. Epigr. 40. Alterum in antiquis Glossis, & apud Auctores præstantissimos. Certè melius Græcæ Orthographiæ accommodatur, quæ Νόμισμα habet.

V. 76. *Capita hæc & nauia*. Est ludus apud Italos puerulos, quem vocant: *giocare à testa, à arma*, aut à testa, o Croce, & apud Gallos *jouer à croix, ou pile*. Ille ipse est qui apud antiquos, Accipe auctoritatem. Aur. Victor (seu quis alius auctor ille sit) in lib. de Orig. gent. Rom. Istum etiam, inquit, *usum signandi æris, ac monetæ in formam incutiendæ Ianus ostendisse traditur, in quâ ab vna parte caput eius imprimeretur, alterâ nauis, quâ veftus illò erat*. En vt Auctor ille in Iani aduentu Paulino concordat. Subdit: *Vnde aleatores posito nummo, apertoq; optionem conlusoribus ponunt enunciandi, quid putent subesse, caput, aut nauem, quod nunc vulgò: corrumpentes nauandi dicunt*. Tu vocem hanc nauandi corrige, & nauia reponere. His consonat Macrobius lib. 1. cap. 7. Saturn. Cum primus Ianus æra signaret, seruauit & in hoc Saturni reuerentiam; vt quoniam ille nauifuerat adductus, ex vna quidem parte sui capitis effigies, ex alterâ verò nauis exprimeretur. *Æs ita fuisse signatum hodieq; intelligitur in aleæ lusu, cum pueri denarios in sublime iactantes capita, aut nauiam, lusu teste vetustatis, exclamant*. Andreas

Schot-

De Ioue quid sperant, qui est à Rege secundus;
 Quique sacrificijs apponitur ore precantum?
 Hic habet & matrem captam pastoris amore,
 80 Nam prior est pastor, quam Iupiter, aut Iouis ipse;
 Sed

Schottus hic integrè legi *naviam*, non *navim* ex 4. MS. Pithæorum ait;
 sed mihi potius *navia*, aut *navium* legere placeret, id versus Pauliniani
 metro inconcussè docente. Certè Io. Ifac. Pontanus in edit. Macrobi. An-
 ni 1597. *navia* legit.

V. 77. *A Rege secundus*. Ante Iouem filium Saturnus regnavit. Ex-
 pulsus dein filio reliquit Regni aut cælestis, aut terreni habenas. Lactant.
 lib. 1. cap. 11. Diu. Inst. *Video alium Deum Regem fuisse primis tempo-
 ribus, alium consequentibus. Potest ergò fieri, ut alius sit postea futurus.
 Atqui 'Diuinum Imperium, aut semper immutabile est, aut si est mutabile,
 quod fieri non potest, semper utiq; mutabile est.* Hinc Saturnia Regna, ac
 ætas aurea Saturni Imperio adscribitur.

V. 78. *Quiq; Sacrificijs*. Quod superius innuerat repetit, nempe Eth-
 nicorum preces, vota; à Iani inuocatione incohari, deinde ad Iouem
 verti, quod sanè Numinum maximum, omniumq; Rectorem nun-
 quam decebat.

V. 79. *Hic habet & matrem*. Acym pastorem deperijt Rhea, seu Cy-
 bele Iouis genitrix. Ille impudicè nolens auscultare Dex est euiratus.
 De hoc Ouid. lib. 4. Fast.

Phryx puer in syluis facie spectabilis altis

Turrigeram casto iunxit amore Deam &c.

Hoc Dex facinus Ethnicis exprobrat Minutius in Octau. *Cybeles Dyndi-
 ma pudet dicere, quæ adulterum suum infelicitè placitum, quoniam &
 ipsa deformis, & vetula, ut multorum Deorum mater, ad stuprum illice-
 re non poterat, exsecuit, ut Deum scilicet faceret Eunuchum.* Augustin.
 lib. 6. cap. 7. de Ciu. Dei: *Sacra sunt Matris Deum, ubi Atys pulcher
 adolescens ab eâ dilectus, & muliebri zelo abscissus etiam hominum abscis-
 sorum, quos Gallos vocant, infelicitate deploratur.*

V. 80. *Nam prior est pastor*. Tantis ambagibus, ac discordijs Gentili-
 um Theologia constat, ut se per illam extricare nemo facile possit. Eu-
 seb. Cæs. lib. 2. cap. 4. de Præp., ubi de Phrygum Theologiâ dixerit, Cy-
 belem ante Deorum connubia Atydís amore correptam ait. Verùm
 quot capita tot sententiæ.

V. 80. *Ant Iouis ipse*. Iouis in recto casu rectè dicitur. Prisciano te-
 stante, apud veteres Iouis solùm dicebatur à *Iuuando*, adiectoque altera
 vocabulo dictus est *Iupiter*, quasi *Iouis pater*, seu ut meliùs arbitratur La-
 ctantius, *Iuuans pater*. Iouis in recto casu esset ut apud Hyginum in-
 Lib. Fabul., Nonnium Marcellum, aliosq; quos consultare potes. Quidam
 seuerissimus censor Gallus N. A. libros quatuor de *Symbolo ad Cathecum*.

Augu-

Sed melius pastor castum servare pudorem
 Qui voluit, spreuitque Deam, cui læva viriles
 Abscidit partes, ne quando tangeret ille
 Alterius thalamum, qui noluit eius adire.
 85 Hoc tamen hoc egit sententia iusta Deorum,
 Ne fieret coniux, qui non est factus adulter?
 Nunc quoque semiuiri mysteria turpia plangunt,
 Nec desunt homines, quos hæc contagia vertant,
 Intus & arcanum quiddam quasi maius adorant,
 90 Idque vocant Sanctum, quod si velit ire pudicus
 Ille prophanus erit. Sic artior ipse Sacerdos

Fami-

Augustino abiudicat, quippe quod illi stylus ab Augustiniano, imò à Grammaticorum dogmatis abhorreere videtur. Inter exempla hoc profert: *Illic fingitur, quod idem Iouis Iunonem habeat sororem, & coniungam, & nomen Iouis in nominandi casu usurpatum fugillat; Verum decipitur, quum huiusce nominis usus apud gravissimos Auctores obivus fiat, ac propterea Augustinum non dedecet. Nos istis contenti ad alia pergitur.*

V. 81. *Sed melius.* Magis ne placeret: sed melior.

V. 87. *Semiuiri.* Hi sunt Galli Matris Deam Sacerdotes, quibus virilia in Atydis eivati memoriam amputabantur. Lactant. lib. 1. cap. 17. *Deum mater, & amavit formosum adolescentem, & eundem cum pellice deprehensum exfectis virilibus semivirum reddidit. Et ideo nunc Sacra eius à Gallis Sacerdotibus celebrantur.* Minutius Cybeles impuritate detecta subdit: *Propter hanc fabulam Galli eam, & semiuiri sui corporis supplicio colunt. Hac iam non sunt Sacra, tormenta sunt.* Vide Iuvenal. Sat. 2. ipsumque Paulinum Nat. XI.

V. 88. *Nec desunt homines.* Totusest Augustinus lib. 6. de Civ. Dei, & alibi in confutandâ hac Ethnicorum vanitate, ac subterfugio. Hi fabulas aniles internis scaterere mysterijs, ibique Philologicas veritates latere passim objiciebant; sed fuisset illi rationibus confundebantur: *Deinde, ait cap. 8. S. Doctor, si ista Sacra, qua scenicis turpitudinibus conuincuntur esse sadiora, hinc excusantur, atq; purgantur, quod habent interpretationes suas, cur non etiam poetica similiter excusantur, atq; purgantur?* &c. Greg. Nazianz. in Or. 1. aduers. Iulian. enumeratis quibusdam Gentilium superstitionibus hæc subdit: *ταῦτα ἐπισκολλοῦσι τοῖς βαρβαροῖς τῆς θεολογίας ἀχροατεῖς, ὡς ἐπιποθεῖν τέτοις ἀλλογορήματα, καὶ παρατεύματα, καὶ τὸν ἀρεκμήτων ἐκπίπτον ὁ λόγος eis βάραθρα χωρῖστα, καὶ κρίματα θεωρεῖς ἢ ἐχθρὸς τὸ εὐαγγέλιον. Hac eximij, & admirandis d ninitatis auditoribus inculcentur, posteaque his allegoria, ac portentosa interpretationes excogitentur, atq; à propositis rebus aberrans oratio in barathra feratur, & præcipitia contemplationis nihil solidum habentis.*

V. 92.

- Femineos vitat coitus, patiturque viriles.
 O mens cæca virum! De Sacris semper eorum
 Scæna mouet risus, nec ab hoc errore recedunt.
 95 Saturnum perhibent Iouis esse patrem, huncque vorasse
 Natos antea suos, & mox è ventre nefandas
 Euomuisse dapes, sed postea coniugis arte
 Pro Ioue suppositum meruisse in viscera saxum;
 Quod nisi fecisset, consumptus Iupiter esset,
 100 Huncque Chronon dicunt, siatque Chronon, quia tempus
 Quæ creat absomit, rursusque absumpta promittit.
 Cur tamen obliquè nomen pro tempore fingunt?
 Hunc etiam, quod sæpè sibi de prole timebat,
 Ab Ioue deiectum cælo latuisse per agros

105 Ita.

V. 92. *Patiturque viriles*. Deesse versum hinc suspicor, sensus enim in ancipiti manet. Certè vox *abscindi* penitus hinc necessaria, ut sit sensus: *patiturque viriles abscindi partes*.

V. 94. *Scanamonet risus*. Iul. Firmicus de error. profan. Relig. cap. 13. hæc luculenter habet: *O facinorosa cupiditatis triste solatium! O hominum defenda persuasio! Scanam de Cælo fecistis & errantes animos per abrupta precipitia crudeli calamitate duxistis*. Et infra: *ad theatrum potius templa transferte, ut inscenis Religionum istarum secreta tradantur, & ut nihil pratermittat impietas, histriones facite Sacerdotes*. Mitto Augustinum Ep. 5. ad Marcellin. & lib. 7. cap. 26. de Civ. Dei, & Tertullian. in Apolog. cap. 15.

V. 95. *Saturnum*. Rem fusè narrat Hesiodus in Theogoniâ, Natal. Corn. in Mythologiâ lib. 2., & reliqui Echnicæ Theologiæ eruditionem scriptis prosequuti.

V. 100. *Huncq; Chronon*. Scribendum fuerat *Cronon*, Græcè enim Saturnus est *Kpōns*. At quia tempus significare dicitur, *χpōns* quoque appellatur. De hoc Macrobius lib. 1. Saturn. cap. 22. Dionys. Halicarn. lib. 1. Antiqu., Cic. de Nat. Deor. lib. 2., alijque agunt. Arnobius tamen hanc denominationem minimè probat lib. 3. aduers. Gent. *Nam si tempus, ait, significatur hoc nomine, Græcorum ut interpretes autumant, ut quod Chronos est, habeatur Cronos, nullum est Saturnium nomen. Quis enim est tam demens, qui tempus esse dicat Deum & c.*

V. 101. *Quæ creat absomit*. Latinum reddidit eleganter Orpheus, seu Onomacritus versum de Saturno, in eius Hymno:

ὅς δαπαῖς μὲν ἀπάρτα, καὶ αἰχμῇς ἱμερᾶς αὐτῆς

Omnia qui profers, consumis & omnia rursus.

Pro voce *promittis* legerem *remittis*.

V. 105.

- 105 Italîæ, Latiumque ideò tunc esse vocatum;
Magnus uterque Deus! Terris est abditus alter;
Alter non potuit terrarum scire latebras.
Hinc Latiare malum prisca statuere Quirites,
Vt mactatus homo nomen satiaret inane.
110 Quæ nox est animi? quæ sunt improvida corda?
Quod colitur nihil est, & Sacra cruenta geruntur.
Quid quod & Inuictum spelæa sub atra recondunt,

Quæque

V. 105. *Latiumque ideo.* Virgil. *Æneid.* lib. 8. de Saturno agens:*Latiumque vocari**Maluit, his quoniam latuisset tutus in oris.*

V. 108. *Latiare malum.* Crudelissimum hoc erat Ethnicismi piaculum. Ioui, quem Latiarem appellabant, humana immolabatur hostia. Tertull. in *Apolog.* cap. 9. rem producit: Ecce in illâ religiosissimâ Urbe *Æneada-*
rum piorum est Iupiter quidam, quem ludis suis humano proluunt sanguine. Locum illustrat egregie la Cerda. Minutius: Hodieq, à Romanis *Latiaris* Iupiter homicidio colitur, & quod Saturni filio dignum est, mali & noxæ hominis sanguine saginatur: & alibi: Cum *Latiaris* cruce perfunditur. Porphyrius lib. 2. πρὶ ἀποχ. ιαβ. Ἀλλ' ἐστὶ καὶ τῷ τις ἀγνοῖ κατὰ τὴν μεγάλῃ πόλει τῇ τῷ Λατιάρι Διὸς ἱερῇ παζόμενον ἀνδρῶν; Quin & nostro ævo quis nescit in magnâ Urbe Iouis *Latiaris* festo immolari hominem? Prudent. lib. 1. in Symmachum:

Funditur humanus Latiari in munere sanguis.

S. Athanas. in Orat. contra Gent. καὶ οἱ πάσαι δι Ρωμαῖοι τὸν καλέμενον Λατιάριον Δία ἀνδρῶν τοδοσίας ἰδρύσαντες. Prisci quoque Latini Iouem *Latiarem* victimis humanis sunt venerati. Tatianus contra Grecos: ἐν τῇ δὲ μὲν Ρωμαίῳ τὸν Λατιάριον Δία λυδραῖς ἀνδράων, καὶ τοῖς ἀπὸ τῶν ἀνδρῶν τῶν αἵμασι τερτίμενον. Item apud Romanos *Latiarem* Iouem humano cruce, & sanguine per homicidia fuso placari. Dionys. Halic. lib. 4. Antiq. Rom. Sacra hæc Ioui *Latiari* facta commemorat, neque tamen victimæ huius meminit. Hinc disce meliùs Iouem *Latiarem*, quam *Latialem* dici, quod quidam negant.

V. 112. *Et Inuictum.* Quum hosce duos versus Clariss. viro, doctissimoque Equiti Prospero Mandosio communicassem, vt arcanam eruditionem mihi referaret, rescripsit ille sibi, ac Illustriss. Ciampino admodum sententiam probari Abb. Philippo Bonarotæ viri eruditissimi, cuius inscientiâ numismatum antiquorum peritiam breui mirabimur; Hic enim agi de Sacrificijs Mithræ assetebat, quæ maximam apud Ethnicos famam sibi conciliarunt. Ego igitur, quum per viros tantos profecerim, rem paucis attingam, & præclaram explicabo eruditionem. A Persis omnium maximè Solis cultus usurpabatur. Hunc *Mithram* vocabant, additumq; illi *Inuicti* cognomen. Plura apud Gruterum pag. 33., & sequ., & apud Reine-

Reinesius in marmora occurrunt *Deo Inuictō, Deo Inuictō Mithræ, SOLI MITHRÆ, SOLI INVICTO, & SOLI INVICTO MITHRÆ* posita. Iul. Firmicus de Err. Prof. Relig. cap. 5. Ionem in duas diuidi potestates, quarum vnā (hoc est virilem) Mithram dici asserit. Herodotus lib. 1. de Persis loquens: *θύνοι δὲ ὑπὸν Ἀφροδίτην, ὃν καλῶσι Μίθραν. Sacrificantes verò καλεῖται Veneri, quam vocant Mithram.* Nicetas ad Scythent. Nazianz. *τὸν Μίθραν οἱ μὲν τὸν ἄλιον, οἱ δὲ τὸν νόμον τῆς πυρρῆς, ἄλλοι ἰδιωτῶς τινα δυνάμει ὑπολαμβάνουσι. Mithram alij Solem, alij reuem ignis, nonnulli peculiarem quandam potestatem esse voluunt.* Itaque quum non Solem tantum, sed quid aliud per Mithram significari videam, faciliè Gruterianam Inscriptionem pag. 22. num. 12. explicabo. Ita se habet illa: D. I. M. ET. SOLI. SOCIO. SAC. hoc est *Deo Inuictō Mithræ, & Soli Socio sacrum.* Pro Mithrā hic aliud Numen intelligendum est à Sole diuersum, non ipsemet Sol tamquam alienigena, ut patrum rectè opinatur Reinesius ad Inscript. 48. Cl. 1. Legitur quoque in prisicis Inscriptionibus NANNÆ. SEBECIO. DEO. MITHRÆ. quæ verba omnia ad Solem Mithram referenda censet I. Cæf. Bulengerus c. 4. lib. 1. de lic. & vet. Magiā. Ego tamen tribus Dijs dicatum marmor puto, ut NANNA sit *Diana Naunnae* nomen, de quā Liber 1. cap. 6. & 2. cap. 1. Machab., Hieronymus, & Iosephus meminere; SEBECIVS pro *Ioue Sabazio* intelligatur, de quo Orpheus, seu Onomacr. in Hymno

Κλυδί πάτερ, Κρίνυ υἱέ, Σαβάζει κύδιμι δαίμον.

Audi pater, Saturni fili, Sabazie inclyte Deorum.

Neque enim scio, quā auctoritate Bacchum etiam *Sabazium* dixerit Heinsius in Arist. Sacr. Sed hæc fatis superque.

V. 112. *Spelæa.* Græcum est verbum σπηλαίων quod Latine spelunca dicitur; sed Græcum nomen & aures Ausoniarum tolerauere. Virgil. Eclog. 10.

Certum est in syluis inter spelæa ferarum &c.

Claudianus de bello Get.

————— metuenda ferarum
Spelæa —————

Mithræ Sacrificia secretissimis in antris peracta. Religioso silentio apud eius cultores illic accepta mysteria seruabantur. Quin & ijs sacris initiari volentes multis cruciatibus probationem subibant. Hinc Suidas in verb. *Mithra* ait: *ὅς ἂν ᾖ τις αὐτὸν δυνάσται τις τελευτῆσαι, εἰμὴ διὰ τινος βαδμῶν παρελθὼν τῶν καλασίων διῆμι ταύτην ὁδόν, καὶ ἀπαδῶ.* Nullus autem potest initiari, nisi per quosdam suppliciorum gradus sanctum, & persurbationum immunem ostenderit. Hoc idem confirmant Nazianz. Orat. 3., Lamprid. in Commodō, ac Tertull. cap. 15. de Cor. Mil. Sunt huius verba: *Erubescite Romani commilitones eius non iam ab ipso iudicandi, sed ab aliquo Mithræ milite, qui cum initiatur in Spelæo &c.* S. Iustin. Martyr in Dialog. cum Triphone Mithræ Sacra peragi bis ait *ἐν τέττ' ἐπικαλυμμένῃ παρ' αὐτοῖς σπηλαίῳ, in loco, qui*

R

apud

- Quæque tegunt tenebris, audent hunc dicere Solem?
 Quis colat occultè lucem, fidusque supernum,
 115 Celet in Infernis nisi rerum causa malarum?
 Quid quod & Isiacum sistrumque, caputque caninum
 Non magis abscondunt, sed per loca publica ponunt?
 Nescio quid certè quærunt, gaudentque repertum,
 Rur-

apud illos *spelæum*, seu *specus* vocatur. Vide Hieron. in Ep. ad Læ-
 tam., Reines. Cl. 1. n. 48. Inscript., Bulenger. lib. 1. cap. 4. de lic. &
 vet. Mag., Selden. de Dijs Syris Synt. 1. cap. 6., Salmas. ad Hist. Aug.
 fol. 349. 382. &c.

V. 113. *Quæque tegunt*. Scribendum potiùs videtur *quemque tegunt*
tenebris. Nihilò seciùs placet sensus.

V. 115. *Celet*, *Celo* pro *lateo* inusitatum verbum. Tegendi tantùm,
 atque occultandi significatione vsurpatum inuenio. Me tamen monuit
 eruditissimus vir Michael Maddius clarissimi viri Car. M. Maddij di-
 gnissimum germen apud Plautum in Bacch. Act. 3. scæ. 2. legi:

Pt ut eris, moneo, non celabis.

Et à Scholiaste Lambino ita explicari: *non falles, non latebis*. Certè si
 pronomen *te* hic subintelligendum contendis, & ego in Paulini versu
 pronomen *se* subintelligam. Si cui placeret emendare, legerem:

Celet in Infernis ni se horum causa malorum.

Sanè in Cod. MS. non *malarum*, sed *malorum* est scriptum.

V. 116. *Isiacum*. In sacris Isidis sistra quatiabantur, & Anubidis caput
 caninum exponebatur. Lucan. lib. 8. rem complectitur vtramq;

Semideoq; canes, & sistra iubentia luctum.

Ausonius ad Paulinum nostrum scribens Epist. 25.

Isiacos agitant Mareotica sistra tumultus.

Anubis porro Cynocephalus etiam dicebatur, nomine eius formam ex-
 primentem. Athanas. orat. contr. Græc. i. παρ' Αἰγυπτίους Κυνόκεφαλος
 Ἄνυβις. Apud Aegyptios caninâ facie Anubis. Ouid. Metam. lib. 9.

Cum qua latrator Anubis

Sistraq; erant, numquamq; satis quasitus Osiris.

De sistris consule Laurent. Pignor. in Mensâ Isiac., & egregiam disserta-
 tionem Benedicti Bacchini eruditissimi, & Clariss. viri.

V. 118. *Nescio quid*. Locum Minutij expressit Paulinus. Inquit ille:
Mox inuento paruulo gaudet Isis, exultant Sacerdotes, Cynocephalus in-
uenitor gloriatur, nec desinunt annis omnibus vel perdere quod inueniunt,
vel inuenire quod perdant. Jul. Firm. cap. 2. *Nihil hic inuenis, nisi quod*
iterum aut quæras, aut luceas. Ipse Paulinus Nat. XI.

Nam quid, rogo, cæcius illis;

Qui non amissum quærunt, nusquamq; manentem
luenunt?

- Rursus & amittunt, quod rursus quærere possint.
 120 Quis ferat hoc sapiens, illos quasi claudere Solem,
 Hos proferre palam propriorum monstra Deorum?
 Quid Serapis meruit, qui sic laceratur ab ipsis
 Per varios turpesque locos? Hic denique semper
 Fit fera, sitque canis, sit turpe cadauer aelli,
 125 Nunc homo, nunc panis, nunc corpore languidus ægro:
 Talia dum faciunt, nihil hunc sentire fatentur.
 Quid loquar & Vestam, quam se negat ipse Sacerdos
 Scire quid est? Imisque tamen penetralibus intus
 Semper inextinctus seruari fingitur ignis.
 130 Cur Dea, non Deus est? Cur ignis sæmina fertur?
 Ista quidem mulier, sicut commendat Hyginus,

Sta-

V. 122. *Quid Serapis meruit.* Hic aquam hæere mihi lubenter fateor. Alicuius Feli diei meminit Paulinus, quo Serapis multas induere figuras cobeatur; At huius vestigia nusquam reperio. Certè Macrobius, & Plutarchus in hb. de Isid. & Osir. nulla alia efficiunt formâ Serapidem faciunt quam humanâ. *παραχρῆ ἀνθρωπομορφὸν Ὁσίριδος ἄγαλμα, ubiq; simulacrum Osiridis humanâ specie ostenditur.* Ab eruditioribus itaq; expectanda solutio.

V. 127. *Quid loquar & Vestam.* Vestam esse ipsam terram sunt quidam arbitrati, alij domorum omnium seruatricem, alij etiam per illam purum ætheris ignem significari opinabantur. Hinc Orpheus illam non siculas habitare regiones, sed in æthere morantem aiebat:

Ἐστὶ ἐνδωμάτιο Κρίνῃ θύγατερ βασιλῆα,
 Ἢ μίσθον οἶκον ἔχεις πυρὸς ἀεδαίου μεγίστη.

Vesta potentis Saturni filia Regina,

Quæ mediam regionem ætheris magni, ignisq; habitas.

Alij alia, ut mirum non sit, si Sacerdotibus eius ignotum quoq; quid illa sit, nosser affirmet.

V. 130. *Cur ignis sæmina.* Vidisti supra ex Orpheo Vestam pro igne sumi, addo nunc Ouid. lib. 6. Fast.

Necti aliud Vestam, quam viam intellige flammam;
 Et tamen is ante dixerat:

Vesta eadem est & Terra —

Augustin. hb. 4. cap. 10. de Ciu. Dei ita fatur: *Eandem terram Cererem, eandem etiam Vestam volunt, cum tamen sapius Vestam non nisi ignem esse peribideant, quod idem repetit lib. 7. cap. 16. Vide Cic. de Nat. Deor., & in 2. de Leg., Diodorum, aliosq;.* Miratur igitur, ridetq; Paulinus, cur ignis sæmina dicatur.

V. 131. *Hyginus.* Augusti libertus fuit Iul. Hyginus, ac Ouidij familia-

- Stamine prima nouo vestem contexuit olim;
 Nomine de proprio dictam, quam tradidit ipsa
 Vulcano, qui tunc illi monstrarat opertos
 135 Custodire focos. Hic rursus munere lætus
 Obtulit hanc Soli, per quem deprehenderat ante
 Martis adulterium. Nunc omnis credula turba
 Suspendunt Soli per Vulcanalia vestes;
 Vtque notent Venerem, tunc & portatur Adonis;
 140 Ster-

ris. Librum *fabularum* scripsit, qui etiamnum extat. Verum ibi citatum a Paulino locum nancisci non potui. Scripsit ille præterea libros *Genealogiarum*, & librum de *Penatibus*, quem laudat Macrobi. lib. 3. cap. 14. Saturnal., librum de *proprietasibus Deorum*, Macrobio itidem teste lib. 3. cap. 8., & *Confusaneas quaestiones* Fabio, Gellio, ac Diomedii memoratas, quæ nobis omnia temporum voracitas inuidet. Ex hisce libris propoli-tam eruditionem procul dubio Paulinus noster hauserat.

V. 138. *Suspendunt Soli*. Vulcanalia festa erant in Vulcani honorem. De his mentio extat in vetustissimis Calendarijs apud Gruter. pag. 133. 134. & 135., & in alio non dissimili apud Dempster. Rom. Antiqu. in Paralip. ad cap. 4. lib. 4. Peragebantur autem 10. Kal. Septemb. His Columella concordat de Re Rust. lib. 11. cap. 3. *Ceterum*, ait, *Augusto circa Vulcanalia tertia satio est*. Meminit etiam Varro de lingua Lat. In usu autem antiquis fuit Idolorum cultoribus vestes falsis suspendere Dijs. Aristoph. in Aulis.

τίς δὲ θεός
 Πολύχοι ἔσται, τῷ ἑαυτοῦ τὸν πύλον;

Quis autem Deus urbi præsidebit, cui diuidemus vestes? hoc est: cui Deo vestes suspendemus? Apuleius lib. 6. Al. Aur. *Vides dona speciosa, & lacinias auro literatas, ramis arborum, postibusq; suffixas*. Alex. ab Alex. lib. 3. cap. 18. *In alijs mysterijs traditur mos, ut vestem, in qua quispiam initiatur, templis, & Numinibus dicaret*. Hæc, & alia congerit Pinto Ramirez in Spicileg. Sacr. tract. 1. cap. 2. & 22. f. 15. Verum vestes Soli singulariter dedicatas apud neminem inuenire potueram, quum eruditissimus Abbas Blanchinus, cuius curæ Em. Othoboni Bibliotheca demandata est, per Clariss. Ciampinum quendam hac de re apud Herodotum exare locum me monuit. Est autem lib. 2., ubi agit de Neco Rege: *ἐν τῇ δὲ ἰδῆτι ἵτυχι ταῦτα κατεργασάμενος ἀνέδρακε τῷ Ἀπόλλωνι πύμ-
 λας ἐς Βραγχίδας τὰς Μιλησίους. In vestitu autem curiosus quum fuisset, illum Apollini dicatum ad Branchidas Milesiorum misit*.

V. 139. *Portatur Adonis*. Erant quidem Adonia apud Gentiles, hoc est Festa Adonidi sacra, de quibus meminit Aristophanes in Pace, & Quid, Metam. lib. 10. eo versu per Venerem prolato:

Αἴνια

140 Stercora tunc mittunt, ipsum pro stercore iactant.
 Omnia si quæras, magis & ridenda videntur.
 Additur hic aliud: Vestæ quas Virgines aiunt
 Quinquennes epulas audis portare Dracoï,

Qui

Annua plangoris peraget simulamina nostri.

Præsertim verò Alexandriæ, vt asserit Nat. Comes lib. 5. cap. 16. Mythol., Adonidis solemnia feruebant, cuius imago magnâ cum pompâ ferebatur. Sed hic aliud innui tempus patet, quo & Adonidis simulacrum portaretur, nempe in ipsis Vulcanalibus, ait enim: *Tunc & portatur Adonis.* Celebris est Veneris, & huius pueri fabula.

V. 140. *Stercora tunc mittunt.* Fimo Dij Gentium dehonestari solebant. Doctissimus Abbas Blanchinus Othobonianæ Bibliothecæ Præfectus per Cl. virum Io: Ciampinum Orphei, seu Onomacriti versum de ritu simili vt animaduertentem monuit. Habetur ille apud Nazianz. in Steliceut. 1. aduers. Iulian.

Σὺ κύνισσι, μέγιστι θεῶν, εἰλύμασι κόπρω.

Jupiter gloriosissime, Deum maxime, delibute stercore.

Seldenus de Dijs Syris Synt. 2. cap. 5. hunc eundem recitat versum, sed ad Iouem *Stercoreum* non magis attinere censet illud *εἰλύμασι κόπρω*, quam Virgilij de Ioue verba:

————— *Totamque infusa per artus*

Mens agitat molem, & magno se corpore miscet.

Quasi utrobique Iupiter arcanis naturæ inuolutus dicatur. Verùm nil rei Latina carmina cum Græcis habent, & *κόπρος* ille, quo delibutus dicitur Iupiter, huiusmodi ab explicatione abhorret. Dij Stercorei fuere præterea, ac, vt ibidem notat idem Seldenus, *Beelzebul* sonat *Dominus Stercoreus*, & Rabbi Abraham Benkattun versum 33. cap. 23. Exodi ita explicat: *Non fines apud te habitare, qui colunt Deos peregrinos, vel stercoreos.* Sed cur Adonis stercora patiebatur? Causam inuenisse mihi videor. Nonnulli Adonidem semen tritici esse statuerunt, inter quos Theocriti Scholiastes ita loquutus est: *ὁ Ἀδωνίς, ὃν οὐκ εἶδος, ὁ ἀντιστοιχῶν ἐξ ἡμῶν ἐν τῇ γῇ ποτὶ ὑπὲρ τῆς ἀροῦσας &c.* Adonis, videlicet frumentum satum sex menses humi sub satione degit. Tam benè igitur Adonidi stercora aptantur, quam tritico. Quia verò inter Vulcanum, Venerisque amafios inimicitie intercedebant, hinc Adonis malè habitus, quum Vulcani Sacra peragebantur. Hægo propiores causas arbitror, cur adeo turpia ille in Vulcanalibus subire cogeretur.

V. 143. *Quinquennes epulas.* Quum mihi horum carminum germana explicatio lateret, monuit me Iohannes Ciampinus V. C., & maximum Urbis decus, solutionem à Lipfio petendam cap. 10. de Vesta, & Vestal Hunc quidem Auctorem ante consulueram, sed incurioso effugerat hæc eruditio. Inquit autem is: *In ambage, vel nube est, quod in Sylve-*
stri

- Qui tamen aut non est, aut si est, Diabolus ipse est
 145 Humani generis contrarius antea suavor.
 Et venerantur eum, qui nunc in nomine Christi
 Et tremis, & pendet, suaque omnia facta fatetur.
 Quæ mens est hominum, ut pro veris falsa loquantur;
 Qui linquenda colunt, contraque colenda relinquunt?
 150 Iam sat erit nobis vanos narrare timores.
 Hæc ego cuncta prius, clarum cum lumen adeptus,
 Mæque diu incertum, & tot tempestatibus actum
 Sancta saluari suscepit Ecclesia portu,
 Postque vagos fluctus tranquillâ sede locavit,
 155 Ut mihi iam liceat, detersâ nube malorum,
 Tempore promisso lucem sperare serenam.
 Iam prior illa salus, quam perdidit immemor Adam,
 Tunc verò suadente malo, nunc remige Christo,
 Eruta de scopulis semper mansura resurget.
 160 Rector enim noster sic vndique cuncta gubernat;

Vt

stri Actis quibusdam legitur: Draconis eum ora clausisse, & perpetuo ergastulo mancipasse, cui Kalendis singulis à Virginibus Vestæ suppeditari solita sunt alimenta. Nam quis veterum tale aliquid? eoque sperni, aut abijci à magnis viris ut falsa video. Me cunctante an non Tertullianus huc adspexerit ad Vxor. cap. 6. hisce verbis: Roma quidem qua ignis illius inextinguibilis imaginem tractant, auspicia panæ suæ cum ipso Dracone curantes de Virginitate consentur. Hæc Lipsius. Tu verò sodes intueri quantum ponderis hisce onanibus à Paulino accedat. Quomodo verò quinquennes epulas vocet, fateor me nondum percepisse. Habetur quidem in Codice nostro scriptum quinquennis, at neque metrum, neque sensus hanc lectionem patiuntur, scriptumque pro quinquenneis.

V. 149. *Qui linquenda.* Similis locus Minutiano: *Nonne ridiculum est, vel lugere quod colas, vel colere quod lugeas?*

V. 151. *Ego cuncta prius.* Hic versum vnum, pluresue deesse nemo diffebitur; quippe verba priora in incerto manent, similemque sensum ut compleantur requirunt: *Hæc ego cuncta prius dubiâ mente volebam, & probare nesciebam, clarum cum lumen adeptus sum &c.*

V. 153. *Ecclesia.* Ita effert alibi Paulinus hoc nomen metri gratiâ. In Epithal. *Grande Sacramentum, quo nubit Ecclesia Christo.*

Hic vos nesciat amor, quo stringit Ecclesia Christum.

In Nat. IV. quoque & alibi. Ita etiam usurpauit Anonymus lib. 2. contra Marcionem ijs carminibus, quæ Tertulliano adscribuntur:

Sic & Apostolico desurrit Ecclesia verbo.

V. 161.

- Vt modò qui nobis errorem mentis ademit,
 Hic meliorem viâ Paradisi limina pandat
 Felix. Nostra Fides vni, certoque dicata,
 Vnus enim Deus est, substantia Filius vna,
 165 Vnus in utroque est vnus vigor, vna potestas.
 Namque Dei Verbum patrio de pectore Christus
 Emicuit, semperque fuit, qui non quasi natus,
 Ore sed egressus, Chaos illud inane remouit,
 Et tulit informem contextæ noctis hiatum,
 170 Distribuitque locis mare, terras, aera, cælum,
 Hisque dedit geminam pulsâ caligine lucem.
 Ast vbi cuncta nouum stupuerunt surgere Solem,
 Quatuor hæc hausit varijs exordia rebus.
 Sunt homines terris, sunt addita sidera cælo,
 175 Aere pendet auis, liquido natat æquore piscis.
 Sic elementa suis decorauit singula formis,
 Nexuit hæc diuersa licet, discretaque iunxit,
 Iunctaque discreuit, quæ nunc diuisa cohærent.
 Claudit enim Oceanus terram, mare clauditur, ipse
 180 Axe sub æthereo medius concluditur aer.
 Hoc etiam cælum, quod nos sublime videmus,
 Sex alijs infrâ est spatium surgentibus æquo,
 Postque thronos septem, possit tot cælestia regna

Cetera

V. 161. *Vt modò.* Tempus designat, quo hæc scriptis mandabat, nempe Annum 395., se enim Nolam nuper contulerat Paulinus, ut ibi religioso pioque viuendi instituto daret operam. Vide quæ disserui in Præf. ad hoc Poema.

V. 176. *Sic elementa.* Vix erit quisquam, cui noua non videatur Paulini sententia. En apertè mare, terras, aera, cælum elementorum nomine distinguit, neque hilum de igne cogitat. Res pulchra, & disquisitione digna. Consulat itaque Lector Dissertationem XX., quam idcirco posui, ut singularem eruditionis huius partem elucidatam facerem.

V. 180. *Medius concluditur aer.* Ablit, ut imaginariam illam ignis sphaeram, quam Aristoteles, eiusque sectatores lepidè excogitarunt, ac etiamnum probant, Paulinus noster admiserit. Hinc aerem non à commentitijs illis flammis, sed ab æthere, cæloue conclusum affirmat.

V. 183. *Postque thronos septem.* Non septem tantùm, sed nouem, sub Empyreo constitutos fuisse cælos omnino fatendum. Septem ex ijs errantia sidera tenent, ut habet versiculus:

Cm.

- Cetera pars omnis , quæ cunctis eminet vltra ;
 185 Quæ super excedit , quæ passim tendit in altum ;
 Quæ sine fine patet , quam nec mens colligit vlla ,
 Lucis inaccessæ domus est , sedesque potentis
 Sancta Dei , vnde procul quæ fecit subdita cernit .
 Omnia sic constant , dum spiritus omnia cingit .
 190 Hæc eadem , quorum nobis conceditur vñs ,
 Quæ polus inferior magnâ complectitur Vrbe ,

Cuncta

Cynthia, Mercurius, Venus, & Sol, Mars, Ioue, Satur.

Octauum à fixis sideribus occupatur ; nouum verò primum Mobile est , cui , succedit Empyreum . Nihilominus septem cælos ante Empyreum extare disertè Paulinus sentit . Quâ ratione quæris ? Poeticâ faculate , respondeo ; siquidem apud Poetas in octauo cælo , videlicet in siderco cælo , Dei summi domicilium statuitur . Virgil. lib. 10. *Æneid.*

*Conciliumque vocat Diuûm pater , atque hominum Rex
 Sideream in sedem* —————

Sidon. Apollin. in Panegy. Auiti de Deorum Concilio

Ipsa pauimentum sunt sidera , iam Pater aureo

Tranquillus sese solio locat. —————

Enripides in Ione *Ἄλως πολὺν ἄσπερ ἰδὼς* Iouis pauimentum multisidereum appellat , cui adde Chrysost. Orat. 2. de Dei nat. , aliosque . Fuit hæc quoque veterum Christianorum sententia . De Calorum diuersitate Philastrius Brixienfis Episcopus imaginariam hæresim recenset cap. 46. , aitque , *Sine ergo sex Cælos secundum Dauid , & septimum hoc firmamentum accipere quis voluerit , non errat , nam Salomontres cælos dicit , ita calum , & calum cali . Paulus aequè Apostolus vsque ad tertium calum se raptum fatetur . Sine ergo septem quis acceperit , vt Dauid , siue tres , siue duos , non errat ,*

V. 188. *Vnde procul.* Virgilium imitatur ita lib. 10. *Æneid.* canentem :

Conciliumque vocat Diuûm Pater , atque hominum Rex

Sideream in sedem , terras vnde arduus omnes

Castrique Dardanidum spectat. —————

Liceat quoque Italicorum vatum Principem hîc audire lib. 1. Hier. Liber.

Quando dall' alto soglio il Padre eterno ,

Ch' è nella parte più del Ciel sincera ,

Gli occhj in giù volse , e in vn sol punto , e in una

Vista mirò ciò ch' in se 'l mondo aduna .

V. 191. *Complectitur Vrbe.* Romani Imperij fines eisdem ac orbis terrarum Poetæ statuerunt . Rutil. in Itiner. eleganter :

Dumque offers viciis proprii consortia iuris

Vrbem fecisti , qui prius orbis eras .

Scho-

- Cuncta licet dissent, vnâ cum pace tenentur,
Denique nomen habent vnum, sunt omnia mundus;
Hunc etiam Græci cosmon dixere priores;
195 Hinc ita compositum distinguens vtraque lingua
Cosmon ab ornatu, mundum de lumine dixit.
Nam quod Sol nitet, hoc totum fordebat in vmbra,
Et manet exemplum, quotiens nox omnia sædat,
Et docet ex tenebris, quæ sit data gratia lucis.
200 Tot bona qui fecit, qui sic operatus vbique est,
Hic Deus est de corde Dei, hic Spiritus oris,
Sancti sermo Patris, tantarum fabrica rerum.

Nec

Scholias. in Dionys. de sign. orb. *ὑπὲρ δὲ πᾶσι τοῖς αὐτῆς ὅροις, καὶ χωραῖς ἐστὶ τὸ το, ἢ δὲ ἡ πᾶσι τῆς ἀπάσης οἰκουμένης, ὡς πᾶσι αὐτῆς χωραῖς αὖν κοινὸν ἀποδιδυμένη.* Quod autem est suis finibus, & regionibus urbs aliqua, hoc Roma est totius orbis provinciis, quasi commune totius habitabilis terræ oppidum. Hinc Roma Claudiano dicitur quæ fundit in omnes Imperium; sic Plin. cap. 5. lib. 35. Romam esse vnâ cunctarum gentium in toto orbe patriam dixit. Plura pete à Balengero de Imp. Rom. lib. 2. cap. 5.

V. 195. Hinc ita. Arrideret: Hunc ita.

V. 196. Cosmon ab ornatu. *Κόσμος* Græcis est ornamentum. Ab hac significatione mundi, qui Græcis *Κόσμος* dicitur, nomen deriuatum censet Paulinus, quia reuera est mundus venusta ornamentorum series. Alij *κόσμος*, qui est ordo, seu *modus*, nominis huius ethymologiam deducunt, quum mundus rerum simul nexarum, atque ordinatarum verè sit status. Tertullianus aduers. Marcion. lib. 1. poetæ nostro subscribit: *Ut ergò, ait, aliquid de isto huius mundi indigno loquar, cui & apud Græcos ornamentum, & cultus, non sordium nomen est.*

V. 196. Mundum de lumine. Honor. Augustod. lib. de Imag. Mundi cap. 1. Isidor. lib. 3. Orig. cap. 28, & 13. cap. 1. Mundum quali mouendum, quia in perpetuo sit motu, dictum putant. Sed rectius Varro, Cic., Plin., Paulus I. C., & alij, à munditie appellatum volunt. Huic Ethymologia Paulinus accedit, dum à lumine mundum dici ait.

V. 201. Hic Deus est. Hoc est Diuinum Verbum, Deiq; filius, per quem vltima cecinit, omnia facta sunt, & sine ipso factum est nihil, quod factum est. In MS. dicitur: Hic Deus de corde. Apposui verbum est. Adhuc tamen claudicat versus. possem alterum est adijcere: Hic est Spiritus oris.

V. 202. Fabrica rerum. Fabrica pro officina propriè vsurpari docuit Sponianus. Ita fortè capiendum hic nomen istud. Mea tamen sententiâ aut error in Codicem irrepsit, aut carmen aliquod abest.

S

V. 203.

- Nec se Paganus laudet, si vitat Idola,
 Ac satis esse putat, quod Numine credat in vno?
 205 Quid colet ille Deum, qui Verbum non colit eius?
 Qui non virtutem simili veneratur honore?
 Quique inuisibilem, incomprehensibilemque fatetur
 Esse Deum, hic etiam Christum si cogitet idem
 Inueniet, quoniam Verbum comprehendere nemo,
 210 Nemo videre potest, opera eius sola videntur.
 In Patre Natus enim, in Nato Pater omnia fecit,
 Et quidquid virtute dedit, pietate tuetur.
 Sic fuit, & steterit versus Saluator in ævum,
 Qui tulit errores, qui fecit vera videri,
 215 Placatoque Patri percuntem reddidit orbem.
 Nec mirum, si cuncta regit, qui cuncta creauit,
 Qui dedit ex nihilo totum, lucemque tenebris
 Prætulit, atque diem iussit succedere nocti,
 Quodque in carne fuit, carnis peccata remittit;
 220 Cernit enim fragilem faciles incurrere lapsus,
 Corripiensque tamen veniam dabit omnibus vnam,
 (Remque nouam dicam, nec me dixisse pigebit)
 Plusque pius quam iustus erit. Si denique iustus
 Esse velit, nullus fugiet sine crimine pœnam;
 225 Iustus enim mala condemnat, pius omnia donat.
 Hoc facit, vt rata sint venturæ munera vitæ,
 Et quod culpa tulit, rursùm indulgentia reddat,
 Quæ si non fuerint plebi concessa roganti,
 Tunc propè nullus erit delicto liber ab omni.
 230 Qui possit meritis promissâ luce potiri?

Tan-

V. 203. *Nec se Paganus*. De hoc nomine plura pete à magno Anna-
 lum parente Baronio in Martyrol. ad diem 31. Ianuar., Gothofred. ad
 lib. 6. C. Th. tit. 30. de Paganis &c., alijsq; Scripioribus. Seculo Christi
 quarto nomen hoc Gentilibus aptari cepit, quum iidem ab vrbibus pulsi
 in Pagis, agrisq; profanam adhuc Religionem exercerent.

V. 203. *Si vitat*. In MS. legebatur: *Si qui Idola vitat*. Emendaui.

V. 204. *Numine*. Ita scribere placuit: pro nomine, quemadmodum
 habet MS.

V. 213. *Versus Saluator*. Illud *versus* mihi parum arridet. Fortasse
versus scribendum est.

V. 249.

- Tangere tunc latis Cælorum Regna licebit,
Tunc poterit mors ipsa mori, cum tempore toto
Vita perennis erit, quia tunc in Sede beatâ
Nullus peccandi locus est, vbi nulla cupido est :
235 Gloria tanta manet populo seruata Fideli.
Amplius hoc tribuit, maius dedit hoc quoque munus ;
Quod peccatorem, quem pœnitet, antea lapsum
Non facit in numero turbæ peccantis haberi ;
Quippe satis pœna est, cum sit sua culpa dolori ;
240 Supplicium proprium timor est, tormenta reatus
Tum veluti patitur qui se meruisse fatetur.
Quid poterit melius, vel quid moderatius esse ?
Iudicat, inquit, castigat, parcit, honorat,
Omnia qui vincit, nec ab ipsâ vincitur irâ.
245 Quod de præsentî iam cernimus esse futurum ;
Nam cum sæpè minax horrentia nubila cogit,
Et terrore pio rutilo nimis igne coruscat,
Tristibus & pluuijs, & nubibus intonat atris,
Omne genus timet interitum, sed vita potestas
250 Desinet, & pariter Cælum mentesque serenat.
Hoc quoque tunc sperare iubet, qui se modò cuncta
Perdere posse probat, si perdere velle recusat.
Sic iteranda salus venturo ostenditur æuo,
Æternique Dei pietas æterna manebit.

V. 249. *Vita potestas.* Errorem alijs tollendum relinquo.



Post egregia hæc S. Paulini Poemata Hymnum quemdam subnectere placuisset, quem ab eodem Santissimo vate in S. Ambrosij laudem compositum gemini Bibliothecæ Ambrosianæ MSS., vetustique Codices affirmant. Eius initium est:

Miraculum laudabile

Canite omnes populi,

Quod datum est Ecclesiæ

Fluctuanti in seculo.

Ille verò idem est Hymnus, quo etiamnum Ambrosiana Ecclesia vititur, quique in eiusdem Breuiarijs legitur recenti studio expolitus, ac restauratus. Quum tamen plurima eidem Hymno verborum barbaries insit, nullaque metri sit habita ratio, apertissime patet, non a Paulini modò nostri stylo abhorreere, verùm etiam humilem planè sætum sequioris æui fuisse. Constat quidem, Gennadio teste, *Hymnarium* à Paulino elucubratum, sed ab edacissimâ ætate tantum opus interceptum fuit, eiusque particulam Opusculum hoc non esse quisque eruditus nullo negotio dignoscet. Itaque Dissertationes subdo, quas, ut maior Paulini carminibus lux affulgeret, pro viribus elaborare studui. Ex eis autem quædam erunt viris doctissimis inscriptæ, quas nullo inter eos præstantiorum delectu habito, sed secundum propositum Poematum ordinem distribuendas censui. Utinam huiusmodi labor æquo gratoque animo ab humanissimis Lectoribus excipiat, tum enim & de suscepto consilio mihi gaudebo, animusque ad maiora in posterum suscipienda appelletur.



AD



AD SANCTI PAULINI POEMATATA DISSERTATIONES.

De Turcio Aproniano.

DISS. I.



ENS Apronia, à quâ procul dubio Aproniana familia, celebris est apud veteres Latinos, eiusq; meminere, Glandorpheus in Onomast., Patinus, & Vrlinus in familijs Romanorum, exhibitis etiam de illâ numismatis. Apronianam verò singularitèr exquisitissimâ, ac nervosâ eruditione post Glandorpium prosequutus est Em. Norisius in Cœnotaph. Pis. Diss. 4. cap. 2. §. 1. *Gens itaque Turcia Aproniana Aferia Roma nobilissima fuit*, vti ibidem laudatus Cardinalis ait. Floruit sub Iuliano Augusto L. Turcius Secundus Apronianus Præf. Vrbi, de quo apud Gruterum pag. 476. n. 7. Inscriptio habetur, itemq; alia pag. 647. n. 6. Ad eundem referenda est alia Inscriptio Gruteriana pag. 165. n. 2. Fani sita, quæ tamen hæcenus cum errore proposita est, quasi DIVO AUGUSTO fuerit dicata. Veram lectionem exhibent Schedæ Ambrosianæ Bibliothecæ, æq; omnium vetustissimæ, è quibus multa mihi hausta in ornamentum collectionis ineditarum Inscriptionum, quam iusto volumine comprehensam, fauentibus Superis, orbi communicare iam meditor. Sic autem se habet marmor, eiusque adnotatio:

*Fani in arcu semidivito convulso
tormentis bellicis bello Pij II. contra
Fanenjes. MCCCCLXII.*

DIVO AVGVSTO PIO CONSTANTINO PATRI DOMINORVM.
Subsequitur in medio marmore, ac infra quicquid apud Gruterum invenitur. Positum Augusto prius fuerat marmor, tum, vti frequenter contingit, eidem marmori copulata alia Inscriptio, quam Turcius Secundus Alerius Constantino Magno dicatam voluit. Alij fuisse Turcij Aproniani, aut Alerij, quos in laudato numquam satis opere Norisiano videre

videre licet . Ibi ex antiquissimo Mediceæ Bibliothecæ Virgiliano Codice exhibetur Inscriptio Turcij Rufij Apronianij . V. C. , qui Consul Anno Christi 494. processit, propriâ eiusdem Turcij maou elaborata . Redeamus nunc ad Turcium nostrum . Hunc ita Paulinus commendat :

*Apronianum Turciæ gentis decus
Ætate puerum , sensibus carnis senem ,
Veteri togarum nobilem prosapiâ ,
Sed clariorem Christiano nomine ,
Qui mixtâ veteris , & noui ortus gloriâ ,
Petus est Senator Curia , Christo nouus .*

Igitur Senatorum albo inscriptus erat Turcius iste , & nuper Christianam Religionem fuerat professus . Hanc suam ad Christum conuersionem debuit Apronianus Melaniæ senioris pietati , quæ illum à Gentibus in Christi vlnas adduxit . Auctorem huius rei Palladium habeo in Hist. Lausiaca cap. 118. vbi de seniore Melaniâ Hierosolymis Romam reuersâ his verbis agit : *Atq; illic quidem cum esset , beatissimum virum , magnæque existimationis clarissimum Aprianum (legendum est Apronianum) qui eras Gentilis , catechesi instituit , & Christianum effecit .* Romam redijt Melania anno 397. ex Baronij, Pagijq; calculis, igitur post illud tempus Ethnicismo Apronianus valedixit . Erat autem hic inter paucos Rufini Aquileiensis amicus , quam familiaritatem Melaniæ senioris , ac iunioris officia conciliauerant , apud quas Rufinus primas honoris , & existimationis tenebat . Hinc illius fautor effectus prauis etiam illius Doctrinis animum obstrinxerat . Anno Domini 399. ad Pammachium , & Oceanum Epistolam Hieronymus conscripsit , vbi quasdam Rufini sententias , calumniasque castigauit . Verum , vt lib. 1. cap. 2. Hist. Pelag. ait Em. Norisius ; *statim ac Hieronymi literæ Pammachio redditæ sunt , earundam exemplar Apronianus , qui in Rufini rem vigilantissime incumberebat , Aquileiam ad magistrum transmisit .* Ad hæc Rufinus duos è vestigio libros inuectiuarum in Hieronymum elucubrauit , quos Aproniano nostro inscripsit . Sic autem incipit : *Perlegi scripta tua , Aproniane , carissime , quæ ab amico , & fratre bono (hoc est Hieronymo) de Oriente ad virum nobilissimum Pammachium missa transmisiisti ad me .* Nunc videamus , quæ eius vxor . Palladius in Hist. Laus. cap. 134. hanc nobis notitiam seruauit : *Vidi etiam , inquit ille , beatam Auitam Deo dignam , cum eius marito Primiano .* Ita in libris edicis ; at corrigendus locus , & pro Primiano legendum Aproniano . Heraclides in Paradiso , qui liber paucis mutatis idem est ac Historia Lausiaca Palladij , cap. 39. ita scribit : *Auitam aliquam Deo dignam cum Aproniano quodam ipsius viro , & filiâ eorum Eunomiâ vidi .* Et hic error in nomine , ac legendum Aproniano , non Apreniano . Igitur Auita Paulino aq; præfens , de quâ sermonem inferius habeo , Aproniani coniux erat . Ex istâ duos ille suscepit natos , Eunomiam videlicet , ac Asterium puerum . De hoc primum videamus .

De

De Asterio Turcij Aproniani filio.

DISS. II.

CErrè hic Asterius à Turcio Aproniano distinguendus, tum ut numerus verificetur, quem exhibet eo versu Paulinus:

Ergò nouem cuncti sociâ cum prole parentes &c.
tum quia expressè id asseritur superioribus carminibus:

*Cum patre Paulino pater aqûe Turcius iste est,
Sed me atas, soboles hunc facit esse patrem.*

Erat quidem Turcio soboles alia, nempe Eunomia, sed illam Auitæ matri Paulinus primum adscripserat:

*Matribus his duo sunt tribus uno pignora sexu,
Flos geminus, Melani germen, & Eunomia.*

Itaque Turcij Aproniani filius erat Asterius, cognomine utique gentis Turcij proprio. Expressius verò infrâ id à Poetâ repetitur, postquam de Piniano filio suo in Christo egit his verbis:

*Ast aliud mihi par lumen in Asterio est.
Quem simul unanimis verâ pietate parentes
Infantem Christo constitnere sacrum.
Ut tanquam Samuel primis signatus ab annis
Cresceret in Sanctis votus alente Deo.
Hunc puerum, & fratrem fecit pia gratia patri.
Nam pariter sancto flumine sunt geniti,
Quos natura gradu diuiserat, hos Deus almo
Munere germanos in sua Regna rehet.*

Vides hic Asterium memorari, qui vnâ cum parente Turcio sacro Baptismatis fonte fuerat ablutus. Neque id quidem multò ante factum fuit, quod Asterij ætas non patiebatur, & obseruata nuper de Turcio non ferunt, qui dicitur *Vetus Senator Curia, Christo nouus, qui noui ortus gloria* longè clarior euaserat. De hoc item Asterio forsân intelligendus ille versus:

Turcius ore pio, florente Suecrius æno.

Turcius pater primùm refertur, dein filius, qui Suecrius etiam appellatur, nisi Pinianum potius hoc nomen respiciat. Fateor cognomen istud satis peregrinum apud Romanos illo æuo fuisse, vnde in suspitionem deprauati textus faciliè trahor. Fortassè *Syagrius* legendum est, quod librarij nullo negotio in *Suecrius* conuertere potuerunt, huiusque cognominis duos Consules habemus in Fastis anno 381. & 382. Gentem quoque Syagriam *Ecclesia thesaurum* appellat Ennodius in *Epiphania*. Laudatus Cardinalis Norisius in *Cænotaph. Pis. Diss. 4. cap. 2. §. 1. Idem*

cium

cium citat in Chronico ad annum Imperij Honorij 16., hoc est *Æræ* nostræ 420., & ad annum 17. Valentiniani Tertij, nempe 440., iterumque Renatum Profuturum apud Gregor. Turon. lib. 1. Hist. Franc., qui duos Asterios memorant sub Honorio, eiusque successore Valentiniano, magisterio utriusque militiæ in Hispaniâ perfunctos. Alius item Asterius anno Christi 449. Consul in Fastis legitur. At neminem ex his Asterium nostrum fuisse mihi lubenter suadeo, quippe à teneris, ut aiunt, vnguiculis Deo Sacratu à parentibus iste fuerat, ac Sacerdotalem nutriebatur ad honorem, quemadmodum superius è Paulino didicimus.

De Auita, ac Eunomia.

DISS. III.

Tercij Apronianij coniux erat Auita, eiusq; filij fuere Asterius supra memoratus, ac Eunomia. De illa sic scribit Paulinus:
*Iungitur huic germana iugo, ut sit tertia princeps
 Agminis hymnisonis mater Auita choris.*

Palladius in Lausiaca Historiâ cap. 134. hanc mulierem beatam vocat, fœminisque vitæ Sanctitate illustribus accenset. Sunt eius verba: *Vidi etiam beatam Auitam Deo dignam cum eius marito Primiano* (legendum est, ut supra dixi, *Aproniano*) *& eorum filiâ Eunomiâ in omnibus Deo bene placentes, ut apertè faciliè traducti fuerint à dissolutâ, & voluptariâ vitâ ad honestam, & continentem vitæ institutionem, in his quoque digni habiti, ut in Christo dormirent, ab omni quidem peccato liberi, perfectè in certamine decertantes, in bonâ memoriâ vitam suam relinquentes.* Idem Palladius cap. 118. quum à Melania seniore Apronianum Fidei Christianæ redditum retulisset, hæc addit: *Persuasitque eundem, ut contineret etiam cum suâ uxore, eius autem sorore, Auitâ nomine.* Hinc discimus Auitam senioris Melaniæ fuisse sororem, ac post eius monita continentiam seruasse. Nisi hic Palladij locus obstatet, *germana* vocabulum apud Paulinum ita explicasset, ut foror Albinæ supra memoratæ diceretur Auita; sed intelligere cogimur indè aut affinitatem, quæ illi cum Albinâ intercedebat, aut ætatis morumque inter easdem similitudinem, quam multiplicem in interpretationem patitur vocabulum istud. Quum verò Melania senior Anno Christi 397. Romam redierit, Auitam, ac Turcium continentiam amplexos post illud tempus fatendum est, proptereaque Eunomiam, & Asterium illorum filios ante memoratum annum in lucem prodixisse. Heraclides in Paradiso ijsdem verbis ac Palladius Auitam describit: *Auitam, inquit, aliquam Deo dignam cum Aproniano* (lege *Aproniano*) *quodam eius viro, & filiâ eorum Eunomiâ vidi aded placentes*

centes Deo, ut transferri ad celestem vitam ante conspectum ipsius mererentur. Et ipsi enim iam ultimo sine natura nunc in Christo quiescunt, qui peccatorum quidem omnium nexibus absoluti sunt, diuinarum autem rerum peritiam, atque notitiam semper habuerunt. Constat igitur ex dictis Eunomiz parentes Turcium, ac Autam fuisse. De illâ sic loquitur Paulinus:

Et simul Eunomia aternis iam passâ virago

In calo thalamis, quam matris ab ubere raptam

Festino placitam sibi Christus amore dicanit &c.

Illam inferiùs itidem memorat. Animaduersione verò dignum in primis est, quod hic innuit Paulinus, videlicet Eunomiam, ac Asterium pueros ab infantia dicatos Christo, quem veterum Christianorum morem in notis aliquantulum illustraui.

De Albina.

DISS. IV.

Celeberrima quoque apud veteres habita est Albina tum natalibus, tum sanctitate fœmina præstans. Primum videamus quid Paulinus de illâ ferat:

Prima chori Albina est cum pare Therasiâ.

Ec inferiùs: ——— Famulos Christi loquor istos

Par illustre Deo, par nobile nomine Christi

Albinâ cum matre tuis modò finibus ortos.

Huius præclarissimæ fœminæ parentes Cl. Cardinalis Norisij ingenio innotuere; quum enim in Actis S. Melaniæ iunioris die 31. Decembr. apud Surium exhibitis Melaniæ beator, hoc est *aunulus*, Volusianus dicatur, præstantissimus Auctor inde Albinam eduxit Rufij Ceionij Albini filiam, qui Rufij Ceionij Volusiani frater fuit, ideòque in Ceioniam gentem referendam hanc illustrem mulierem censuit. Hæc ab illo eruditissimè animaduersa in quodam Opusculo. De Rufio Volusiano Inscriptionis fragmentum ineditum non pigebit è meis MSS. Schedis libatum apponere, quod etiam in iusto ineditorum marmorum corpore Deo fauente breui per me referetur. Extat illud in Lateranensis Basilicæ pavimento Romæ:

RVFIVS. VOLVSIVS. V. C. X. VI

RVFIVS. FESTVS. V. C. XV. SEPT

SEBASMIVS

PHILOS

PONT. M

BRITIVS. PRÆSENS. V. C. P. M.

EVACRIVS. PHILOSOPVS.

FL. ATTICVS. V. C.

T

Mela.

Melania senior femina perillustis, marito è viuis sublato, vnicum reliquæ proli superstitem vidit filium, quem Publicolam nescio quorum tabularum auctoritate fretus appellat Chiffletius V. C. è Soc. Iesu. Creuit ille, eximiam in Vrbe nactus existimationem, opibusque clarus inter primos euasit. Omnia hæc Paulino debemus in Ep. 10. ad Seuerum, vbi multa de Melaniâ, eiusque nato habet. Albinam iste dein coniugio sibi copulauit, vnde etiam æstimare faciliè possumus, quantâ hæc nobilitate polleret, quæ virum nobilissimum, & Consulibus aus illustrem, maritum fuerit nacta. Hisce ex nuptijs profecta est Melania iunior, quæ Nolæ itidem aderat, & de quâ sermo infra erit. Huic Melaniæ, vt Metaphrastes docet apud Surium die 31. Ianuarij, fuit genus clarissimum, erant enim eius parentes primi Senatus Romanorum. Itaq; vides & ex his verbis quam illustria cunabula sortita fuerit sancta mulier Albina, de quâ modò inspiciamus, quid Palladius retulerit. Hic in Hist. Lauf. cap. 118. ita loquitur de seniore Melaniâ agens: *cum autem suam quoque neptem confirmasset Melanium vna cum eius marito Piniano, & caerehesi instituisset Albinam nurum suam, uxorem autem filij sui, & persuasisset his omnibus vendere qua habebant, Româ eos eduxit, & ad honestum, ac tranquillum vitæ portum deduxit.* cap. verò 120. de Melaniâ senioris nepte verba faciens subdit: *Habebat autem secum quoque matrem Albinam, qua similiter exercetur, & similiter rursus seorsum dispergit suas pecunias.* Eadem repetit Heraclides in Paradiso cap. 42. his verbis: *Confirmatos hos ergo simul, hoc est Melaniam neptem suam, & Pinianum eius maritum, Albinam quoque cum ipsis nurum suam, hoc est uxorem filij sui per omnia docuit.* Erat igitur Albina Melaniæ senioris nurus, quippe quæ eius filio nupserat, ac iuniorem Melaniam pepererat. Arcâ hæc sanguinis coniunctio in causâ fuit, quod contubernium, animosq; semper iunxerint Albina, Melania iunior, ac vir istius Pinianus. Coniunctim iccirco hi omnes peregrinationem in Africam instituerunt, quam etiam memorat Metaphrastes in Act. S. Melan. 31. Ianuar. apud Surium. Potior itineris scopus fuit Augustinum inuiscere Hippone degentem. Ibi Pinianus turbas non paucas perpeffus, quum illum Hipponenses ad Sacerdotium amplectendum omnino cogere vellent. Hinc S. Augustinus literas ad Albinam Tagastæ morantem dedit, quibus popularem impetum excusat, seq; in primis apud illam purgat. Est hæc Epistola 225. in edit. Antuerp. Aliam quoque dederat S. Doctor Epistolam (quæ est 227.) ad *Albinum, Pinianum, & Melaniam*, quâ se excusarat, quod eos conuenire nondum potuerat. Hæc iuxta magnum parentem Annalium acta Anno 409, seu scribâ, vt quibusdam videtur. Aliam etiam peregrinationem hi tres egregij comites susceperunt Hierosolymam, vbi S. Hieronymum salutarunt, qui eodem tempore Alipio, & Augustino rescribens Epist. 79. addit: *Sancti filij communes Albinus, Apinianus, & Melania plurimum vos saluant.* Rosuueidus in notationibus ad Vit. Patr. pag. 1005. ad Albinæ huius nomen hæc apponit: *De eâ D. Hieronymus in varijs Epistolis.*

Sed

Sed parum rectè, istam enim Albinam cum Albinâ Marcellæ matre confundit, quod tamen cauendum monuerat Baronius ad ann. 408. Vidisti supra in Epist. 127. Augustini, & nunc in præcitâ Hieronymi Epistolâ *Albinum* pro *Albinâ* dici. Baronius Albinam reponens corrigendos ait Codices, ac Rosueidus pag. 703. in Not. ad vit. Patr. haud necessariam arbitratur hanc restitutionem, quandoquidem tum temporis femininarum nomina etiam terminationibus masculinis efferrî solebant, quod Melaniæ exemplo probat, quæ *Melanium* quandoque dicebatur. Pace viri tanti mihi hæc sententia non sedet; dispar enim ratio, & dispar nominis origo. Latinis nominibus non adhæsit hic usus, sed quidem Græcis Latior illatis. Donatus Grammaticus lib. 5. de gener. *sunt alia*, inquit, *tono neutra, intellectu feminina, ut Phronisum, Glycerium, Sophronium, quæ mulieres sunt*. Priscianus etiam lib. 5. nomina femininarum definire in. vni asserit, ut *Glycerium meum, Dorcium, & Philotium*. Hæc quidem omnia femininarum nomina, sed originem Græcam unaquæque sortita. Albinâ verò vocabulum Latinis è fontibus manans in Albinum conuerti non sine audaciâ, ac non sine patetis Amphibologiæ periculo posset. Licet id Græcis, ac Latinis minimè. Deinde nomina in exemplum adhibita, tantum neutri generis terminatione efferuntur, Albinâ, verò masculinorum ad instar, ut pateat nullam inter eadem nomina institui posse comparisonem. Sciendum porro est Albinæ nomen lepidissimum primò, dein acre bellum inter maxima ingenia excitasse. Scripserat olim Em. Norisius in celeberrimo opere de Hist. Pelag. Libri Augustiniani de *Gratiâ Christi* inscriptionem non esse corrigendam, ubi legitur *Albinæ, Piniane, & Melania*, Rosueidi vestigia sequitur. P. Macedus vir magni nominis, & spissorum voluminum scriptor, in quo tamen iudicium non raro desideres, aduersus Clarissimi Norisij sententiam insurrexit, & pro Albino non Albinam iunioris Melaniæ matrem intelligendam censuit, sed *virum aliquem aut patrem, aut socerum, aut patruum, aut auxunculum Piniani, aut Clericum quendam*, & quid non somniauit? Certè ibi Albinam nostram designari inuictissimis argumentis euicit idem Amplissimus Cardinalis in duobus Opusculis hac de re confectis, quibus & ego alia ope S. Paulini aggerere possem. Vnum animaduertisse sufficit, ipsum nempe Em. Scriptorem alicubi scribere, in duobus MSS. Mediceis Hieronymi Epistolam superius laudatam ita se habere: *Albina, Apinianus, & Melania salutant vos*, quod & mihi obseruatum in quodam MS. Ambrosianæ Bibliothecæ. Apud Augustinum ita quoque legendum nos docet Possidius eidem Sancto synchronus, eius enim opera recensens Epistolam ita inscriptam refert *Albina, Piniano, & Melania*. Quin & *Albinam* non *Albinum* Cl. P. P. Benedictini in egregiâ S. Augustini editione annis præteritis instructâ legunt, eamque lectionem quorundam MSS. auctoritate firmant. Igitor non Albinus, sed Albinâ legendum ubique, & Baronio emendanti acquiescendum.

De Therasia.

DISS. V.

IN optimo Codice, vnde S. Paulinum rediitum feci, ita sunt distincta verba, vt legatur *compar & haerasia*. Sed quoniam est hæc Therasia? Ego huiusmodi feminæ mentionem nusquam inuenio. Emendandus itaque Codex, & sic legendum: *compare Therasiâ*, aut *cum pare Therasiâ*. Similem Paulini verbum habeo in Ep. 12. ad Severum, vbi ait:

————— *Post longa reuelat*

Sacula Protasium cum pare Gernasio.

Erat hæc Paulini nostri fida, ac piissima coniux in seculo, quæ calibatam postea vnâ cum illo professæ sibi castæ, ac religiosæ vitæ elegerat institutum, viro Presbyteratus munia Sanctæ relictura. Idacius in Chronico ad annum Honorij xxx. scriptum reliquit: *Paulinus nobilissimus, & eloquentissimus, dudum conuersione ad Deum nobilior factus, vir Apostolicus, Nolæ Campaniæ Episcopus habetur insignis, cui Therasia de coniuge facta soror testimonio vita beata aequatur, & merito*. En vt eius castitatem extollit Idacius, quum de coniuge illam Paulini sororem effectam asserit. Gennadius quoq; de Script. Eccles. Epistolarum plurimum meminit, quas ad sororem de contemptu mundi Paulinus scripsit. Hanc autem sororem non aliam forsan fuisse quam coniugem Therasiam autumo, ad quam etiamnum carmen hac de re extat S. Prospero malè à quibusdam Codicibus adiudicatum. Hispanam verò Sanctam hanc fuisse mulierem non dubito, quum ibi in Paulini connubium cesserit. Sic ipsemet Sanctus de se canit:

Trans iuga Pyrenes adi peregrinus Iberos.

Illic me thalamis humanâ lege iugari

Passus es, vt vitam commercarere duorum,

Perq; iugum carnis duplicata salus animarum

Dilatam vnus posset pensare salutem.

Inferius verò innuit commune sibi cum Therasiâ susceptum castitatis votum:

————— *Tu carnea nobis*

Vincula rupisti &c. —————

Hæc autem piissima mulier tempore, quo Natalis hic recitatus fuit, in viuis erat. Id ex eisdem Paulini Epistolâ 44. ad S. Augustinum elicitur, quæ vtriusque nomen, hoc est Paulini, ac Therasiæ inscriptum habet, & Anno Christi 416. & quod excurrit, data est, vt Chiffletius par. 2. cap. 34. rectè probat. Igitur Anno 406. Therasia viuens Paulino, dum hæc recitaret, aderat. Vide Sacchinum in vitâ huius Sancti, vbi plura de Therasiâ.

De

De Piniano.

DISS. VI.

CElebre huius nomen in Ecclesiasticâ historiâ. Eius tamen res gestas quam breuissimè licebit expediâ. Piniani familiam præclarissimam fuisse testatum nobis Paulinus reliquit, nam à Valerio Poplicolâ, qui inter primos Urbis Consules numeratur, prodibat. Valeriæ genti igitur Pinianus fuerat adscriptus. Paulinum audire iuuat:

*Huic propinquat socius equali iugo,
Æuo minor Pinianus, par fide,
Et ipse prisco sanguine illustris puer,
In Principe Vrbe Consul primigenus.
Valerius ille Consulari stemmate
Primus Latinis nomen in Fastis tenens,
Quem Roma pulsus Regibus Bruto addidit;
Valerj modò huius Christiani Consul
Longè retrorsum generis auctor ultimus &c.*

Audis Pinianum primigenum, hoc est primogenitum Consul cuiusdâ dici? Hoc idem asseritur in Melaniæ iunioris Vitâ apud Surium 31. Ianuar. his verbis: *Erat autem eius sponsus & genere, & etate, & alijs omnibus cum Melaniâ conferendus, natus quidem ex Consulibus, & modò excedens ex ephabis. Sponsi autem nomen erat Apenianus (legendum Pinianus) agens annum circiter decimum septimum. Sed quis ille Consul? Vtique me in tenebris derelictum fateor. Fasti silent, Scriptores ne verbum quidem. Palladius tamen in Vit. Patr. cap. 119. Pinianum asserit Seueri filium, qui erat ex Præfektis (legendum potius Expræfektus) Heraclides quoque in Paradiso cap. 49. Seueri Expræfektj filium appellat. Contra laudatus Auctor Vitæ S. Melaniæ Seueri fratrem facit; sic enim loquitur: *Sed grauem quidem aduersus eos machinam Apeniani (lege Piniani) fratrem admouet Seuerum, per quem existimabat sese solida eorum mentis turrim esse labefacturum. Hic ergò Seuerus cum esset frater, factus erat inimicus. Idem etiam inferius repetit. Ego rem ita conciliari posse arbitror, si Pinianum dicamus de patre Seuero, atque ex hoc Seuero Seuerum alterum Piniani fratrem prodidisse. Quum igitur familia Valeria Pinianum protulerit, sequitur, vt eius pater Valerius Seuerus fuerit nuncupatus, sicuti etiam frater, nomine tantum, seu prænomine vtrosque distinguente. Sed iterum in incerto versari me doleo, quum nusquam Valerium Seuerum Consulem hisce temporibus nanciscar. Quapropter affirmandum duco Piniani patrem non ordinarium, sed suffectum, aut honorarium Consulem fuisse renunciatum. Quo posito, nil mirum si eius nomen obliuioni traditum. Memoratur apud Gru-**

Gruterum quidam L. VALERIUS. SEVERUS. pag. 49. num. 4. & pag. 566. num. 6.; Sed cum hoc Senero nescio an quid negotij habeat. Adnotavi in Diss. 2. de Asterio corruptum esse verum illum:

Turcius ore pio, florente Suetrius aro,

Et coniecturâ prolata Syagrius legendum censui, quum soni cognatione hæ literæ commutari inter se facillimè potuerint. Quid si in eo versu Pinianus intelligatur, cognomenque etiam Syagrii vir nobilissimus gesserit? Fortè patrem eius Consulatu ordinario illustrem fuisset nacti; anno siquidem Christi 381. & 382. Syagrii duo (& quidem inter se distincti, ut vult Cl. Pagius in Proleg. ad Diss. Hypat. num. 27.) huiusmodi munere sunt aucti. Quod si verum foret, Valerius Syagrius Pinianus vocandus esset, & ex ijs Consulibus alter in eius patrem admittendus. Quum tamen multa ob stare posse coniecturâ huic non ignorem, monuisse tantum mihi sit satis; meliora ab alijs argumenta expectentur. His visis profectò patet Pinianum nostrum Valerium quoque fuisse nuncupatum. Magnus Annalium parens Baronius ad A. Ch. 485. ex Codice Vaticanoliteras Valentiniani Imp. profert ad Pinianum Urbis Præfectum super Syricij Summi Pontificis electione scriptas. Eidem Piniano inscriptæ sunt lex. 13. de Medicis, & Professoribus C. Theod. data A. 387., l. 4. C. Th. de Principib. agent. in reb. eodem Anno data, & l. 13. C. Th. de Priuileg. eor. qui in S. Pal. mil. Anno 386. promulgata. Hunc Pinianum Baronius, & Gothofredus in animaduers. ad citatas Leges eundem arbitrantur ac nostrum, nempe Pinianum iunioris Melaniæ maritum, quod idem repetit celebris hic luridicus in Prosopogr. Cod. Theodof. Sed parum solidè opinari tantos viros euincam. Ante Maium Anni 399. è viuis excessit Poplicola (vbi eum vocat Chiffletius) Melaniæ iunioris pater, ac Piniani focer, vti egregiè in quodam opusculo probat Clariss. Card. Norisius. Scriptor verò Vitæ S. Melaniæ eandem narrat vnâ cum coninge Piniano de vitâ calibe ineundâ cogitasse, sed à Melaniæ parente proposito tam sancto obuiam itum. Subdit Auctor ille: *Eis quidem è viuis excedit Melania pater; illi verò cum amotus esset is, qui prohibebat, quandò Deo visum est, & tempus vocabat, statim quidem exeunt à magnâ Ciuitate, vrbani multitudinem, & tumultus valere inbentes.* Eis autem quandò hanc Angelicam incaperunt vitæ formam, atas erat, Apeliano quidem 24. annorum, Melania autem 20. Igitur si ab Anno Ch. 399. sex annos retrò numeres; quibus Piniani cum vxore matrimonium itetit, venies ad annum 393.; quo ipse Melaniæ nupsit, agens, ut ait idem Scriptor, annum circiter decimum septimum. Rursus ab Anno 393. retrò excurrrens ad A. 381., quo Vrbani Præfecturam gessisse censetur, Piniano tum fuisse nouem circiter annorum ætatem manifestèprehendes. Quam igitur improvidè Pinianum nostrum Urbis Præfectum Baronius, & Gothofredus effecerint, nemo non videt. Urbis Præfectura grandis erat moles, tenerosque respuebat humeros, vti videre est apud Guid. Pancirol., in Not. Vtriusque Imp., & apud cum-

eundem Gothofredum in Notitiâ Dignitatum. Id quoque ex Paulini silentio suaderi potest; cur enim Pinianum laudaturus, ac ut laudet omnia componens, hunc eius honorem insalutatum præterisset? Sed inquires: Quis ille Pinianus urbanæ Præfecturæ clarus? Me nescire lubenter fateor; nostri Piniani tamen consanguineum, & fortassis patrem fuisse cur non credamus, quum Herachides Pinianum *Seueri Expræfetti filium* vocet, ac Palladius *Seueri filium, qui erat ex Præfetti*? Seuerus autem iste Piniani cognomentum usurpare potuit, quod mirum in modum probare mihi videntur Paulini verba dicentis:

Piniada Melani cum sedere par benedictum.

Hoc certè *Piniada* vocabulum Pinianum denotat Piniani filium ad Patronymicorum nominum normam. Vidimus igitur Pinianum sibi matrimonio copulasse iuniorem Melaniam. Sex autem annos simul connubium tenuere, post quos continentiam amplexi, vastisque renunciantes opibus, quibus omnes præter vnum Imperatorem vincebant, pauperum subsidio vniuersa dicarunt. Hæc tum Palladius, tum Auctor vitæ S. Melaniæ produnt, appositè ad ea, quæ Paulinus canit:

*Et in hoc parentis aliquid illius refert
Puer iste Christi Consulatum militans,
Quod liberandis consulens munus pium
Redemptionis opere dispensat Deo &c.
Nam & libertorum plurimis ceruicibus
Seruile sanctis opibus expellit iugum,
Quos are vinctos in tenebris carceris
Absoluit auro de catenâ fenoris.*

Reliquas verò Piniani V. C. res gestas, quomodo Tagastam profectus turbas populi eum sacris initiatum violentis fuerit expertus, quomodo Hierosolymam, ac dein Constantinopolim peregrinationem instituerit, penes Baronium inuenies A. Ch. 409. 419., & reliquis, nisi quod errores Annalium aliquot in Chronologiâ patrati ex Historia Pelagianâ Norisij Cardinalis Clarissimi sunt emendandi. Vnum addere lubet, nempe *Apenianum* à quibusdam, ab alijs *Alpinianum*, & à nonnullis *Pimanum* appellari virum hunc nobilissimum. Sed falluntur omnes. Verum eius nomen Pinianus fuit, quod apertissimè Paulinus exprimit, dum super eius nomine ludens pino eum comparat. Sic autem ait:

*Nam puer hinc Melani coniux in corpore Christi,
Cui Deus à pinu nomen habere dedit,
Natus ut æterna vita puer arbore ab illâ
Susceperet nomen, qua sine fine viuet.*

Pinus enim semper florente cacumine perstat &c.

Augustinus ita charum habuit Pinianum, ut illi duos dicauerit libros aduersus Pelagianos. Hieronymus etiam amicissimè illo est vsus, ac idcirco virum sui temporis clarissimum appellare fas erit. Nunc ad eius uxorem Melaniam nos recipiamus.

De

De Melania.

DISS. VII.

Melaniae seniori illustri feminae vnicus fuit filius. Publicolam Chiffletius vocat. Hic Albinam vxorem duxit, & ex illâ Melaniam suscepit, quæ propterea *iunior* appellatur, nepotisque Melaniae senioris. Piniano V. C. hæc postea in vxorem cessit, & fida comes eius lateri semper adhæsit. Adeo præclaræ faminae in Sanctorum album relatæ vitam scriptis consignauit Anonymus apud Surium die 31. Ianuarij, apud quem mirandæ illius virtutes sunt recolendæ. Tanto continentia amore flagrauit, vt ab ipsius nuptijs viro eandem persuaserit; sed post annos tantummodò sex voti sui compos est facta. *Eis autem*, inquit laudatus Auctor, *quandò hanc Angelicam incaperunt vita formam, atas erat, Apeniano quidem* (scribe Piniano) *viginti quatuor annorum, Melania autem viginti.* Anno Ch. 399. Sanctum hoc propositum Melania impleuit, eo siquidem anno eius pater viuere destitit, qui pijs coniugum votis semper obstitit. Id in superioribus Diss. innui, nunc autem vt anachronismum tollamus Cl. viri Io: Baptistæ le Brun, qui postremam operum S. Paulini editionem adornauit diu à me quæsitam, & nondum obtentam, in emortualem annum patris Melaniae diligentius inquirendum duco. Eius obitum expressit S. Paulinus Ep. 44. ad S. Augustinum, à quo deinde responsum accepit, nempe Epistolam 250., in qua in primis hæc animaduertenda scribit magnus Doctor: *Proinde ad istam lætitiā, quæ vobiscum est, Frater Possidius, cum ex ipso audieritis, quam tristis cum causa compulerit, hoc me verissimè cognoscetis &c.* Tristis causa, quæ Possidium Episcopum ad nauigandum in Italiam compulit, traditur ab eodem Augustino in Ep. 202. ad Nectarium. Ethnici Calamæ in Numidiā degentes Possidium ipsum inibi Episcopum impetu facto ad necem quæsiuerant, quod facinus scribit Augustinus perpetratum *aduersus recentissimas leges contra Paganos* ab Imp. Arcadio, & Honorio latas. Leges porrò, quarum meminit Augustinus promulgatæ fuerunt 14. Kal. April. *Manl. Theodoro Cos.* hoc est A. C. 399., vt idem testatur lib. 18. de Ciu. Dei cap. 54., & à Cod. Theodosiano docemur. Rursus ex Augustini Epist. ad Nectarium 254. tempus nauigationis Possidij elicitur; ibi enim ait: *Nam ego rescripseram, cum adhuc nobiscum esset, neque nauigasset Sanctus Frater, & Coepiscopus meus Possidius. Has autem, quas mei causâ illi dignatus es reddere, accepi VI. Kal. April. post menses ferè octo, quam scripseram.* Igitur Possidius post Kal. lunias, quo tempore aduersus ipsum ex Augustino discimus tumultum fuisse excitatum, A. Ch. 399. in Italiam transmisit, & Africam altero anno ante VI. Kal. Apr. repetierat.

rat. Augustinus itaque Epistolam 250. ad Paulinum rescripsit An. 399. quo eodem Paulinus Epistolam ad ipsum dederat quadragesimam quartam, obitumque patris Melaniæ nostræ denunciavit. Hæc eruditissimè ab Amplissimo Card. Norisio in quodam libello observata. Ad Annum ergo 399. referenda est Epistola laudata Paulini, non ad 409. vti arbitratus est recens Paulini illustrator Brunius. Quamobrem eodem Anno 399. Melania, ac Pinianus continentiarum votum susceperunt. Tum ingentibus in pauperes distractis opibus, uterque sacris peregrinationibus animum addicunt. Primò Nolam ad Paulinum, deinde in Siciliam, post in Africam, ac demum Hierosolymam, atque Constantinopolim pergunt. Hæc eorum gesta à Baronij Annalibus petenda. Quod ad eius nomen spectat, modò Melania, & modò Melanium nuncupari video. Si Rosuueydo fidem habemus in Prælod. ad Palladij Lib. pag. 703. & in notis ad Ep. 44. Paulini, Melanias quoque est appellata; Sed eruditissimi Scriptoris sententiam non probo. Etenim ubinam hoc nomen præterquam neutri aut feminini generis terminatione usurpatum invenit? *Μελάνιον*, apud Græcos, & apud Latinos *Melanium* tantum illud occurrat. Paulinus in Ep. 44. de seniore Melaniâ ait: *Nihil possum de beatæ huius filii matre, & Sanctorum pariter radice ramorum Melanio meliâ, aut sanctiâ predicare.* In Ep. 12. vti MSS. præferunt:

Hoc Melani sanctæ delatum munere Nolam.

In Nat. XIII. sæpe repetit:

Plas geminus Melani germen, & Ennomia.

Nam puer hinc Melani coniux in corpore Christi.

Piniada Melani cum sedere par benedictum.

Augustinus quoque Epistolam 227. ita inscribit: *Charissimis fratribus Albine, Piniano, & Melanio.* Palladius sic inscribit Cap. 117. *ἡμεῖς τῶς μακαρίας Μελανίας, de beatâ Melanio.*

De Æmilio.

DISS. VIII

TAndem ait Paulinus: *Æmilias veniat decimus.* Viuebat hæc temporibus, hoc est A. Ch. 406., Æmilias vir piissimus, ac vti illum appellat Metaphrastes in Vita S. Iohannis Chrysostomi, Episcopus Beneuentanus. Vghellus hoc illum regulic inter Ecclesiæ Beneventanæ Antistites. Maxima isti cum Paulino familiaritas intercessit, atque iecirco eundem his versibus innui nemo negabit. Anno 405., vti scribit Baronius, legationem Constantinopolim suscepit Æmilias in causâ S. Iohannis Chrysostomi, quò Innocentijs Papæ, aliorumque epistolas tulit. Theodorus Diaconus Ecclesiæ Romanæ in

V

Dia-

Dialogo apud Palladium ita ait: *Acceptis igitur Sancti viri Emilii, & Cybegius, & Gaudentius Episcopi una cum Valenziano, Bonifacioque presbyteris, Imperatoris Honorij, & Papae Innocentij, & Italia Episcoporum Chromatii Aquileientis, & Venerij Mediolanensis, ac reliquorum Episcoporum Epistolis, una & commonitorio Concilij totius Occidentis, conditionibus publicis Constantinopolim concessere.* Similia item habet Metaphrastes in praelaudatâ Chrysostomi vitâ. Verum non minus ex huiusmodi legatione celeberrimus Emilii evasit, quam ex Paulini nostri carminibus. Iulianus Memoris Capuani Episcopi filius, qui postea petulantissimus, acerque Pelagiani Dogmatis propugnator est factus, & in S. Augustinum aculeatis debauchatus est libris, uxorem iam duxerat. Has nuptias praesentia suâ honestavit unâ cum Memore Iuliani parente Emilii Episcopus, & Paulinus eleganti Epithalamio cecinit. Inter alia sic loquitur noster:

Quis procul ille hominum placidis se passibus adfert,

Plurima quem Christi gratia prosequitur?

Quem benedicta cohors superis circumdat alumnis,

Angelici referens agminis effigiem?

Nosco virum quem divini comitantur odores,

Et cui sidereum splendet in ore decus.

Hic vir, hic est Domini numerofo munere Christi

Dives, vir superi luminis Emilius. &c.

Quo tempore Paulinus hoc Epithalamium recitarit, ambiguum planè est, mihi què facilius erit alienam confutare, quam meam ratuere sententiam. Emin. Card. Norisius lib. 1. cap. 18. Hist. Pelagian. Iulianum nuptijs mancipatum censet, postquam Emilii è Constantinopolitanâ legatione suâ restitutus est Sedi, quod in Annum forsan 407. incidit. Garnerius quoque V. C. in Diss. 2. cap. 6. ad Marium Metcatorum rem A. 408. peractam asseruit, neque sectatoribus huiusmodi sententia caret. Verum ante A. Ch. 399. Iulianum la. connubio addictum fuisse penè certum habeo. Quum memoratum carmen Paulinus cecinit, Clericus erat Iulianus, interque Lectores numerabatur, inquit enim sanctus Poeta:

Clericus uxorem Christo comente decoram

Diligat, & pulchram lumine cordis amet.

Auxilioque viri diuino munere factam

Lector caelesti discet ab Historiâ.

Iulianus deinde, aut sublatâ è viuis vxore, vel ex mutuo consensu ab eâdem seiunctus inter Diaconos nomen suum dedit. S. Augustinus ad Memoriam eiusdem Iuliani patrem in Ep. 131. ait: *Nam superiores quinque vix filio nostro, & Condiacono Iuliano (quoniam & ipse iam nobiscum committat) lectione, & cogitatione digni videbuntur.* Hoc autem quo Anno scriptum à S. Augustino fuerit, eiusdem Epistolæ verbis exploratum redditur: *Nimis autem, inquit, ingratum, ac ferreum fuit, ut te qui nos sic amas, hic sanctus frater, & collega noster Possidius,*

in quo nostram non parvam praesentiam reperies, vel non disceret, vel sine literis nostris disceret. Possidium in Italiam ex Africa transmittentem literis suis Augustinus instruxerat, ut in ipsius Memorij, siue Memorij familiaritatem concederet. Porro navigavit iste post Idus Iulias A. 399., vñ in superiori Dissertatione satis ostendi. Igitur ante hunc annum Iulianus non nuptias modò cum Ià celebrarat, verùm etiam ab ijs solutus Diaconatus muneri sese obstrinxerat. Hinc videas, quam parum bene Garnerius in laudato libro *Æmilium* è viuis sublatum, antequam Epithalamium Paulinus pangeret, poeticàque fictione praesentem nuptijs Iuliani à sacro vate confectum fuisse arbitretur. Et quamquam, si carmina consulantur, huiusce somnij statim fundamenta subsident, adhuc è nostris calculis malè sibi constare eruditissimi viri sententia deprehenditur, quum *Æmilium* etiam post huiusmodi nuptias vixisse è Paulino doceamur. Em. Card. Norisus in præclarissimo opere Hist. Pelag. lib. 1. cap. 18. Iuliani res prosequitur, vbi eruditè pro more illum Eclanensem postea Episcopum factum euincit, simulque *Æmilium* nostrum Ix, quæ Iuliano vxor contigerat, parentem statuit. Verùm parcat Clarissimus Cardinalis, si ad eius opinionem facile non accedam. Quibus fundamentis hæc eius sententia nitatur, non video. Hinc fortassis tamen assertum suum amplissimus scriptor promouit. Ait Paulinus:

Insula Pontifices diuina iungit honore,

Humano pietas iungit amore patres.

Hanc Memor, officij non immemor, ordine reſſo

Tradit ad Æmilij pignora cara manus.

Hic autem *patres* ait appellari Memorem Iuliani, ac *Æmilium Ix* parentes. Sed nihil hinc hauriet magnus Scriptor, quippe carmina priora se correxisse fatetur, ac propterea sententiæ suæ se illa accommodasse. Vox illa *Patres* ab omnibus Paulini Codicibus editis, ac MSS. abest, vbi legitur *pares*. Nil itidem sequentia carmina euincunt. Quod autem addit Paulinum vtrique Antistiti Sponsorum parenti longam nepotum seriem his versibus augurari:

Castâ Sacerdotale genus ventura propago

Et domus Aron sit tota domus Memoris.

perspecto verborum sensu, vtrique ad vnum Memorem referendum augurium arbitror; Ventura etenim propago Sacerdotale genus erat futura, quæ a Iuliano eiusdem filio procederet, ac idcirco solem nominari audis Memoris domum, in quâ ad Aronis exemplum Sacerdotale, seu Episcopalem honorem perpetuandum poeta nollet exoptat; nil autem de *Æmilij* domo subduitur, cui accrescere *Sacerdotalis propago* non debuerat. Sed quid coniecturæ mex fauet? Epithalamium ipsum. Hæc ibi leguntur:

Sanctâ Sacerdotis venerando pignora pacto

lunguntur

Si Episcopi filia la quoque fuisset, cur *Sacerdotis*, non *Sacerdotum* pignora

gnora Paulinus vocasset? Sic infra *Sancta Sacerdotis natus, &*

Gentis Apostolica filia facta domo,
hæc mulier dicitur. Profecto iam *gentis Apostolica filiam* tunc fieri;
non antea extitisse proditur. Nusquam patris nomen *Æmilio*, Memori
verò passim occurrit, ad quem vnum etiam votorum suorum summam
Paulinus refert:

Christorumque domus sit domus hæc Memoris.

Sed & animaduertenda sunt sequentia carmina, è quibus faciliè colligas
Æmilium Memoris fratrem fuisse. Audi:

Surge Memor, venerare patrem, complere fratrem,

Vno utrumque tibi nomen in Æmilio est.

Iunior, & senior Memor est; mirabile magni

Munus, opusque Dei: qui minor, hic pater est.

Posterius natu senior, quia Sede Sacerdos

Gestat Apostolicam pectore canitiem.

Filius est, fraterque Memor &c.

Frater Memoris *Æmilius* erat, sed natu minor, ac idcirco dicitur *iunior*.
Ante Memorem Episcopatus infulus obtinuerat, ac inde *senior*, *paterque*
appellatur. Solemne quidem Episcopis fuit se *fratres* inuicem appella-
re, ideoque interpretecur quispiam vocari *fratrem Æmilium*, quia Epis-
copus, & quia senior Episcopus, *patris* appellatione illustrari. Verùm
enim verò quis non videat florem in Antithesi propositum huiusmodi
interpretatione labefactari? Si quidem de innumeris Episcopis vsurpari
sensus iste posset, quum passim hic *iunior*, ille verò *senior* ad Episcopa-
tum promoueantur. Superest igitur, vt Memoris germanus frater *Æmi-
lius* foret, quod Paulini eloquentiæ magis consonum elucet, atque ab illo
mirabile magni munus opusque Dei dicitur. Quod si verum est, qui pos-
sumus iam facere *Æmilij* sobolem Iuliano nuptam, nimirum patrualem
patrueli? Sub Christianorum legibus interdicta perpetuò fuit coniun-
ctio in secundo consanguinitatis gradu, & si S. Ambrosio in Ep. 66. fidem
habemus, neque apud Hebreos in vsu fuit. Concilium Epaonense Anno
Epochæ nostræ 517. coactum Can. 28. huiusmodi coniugia penitus exe-
cratur. Hoc idem repetunt Turonense secundum cap. 12., Parisiense
primum Can. 4., & Greg. M. cap. 6. in Respon. ad Interrog. Augustini.
Igitur læ pater non fuit *Æmilius*, filiam enim Iuliano fratris filio vxorem
non tradidisset. Ceterum quum *Æmilus* noster A. Ch. 405. Legatus
Constantinopolim in causâ Ioh. Chrysostomi destinatus Baronio videatur,
& sequenti illuc transmissus, non mihi benè constet, quomodo Nolæ præ-
sens A. 406. à Paulino fiat. Non vacat Baronij calculos in examen reuoca-
re. Si tamen ij optimè positi, intelligere cogimur Nolæ hoc Anno *Æmi-
lium* abfuisse, & iccirco à sacro vate pronuntiatum *Æmilus veniat*. Eius
quoque absentia è Paulini silentio luadetur; cur enim, si aderat vir tan-
tus, ab eius laudibus tam paucis sese Paulinus expeditisset? Non erat hic
mos Paulino. Sed hæc de *Æmilio* dicta sint satis.

De

'De S. Paulini dignitatibus.'

DISS. IX.

FRANCISCUS Sacchinus V. C. è Soc. Iesu vitam S. Paulini olim scriptis mandarat. Dignus profectò fatus erudito viro, qui tantà tamen animi demissione præclarum opus in lucem proferri est passus, vt scriptoris nomen silentio tegetetur. Hanc autem vitam in editione operum Paulini Rosuueyus Anno 1622. nobis communicauit, illamque iterum prælo subiecere nuperi Typographi Parisienses. Verùm quia nondum innotuerant Poemata quatuor, quæ mihi primùm prodere contigit, non pauca ibi desideres, quæ nostro stylo supplenda erunt, quædam etiam illic inuenias, quæ sint castiganda. Aggredior itaque ad opus, vt Episcopi tanti memoriam seris seculis clariorem efficiam, quod potissimùm Natalis XIII. beneficio facillè præstiturum me spero. Paulinorum familia inter præcipuas Vrbs olim censebatur. Illustrium virorum series, Magistratum copia, immanisque opum cumulus clarissimæ gentis gloriam commendabat. Ex istâ prodijt Paulinus noster, qui tamen in Aquitaniâ lucem primam adspexit. Seu Burdigalæ, seu Hebromagum ei cunabula præstitit, certè in eâ prouinciâ est natus. De hoc dubitauerunt nonnulli, sed apertissimè conuincuntur. Vranus Presbyter Paulino coruus in Epist. ad Pacatum de obitu Paulini ait: *Igitur S. Paulinus Episcopus Burdegala oppido Galliarum oriundus fuit.* Ausonius etiam eius primis in annis præceptor id innuit Epist. 21. Sed ipsum audiamus Paulinum, quo nullus testis melior. Se puerum fatetur ille in Italiam è Gallia migrasse:

Nam puer Occiduis Gallorum aduectus ab oris &c.

Et clariùs infra:

*Ergò ubi bis terno ditionis fasce lenatus
Deposui nullâ maculatam cade securim,
Te renocante soli quondam genitalis ad oram
Sollicita matri sum redditus.*

Solum hoc genitale, cuius meminit Poeta, Gallia est, cui propinquos appellat Hispanos, ac Pyreneos montes. Idcirco subiicit:

Inde propinquos

Trans inga Pyrenes adhuc peregrinus Iberos.

Propterea licet in Hispaniâ moraretur, adhuc se Gallâ mente semper mansisse gloriatur. Hæc quidem omnia per me obseruata, vt eorum opinionem occurrerem, qui Aquitaniam xuo Paulini à Gallijs distinctam volunt. Sirmondus vir magnus è Soc. Iesu in not. ad Sidon. carm. 17. hanc tuetur sententiam, eaque mihi rectis fundamentis etiam fulciri videtur; Aquitaniâ enim tum temporis quinque Prouincijs accensebatur, quæ

quæ in Conc. Valentino A. D. 374., in Maximi Tyranni Ep. ad Syricium A. 385., à Symmacho lib. 4. Ep. 30., à Conc. Taurin. A. 399., aliisque, à Galliâ distinctæ inueniuntur. Super his consule Gothofred. lib. 16. Cod. Theod. tit. 10. de Pag. & Sacr. l. 15. Sulpic. Severus Hist. lib. 2. Aquitanos à Gallis diuerfos facit, quum ait: *Sed id nostris idest Aquitanis, Gallis, ac Britannis indecens visum.* Aufonius in Arelate:

Gallia queis fruitur, gremioque Aquitania lato.

Verum & apud Aquitanos Gallorum nomen post quinque Prouinciarum constitutionem permanisse ex Vranio, ipsoque Paulino discis. Quin & idem Sulpicius Severus Nitobrix, videlicet Aquitanus lib. 2. Hist. *Gallias nostras*, inquit, *Saturninus Arelatensium Episcopus homo impotens premebat.* Infra: *Illud apud omnes constitit unius Hilarij beneficio Gallias nostras piaculo hæresis liberatas.* Vetus Noticia *Sarpanitior*, siue prouinciarum, quæ in antiquis membranis Ptolomæi libris subiuncta legitur, & à Salmasio refertur pag. 611. de Eccl. Suburb., in Europâ recenset *Γαλλίαν Ακουιτανίαν. Galliam Aquitaniam.* Alia aggerere non vacat. Modò honores in Paulinum collatos inspicimus. Primum Senatorum albo adscriptus fuit. Aufonius Ep. 25. ad ipsum in Hispaniâ degentem scribens ait:

*Ergò meum, patriaquo decus, columenque Senatus
Bilbilis, aut barens scopulis Calagunis habebit?*

Vranius in eius vitâ scribit: *Taceamus generis nobilitatem, paternis, maternisque natalibus in Senatorum purpuri admirabiliter purpurantem.* Ipse Paulinus Nat. XIII.

Quid simile his habui, cum dicerer esse Senator?

Ad Consulatum etiam prouectus est Paulinus. Vnum tamen adhuc huiusce rei testem Aufonium habuimus. Inquit is Ep. 20.

Paulino Aufonius. Metrum sic suasisit ut esles

Tu prior, & nomen prægrederere meum.

Quamquam & Fastorum titulo prior, & tua Romæ

Præcessit nostrum sella curulis ebur.

Ep. dein 24.

Paulinum, Aufoniumque viros, quos sacra Quirinæ

Purpura, & auratus trabea velauit amictus,

Non decet insidijs prevegrare credere Diæ.

Ep. quoque 25. ad eundem Paulinum in Hispaniâ constitutum:

Hic trabeam Pauline tuam, Latiamque curulem

Constituis?

Quum tamen de Paulini Consulatu ne verbum quidem faciant Auctores reliqui, ipsique omnino Fasti conticeant, hinc audacissimi quidam huiusmodi dignitatem Paulino abiudicant, Aufonijque verba quibusdam responsionibus eludere conantur. Sed en ipse Paulinus pro se loquitur S. Felicem alloquens:

*Te Duce, fascigerum gessi primæus honorem,
Teque meam moderante manum, seruante salutem;
Purus ab humana cadis discrimine mansi.*

Hic honor fasciger certo certius Consulatus est, cuius insigne proprium fuit fascium gestatio. In eo ita se placidè gesserat Paulinus, ut ab omni cæde se purum fateretur. Celebris est questio, an Consulatus hic ordinarius fuerit, an suffectus. Priorem sententiam amplectuntur Baronius, & Sacchini. Sed posterior, quæ Chiffletium auctorem habet parte 2. cap. 2. Paul. Illustr. mihi solidior videtur. Censet hic Paulinum Anno Ch. 378. suffectum Valenti Aug. Consuli V. Id. Aug. à Gorhis cæso, meritorique Baronium arguit, qui A. 375. ordinarium Consulem fuisse Paulinum coniicit, quum illum Annum tum Fasti, tum Hieronymus, ac Prosper Consulibus caruisse affirmant. Clariss. vir Antonius Pagius in Prolegom. ad Disf. Hypat. num. 26. In S. Paulini Consulatum inquiri, ac reprobata de eiusdem ordinario Consulatu sententiâ ait: *Paulinum suffectum consulem fuisse, quod scribis idem Chiffletius, minimè existimandum. Per hæc enim tempora, quibus Consules erant ordinarii, Consules honorarij, non verò suffecti in usu erant.* Verùm ab ipso Paulino eruditissimus scripser castigatur. Quum enim is fateatur se ab humanis abstinuisse cædibus, suarque dextræ moderamen à S. Felice tributum, utique non honorem tantum Consulatus, verùm etiam potestatem prætulit, quæ verum Consulatum comitabatur. Honorarij Consulis insignia describit Senator lib. 6. Variar. Ep. 1. In eâ autem formulâ hæc habentur: *Sed nunc sumitis ista feliciùs, quando nos habemus labores Consulum, & vos gaudia dignitatum.* Et infra: *Pinge vastos humeros vario colore palmata, validam manum victorali scipione nobilita, lares proprios etiam calceis auratis egredere, sellam curulem pro suâ magnitudine multis gradibus enisus ascende, ut in otio subiectus merearis, quod nos per maximos labores assumimus imperantes.* En Consulibus honorarijs nulla potestas, nullum in hominum vitas ius conceditur, ecce nulla fascium gestatio tribuitur, quum alioqui Paulinus honorem fascigerum à se gestum affirmet. Honorarius idcirco Consul à Procopio lib. 3. de Bello Gothico ὑπατος καλέμενος μόνον, Consul nomine tenuis appellatur, ac in otio iacere à Cassiodoro dicitur. Deinde, questio, huiusmodi Consulum nomina Fastis vnumquam indita fuisse ostendatur; certè exemplum non profertur, quum interea ex Ausonij verbis suprà laudatis Paulinum eisdem inscriptum sciamus. Igitur honorarius Paulini Consulatus procul amandetur, ipsumque, si non ordinarium, saltem suffectum admittamus. Nolim tamen præterire duos versus, qui non parum luminis Consulatus huiusce temporis videntur affundere. Hi autem sunt:

*Tunc etiam primæ libamina barba
Ante tuum solum, quasi te carpente, totondi.*

Postquam Consulatus sui meminit, subiicit hæc verba Paulinus, quibus docet se Nolæ ante S. Felicis sepulcrum primam barbam posuisse. Id
verò

verò post Consulatum peractum contigisse rerum series, quæ secundum temporum ordinem in hoc Natali digesta cognoscitur, manifestè innuit. Quod si verum, videamus quo ætatis anno primam barbam iuuenes Romani conderent. Macrobius Paulino coævus lib. 1. in Somn. Scipion. cap. 6. de septenario numero disputans *post ter septenos annos barbam* poni solitam docet, quæ sententia apud eruditiores recepta. Ergò Paulinus Anno 378. ætatis vigesimo quarto, aut quinto Consul non processisset, sed quidem tres, aut quatuor annos ante. Nihilò secius quum barbam ponere, quo anno vellent, consueuisse Romanos, plura nos doceant exempla, fluxum hoc, & futile esse argumentum definitio. Alioqui penè certum habeo Paulinum A. 379. Nolam se contulisse, ac propterea anno vigesimo quinto, & quod excurrit, Consulatu adauctum fuisse, uti infra probabitur.

S. Paulinus Campania Consularis.

DISS. X.

Postquam Paulinus se Nolæ primam posuisse barbam est factus, subsequitur ita canens:

*Iam tunc præmisso per honorem pignore Sedis
Campanis metanda locis habitacula fixi,
Te fundante tui ventura cubilia serui.*

Ego Dignitatem aliquam hic significari video. Sed quænam hæc? Meam sententiam profero. Consulatu peracto Paulinum Campaniæ Consularem factum arbitror. Sub Augustorum Imperio Provinciæ plures adhuc Senatus regimini suberant, quæ aut Proconsulares, aut Consulares appellabantur. Priores uti omnium præclarissimæ viris dignissimis à gesto Consulatu Ordinario plerumque administrandæ tradebantur. Consulares verò tum ijs, qui Consulatum peregerant, tum ijs etiam, qui minimè. In examen reuocare non vacat, an satis certa sit Bulengeri sententia dicentis lib. 4. cap. 36. de Imp. Rom. *Consulares persona dicuntur ob Consulatum gestum, non ob Provincias Consulares*. Certè, ut aiebam, Consulares non pauci fuere, quibus numquam Consulatum gerere contigit. Campaniæ suus Consularis erat, isque adeò præstans fuit, ut ad eius similitudinem ceteri Consulares officium haberent, uti nos docet Notitia Imperij Occidentalis. Paulinum itaque non alium quam Consularem fuisse Campaniæ mos ille etiam tum seruatus suadet, ut post gestum Consulatum viris Clarissimis regenda provincia commendaretur. Ipse idcirco Paulinus se Campanis in locis habitacula fixisse, & singulariter Nolanâ in vrbe confedissee significat. Diximus supra firmiorem nobis Chiffletij sententiam videri, nimirum A. Ch. 378. Consulatum à Paulino

lino gestum. Id autem nunc vberius elucescit. In secundo Natali ita ipse ad S. Felicem :

*Tria tempore longo
Lustra cucurrerunt, ex quo solemnibus istis
Coram vota tibi, coram mea corda dicani.*

Incidit Natalis secundus in Annum 395. Si tria lustra, hoc est annos XV. retrò numeres, ad annum venies 380., quo Paulinus se Nolæ adfuisse testatur. Eo igitur anno Campaniæ Consularis erat, ac S. Felici sua corda dicauit. Certum verò mihi videtur & anno superiori, videlicet 379. profectum in eandem Prouinciam Paulinum; idcirco enim Anno tantum 380. solemnitati S. Felicis se præsentem adfuisse ait, quia Anno 379. tam maturè ad nouam dignitatem aduolare non poterat, ut Sancti Martyris festo diei interesset. Celebrabatur ille postrid. Id. Ianuar., ac propterea Romæ constitutus ab officijs, quæ depositum Consulatam sublequuntur, atque ab alijs domesticis negotijs se expedire tam citò nequiebat, ut ipso eodem Anno sua corda Felici dicaret. Itaque Anno sequente hoc ille peregit. Quod si Anno 379. in Campaniam se contulit Paulinus, rectè patet Anno 378. eius Consulatam esse assignandum, quum ab eo gesto confestim alicuius Prouinciæ gubernacula viris Consularibus mandari solerent. Sed cur, inquires, Nolæ, non Capuæ, quæ Campaniæ Metropolis habebatur, subleget Paulinus? Ego Consularibus liberum fuisse arbitror eâ in Ciuitate permanere, quæ sibi placeret, modò intra Prouinciæ sibi statutæ limites detinerentur. Sic in Actis S. Ianuarij, & Sociorum eius dicuntur ij Sancti ad Timotheum Campaniæ Præsidem perducti, qui Nolam incolebat, non Capuam. His de Paulini dignitatis animaduersis, examini subiiciendæ sunt leges duæ in Codice Theodosianum relatæ. Sunt istæ l. 4., & 5. Tit. 5. de Scænicis, atque *Paulino Præfesto Vrbi Coss. Gratiano V. & Theodosio A. A.*, videlicet Anno Epochæ nostræ 380., inscribuntur. Baronius ad Annum 394. ex his Legibus Paulinum nostrum Vrbana Præfecturâ donatum arguit. Sed quibustabulis fretus id affirmare potuerit, non video. Si huiusmodi coniecturis agendum, nil obstat quin Paulinum etiam Præsidem Epiri nouæ faciamus, siquidem ad Paulinum quemdam hac dignitate affectum Anno 372. rescriptum Valentiniani senioris extat in C. Theod. l. 22. de Episcopis. Multò potiore argumento eum Præfectum Augustalem faciemus, quum in eodem Codice legantur l. 10. de Fide testium, & l. 22. de susceptoribus Annis 385. & 386. Paulino simili munere functo inscriptæ. Quod tamen affirmare non ausus est Magnus Annalium Scriptor. Igitur quum Paulinus ipse, qui alioquin honores suos exprimit, hanc dignitatem sibi nequaquam asserat contigisse, à Baronij sententiâ discedendum puto. Minus placet Chiffletius, cui ceteroquin in Historiâ Pauliniana multum debemus, quum parte 2. cap. 2. Paulini Illustr. ex laudatis Legibus docere conatur Paulinum nostrum Anno 380. Prætorem Vrbani fuisse constitutum. Legum harum inscriptiones ita sunt concep-

tz: *Ad Paulinum P. V.*, quæ verba etiam minuseruditi *Præfectum Urbis* interpretantur, non verò *Pratorem Urbis*. Ex hac opinione in alteram se præcipitem Chiffletius dedit; statuta enim hac imaginaria Paulini Præturæ eum necessarîo *Edilem Curulem* fuisse opinatur, *Edilicias* enim, ut obseruat Paulus Manutius lib. de leg. Rom., Præturam urbanam biennio præcedere solebat. Sed suismet calculis iugulatur V. C., siquidem *Edilitas Praturæ biennio antecedit, ac Pratura item biennio Consulatum*, ut animaduertit idem Manutius eod. lib., Rosinus, ac Dempsterus Antiqu. Rom. lib. 7. cap. 9., & alij Romanam eruditionem scriptis prosequuti. Si ergo Paulinus Anno 478. Consul processisset, uti opinatur ipse Chiffletius, quomodo eodem etiam Anno *Edilis Curulis* fuisset, annoque postea 480. Prætor urbanus? Est hoc Romanarum dignitatum ordinem inuertere. Verum, uti supra dicebamus, Paulinum quendam Præfectum Urbis leges illæ clarissime loquuntur, non Prætorem urbanum, & neutrum extitisse Paulinum nostrum ipsiusmet silentium, satis apertè indicat. Eum potius Paulinum his innui Legibus arbitror, qui memoratur in Inscript. Gruter. pag. 343., ac PRÆF. VRBI. nuncupatur.

De reliquis Paulini rebus gestis.

DISS. XI.

Vidimus, ni fallor, Paulinum Campaniæ Consularem, nunc inspiciamus, quid illi post hanc dignitatem actum. Sunt eius verba:

*Ergo ubi bis terno ditonis fasce leuatus
Deposui nullâ maculatam cade securim,
Te reuocante soli quondam genitalis ad oram
Sollicitæ matri sum redditus ———*

Fasces ditonis bis ternum ego interpretarer pro sex annis, quibus forsan Paulinus Campaniam Consularis munere administravit. Quamvis enim l. 4. ad Legem lul. de Ambitu C. Th. *Consularitatis fasces iterare* fuerit interdictum, & biennio tantum, aut summam triennio munus hoc durasse credendum sit, adhuc nil inde aduersus nos eruitur, quum Anno tantum 416. sub Honorio, ac Theodosio illud emanauerit rescriptum, quin imò huiusmodi munera iterari consueuisse (faciente tamen veniam Principe) eadem in Lege asseratur. Verum quidem est Consularibus etiam ius fascium fuisse concessum, quod ex laudatâ nuper Lege deprehenditur, & ex alijs Legibus docet Gothofredus in Notis. Dignitat. Videri propterea posset *bis ternos fasces* ijs concessos ad Consulum discessionem, quibus, ut inquit lib. 4. Silius,

Bis-

Bislenos hac prima dedit procedere fasces.

Sentiant eruditi, quod magis sanum putant; ego non moror. E Campaniâ igitur in Gallias processit Paulinus, ubi adhuc in viuicius matere agebat. Sequitur Poeta:

Inde propinquos

Trans iuga Pyrenes adij peregrinus Iberos.

E Gallijs in Hispaniam migravit Paulinus, ibique diu constitisse videtur. Sacchinus Vitæ Paulinianæ eruditissimus Scriptor Natalis XIII. cognitione destitutus ita scribit: *Aliquamdiu Roma vixit. Inde per Annos ferme quindecim peregrinatus est per Italiam, Galliam, Hispaniam, terrâ marique, partim publicis rebus, partim (nisi me coniectura fallit) domesticis occupatus.* Non Annos XV. peregrinatus est Paulinus, quum illum in Campaniâ Consularis munus per aliquot coeruerit annos. Deinde nimis amplificatur ista peregrinatio, quæ nullâ neque curiositatis, neque publicarum rerum causâ suscepta est. Manifestius dicitur Gulielmus Cæue in Hist. Script. Eccl., quum de Paulino agens Consulatus honorem illi obtrigisse Anno 375. ait, subditque: *Anno sequenti ad exterarum regiones visendas se accingens omnes ferè Occidentis Prævincias peragravit. Hisc peregrinationibus quindecim ferè annorum spatium impendit.* Si quidem multò seriùs ex Italiâ Paulinus mouit, neque in omnes ferè Occidentis Prævincias delatus est. Quid porro in Hispaniâ gesserit, docet ipse:

Illic me thalamis humanâ lege iugari

Passus es, ut vitam commercarer duorum;

Perque iugum carnis duplicata salus animarum

Dilatam unius posset pensare salutem.

Therasia mulier natalibus, ac pietate præstans illi vxor contigit. Complutensem illam fuisse inde quis possit haurire, quod Paulinus in Paneg. de Cello in fin. sibi quoque eâ in vrbe natum, atque è viuis sublatum dixerit filium. Erat autem Therasia iam tum sacro Baptismate abluta, & nomen Christianum profitebatur, etenim se vnum salutem suam distulisse Paulinus memorat, multisque reuera post annis à Delphino Burdegalenſi Episcopo baptizatus fuit. Poeta nostro fratrem fuisse carmina subsequenter testantur. Hic nescio quâ causâ casus multas Paulino fratri turbas excitas reliquit. Non de huius opibus tantum, latissimoque patrimonio Fiscus agebat, sed innocentis etiam capiti feralis imminerebat sententia. S. Felices tamen patrociniū supplicis præstitit fuit, eiusque opem Paulini bona, tum vita impropiūsum euasere periculum. Iuuat ipsum vatem sanctum audire:

Cumque laborarem germani sanguine caesi,

Et consanguineum pareret fraterna periculum

Causa mihi, consumque meum iam Rector adisset,

Tu mea colla, pater, gladio, pairmonia Fisco

Eximis, & Christo Domino mea, meque reſeruas.

X 2

Quis

Quis fuerit iste Paulini frater, nondum mihi compertum est; eundem tamen esse, quem Paulinus in Ep. 19. ad Delphin. Burdig. Ep. memorat, facile arbitror. Nullus ibi quidem cædis mentio occurrit, quia totius scænz Delphinus iam certior ante fuerat factus; sed quum se *contristatum vehementer*, proptereaque *brevi usum* *scriptione* fateatur Paulinus, magnam illi contigisse doloris causam apertum est, quæ alia à fratris cæde vix poterat esse. De hac eadem fraternâ nece Epistolam 20. ad Amandum scripsit, ubi *recentem fraternæ diuisionis dolorem* vocat. Quæ si vera sunt, emendandus Anachronismus Cl. V. lo: Baptistæ le Brun, cui postremam operum S. Paulini editionem debemus, dum ad A. Ch. 403. Epistolam vtramque refert. Hæc siquidem binæ Epistolæ circiter Annum 393. scripæ, quum fratris cædem Paulino in Hispaniâ adhuc agenti ex hoc Natali accidisse pateat. In eâ ad Amandum Epistolâ inquit vir pius: *Ora & pro nobis, ne in peccatis nostris moriamur. Notum faciat Dominus finem nostrum, ut sciamus quid desit nobis, & propere-
mus adimplere, quod restat.* En ut sibi nondum impletum insinuat sanctum Paupertatis votum, seque ab Hispaniâ nondum discessisse. Ceterum huiusmodi infortunium ita Paulini animum perculit, ut seculo renunciare certâ statuerit sententiâ, ad id potissimum piâ impellente vxore. Consilio itaque maturato, omnibusque in pauperum subsidium distractis, maximum cum cælo factus feriens Paulinus Nolanam ad urbem sese demum recepit. Hæc omnia ipse canit:

*Nam quo consilio rebus, capitique meo tunc
Christus opem tulerit, Felicis cura potenter
Adiuerit, docuit rerum post exitus ingens,
Quo mutata mea est sors, & sententia vita,
Abiurante fide mundum, patriamque, domumque &c.*

Sammarthani in Gall. Christ. in Burdigal. Archiep. notitia ad S. Delphini vitam Paulinum Anno etiam 396. in Hispaniâ degentem faciunt; atqui ijs regionibus Anno 394. Sanctum virum valedixisse tam certum est, quam quod certissimum.

De tempore suscepti à Paulino Episcopatus.

DISS. XII.

Vix Nolæ constitutus fuit Paulinus noster, quum in omnia pietatis genera solutus mundi omnino dediticet. Iam presbyter factus in Monasterio per se à fundamentis erecto debebat, alijs exemplum sanctitatis exemplum factus. Illum tantæ commendabant virtutes, ut populi vniuersi votis in Episcopum Nolanum tandem expetitus fuerit. Sed quoto Epochæ nostræ Anno id actum?

Bre-

Brevissimè inquirem. Certum est Anno 409, aut ad summum 410. huiusmodi munere nequaquam caruisse, quandoquidem S. Augustinus eum *Nolensem Episcopum* lib. 1. cap. 10. de Civ. Dei nuncupat, dum cruciatus memorat in illum à Barbaris Campaniam vastantibus ingeltos, quod A. Ch. 410. contigit. Et hinc, ut arbitror, novus Paulini illustrator Io: Baptista le Brun, quemadmodum aliunde didici, Anno 409. Episcopatus Pauliniani primordia constituit. P. Sacchinus in eius Vita sub init. partis tertiae illum Episcopalem Sedem ascendisse arbitratur, statim ac Nolanus Antistes decessit. Chiffletius verò cap. 12. par. 2. Paul. Illustr. plus minus biennio à *Nolano eius secessu*, videlicet circa Annum 397. hanc illi dignitatem collatam censet. Ego ad istius postremi scriptoris sententiam accedere nequeo, nullum enim potens suffragium in eiusdem tucellam proferitur. Argumentum, quod ille ex Epistola ad Pammachium, petit, Codicum præstantiorum auctoritate infirmatur. Alterum illud est. Inquit Paulinus in Nat. IV. (qui Anno 397. recitatus fuit)

*Natalis tuus, o charissime Christo
Felix, Natali proprio mihi charior, in quo,
Quamlibet innumeris sint gaudia plurima turbis,
Est aliquid speciale tuis, quod nos tibi Christus
Esse dedit, viles caro largitus amico.*

Hæc de Paulini in Episcopum ordinatione intelligenda affirmat Chiffletius eo quod præcis temporibus *Natales* etiam appellabantur Episcoporum ordinationes? Nam, inquit, si quis interpretetur de Paulini primo in lucem exortu, in quo sint publica gaudia innumeris turbis, nã ille Monachismo eius, ac modestia haud leuem iniuriam fecerit. Verùm non bene calculos ponit vir Clarissimus. Illud in quo ad Natalitium S. Felicis diem, non verò ad Paulinum est referendum. Deinde *Natalis proprius* nil aliud Paulino est, quam prior in lucem egressus, quem solemnè apparatu quotannis veteres celebrare consueverunt. Id certissimum ex Nat. XIII. fiet, vbi hæc eadem Paulinus repetit:

*Ego semper istum sic honoravi diem
Magis hunc putarem ut esse Natalem mihi,
Quam quo fuisset natus incassum die.*

Reliqua evidentius docent. Tota igitur Chiffletij moles, eiusque prolixa in hunc locum meditamenta ruunt. In Ep. 16. ad Delphin. 2. ait Paulinus de Papà Anastasio: *Etiã ad Natalem suum (quod Consecratoribus suis tantùm deferre solet) inuitare dignatus est.* Scripta hæc Epistola A. 399. Igitur tam temporis Paulinus ab Episcoporum numero exclusus erat, quum se à *Consecratorum* numero (quod idem tunc erat ac dicere *Coepiscoporum*) distinguit. Quæ ad huius argumenti perspicuitatem Chiffletius regetur, facili negotio explodi queunt. Anno quoque 402. data est Paulini ad Severum Epistola XII. Huic autem Epistolæ Epigrammata quædam Paulinus intexuit Nolanæ Basilicæ recens à se extractæ inscripæ. In eorum vno sic habetur:

Plebs

*Plebs geminâ Christum Felicis adorât in aulâ,
Paulus Apostolico quam temperat ore Sacerdos.*

Et in altero:

Paulus in æternos Antistes dedicat usus.

Anno ergò 402. Paulus Nolæ sedebat Episcopus, non verò Paulinus. Hæc sanè apertissima verba frustra eludere Chiffletius molitur. Alia porro & ego argumenta suppeditabo. Scribens ad Delphinum Episcopum Burdigalensem, eum semper, annoque potissimum 403., *venerabilem Patrem* appellat, quod non fecisset Episcopus, moris enim erat istemporibus, ut Episcopi se *fratres* inuicem appellarent. Consule quæso Epistolam XVI. ad Delphinum 2., ubi ait: *Mediolanensis quoque Episcopus filius vester hucusque, nunc frater Venerius scripserat &c.* Vides Venerium, statim ac ad Episcopatum venit, fratrem Delphini capisse nuncupari, & quum ab isto quoque se distinguat Paulinus, utique Episcopali bus insulis nondum cingebatur. Sed clariora proferamus. A. Ch. 404. Natalem XI. recitauit Paulinus. In eo verò multa de fure habet, qui sacra nuper expilarat. Captus non sine miraculo improbus latro ad S. Felicis ducitur

Post sacra iam soluente pios Antistite cætus.

Sunt hæc vatis nostri verba, qui se propterea à Nolano Episcopo tum-
temporis diuersum facit. Natalis quoque decimus tertius rem euidenter
prodit. Quum Nolanis aperiendi tumuli, ubi S. Felicis ossa quiesce-
bant, animus obuenerit, ait Paulinus:

———— *Cunctos transmittit Episcopus ad nos*

Presbyteros. His fabra manus spectantibus instat

Iussa Sacerdotis facere. —————

Hunc Natalem Anno 406. elucubrauit. Paulinus. Rem verò ibi memo-
ratam nuper accidisse certum penè est mihi; non enim tantum opus diu
silentio pressisset Poeta Sanctus. Igitur, quum Antistes alius Nolæ sedens
ibi disertè dicatur, ne Anno quidem 406. Episcopalem Cathedram Pau-
linus ascenderat. Deindè cur eximiam hanc dignitatem, si sibi contigis-
set, præteriturus in Nat. XIII. fuisset Paulinus? Nullis ibi parcat verbis,
ut honores in se collatos, vitæque peractæ gesta recenscat, & maximum
hoc munus insalutatam dimisisset? Ne credas. An tamen Episcopus
Anno solum 409. processerit, latere procul dubio arbitror. Eruditissimi
nihilò feciùs Brunij sententiæ acquiescendum nunc est, à quo non sine va-
lidis rationibus, apertius saltem coniecturis hoc affirmatum mihi per-
suadeo. Quod autem asseruit Ambrosius Leo lib. 2. cap. 12. de Nolæ,
videlicet Paulinum Fundanæ Ecclesiæ Antistitem ante fuisse, Auctoris
alioquin eruditi somnium habeatur. Reliquas Paulini res gestas, eiusque
mirandam sanctitatem prosequi statuta mihi breuitas non sinie. Si ta-
men hanc quis adornandam susciperet spartam, vberem messiem è Na-
tali XIII. hauriet. Ego ad eius pietatem in ædificijs Nolæ consecris ex-
primendam procedo.

De

De adificijs Nola à Paulino conditis.

DISSERT. XIII.

TRes minimùm Paulini aduentus Nolam sunt enumerandi: Prior contigit, quum adhuc puerili in ætate versaretur, vixq; è Gallijs in Italiam aduenisset, quod innuit ille his ad S. Felicem carminibus:

*Nam puer Occiduis Gallorum aduectus ab oris
Vt primum tetigi trepido tua limina gressu &c.*

Hinc est quod ipsum S. Confessorem alloquens iterum canit:

*tibi me
Mancipium primis donauit Christus ab amis.*

Alterum Nolam instituit iter, quum à gesto Consulatu Campaniam. Consularis factus regendam suscepit; sic enim inquit:

*Iam tunc præmisso per honorem pignore sedis
Campanis metanda locis habitacula fixi,
Te fundante tui ventura cubilia serui.*

Diu Nolæ versatus est Paulinus, quod exposcebat suscepta dignitas, quumque quotidie patrata per S. Felicem miracula sub eius oculis starent, tum ad Christianam Fidem ex Ethnicismo se conuertere meditari cepit. Inter Cathecumenos itaque constitutus, vt arbitror, quædam pietatis opera continuò sibi peragenda censuit. Quingentos circiter ab vrbe Nolæ passus S. Felicis ossa quiescebant, vbi etiamnum illustris Basilica visitur. Illuc propterea ducentem viam munivit Paulinus, vt affluentium populorum commodo confuleret. Sic ipse S. Felicem alloquitur:

*Cum tacitâ inspirans curam mihi mente iuberet
Muniri, sternique viam ad tua tecta ferentem.*

Neque his contentus vir pius apud eandem B. Felicis ædem procudi magnificam domum voluit. Longo tractu protendebatur huiusmodi ædificium, primùmque vsui pauperum destinatus est locus, vt hinc etiam discas, quanta Paulini pietas foret, licet in Christi gregem nondum per Baptismatis vndas esset perductus. Audiamus ita subsequenter:

*Adignumque tuis longo consurgere tractu
Culminibus tegimen, sub quo prior usus egentum
Incoluit.*

Tertius demum Paulini ad urbem Nolanam aduentus contigit, quum eiurato seculo, opibusque in pauperes effusis, secessum Nolanum elegit, vt ibi Christo vni dicatus sanctiorem instituere, ac prosequeretur vitam. Hoc Anno 394 actum. Tum Paulinus in omnia pietatis officia se vertit, nihilque antiquius habuit, quam ea promouere, quæ S. Felicis cultum auge.

augerent. Primus illi labor fuit, quemadmodum reor, conditam in secundo aduentu domum amplificare. Alia igitur super priores muros tecta molitus ita veteres excoluit ædes, ut sibi decenter in habitaculum cedere potuerint. Pauperibus in cellas sub porticu coniectis, ipse in superioriori tecto hospitium sibi constituit. Hinc ita canit:

Posthæc geminato tegmine creuit
Struxit domus nostris quæ nunc manet hospita cellis,
Subdita pauperibus famulatur porticus egris,
Quæ nos impositis super addita tecta colentes
Sustinet hospitij

Huius porrò ædis venustatem infrà extollit:

Ecce mihi per tot benedicti Martyris aulas
Et spatij amplas, & culminibus sublimes,
Et recanis altè laquearibus ambitiosas,
Irriguas & aquis, & porticibus redimitas &c.

Ita tamen ædificium Paulinus constituerat, ut in ipsâ eius amplitudine sibi suisque hospicibus humiles cellas esse voluerit, nimirum quæ nullam saperent ambitionem, sed quæ potius immania potentum tecta arguerent. Hinc de illustribus hospitibus suis ad populum inquit:

Quos cernitis, & modò in ipsi
Felicis tectis mecum metata tuentes
Hospitia, oblitos veterum præcelsa domorum
Culina, & angustis vicino Martyre cellis &c.
His enarratis Paulinus aliud opus addit:
Omnibus extructis operum, quæ stare videntur
Diuersis composta modis, excelsa per aulas,
Et per vestibula extentis circumdata latè
Porticibus, solùm simul omnia munus aquarum
Tecta videbantur massis orare colonis. &c.

Optatum propterea aquæ ductum temporum vetustate interruptum ab oppido Abellâ ad S. Felicis Basilicam perducere in animum induxit. Longus interponebatur viæ tractus, nempe quinque passuum millia. Sed operis difficultate non territus vir sanctus amplos canales, reluctantibus nequidquam, sacræque ædis beneficium respicientibus Nolanis, refferat. Operas illi suas Abellani ad laborem contribuere, adeoque is incaleuit, ut ingentem aquæ vim tandem destinatum ad locum perduxerit. Hæc fusillimè in laudato semper Nat. XIII. habentur. Alia verò Paulini ædificia me prosequi propositum breuitatis institutum non patitur. Tantùm meminerò plures ab eo conditas fuisse Basilicas, quas omnes ex Ep. XII. ad Seuerum ab ipso descriptas petere potes. Potiorem inter has locum obtinuit illa, quæ ad Dominadium (ut is inquit) communem patronum in nomine Domini Christi dedicata est. Ambrosius Leo lib. 2. cap. 11. de Nolâ Basilicam hanc Deo O. M. dedicatam à Paulino autumat, Deus enim, ait, cum Dominicus vocabatur, quod verbum

in ore iurantium, ac inuocantium Deum usque ad nostra tempora seruatum audimus. Sed veram vocis significationem ille non tangit, siquidem pro *Dominatio* S. Felicem Paulinus intelligit. Huiusmodi vox *Dominum* purè, aut *patronum* significat, quod itidem per me probabitur in quodam S. Maximi Taurinatis Sermone, quem vnà cum pluribus alijs eiusdem Episcopi ineditum in reliquis Anecdotorum libris producum. Ibi verò *Dominicus* pro *Domino* vsurpatur. Paulinus quoque se S. Felicem innuisse ostendit in Ep. 9. ad Seuer., vbi Natalem in eiusdem S. Confessoris honorem elaboratum *solemnem ad Dominadium cantilenam* vocat, & in Ep. 28. ad Victricium *Sancti sui Confessoris dilectissimi Felicis Dominadij* meminit. Id autem alibi occurrit. Neque melius loquitur idem Leo lib. 2. cap. 12., quum S. Felicis Basilicam antiquitùs intra vrbs Nolæ ambirum sitam affirmat, ab eà namque enormi aberat spatio, nimirum mille circiter passus. Hæc eadem nunc tamquam eximium sanctitatis penetrale visitur in loco, quod Cæmeterium (vulgò *Cimitino*) nuncupatur. Eius porrò descriptionem petere licebit à Capacc. in Hist. Neap. lib. 2. in fin., à V. Cl. Sarnello in Cleric. Spec. ad Vitam S. Felic., à Pachello in Italicis eius Epistolis, & ab alijs pluribus.

De S. Felice Nolano.

DISS. XIV.

PAUCA & hic de S. Felice animadvertere libuit, cuius olim adeò celebris miraculorum fama fuit, vt ad eum vndique populi concursus foret, nullaque pars orbis terræ haberetur, quæ tantum non coleret sanctum. Eius acta scriptis consignauit Gregorius Turonensis lib. 1. de Glor. Martyr. cap. 104., Beda, Marcellus Presbyter antiquissimus, Ado, Notkerus, & alij, sed omnibus tamquam magister Paulinus noster præiuit, qui suis Natalibus Felicis vitam, ac prodigia per eum facta complexus est. Hæc omnia in vnum coegere Patres eruditissimi è Soc. Iesu, qui Acta Sanctorum incredibili & sollicitudine, & eruditione elaborant. Quia tamen eis latuere Natales nunc primùm editi, alia, quæ Paulinus cecinerat, quæque ab omnibus nunc recoli possunt, ommissere miracula. Rem præclaram in Natali XIII. describit sacer vates, nempe B. Martyris sepulcrum penè ad apertum fuisse, quum è superioribus sarcophagi venerandi partibus improuisus erumperet pulvis. Quo tempore id euenerit, planè incompertum mihi; Sed paucis ante Annum 406. mensibus contigisse crediderim, siquidem tantum munus præteritis in Natalibus Paulinus haud præterisset, si diutius ante id factum. Quibus visis ad examinandum procedo, quo tempore S. Felix in viuis esse desierit. Bollandus V. C. in eiusdem Sancti vitæ die XIV. la-

Y

nuar.

mar. §. 6. hæc habet: *Ætas S. Felicis à Paulino non exprimitur. Ineptè Christophorus Phreislebius circa Theodosij tempora vixisse scribit. Henricus Fabricius circiter annum Christi 300. obiisse existimat; sed qua tunc pax Ecclesiæ? Heraus circiter 310., Michael Monachus non longe post Annum 312., quo data pax Ecclesiæ. Est hæc aliorum quoque, & probabilis opinio. Sed diuersus à tot Auctorum opinione abire cogor. En Paulinus Nat. XIII. ait:*

*tanto voluisti prodere signo,
Vt tacitam, & fixam per tot retrò secula sedem
Corporis, alme, tui subito existente fauillâ
Pulueris in nostro seruari tempore velles.*

Et infra:

*Addit, vt tantis numquam retrò condita seclis
Nostro opere extructas ad crescere, vel renouari
Porticibus, domibusque suas permitteret aulas.*

Igitur non circa Annum Christi 312. S. Felix è viuis excessit. Quomodo enim memorata hic *tot retrò secula* xuo Constantini queunt accommodari, à quo ne vnum quidem seculum distabat Paulinus? Idem in Natal. XI. aiebat:

*Et licet à veteri tumulis absconditus auo,
Quâ mortalis erat, lateat telluris operto &c.*

Sed alium è Natali VI. producamus locum, quem animaduertere Bollandus etiam cum alijs poterat. Nolanum agrum, in quo sepultura S. Felix mandatus fuit, describit noster vates:

*Pauper ubi primùm tumulus, quem tempore sauo
(Religio quo crimen erat) minitante profano,
Struxerat angustè gladios trepida inter, & ignes,
Plebs Domini, vt seris antiqua minoribus atas
Tradidit, ingentem paruo sub culmine lucem
Clauserat &c.*

Si Felix non longè post annum 312., quo pax data Ecclesiæ, obiit, quomodo Bollandus arbitratur, cur illi *pauper tumulus* extructus dicitur, & quidem *tempore sauo*, quo Religio crimen erat, & plebs Domini, Tyrannis minitantibus trepida inter gladios ignesque iacebat? Cur huiusce memoria tumuli *ab antiqua atate seris nepotibus* tradita affirmatur? Profectò hæc de Constantini temporibus intelligere prorsus vetatur. Idem Paulinus Natali VI.

*Lux eadem Sancti cineris per secula custos
Martyris hæc sancti vitam probat &c.*

En *per secula*, non per vnum seculum stetit Felix sepulcrum discimus. Igitur concludamus Felicem Nolanum in prioribus Ecclesiæ ærumnis exagitatum, pacis subsequuto tempore, cælis animam reddidisse. Seculo Christi secundo potius, quam tertio rem actam *tot secula* ab eo usque ad Paulinum elapsa suadere videntur. Hinc plures Vghelli in Ital. Sacra.

Ana-

Anachronismos emenda. Afferit enim S. Maximum Episcopum Nolanum, cui Felix in Martyrio socius fuit, mitesciente Diocletiani persecutione è viuis decessisse, vti etiam S. Quintum (sub quo S. Felicem itidem vixisse scimus) Anno Christi 320. floruisse, aliumque S. Felicem primum Nola Episcopum anno 259. Martyrio coronatum obiisse; nam ad antiquiora tempora trahenda est horum Sanctorum ætas.

*Ad S. PAVLINI Natal. XI. vers. 324.
de Anno, quo SS. Protasij, ac Gervasij
corpora per S. Ambrosium fuisse
inuenta.*

DISSERTATIO XV.

Ad eruditissimum virum NICOLAVM RVBINVM
Metropolitanae Mediolanensis Ecclesiae Ordinarium
Canonicum, & Theologum.

Minimè dubito, Rubiae vir sapientissime, quin Paulinum meum prono animo, sinuque toto sis excepturus, tum quod quasi posthuminò reuersus, & inimicæ ætatis victor in eruditorum manibus versari iam poterit, tum etiam quod ex Ambrosiana Bibliotheca, quam tibi perenni amore deuinxisti, ille prodierit. Eo tamen potissimum nomine te meæ felicitati gratulaturum arbitror, quod in eiusdem Sancti operibus aliquam de SS. Protasio, ac Gervasio mentionem iniectam sis deprehensurus. Quamuis enim felicissimo ingenio tuo vniuersum Ecclesiasticæ eruditionis pelagus complectaris, adhuc in rerum Mediolanensium indaginem, cognitionemque ita sedulus incumbis, vt reliquis persuntoriè, his verò te totum dicasse videaris. Quamobrem quum in Annum inquirere, quo horum Sanctorum corpora diuinitus fuisse reperta, instituerim, nulli sanè melius quam tibi mea hac de re sententia fuerat offerenda. Annum Christi, quo hæc contigere, Purcellus noster, vir æternùm laudandus, in Diss. Nazar. cap. 39. fuisse trecentesium octogesimum septimum est arbitratus, remque ille diligenti curâ studioque pertractans quæcumque argumenta sibi militare aduertit, prolixè in suum traduxit volumen. Verum enim verò tanta sunt, quæ in eius sententiam pugnant, vt ab illâ diuersus abire penitus cogar, simulque affirmare non Anno 387. sed 386. Protasium, ac Gervasium à magno Antistite Ambrosio fuisse adiuuentos. Ad eò ce-

lebrem Historiam Paulinus eiusdem Ambrosij familiaris sic refert :

*Ut sancto non olim Antistite factum
 Nouimus Ambrosio, qui fulcus munere tali
 Postquam ignoratos prius, & tunc indice Christo
 Detectos sibi met, mutatâ transtulit aulâ,
 Reginam promptâ confudit luce furentem.*

Primum itaque Puricellianæ opinionis argumentum fuit S. Augustini Baptismus, cuius tempore cognito tempus quoque inuentorum Martyrum elucescit; sanctum verò Doctorem A. Ch. 388. salutari vndâ ablutum posuit, quod à veris Historiæ calculis abhorreere primum omnium ostendetur. Equidem graues sententiæ suæ propugnatores Baronium, Pennotum, aliosque plures adsciuit vir doctissimus, sed inde parum roboris illi accessisse dicenda euincunt. Quum Baptismum suum refert Augustinus lib. 9. cap. 7. Confess. hæc habet: *Nimirum annus erat, aut non multò amplius, cum Iustina Valentiniani Regis pueri mater hominem tuum Ambrosium persequeretur hæresis suæ causâ &c.* Tunc Hymni, & Psalmi ut canerentur secundum morem Orientalium partium, ne populus maioris tadio contabesceret, institutum est. Tunc memorato Antistiti tuo per visum aperuisti, quo loco laterent Martyrum corpora Protasij, & Gernasij &c. Igitur ab inuentione Sanctorum ad Augustini Baptismum annus, aut non multò amplius effluxerat. Iccircò si annum, quo baptizatus est Augustinus, attingere licebit, in alterius cognitionem necessariò deueniemus. Ludouicus ab Angelis lib. 3. cap. 4. de Vitâ S. August. ex eo quod in Annum 387. Magnus Annalium Scripserat Iustinus in Catholicos furorem, Sanctorumque Martyrum inuentionem conijciat, eodem ipso Anno S. Doctoris Baptismum contigisse censet; sed malè illi subducti sunt calculi, siquidem annus & amplius, vt dixi, inter Martyrum translationem, suumque Baptismum intercessisse apertè testatur Augustinus. Natus est S. Doctor, vt nunc omnes aduersus Baronium, eiusque sectatores consentiunt, A. D. 354. Id. Nouemb., ait autem lib. 9. cap. 11. Confess. Monicam parentem suam apud Ostia Tyberina ad Superos euolasse *trigesimo & tertio ætatis meæ anno.* Hic verò obitus eodem anno accidit, quo Augustinus Baptismum suscepit, nam post illum, vt in Africam transmitteret, Mediolano valedixerat, & rectâ ad Tyberinam focem perrexit mari se commissurus. Alibi quoque repetit se *trigesimo & tertio ætatis anno* sacris vndis fuisse purgatum, & ipsa Romana Ecclesia in Breuiarij lectionibus tradit. Trigesimus & tertius ætatis Annus Augustino currere incipiebat Id. Nouemb. Anni 386. igitur intra hunc diem, & Idus Nouemb. Anni 387. sequentis statuendus est eiusdem Baptismus. Quum autem à Possidio in eiusdem Sancti Vitæ doceamur *propinquantibus diebus sanctis Paschæ salutis aquam, Augustinum percepisse*, manifestè colligitur non nisi Sabbato Sancto Anni 387. eundem Sanctum ad sacrum fontem processisse. Sed & aliud argumentum proferamus. Saltem annum vnum in Italiâ post Baptismum substi-

tit Augustinus, namque præter moram ad Tyberim, aliaque loca, Romæ diu se tenuit, ubi se libros scripsisse de moribus Manichæorum, & de morib. Eccl. Cathol., itemq; *Dialogum de Animâ*, & libros tres de libero Arbitrio fateatur lib. 1. cap. 7. 8. 9. Retract. Deinde in Africam remeavit. Illuc porro quando aduenierit, ipsum docentem audiamus lib. 3. cap. 28. contra Iulian. Petilian. Donatistæ: *Cum ego Mediolanum ante Bauto nem Consulem* (Consul hic processit A. Ch. 385.) *venerim, eique Consuli Kal. Ianuar. laudem in tanto conuentu conspectuque hominum promcâ tunc Rhetoricâ professione recitauerim, & ex illâ peregrinatione iam post Maximi Tyranni mortem Africam repetiuerim.* Anno Ch. 388. die 28. Aug. obiit Maximus, vt Idacius in Chronico, & Socrates lib. 5. cap. 24. fidem faciunt, & Gothofredus in Chronolog. Cod. Theod. ad l. 6. & 7. C. eod. tit. de Infirmand. his quæ sub Tyrann. testatur. Eodem ergo Anno 388. Africæ redditus est Augustinus, ac propterea Anno 387. superiori baptizatus. Clariss. vir P. Eustachius à S. Vbaldo, cuius beneuolentiæ eruditionique me plura debere fateor, in Quodlib. Regul. dub. 7. n. 53. Macedum, & Desnos solidissimè arguit, quod moram Augustino in Italiâ post susceptum Baptismum breuissimam statuant. Verùm eiusdem sententiam probare nequeo, dum A. 388. S. Doctorem Baptismatis gratiam recepisse arbitratur, Anno verò 389. Monicam eius matrem è viuis sublatam, ac inde in Africam iter ab illo institutum. Cur enim, vt Annum nauigationis suæ Augustinus designaret, Maximi necesse fuisse iam Anno superiori peractâ? Cur iam post Maximi necem, quod idem sonat ac statim post Maximi necem, dixisset? Quantum enim attinet ad S. Monicæ mortem, tam certum est illam Anno 387. contigisse, vt nil certius. Augustino Annus trigessimus tertius eodem Anno Id. Nouemb. exhibet, & trigessimus quartus adueniebat, ergò quum, vt vidimus, ipse Augustinus se trigesimo tertio ætatis suæ anno matre orbatum asseruerit, in ipso Anno 387. S. Monicæ obitus figendus venit. Deinde non Romam primum, vt cum eruditissimo viro censuere Baronius, Torellus, Ludouicus ab Angelis, alijque plures, sed rectâ ad Ostia Tyberina Mediolano Augustinus perrexit; etenim lib. 9. cap. 10. Confess. is ait: *Apud Ostia Tyberina, ubi remoti à turbis post longi itineris laborem instaurabamus nos nauigationi &c.* Vides post longum iter illuc Augustinum concessisse? Nimirum Mediolano, non Româ venerat, non enim Româ ad Tyberis Ostia profectus longi itineris labor opus erat. Illic igitur post quinque dies ab aduentu febribus decubuit, & nono ægritudinis die ad Cælos euolauit S. Monica A. 387. Cur autem in sequentes annos ab eruditissimo P. Eustachio, & ab alijs Scriptoris eius mors protraheretur, in causâ fuit dies, quo illa solemniter colitur, nempe quartus Maij; quum enim eo die Monicam decessisse sibi quisque suaderet, Annoque 387. forsan is dies Monicæ in vrbe Mediolano efflueret; hinc ad alios annos eiusdem obitum distulere. Acqui animaduertenter Emin. Card. Norisius in quodam Opusculo diem S. Monicæ festum ad aliquam eius translationem, aliamque causam

causam referendum, & Clarissimi post illum Patres è Soc. Ies. in Act. Sanct. ad diem 4. Maij monuere, qui etiam à quingentis tantùm annis S. Monica cultum in Ecclesiam inuectum fatentur. Augustinum quoque Anno 387. ad Baptismum accessisse ex Possidio cap. 31. Vitæ colligi potest. Inquit ille de S. Doctore: *Vixit annis 76., in Clericatu autem, vel Episcopatu annis ferme 40.* Vixerat autem in agris Tagillensibus, antequam sacris Clericatus muneribus initiaretur, *ferme triennio alienatis à se curis secularibus*, ut idem Possidius cap. 3. ait. In Africâ igitur annos 43. plus minus egit Augustinus, postquam ab Italiâ se illuc recepit, & quum Anno 430. certissimè obierit, liquidò apparet Anno saltem 388. Magnum Doctorem ex Vrbe Tagastem delatum, à quo Anno ad 430., si utrumque terminum complectaris, *Annos ferme 43.* supra memoratos colliges, quod minimè præstabis, si in Anno 389. eius ad Africam profectiorem figas. Si igitur A. Ch. 388. Africam petijt Augustinus, anno superiori 387. Baptismi vndâ fuerat abluus. Ceterùm huius veritatis testes accedunt Clariss. Card. Norisius in Opusculo quodam, Ludouicus ab Angelis lib. 3. de Vit. S. August. cap. 4., Herrera in Alphab. August., Torellus tom. 1. Secul. August. ad A. 387., & omnium nunc ferme eruditorum calculo sententia hæc roboratur. Itaque tecum Rubine doctissime, iure mirari iam subit, cur Religiosissimi PP. Cistercienses in Ambrosiano Carnobio degentes A.D. 1677. hanc Inscriptionem ædiculæ, quæ S. Augustini nuncupatur, in fronte poni curarint:

DIVVS AVGVSTINVS
AD LEGEM FIDEI
PER S. AMBROSIVM
EVOCATVS
HIC VNDA COELESTI
ABLVTIVR

ANNO DOMINI CCCLXXXVIII.

Profectò ægrè ferendum est, publicum monumentum ad nepotes seros transmittendum tam confidenter fuisse expositum, ut nulla in ipso veræ Chronologiæ ratio sit habita, quodque magis dolet, amicus noster communis huiusmodi Anachronismo causam præbuerit. Nam quantum pertinet ad locum, ubi Baptismum S. Augustinus recepit, parcas tu quæso extra chorum saltanti, parcant egregij Patres, si Landulpho, qui seculo Christi vndecimo florebat, quique sub Datij nomine in Ambrosianâ MS. asseruatur, ita de S. Augustino scribenti assentiar: *In Fontibus, qui B. Ioanni adscribuntur, Deo opitulante, à B. Ambrosio cunctis fidelibus assistentibus, & videntibus in nomine Sanctæ, & individue Trinitatis baptizatus, & confirmatus est.* Sic erat hæc olim gdes S. Ioannis ad Fontes inter Ecclesiam Maiorem, & S. Thecla, ut probat Puricellus vir summæ eruditionis in Dissert. Nazar. cap. 39. n. 21., & in Monum. Basil. Ambr. n. 300., qui etiam in præfatâ S. Augustini æde Baptismum Augustinianum contigisse negat. Petrus Paulus Bosca vir disertissimus in Martyrol.

Am:

Ambros. ad diem 5. Maij veteri Traditioni standum putat. Sed quidnam, rogo, ponderis huiusmodi traditioni inest, quæ nullis non modò veterum suffragijs munitur, sed eorum expressè testimonio iugulatur? Quin & antiquitùs vnum tantùm in vrbibus fuisse Baptisterium (qui mos in quibusdam etiamnum durat) eruditissimè docuit Ioseph Vicecomes Collegij Ambros. quondam Doctòr in lib. de Baptismo cap. 8., & ego animaduerti ab Episcopis tantummodò ministratum olim fuisse Baptismatis Sacramentum, vt propterea pluribus opus non esset Baptisterijs, sed vnum dumtaxat sufficeret. Hoc autem Baptisterium Mediolani S. Ioannis ad Fontes Basilica appellabatur, quo nomine in alijs vrbibus etiam Baptisterij Basilicæ distinguebantur. Sic Romæ templum S. Ioannis Baptistæ, cui Lateranensis nomen, Baptisterium complectebatur, & Rauennæ S. Ioannis in Fonte simillimo muneri inferuebat, vt monuit Cl. Vir, meique amantissimus Patronus Ioannes Ciampinus cap. 25. Veter. Monim. tom. 1. S. Ambrosius in Ep. 13. ad Marcellinam; *Dimissis, inquit, Cathæcumenis Symbolum aliquibus Competentibus in Baptisterij tradebam Basilicâ*. Profectò contra ipsius Ambrosij sententiam ire videretur quisquis eius æuo plura Mediolani Baptisteria constitueret. Cur enim Basilica Baptisterij nudè nuncuparetur, si non vna cum Mediolani fuisset? Alio nomine distinguenda erat ædes illa, vt inter reliquas Baptisterij Basilicas nosceretur. Vnum ergò Mediolani Baptisterium positum erat, quod *adem S. Ioannis ad Fontes* minores appellarunt, ibique S. Augustinum Baptismali gratiâ donatum meritò opinamur. Neque ex Ennodio, Landulpho, alijsque bina antiquitùs in hac vrbe sita fuisse Baptisteria reponas, itidemque aliud apud Portianam Basilicam, quæ Metropolitana olim fuit, vt Carolus à Basilicâ Petri in Hist. Mediol. ad Vit. S. Caltritiani docet, quandoquidem Ennodij tempore iam plura in vrbibus vsurpari Baptisteria cæpere, quod Ambrosij æuo in saetum planè fuit, & alijs Baptisterij apud Basilicam Portianam nulla sit apud antiquos, recentisque memoria. Quin & illam Basilicam Metropolitanam nequaquam fuisse solidè suspicatur Mediolanensium rerum accuratissimus perscrutator Camillus Sitonus I. V. Doctòr, quem *Intramurana Basilica*, quæ Maior à S. Ambrosio in Ep. 13. ad Marcellinam dicitur, hoc potiùs muneris quondam præstitisse censenda sit. Alia mitto, ne morosior æquo extra femitam deprehendar. Statuto igitur Augustini Baptismo Anno videlicet 387., suporest vt in Annum superiorem 386. SS. Protasij, & Gervasij inuentionem coniciamus, quam Puricellus vnâ cum alijs ipsi Anno 387. assignauit. Id necessariò, vt diximus supra, ex S. Augustini verbis admittatur oportet. Sed & S. Ambrosium à nobis itantem habeo, & ex eius libris hoc Anno 386. peractum eliciam. Eodem ipso Anno, quo à S. Doctore recitata est oratio de Basil. non tradend., inuenti sunt memorati Martyres, anno enim superiore Iustina Augusta animi sui impotentiam in Catholicos exercere cæperat. In eâ autem Oratione sic ait magnus Episcopus: *Si quis confidit, huc veniat; inclinatum iam Imperatoris*

toris iudicium, quod latâ lege patefecit, quo impugnât Fidem, vel sperantiam ambientium quorumdam studia non requirat. Quamdam Imperatoris Legem nuper promulgatam memorat Ambrosius, quâ Fides impugnatur. Sed quænam hæc? Ea est l. ult. C. Th. de Fide Catholica data X. Kal. Febr. Mediolani Honorio Nob. Puero, & Euodio Coss., scilicet A. Ch. 386. Ibi Arianis sit in Ecclesiis Catholicorum coeundi potestas, ibi Ariminense Concilium probatur, quod in laudatâ Oratione Ambrosius hisce tetigit verbis: *Hanc ergo Legem quisquam sequatur, quâ firmatur Ariminense Concilium, in quo creatura dictus est Christus?* Anno igitur eodem 386. sub Paschatis dies, non verò 387., vt Puricellus, ac Baronius autumant, eadem Oratio recitata; non enim iam inclinatum Imperatoris iudicium dixisset Ambrosius, si Anno 387., hoc est post Annum, & menses à latâ Lege penes populum S. Episcopus perorasset. Rursus ex secundâ Legatione à S. Ambrosio ad Maximum Tyrannum susceptâ idem Chronologi punctum statuunt. Anno 387. Valentinianus, ac Iustina eundem Legatum Treuiros ad Tyrannum miserunt. Re infectâ dimissus vir Sanctus Italiaque redditus ad Valentinianum Epistolam 56. scripsit, vbi ait: *Esio tuor aduersus hominem pacis inuolucro bellum tegentem.* Quare Imperator Dominum alterum pro confirmandâ pace Legatum ad Maximum destinauit. Hunc ingenti honore exceptum dimittens Maximus mox cum exercitu subsequitur, & Cortijs Iulijque Alpibus occupatis Aquileiam vsque contendit. Hæc vbi ad Valentinianum delata, sibi timens Augustus Tessalonicam versus fugam arripit. Mense Septembri Occidentem deseruisse Imperator videtur, siquidem VII. Id. eiusd. mensis Mediolani edidit Legem 4. de Principib. agent. in reb. C. Th. Si A. 387. sacræ Geruasij, ac Protasij exuuiæ die XIX. Iunii translatae fuissent, quo pacto Ambrosium virum illuc vsque sibi insensissimum tam citò Legati munere Iustina exornasset? Quoue etiam modo intra spatium trimestris eiusdem Ambrosij, iterumque Domini legationes, & Maximî in Italiam irruptio contingere potuissent? Certè locorum distantiam, perpendenti aliud affirmandum videbitur, nempe A. superiore 386. inuenta Sanctorum corpora, alteroque Anno reliqua ad Maximum spectantia accidisse. Paulinus in Vita S. Ambrosij hoc rursus suadet; enarratâ enim hæc inuentione subdit: *Sanctus verò Ambrosius Episcopus maioris humilitatis vir factus donatam sibi à Domino gratiam seruauat, crescebatque quotidie Fide, & amore coram Deo, & hominibus.* Ambrosium posthæc legationem ad Maximum suscepisse affirmat. Igitur quum *quotidie Fide, & amore coram Deo,* antequam Legatus Treuiros peteret, Ambrosius creuerit, non modicum tempus inter Martyrum inuentionem, legationemque susceptam intercessit, atque ideo non vno A. 387. hæc omnia fuere peracta. Quæ autem hucusque retulimus summum ex Prosperi Chronico robur mutantur. Ita apud illum in edit. Labbei tom. 1. Nouæ Biblioth. illa digeruntur.

Num. II. Iustina mater Valentiniani Arianis sancens in Ambrosium, &
in

in Mediolanensem Ecclesiam diuersa iniuriarum genera congerit. Reliquia Geratij, & Protasij Martyrum ab Ambrosio primum Mediolani reperta. Hymni Ambrosij compositi, qui numquam ante in Ecclesijs Latinis modulis canebantur.

Num. III. Maximus irrumptit. Valentinianus ad Theodosium confugit. Augustinus Mediolani Rhetoricam ad primè docens ommissis scholis ad Fidem rectam conuertitur, cum ante Manichæus fuisset.

Num. 4. Theodosius cum exercitu ad Italiani transgrediens Maximum interfecit.

Viden hic seruata annorum serie vniuersa tradi? Annum 386. respicit secundus numerus, ibique detectæ Sanctorum Reliquiæ dicuntur. In tertio, hoc est A. 387. Augustini Baptismus refertur; & quartus demum numerus Maximi interitum in Annum 388. confert, quemadmodum & reliqui affirmant Chronologi. Sed iam tempus poscit, vt maximum huiusce sententiæ assertorem Em. Norisium in Opusc. de Itiner. S. Augustini commendem; quum enim per tantum virum profecerim, & ad illum debita gloria referenda, & singulare huic opinioni pondus ab illius suffragio accedere fatendum est. Clariss. quoque virum Antonium Pagium in Critic. Baron. ad A. Ch. 387., ac Hermanzum in Vitâ Gallicâ S. Ambrosij nostris in castris militare animaduerti; quibus viris (& quanti quæso sunt) quis iam subscribere dedignetur? Verum patientia tuâ diutius abuti nolo, Rubine ornatissime, ne si quid obsequij professione meruerim, nimia loquendi libidine perdatur, Vtinam tu quoque ad vrbis Mediolanensis dignitatem operas tuas aliquandò conferas, studisque tuis publicæ luci redditis ingenij tui felicitatem prodas; tunc enim eruditissimum tantæ vrbis illustratorem literaria Respublica suspiciet, certè grauiorem deinceps desiderare nequibit. Vale.



Ad S. PAVLINI versum 402.

Multa etenim suberant alia &c.

Nat. XI.

DISSERTATIO XVI.

De templorum apud veteres Christianos ornatu, ac de diurno
in eis cereorum usu, ad Cl. & Eruditissimum virum.

ANTONIVM MAGLIABECHIVM

Ser. Etruriæ Ducis Bibliothecarium.

SI te iudicem, Clarissime Magliabechj, in aliquâ eruditionis causâ
sisterem, utique electioni meæ vel ipsi aduersarij succensere non
possent, quum virum omnino eruditissimum, & Reipub. Litera-
riæ columen in illud tribunal aduocarem, ex quo solida continuò
foret expectanda sententia. Et reuera nunc tibi huiusmodi munus iniun-
ctum velim, dum de sacris Ecclesiarum ornamentis loqui in animum
induxi, non vt Paulinum meum tantummodò illustrem, sed vt consuetis
etiam Nouatorum calumnijs ex parte occurram. Cardinalis Baronius
vir æternùm laudandus in Annal. ad A. C. 57. & 58. Ecclesias pluribus,
ijsque ditissimis ornamentis antiquitus fuisse refertas magno eruditionis
robore statuerat. Non multos verò ante annos tanti viri sententiam ar-
rodere ausus est Iohannes Henricus Ottius Calvinista professor in libro,
cui titulum fecit: *Examen perpetuum Historico Theologicum in Card. Ba-
ronij Annales*. Dicam neque maleuolentiâ ductus, neque inuidiam scrip-
tori facturus; liber ille magno hiatu magna spondebat, sed in ridiculum
murem festiuissimè factus euasit. Et profectò si aliud examen huic *exami-
ni* quis sibi reponendum sumeret, atramento citius, ac papyro destitueret-
tur, quam ab erroribus castigandis temperaret. Illam ego interim par-
tem refellere decreui, quæ de sacrarum ædium ornatibus agit, beneficio
Paulini potissimum fretus, quo nemo melius, nemo apertius hæc seculis
futuris reliquit expressa. Laudat Ottius Alexandrum Seuerum Ethnicum
Imperatorem, vt pote qui Templis aurum inferri vetuit, recitatis ad id
Persij carminibus:

Dicite Pontifices: in sacris quid facit aurum?

Quin Superis iustos mores, castosque probamus.

Atque hæc subdit: *Tu verò sodes confer hæc cum modernorum Pontifi-
ciorum templis, atque Monasterijs*. Ad annum verò 58. s. 36. relatis ver-
bis Actorum 20. 8. *Erant lucerna non pauca in cenaculo, ubi erant con-
gre-*

gregati, hæc habet; Hinc Baronius cereorum, lucernarum, seu luminum
 usum obtrudere nobis, & ex medio Iudaismo, atque Gentilismo in Chri-
 stianum orbem, seu alter cerosofarius, inferre vult. Tum ostendere per-
 git cereos olim in Ecclesiâ accensos non diurnis exercitijs, sed nocturnis
 adhibitos. Rem paucis expediam. Et quidem quum Paulini nostri car-
 mina euoluo, tam ad vnguem expressa intueri mihi videor Ecclesiarum
 nostrarum & usum, & ornamenta, vt nullam maiorem concordiam re-
 periri posse arbitrer. Pretiosa olim in sacris ædibus ornamenta fuisse,
 & quidem auro, & argento decorata en tibi Paulinus Nat. VI. testatur;

*Cedo, alij pretiosa ferant donaria, meque
 Officij sumptu superent, qui pulchra tegendis
 Vela ferant foribus, seu puro splendida lino,
 Sine coloratis textum fucata figuris.
 Hi laues titulos lento poliant argento,
 Sanctaque præfixis obducant limina lamnis. &c.*

In Natali verò XI. præter alia non minori pretio insignia Crux aurea his
 verbis exprimitur:

*Multa etenim suberant alia, vt nouistis, in ipso
 Ornamenta loco, quæ sumeret, vt Crucis auro
 Parceret; Intus enim latitabant mystica vasa
 Sumendis mandata Sacris.*

Quo ultimo carmine non aliud intelligendum censeo, quam Calices,
 è quibus Dominicus Sanguis hauriebatur à Fidelibus, aliaque huiusmodi
 vasa sacra. Aderant & lucernæ argenteæ.

*Minus esset
 Criminis, & pretij suspensam altaris ab ora
 Longius, argentoque leuem emendare lucernam.*

Et infrâ: Continuum scyphus est argenteus aptus ad usum.
 Crux ipsa, quam adeo venussè Paulinus exprimit, non auro tantum gra-
 vis erat, sed & gemmis concinnè exornatam gerens coronam sui pretium
 augebat. Ait de aureis, hoc est de Cruce, coronæque auræ, in quæ dex-
 tram latro porrexerat:

*Quæ simul & varijs scitè distincta lapillis
 Viderat.*

Item S. Poeta coronam gemmis grauem asserit:
Parsua corona subest varijs circumdata gemmis.

Multis præterea verbis lampades describit:
*At medio in spatio fixi laquearibus altis
 Pendebant per abena caui retinacula lychni &c.*

Idem Natal. 9.

*Teltoque supernè
 Pendentes lychni spiris retinentur abenis,
 Et medio in vacuo laxis vaga lumina nutant
 Funibus, undantes flammæ leuis aura fatigat.*

Natali 3. lampadum frequentiam circa altaria sic memorauerat.

Clara coronantur densis altaria lychnis &c.

Natali etiam VII. vitream lucernam, vt moris sui est, graphice describit, & Nat. XI. alias è metallo fabrefactas omnium oculis subiicit. Hæc & alia refert Poeta noster, partim etiam videnti populo describere non sustinet, ne tædium audientibus ingerat, atque compendij ergo:

Munera erant de more sita, hæc quæ cernitis illic

Omni prompta die.

Illustis autem est candelabrorum mentio subsequenteribus in carminibus:

— vel circumfixa per omnes

Ordine dimenso quasi candelabra columnas,

Depictas extare gerunt quæ cuspide ceras,

Lumina vt inclusis reddantur odora papyris.

Quot igitur, quantumque pretiosa sacris in ædibus tum temporis ornamenta haberentur, expressum intuemur, quibus addere iuuat quædam aliunde petita loca, ne nudum Paulinum exhibeam. Theodoritus Lib. 1. cap. 31. *ἱστορεῖται δὲ καὶ τὸ τοῦτον θυσιαστήριον βασιλικῆς τῆ παραστάσεως, καὶ καμπύλαις λαδοκαλλήτοις χυμέναις.* Ornabatur autem & diuinum altare regis velis, donariisque aureis gemmatis. Euseb. in vitâ Constantini lib. 4. cap. 59. Apostolorum Templum ab eodem Imperatore Constantinopoli describens interius rectum asserit vniuersum auro fuisse contextum. Aur. Prudentius item Paulino cozus Peristeph. in Hymno S. Laurentij tyrannum sic adloquentem inducit:

Hunc esse vestris Orgys

Moremque & artem proditum est,

Hanc disciplinam fœderis,

Libent vt auro Antistites,

Argenteis scyphis ferunt

Fumare sacrum sanguinem,

Auroque nocturnis Sacris

Adstare fixos cereos.

Ferventibus igitur in Christianam Religionem Ethnicorum minis etiam pretiosis vasis utebatur Ecclesia. Occultè id quidem propter timorem factum, sed tamen factum. S. Aug. lib. 3. contra Cresconium cap. 19. hæc profert ex Gestis Proconsularibus habitis *Constantio Maximo Augusto, & Constantino iun. Nob. Caf. Coss.* hoc est A. C. 320., vt rectè statuit Valesius, non verò vt putauit Baronius, 306. *Posteaquam apertum est, in Bibliotheca inuenta sunt ibi armaria inania. ibi protulit Syluanus capitulatam argenteam, & lucernam argenteam.* Sed & ante scriptum erat Calices duos aureos, itemque calices sex argenteos ab eodem Syluano traditos. Hæc Augustinus, vt Syluanum euincat persecutionis tempore fuisse traditorem. Anastasius Bibl. (seu antiquior Libri Pontificalis Auctor) in Syluestro præter alia vasa aurea, ac argentea hæc memorat: *Donauit patenam argenteam pensantem libras viginti, scyphos argenteos duos,*

duos, qui pensauerunt singuli libras denas. *Amas argenteas duas &c.*
 & ibidem: *Obtulit candelabra auricalcha septem ante altaria, quæ sunt in pedibus decem &c.* Candelabra quoque exprimit Athanasius in Ep. ad Orthodoxos. Celebris autem S. Ambrosij sententia euasit in lib. 2. Offic. cap. 28., quam etiam Gratianus refert in c. aurum. 12. q. 2. Ait ibi: *Aurum Ecclesia habet, non ut seruet, sed ut erogat &c.* Quid enim dicet: *Timui ne Templo Dei ornatus deesset?* Respondebit: *Aurum Sacramenta non querunt, neque auro placent, quæ auro non emuntur &c.* Prosequitur verò, & aperto sermone pretiosam sacris ædibus fuisse suppellectilem asserit, omnium consensu probatam, & egenorum nihilò seciùs præsidio destinatam. Sunt hæc, doctissimè Magliabechi, venerandæ antiquitatis argumenta, quæ Nouatoribus opponamus nostrarum Ecclesiarum ornamenta calumniantibus. Quid ergò Satyricum in nos producent hæretici, ac Ethnicam, insulsamque sententiam canunt? *In Templis quid faciat aurum querunt, sed eos elegantissimè castigat Iohannes Tomcus Bosnensis Ep. in Orat. pro Eccles. ornam.*

Quod autem spectat ad alteram propositi partem, quæ contendit Otius cereos, lucernasq; non nisi nocte accendi consueuisse in Ecclesijs, Paulinum ecce pro nobis stantem in medium adduco. Inquit iste Natal. III.

*Clara coronantur densis altaria lychnis,
 Lumina ceratis adolentur odora papyris,
 Nocte dieque micant. Sic nox, splendorque diei
 Fulget, & ipsa dies caelesti illustris honore
 Plus micat innumeris lucem geminata lucernis.*

Nihil clarius occurrit. Sed & Nat. XI. sic ait:

*His scyphulis incerta relucet
 Lumina, cum fert festa dies.*

Et infra scyphuli meminit ad continuum luminis usum destinati:

Continuum scyphus est argenteus aptus ad usum,

Qui & noctu diuque lucebat, quemque importuno sibi lumine micantem fur extinxit. Distinguendum itaque reor inter sacras antiquorum lucernas eo pacto, quo inter æui nostri lampades, ac lumina distinguitur. Alia enim lumina nocturno tempore, alia diurno inferuebant, omnia tamen in templi cultum excogitata. Quæ lampas modò dicebatur relucere, quum terebat festa dies, noctu hoc munere carebat. Audi subsequentes versus:

*Tunc verò sine usu
 Luminis ad speciem tantùm suspensa manebat.*

Superiùs verò alias descripserat lucernas nocti illustrandæ destinatas. At Otius lucernas hæc nocturnas necessitati sacra facientium adscribit, non Ecclesiæ cultui. Hallucinatur Calvinista, quandoquidem quum latro hic ad furta accessit, lampas illa nullis tum sacris peragendis lumen præbebat; quin expressè illam quavis nocte, imò per totam noctem, lu-

cere

cere consueuisse dignoscimus, ait enim de scypho loquens :

*Hunc importuno sibi lumine prædo micantem
Protinus extinguit, namque id quoque nouerat idem
Sapè solere mori, cum stuppa perarida longam
Conderet in noctem consumpto lumen oliuo &c.*

Igitur in pium Religionis, sacræque ædis cultum noctu non minùs, quam interdiu lampades adhiberi solebant. Quo sanè expressius nihil reperiri potest. Addam etiam Venantij Fortunati, qui vno post Paulinum seculi floruit, testimonium. Describit ille lib. 5. carm. 5. diem festum Ascensionis, populorumque ad Ecclesiam concursum, & ait :

*Vndique rapta manu lux cerea prouocat astra,
Credas ut stellis ire trahendo comas.
Lactens hinc vestri color est, hinc lampade fulgor
Ducitur, & vario lumine picta dies.*

Inter candelabros radiabat & ipse Sacerdos &c.

Nunc armis Baronij rem agam. Citat ille Epiphaniij Epistolam ad Iohannem Hierosol. Ep., ubi ait : *Quum venissem in villam, quæ dicitur Arablatha, uidissemque præteriens ibi lucernam ardentem, interrogassemque quis locus esset, didicissemque esse Ecclesiam &c.* Accidit id quidem, ut ait Baronius, interdiu, nam noctu non mirum multas uidisse ubique lucernas. Constat autem ex pluribus antiquis Patribus cereos laudabili usu in templis comburi solitos, quod probare superuacuum foret. Repetit tamen Ottius Hieronymi auctoritatem ab Annalium parente satis ibidem explicatam, & hic integram victoriæ spem sistit. Inquit S. Doctor ad vers. *Vigilant : Cereos non clarâ luce accendimus, sicut frustra calumniaris, sed ut noctis tenebras hoc solatio temperemus, & vigilemus ad lumen, ne cæci tecum dormiamus in tenebris.* Quod si aliqui propter imperitiam, & simplicitatem secularium hominum, vel certè religiosarum faminarum, de quibus verè possumus dicere : *Confiteor, zelum Dei habent, sed non secundum scientiam.* Hoc pro honore Martyrum faciunt, quid inde perdis ? Verùm hic animaduertendum negare Hieronymum non potuisse diurnam cereorum accensionem, quum id & in Occidente, & Hierosolymis in usu fuisse supra exploratum effecerimus, & ipse ibidem hæc habeat : *Per totas Orientis Ecclesias, quando legendum est Evangelium, accenduntur luminaria iam Sole rutilante non utique ad fugandas tenebras, sed ad signum latitiæ demonstrandum.* Ipse quoque Vigilantiùs omnino mentis expertus fuisset, si quum nullibi id moris comperisset, adhuc inflatis buccis hæc protulisset : *Videmus moles cereorum sole fulgente accendi.* S. Cyrillus Hieros. Hieronymo antiquior in Præf. ad Catecheses, & alibi. S. Greg. Nazianz. Hieronymo cœuus in Orat. 40., aliique testantur in Baptismate conficiendo luminaria incendi solita. Igitur diurnus cereorum vsus negari non poterat. Causa itaque, cur incenderentur, Vigilantium ad calumnia Catholicis infligendam mouerat ; arbitrabatur enim id à religiosis populis fieri, quasi

Marc.

Martyres aliquâ illustratione, & lumine crederentur egere, ut beati essent. Non vendo coniecturam meam, sed ipsam Vigilanti calumniam. Sunt eiusdem hæretici verba: *Magnum honorem præbent huiusmodi homines beatissimis Martyribus, quos putant de vilissimis cereolis illustrandos, quos Agnus, qui est in medio throni cum omni fulgore maiestatis sue illustrat.* Respondet ergo Hieronymus non clarâ luce accendi Cereos ab hominibus hac ratione adductis, sed ad lætitiæ signum, ut infra Euangelicis exemplis probat, neque sub hac prauâ opinione nocturno tempore solere luminaria incendi, sed ut noctis tenebræ hoc solatio temperentur, ne cæci cum Vigilantio in tenebris dormiant. Tum subsequitur, ac si qui forent inter seculares homines, fœminasque religiosas, qui hoc facerent sub eâ ratione, quæ Vigilantio in mentem venerat, eos excusat, & zelo Dei, ac sine crimine id peractum euincit. *Si faciunt, ait, quid inde perdis? Causabantur quondam & Apostoli quod periret unguentum, sed Domini voce correpti sunt; neque enim Christus indigebat unguento, nec Martyres lumine cereorum.* En iterum Vigilantij mens expressa. Credebat ille cereos idem incendi à Fidelibus, quia lumine illo Martyres indigerent, & hinc illum Hieronymus prolato exemplo increpat. Si Christus, cui unguenti nulla erat necessitas, fœminam ungentem laudauit, cur & nos Christianum non commendemus, qui Martyribus lumine haud quam egentibus cereos accendit? At secundum scientiam non faciunt. Illud verum omne; neque enim Sanctorum beatitati quicquam confert terrenum lumen. Sed quid inde? Fides accendentibus prodest. *Quicumque, ait infra egregius Doctor, accendunt cereos secundum fidem suam habent mercedem, dicente Apostolo: Vnusquisque in suo sensu abundat.* Idololatrias appellas huiusmodi homines? Idem etiam in Epist. ad Riparium dixerat: *Accensine ante tumulos Martyrum cerei idololatriæ insignia sunt?* Pergit porro Ottius, & hæc Lactantij verba lib. 6. cap. 2. laudat: *Num igitur mentis suæ compos putandus est, qui auctori, & datori luminis candelas, ac cereorum lumen offert promunere? atque ita Papistis displicuisse, ut hanc propositionem inter Lactantij errores numerarint, causamque Gentilium contra Doctorem Christianum defendant.* Sunt illustres calumniæ ignaro in nos brachio intortæ. Nemo inter ipsos Hæterodoxos habetur, qui plures in Lactantio nauos non agnoscit. Qui grauior lapsus est in errores, in minorem hunc ruere potuit. Sed neque censurâ hic dignus Lactantius, ut mecum omnes consentient Catholici, quin potius eius censores castigandi. Agit ille in Ethnicos, eorumque cæcitatem validis excipit argumentis, eâ enim ducti Deo tamquam in caligine sito, luminibusque indigenti cereorum lumen offerebant. En aperta Lactantij verba: *Maestant igitur opimas, ac pingues hostias Deo quasi esurienti, profundunt vina tamquam sitienti, accendunt luminaria velut in tenebris agentî.* Id etiam alijs inculcat, quæ apud eundem videre licet. Si à quibusdam è nostris hic Firmianus carpitur, hic ipsi censurâ se exhibent dignos, ut in alijs non paucis se exhibuere testi-

monio

monio Posseuini. Non diffiteor tamen hinc impudentialicui hæretico ansam præberi posse Catholicum cereorum vsum impetendi; Sed videant illi an eisdem in nos mucronibus pugnent, quibus in Gentiles ferebatur Lactantius & Nos Deo, luminum patri, lumina offerimus honoris gratiâ, non ut ab eius oculis caliginem depellamus. Hoc in Lactantio potius excusandum, quam arguendum, qui nondum solidis Fidei rudimentis imbutus in arenam contra Ethnicos descendit, cui nil peni fuit Religionis sacræ patrociniûm parare, dum eius aduersarios profligaret. Utinam, de illo ait ad Paulinum nostrum Hieronymus scribens Ep. 13., tam nostra confirmare potuisset, quam facile aliena destruxit. Peruersè igitur nos asserit Octius contra Doctorem Christianum causam Gentilium suscepisse, neque minùs sobriè litem nobis intencat, quia de Idololatris, ac Hebreis in Catholicam Ecclesiam cereorum vsum deriuemus. Plura sunt, quæ ex Ethnicis, Iudæisq; ad nos suere translata, neque tamen ipsis Acatholicis stomachum mouent, sed venerationem quam maximam incutiunt. Cur ergò nos hic arguendos impudenter arripiunt? Nimirum illis ego Hieronymum obijciam de proposito cereorum vsum ita loquentem: *Non diffiteor omnes nos, qui in Christo credimus, de errore Idololatriæ venisse; non enim nascimur, sed renascimur Christiani. Et quia quondam colebamus Idola, nunc colere Deum non debemus, ne simili eum videamur cum Idolis honore venerari & Illud fiebat Idolis, & idcirco detestandum est; hoc fit Martyribus, & idcirco recipiendum est.* Augustinus, quoque lib. 21. contra Faust. cap. 10. huiusmodi verbis hæreticorum oppositionem occupat, de Paganorum, Iudæorumque Sacrificijs loquens. *Tantum, ait, interest inter Sacrificia Paganorum, & Hebreorum, quantum inter imitationem errantem, & præsfigurationem prænunciantem. Sicut autem non ideo contemnenda, vel detestanda Virginitas est Sanctimonialium, quia & Vestales Virgines fuerunt, sic non ideo reprehendenda Sacrificia Patrum, quia sunt & Sacrificia Gentium, quia sicut inter illas virginitates multum distat, quamuis nihil aliud distet, nisi quæ cui voueatur, atque reddatur, sic inter Sacrificia Paganorum, & Hebreorum multum distat eo ipso, quod hoc solum distat, quæ cui sint immolata, & oblata; illa scilicet superbis impietati Daemoniorum, illa vero vni Deo &c. Quid itaque, Magiabechi celeberrime, ad ista obmurmurabunt hæretici? Audiere tot veterum testimonia diurnum cereorum vsum asserentia, Paulinum nostrum audiunt, quo nemo melius aduersus illos hoc in proposito certat. Si tot Sanctos in prauaricatorum album coniciendos arbitrantur, hoc illorum eruditioni, quum maiora etiam audeant, integrum relinquamus. Vale,*



Ad Sancti PAVLINI versum:

Cellula de multis &c.

Nat. XI.

DISSERTATIO XVII.

Vbi de veterum Christianorum sepulcris. Ad Clarissimum;
doctissimumq; virum IOANNEM CIAMPINVM
Romanum, Magistrum Breuium Gratiz, Literarum
Apostolicarum Maiorem Abbreuiatorem, ,
& in vtrq; Signaturâ Referendarium.

EMerſe apud nonnullos opinio, Ciampine vir eruditiffime, ſcilicet
prifcis temporibus haud quaquam licuiſſe in ſacris ædibus Fide-
lium Chriſtianorum corpora tumulare, quia quibuſdam Impera-
torum edictis id interdictum deprehenditur. Hinc egregius
Scriptor Cabaffutius ad Can. VI. Concilij Namnetenſis, *Seriùs*, ait, in
uſum Eccleſiarum receptum fuit, vt *Fidelium cadauera intra templorum
ambitum ſepelirentur*. Tum Gregorij Magni temporibus hanc inualuiſſe
conſuetudinem concedit, quippe quæ ex eius Dialogis euidenter eruitur.
Citantur in hanc rem Can. 36. Concilij Bracarenſis Primi, vbi *intra Ba-
ſilicas ſepeliri Fidelium cadauera prohibentur*, & Can. 17. Concilij Tri-
burienſis Anno 895. coacti illud idem interdicens. Pro his etiam mili-
tant lex 1. C. de Sacroſan. Eccleſiæ, in quâ ſic legitur: *Nemo Apoſtolo-
rum, vel Martyrum ſedem humanis corporibus exiſtinet conceſſam*, &
lex vlt. C. Theod. de ſepulcr. viol. his expreſſa verbis: *μηδὲς ἐν ἐκκλη-
σίᾳ τάφῳ τοῦ νεκροῦ*, nemo in Eccleſiâ ſepeliat mortuum. Kepperus hete-
rodoxus homo in Polit. Eccleſiæ lib. 1. cap. 15. poſtquam ſimiles protulit
auctoritates in hanc mirabilem ſententiam deſcendit: *Postquam verò,
eſcendente ſuperſtitione, ſacra pro deſunctis ſub Gregorio Magno fieri ce-
perunt, tunc etiam Cameteria templis vicina fecerunt Monachi, & ſa-
crificiuli, vt ſacra illa faciliùs obire, & quaſtum maiorem facere poſſent*.
Eſt hæc & pluriùm Nouatorum inuidioſa de nobis opinio. Verùm aper-
tè nimis hunc hæreticum, eiùſque aſſectas falli, ſimulque apud veteres in
uſu fuiſſe, ac non ſine laude peractum, vt in ſacris ædibus Fidelium ca-
dauera humarentur, ſolidis euincere teſtimonijs poſt eruditiffimum
Spondanum nitar, quibus præſentium temporum morem cum antiquis
conſentire penitus oſtendam. Sunt Paulini carmina;

A a

Cellula

*Cellula de multis, qua per latera undique magnis
Adposita testis præbent secunda sepulchris
Hospitia.*

Hæ profecto cellulae in ipsâ fuere Basilicâ, eiusque partem constituobant; dixerat enim Paulinus furem clausis Basilicæ foribus inclusum, ipsique reclusis mane fugam arripisse:

Harum unâ fur abditur, atque ubi mane

Claustra patere videt, reueratâ profluit aulâ.

Nihil verò aliud mihi videntur, quam eadem, quas nos Italico sermone vocamus *Capelle*. Quod & ex eiusdem Paulini ad Severum Epistolâ XII. manifestè iterum probò: *Totum*, inquit ille, *extra Concham Basilicæ spatium alto, & lacunato culmine geminis utrimque porticibus dilatatur, quibus duplex per singulos arcus columnarum ordo dirigitur. Cubicula* (en tibi *Capellæ præfatæ*) *intra porticus quaterna longis Basilica inserta secretis orantium, vel in lege Domini meditantium, præterea memoris Religioforum, ac familiarium accommodatos ad pacis æternæ requiem locos præbent*. Rursus ecce vides in hisce Cubiculis tumulos Christianæ gentis fuisse sitos. Lateribus autem Basilicæ cellulae istæ, seu Cubicula insita erant, eodemque procul dubio ordine, quo præsentium temporum *Capellæ* dispositæ conspiciuntur; Siquidem porticus ibi memoratæ, intra quas cellæ collocabantur, ecquid aliud sunt quam quæ nobis *laterales Basilicae naues* nuncupantur? Geminas porro huiusmodi naues extra maiorem Ecclesiæ concham utrimque sitas alto, ac magnifico opere, suisque columnis destinctas videre est in immani, mirabilique Ecclesiâ Metropolitana Mediolani, tibi que in Vrbe æternâ degenti plura circumquaque exempla suppetunt. Sed ut Cubiculorum, quæ Paulinus memorat, significationem evidentius attingamus, en tibi Anastasij Bibliothecarij in Sergio Papâ hac de re testimonium: *Hic testum*, ait, *& cubicula uniuersa in circuitu Basilicæ B. Apostoli Pauli studiosius renouauit, ac reparauit*. Defunctos autem vitâ hisce in Cubiculis tumulatos ex eodem Auctore discimus in Marcellino: *Hic sepultus in Cameterio Priscilla in Cubiculo clauo*. Quin & apud Græcos usurpatum eodem sensu Cubiculi nomen. Anonymus de Locis Sanctis cap. 1. apud Clariss. Du Fresnoium in Gloss. med. & inf. Latin. *Kai eis to mison tēs tréllas eis to idaros kubiklion pētrion apaitatōi*: & in medio Trulli super solum iacet Cubiculum ex marmore formosissimum. Idem Anonymus cap. 15. refert *to mēmion tēs Paχhλ kubiklion pētrion*: monumentum Rachelis in Cubiculo marmoreo. Eadem Cubicula quoque *eiklon* appellabantur à Græcis. S. Nilus in descriptione Templi ab Olympiodoro Præfecto extructi sic ait: *en dē tō koivō eikn πολλοῖς, καὶ διαφόροις εἰκόσις διευλημῖν ἀρχαῖαι ἐκασον εἰκλον πετιγμένῃ τιμῇ ταυτῇ* &c. In communi verò ade multis variisque distinctâ Cubiculis atcolli Cubiculum vnumquodque, compositâ intus venerabili Cruce. Itaque istis in cellulis quum piorum memoriz, seu tumuli statuerentur, euidenter elucet in-

Basil.

Basilicis Fidelium sepulera fuisse locata. Alius præterea pius inter Catholicos usus obtinuit ab ipsis Ecclesiæ incunabulis, ut Martyres in sacris conderentur ædibus, uti in notis animaduerti ad illud carmen in Nat. XI.

Qua cineres venerenda tegunt altaria sacros,
vbi etiam innui fas non fuisse templa absque Martyrum corporibus, aliquibusque Reliquiis sacrare. Illud certissimum, & extra omnem dubitationis aleam positum. Alius autem mos erat Fidelibus, nempe omni studio curare, ut SS. Martyrum corporibus cadauera sua apponerentur, quia tantorum apud Deum intercessorum precibus se fortius adiuuandos arbitrabantur. Paulinus in Panegyri. Celsi pueri hæc de filio sibi defuncto habet:

Quem Complutensi mandauimus urbe propinquis

Coniunctum tumuli fadere Martyribus.

Vt de vicino Sanctorum sanguine ducat,

Quo nostras illo purgat in igne animas.

Sanctus quoque Augustinus à Paulino meo interrogatus, an cuique post mortem prosit, quod corpus eius apud Sancti alicuius memoriam sepeliatur (sunt eius verba lib. 2. Retract. cap. 64.) librum vnum repoluit de curâ pro mortuis gerendâ. Ibi verò ait: Hoc abs te vidua memorata peti-
nerat pro defuncto in eis partibus filio suo, & rescripseras consolans eam, idque etiam nuncians de caduere fidelis iuuenis Cyneji, quod materno, & pio affectu desiderauit esse completum, ut scilicet in Beatissimi Felicis Confessoris Basilicâ poneretur. Probat ibidem hanc piam consuetudinem Augustinus, neque ab hoc fidei iuvene tantum, sed ab vniuersis Fidelibus usurpatam affirmat. In calce libri hæc satis expressè subiicit Doctor magnus: Quod verò quisque apud memoriam Martyrum sepelitur, hoc tantum mihi videtur prodesse defuncto, ut commendans eum etiam Martyrum patrocinio, affectus pro illo supplicationis augeatur. Vnusquisque igitur apud Martyrum tumulos sepeliebatur, ac idcirco intra templorum ambitum. S. Maximus Taurinensis Episcopus Serm. 55. huiusce rei fidem facit: Ideo hoc, inquit, à maioribus prouisum est, ut Sanctorum ossibus nostra corpora sociemus, ut dum illos Tartarus metuit, nos pœna non tangat, dum illos Christus illuminat, nobis tenebrarum caligo diffugiat. Cum Sanctis ergo Martyribus quiescentes enadimus Inferni tenebras eorum proprijs meritis, attamen consocij sanctitate. Florebat Maximus quinto Epochæ nostræ seculo, & quum is à maioribus prouisum asserat, ut ossa nostra Sanctorum ossibus copulenter, continuò patet prioribus Ecclesiæ seculis Christianorum cadauera in templis componere consuetum fuisse. Nonnulla verò, ut multis parco, istius rei exempla dabo non longè nimis adscita, sed Mediolani nata. Quietis locum in Ambrosiana Basilicâ sub altari sibi viuens destinarat S. Ambrosius, vbi dein SS. Gervasij, ac Protasij corpora locauit. Ait ille in Orat. ad populum de iisdem Martyribus habitâ: Hunc ego locum prædestinaueram mihi; dignum est enim,

ut ibi requiescat Sacerdos, ubi offerre consuevit. Sed cedo sacris victimis dexteram portionem. Locus iste Martyribus debebatur. S. Satyrus eiusdem Ambrosij frater, vir inter laicos dumtaxat connumeratus, parem fortitus est quietis sedem; ab amantissimo enim fratre in S. Victoris tumulo depositus est, additque sepulcro versiculi à Dungalò quoque relati:

Vranio Satyro supremum frater honorem

Martyris ad lauam detulit Ambrosius.

Hæc meritis merces, ut sacri sanguinis humor

Finitimas penetrans abluit exuvias.

Aliud etiam in Ambrosianâ Basilicâ non minoris antiquitatis pretijque monumentum occurrit, Manliæ nempe Dædalæ Virginis piæ sarco-
phagus his carminibus distinctus:

Martyris ad lauam recubent qua membra sepulcro

Ut Lector noscas est opera pretium.

Clara genus, censu pollens, & mater egentum

Virgo sacrata Deo Manlia Dædalæ.

Reliquos versus à Grutero in Inscript. volum. pete. Sed & S. Marcellina iuxta S. Ambrosij fratris tumulum requiem inuenit, quod; ut apertissimum, probatione non indiget. Hi igitur omnes, quod Ecclesiasticus poscebat vsus, intra sacrarum ædium ambitum sepulturam aut in viuis constituti sibi destinauerant, aut post mortem aliorum studio sunt nacti, ut mirer Cabassutum in hæc verba exilijisse: *Verum non in aliâ templi parte, quam in vestibulo, conditus Constantinus Augustus, quod idem censendum pariter existimo de Episcopis.* Atqui S. Ambrosium, reliquosque Fideles vnâ cum SS. Martyrum cineribus cineres suos composuisse tam certum, ut nihil hæsitacionis obuéniat. Quum verò SS. Martyres sub templorum altaribus quiescerent, quis non videt Christianos quoque Fideles, nedum Episcopos, in interioribus sacrarum ædium penetralibus suam inuenisse sepulturam? Quam autem improuide ad contrarium firmandum Canon Concilij Moguntiaci inducatur, quem refert etiam Gratianus in c. nullus. 13. quæst. 2., nemo non videt. Est ille his conceptus verbis: *Nullus mortuus intra Ecclesiam sepeliatur, nisi Episcopi, aut Abbates, aut digni Presbyteri, aut Fideles laici.* Etiam laicos Fideles præter Episcopos, & Presbyteros templis inferri post mortem solitos hinc discimus, tantum abest, ut contrarium inde suadeatur. Itaque solos Infideles, Hæreticosue, aut etiam laicos parum pios, puta sine penitentiâ defunctos, vsuris addictos, occisores, aut huiusmodi morbis tactos respicit laudatus Canon, quos à sacris in Ecclesiâ sepulturis arcendos omninò constituit. Quod si quidam Canones, & Imperatorum leges aduersùs pium hunc morem emanarunt, non alia ratio in causâ fuit, nisi quia nimis in ædibus sacris tumulorum cadauerumque moles augebantur, ut propterea coercendi ex parte fuerint Christiani, quibus extra Ecclesiam sacer locus alium aperiebat sepulcri campum. Hincmarus

Rhc.

Rhemensis Episcopus in S. Remigij Vitâ apud Sur. tom. 1. quamdam Ecclesiam memorat, in quâ cique circumiacentibus atrijs ex antiquo erat Cameterium Rhemensis Ecclesia. Vides igitur ex antiquo, videlicet ante S. Remigij tempora, qui seculo Christi quinto degebat, tum in ipsis Templis, tum etiam circa illa Christianorum tumulos fuisse constitutos. Gothofredus ad l. 9. C. Theod. Tit. 17. de sepulcr. viol. *Observandum*, ait, *etsi Christianâ Religione innascente contra legem obsinuerit Sanctorum Reliquias in Civitatibus condi, atque ad eiusmodi sepulcrâ plerumque adicula, seu Martyria extructa fuerint; in quibus Imperatores Constantinopoli, mox & Sacerdotes singulari privilegio fuerint sepulsi, privati tamen idem non licuisse.* Hæc iuxta legis sensum, quibus & ego lubens subscribo. At hinc illud discimus, in vrbanis quidem templis per aliquod tempus interdictam Fidelium sepulcrum, quia & antiquis Ethnicorum placitis, & Christianorum pariter Principum edictis cautum erat, ne in vrbibus sepulcrum mortuo concederetur; in Ecclesijs verò extra vrbem sitis, cuiusmodi primo Christianæ Religionis ævo penè omnes erant, id non licuisse parum sapit, qui negare ante tot veterum testimonia audeat. Non sum denique eorum immemoria, quæ tu in egregio opere de veter. Monim. tom. 1. cap. 17. Cameteria illustrando protulisti, sed apud te met ipsum tua adhibere inutilis opera censeretur. Vnum iccirco producam Onuphrium Panunium virum tanti in antiquitatum scientiâ nominis, qui in suis ad Platinam additamentis libellum de Cameterijs iisdem proposuit. Docet autem Cameteria non solum Ecclesias fuisse, & Basilicas, sed aliquid amplius quam Ecclesia urbana, sepulcrâ scilicet Christianorum, quæ intra Urbem fieri non poterant, habuisse. Id innumeris ille exemplis roborat, quæ apud illum, & apud Spondanum in lib. de Christ. sepul. recolenda volentibus referuamus. Hinc igitur, Ciampine doctissime, ni mea me fallit opinio, elucescit quam impudenter Kepperus aliique hæretici in Christianorum sepulcrâ ferantur. Profectò non Gregorij Magni temporibus, nempe seculo Eræ nostræ septimo, vicina templis loca sibi in tumulum usurpare ceperunt Fideles, ut illi nobis invidiam conflaturo ineptiunt, sed ipsis prioribus Ecclesiæ seculis id apud non paucos receptum fuit, ut intra ipsas tumularentur Basilicas. Quibus hucusque enarratis si calculum tuum prosumam, quâ polles, eruditione addideris, ego non tam quod hæreticorum calumniam euerterim, quam quod tibi placuerim, mihi summo pere gaudebo. Vale.



DISSERTATIO XVIII.

De votis votivisque Christianorum oblationibus in Sanctorum
venerationem factis. Ad Cl. Virum P. GVILLELMUM
BONJOUR Ord. Eremitarum S. AUGUSTINI.

Oblationes, quas alicui Sancto voti cultusque causâ Catholicus
populus datat, irridebat olim Erasmus vir multâ eruditione
petulans, & de Religione (si quam tamen tenebat) parum
benè sentiens. In Colloquio, quod *Naufragium* inscribitur,
hunc pium Ecclesiæ morem carpere instituit, apud subsequutos hæreti-
cos non parum gratiæ iccirco nactus. Verùm tantam maledicendi libi-
dinem allatis veterum Patrum testimonijs, ac vno potissimum Paulini
mei oraculo fretus, neque brevitatis, neque modestiæ oblitus retundere
statui, tum vt calumnia, quam Nouatoribus hodiernis placere video,
vno ictu confodiat, tum etiam vt Sanctorum cultus veterum Patrum
auctoritate fortius confirmetur. Tibi verò Chrissime Bonjour breuem
hanc disquisitionem offerendam censeui, vt apud Literariæ Reipub. cultores
perspicuum fiat, quanto studio, quantâque animi obseruantia erudi-
tionem prosequar tuam. Vbi enim prodijt tua illa Dissertatio, quam de
Iosephi castissimi viri cultu sub Serapidis nomine inscripsisti, & cui Pau-
linum quoque Nolanum subscripsisse intelliges, adeò in magnam tui ad-
mirationem fui raptus, vt prope eruditionis prodigium mihi videreris.
Et planè quid à te sperandum non est, quum ad maturiores annos perue-
neris, si florentissimâ ætate adeò Philologicis doctrinis imbutum te pro-
dididisti? Parum tamen hoc tibi laudis fuisset, ni scientiam tuam modestiâ
etiam, ac humanitate clariorem effecisses. Et illa quidem nunc est, quæ
me laudibus tuis parcere cogit, hæc verò, quæ meis huius commentatio-
nibus fiduciamq; ad te accedendi fecit. Sed iam proposita impleam-
us. Variæ antiquitus fieri solebant oblationes; Aliæ enim panis erant,
ac vini, quæ in vsum incurrenti Sacrificij transferabantur, & de illis Con-
cilium Matriticonense Secundum cap. 4. ait: *Propterea decernimus, vt
omnibus Dominicis diebus altaris oblatio ab omnibus viris & mulieribus
offeratur tam panis, quam vini.* Cyprianus quoq; lib. de opere & elem.,
Augustinus, seu alius Auctor Sermon. 215. de Temp., Eligius Nouiom.
Tract. de Rectitud. Cathol. conuers. tom. 1. Augustin., Bona Rer. Li-
turg. lib. 1. cap. 23. alijq; non pauci meminere. Aliæ erant oblationes
olei, aut ceræ ad luminaria, de quibus præter laudatum Auctorem
Sermon. 215. de temp. loquitur Canon. 4. Apostolorum in hæc verba:

Mā

Μὰ ἰζὼν δὲ ἰσὺ προσάγει δὲ τὴν πρὸς τὸ θυσιάζειν, ἢ ἑλατὸν αἰς τὴν λυγρίαν, καὶ θυμίαμα τῇ κατὰ τὴν ἀγίαν προσηγορίαν. Offerre autem non liceat aliud ad altare quam oleum ad luminare, & incensum tempore sacrae oblationis. Aliæ sacrorum vasorum, vestium, ac ornamentorum fuisse oblationes, quas Græci ἀναθήματα vocant, & de quibus omnium vberimè Anastasius Biblioth., Coccus tom. 2. lib. 6. art. 15., & Raynaudus Hierocli. Spirit. sect. 2. puncto 3. verba faciunt. Aliud postremò oblationum genus nos docet Paulinus, quæ Sanctis ex voto, aut veneratione offerbantur. Hæ autem ex rebus quibuscumque constabant, ut omnium pietati se accommodaret Sancta Religio. Diuites opulenta dona, pauperes quod sibi, pusillum licet, suppetebat, Beatorum in obsequium conferebant. Neque hæc donaria voto carebant; ut enim quisque Sanctorum opem ad effugienda pericula implorabat, voto etiam sese obstringere Sancto patrocinantem solebat. Huiusmodi votorum (quæ tamen minus propriè sic appellantur) quam sic rectus usus, Theologis nostris ostendendum relinquo, non enim tantam messem mihi proposui. Factum igitur, non ius hoc loco quaerimus, & confestim huiusce rei succulentus assertor Paulinus accedit in Nat. XII. ita loquens:

*Venerat hic quidam placitum sibi solvere votum
Vrbis Abellinae de finibus aduena nostris
Sedibus. Hic porcum studio curante paratum
Dilatatumque diu, ut simul annis, atque saginâ
Cresceret, hic illuc perduxerat, atque ubi venit
Pinguë pecus voti ingulat de more videntum.*

Ecce quam apertis verbis antiquum eorum morem, qui Sanctis vota nuncupabant, hic indicat Scriptor noster. Repetit infra:

Et votum compleſſe putat
Item: *In quibus heu demens oblatus munera voti
Fraude fidem violans conuerſi in damna salutis.*
Et alibi: *Confestim voti ratione soluta
Debitor ille intus merita compage catena
Solutur*

Primum istud est S. Felicis miraculum, qui Abellinum incolam pro fraudatâ voti parte castigauit. Aliud à Paulino propriâ eius facundia, ornamentoque verborum refertur, ubi iterum votuarum oblationum in S. Felicis cultum egregiam inijcit mentionem. Audiamus canentem.

*Agricola quidam de nostris longius oris
Apula trans urbem Veneventum rura colentes
De grege setigero multis à fatibus unum
Excerptare sibi, & curatum tempore multo
Pauerunt in vota suam, & capere paratum
Ducere sanctam Sancti Felicis ad aulam.*

Subdit: *Mens anxiosa nutat in anceps,
Nam voti renouare viam pia pectora nolunt,*

Rursus

*Rursus Felicis veneratum limina longè
Ire pudet vacuos deuoti muneris.*

Seeterat sus pondere saginæ pressus, ac propterea iidem agricolæ suos alios minores legerunt, ut votum omnino persoluerent. At hinc Paulinus:

*Quod deuota fides obstrixit debita voti
Maturare parans tali ratione putauit,
Pluribus ut modicis unum pensaret opimum.
Ergò Sacrum huc venëre locum, votisque patris &c.*

Tertium Paulinus memorat prodigium hisce carminibus:
*Nam genere abiunctam, pecus armentale inuencam
Quidam homines aequè longinquè huc sede profecti
Secretam primò lactantis ab ubere matris
Nutrierant nostris votino munere pactam
Pauperibus*

Sed & in Nat. VIII. hæc ait:

*Omni namque die testes sumus, undique crebris
Catibus aut sanos gratantia reddere vota
Aut agros varias petere, & sentire medelas.*

Et hæc quidem erga Sanctum vota oblationibus etiam additis conspicua erant. Omnes autem in pauperum alimenta cedebant, nempe ut *sacro gauderet paupere Martyr*, quod nos hisce tribus exemplis Poeta sacer edocuit, qui etiam dilucidè addit vota hæc Martyribus nuncupata. Audiamus.

*Sed qui mos esse videtur
Persoluenta pijs longè sua vota ferentum
Martyribus*

Alia præter hæc vota Sanctis voueri consueuere, quæ huiusmodi oblationibus carebant. Quidam se Beatorum Basilicas visitaturos, alij se Festos eorum dies celebraturos vouebant, quorum votorum exempla nobis idem Paulinus præbebit. Morabatur ille in Hispanijs, quum Natalem primum cecinit, voueratque suum ad Nolanam Urbem iter inuisendi S. Felicis causâ. Itaque ait:

*Quæ quæ requiescis in aula
Hunc liceat celebrare diem, pia reddere coram
Vota, & gaudentes inter gaudere tumultus.*

In Natali verò II. illud idem scribit quum se Nolæ reddidisset:

*tria tempore longo
Lustra cucurrerunt, ex quo solemnibus istis
Coram vota tibi, coram mea corda dicaui.*

In Nat. IV. hæc habet: *Annua vota mihi remeant.* In Nat. V. itidem: *Exoptata dies anno, quæ dulcia Festa
Et mea vota nouas, &c.*

Quod si quis vota his versibus memorata pro puris putis precibus intelli-

telligenda esse contendat, dicat rogo, num preces ad S. Felicem eius tantum Natali die funderet Paulinus? Hoc utique non affirmabit; ait enim Paulinus Nat. IX.

Nam qua, rogo, votis

Cassa dies oritur, vel magnis rara caternis?

Igitur vota eo die nouata erant carmina, quæ S. Felici quotannis vouerat noster vates; Hoc autem expressum reliquit ipse Nat. VI.

Lex mihi iure pio posita hunc celebrare quotannis

Eloquio famulante diem, solemne reposcit

Munus ab ore meo Felicem dicere versu,

Latitiamque meam modulari carmine voto,

En carmen votum, en S. Felici promissum debitumque munus. Vide autem quam bene hæc vota idem Paulinus à votiui oblationibus supra relatis distinguat. Sic loquitur Nat. laudato:

Fletusque iterum, sed latid, modò debita Sancto

Vota refert, non are graui, nec munere surdo,

Munere sed viuo lingua, mentisque profusus.

Paulino, qui hucusque rem confecit, iuuat alios apponere propositi nostri testes, ut in lucem melius veritas efferatur. De S. Felice Nolano Epigramma etiam elaborauit S. Damasus Papa, cuius postremi versus ita se habent:

Te duce seruatus mortis quod vincula rupi

Perfibus his Damasus supplex tibi vota rependo.

Prudentius in Hymno de SS. Hemeterio, & Chelidonio similia profert: Illitas cruore sancto nunc arenas incolæ

Confrequentant obseruantes voce, votis, munere.

Hic, ni fallor, cum vota pura, tum oblationes memorari videmus. Gregorius verò Turonensis lib. 2. Hist. Frano. cap. 37. Domino, ait, gratias agentes, & vota B. Confessori (Martino) promittentes lati nunciauerunt Regi &c. S. Augustinus lib. 2. contra Faustum eundem Hæreticum hæc nobis obijcientem inducit: Idola vestistis in Martyres, quos votis similibus colitis. Egregium autem est in hanc rem Eusebij Cæsariensis testimonium. Postquam hic lib. 13. Præpar. Euang. cap. 7. à nobis coli Sanctos affirmauit ut veræ pietatis milites, Deique amicos, addit: *Ὅτι οὗτοι ἐπὶ τὰς θύρας αὐτῶν ἰδοὺ ἡμῶν ἀσπείρας, καὶ τὰς ἐν τῷ πνεύματι ταῦτα ποιεῖτε.* Unde tumulos eorum frequentare, & circum eosdem vota illis nuncupare solemus. Verum quia vocabulum τὰς ἐν τῷ πνεύματι positum quibusdam videri posset, sine quæso me verbi huius rationem explicare, ut palam fiat apud Græcos Patres propriè ἐν τῷ πνεύματι pro voto, πνεύματι verò pro oratione, aut prece usurpari. Henticus Stephanus in Thef. Græcæ linguæ id pluribus exemplis probat, & ego duobus clarissimis roborabo testimonijs. Gregorius Nyss. Orat. 2. de Orat. Domin. ad illud Matthæi 6. Cum Oratis &c. inquit: Non dixit, ὅταν ἐν τῷ πνεύματι, id est cum vota facitis, sed ὅταν πνεύματι, id est cum oratis &c.

Bb

Sc d

Sed quanam est horum nominum differentia? *ὑπό*, idest *votum* quidem promissio est alicuius rei, qua pietatis nomine dedicetur, & sacris destinetur; *προσῆυχή* autem idest oratio est petitio bonorum, qua Deo cum supplicatione offertur &c. tum subdit: Multis in locis Scriptura eiusmodi *ὑπό*, idest voti significationem videre licet &c. Non minùs apertè loquitur S. Augustinus in Epist. 59. ad Paulinum nostrum scriptà, ubi hæc habet. Nam eam, quam dicunt *ὑπό*, rarò ita Scriptura ponit, ut intelligatur oratio, sed plerumque & multò usitatius *votum* appellat *ὑπό*; *προσῆυχή* verò semper orationem vocat. Et infra: Porro si usitatius, ut dixi, in Scripturis *votum* appellatur *ὑπό*, excepto nomine generali orationis ea propriè intelligenda est oratio, quam facimus ad *votum*, idest *ῥῆς ὑπό*. Poneuntur autem omnia, qua offeruntur Deo, maxime Sancti Altaris oblatio &c. Sed redeamus ad nostra, iterumque vota Sanctis nuncupata prodamus. Concilium Namnetense Can. 20. ita fatur: Omnibus interdicitur, ut nullus *votum* faciat, aut candelam, vel aliquod munus pro sanitate suâ rogaturus alibi deferat, nisi ad Ecclesiam Domino Deo suo. Ego planè assentiri non possum Clarissimo Du Fresno, qui in Gloss. med. & inf. Latin. hîc *votorum* nomine dies Paganorum Festos significari censet. Candelæ enim, aliæque munera pro recuperandâ valetudine æterno Numini oblata, quæ hîc memorantur, factis docent vota huiusmodi pro tabellis votivis esse intelligenda. Scilicet antiquis non minùs quam nostris temporibus has Deo, Beatisque viris suspendere tabellas in usu fuit. Audi præclarissimum hac de re testimonium Theodoretæ Cyrensis Episcopi, qui, ut optimè nosti, medio sæcè seculo quinto scribebat. Hæc autem eius sunt verba in Serm. 8. de Martynibus ad Græcos: ὅτι δὲ τυγχάνουσιν ὑπερ αἰτίαι, οἱ πιστοὶ ἐπαγγέλιοντες ἀναπαύειν μαρτυροῦν τὰ τεύχεα ἀναθήματα τὴν ἱατρικὴν διδόντα. Οἱ μὲν γὰρ ἑσθελμῶν, οἱ δὲ ποδῶν, ἄλλοι δὲ χειρῶν προσέρχουσιν ἱκτὺν πίνακα, καὶ οἱ μὲν ἐκ χρυσοῦ, οἱ δὲ ἐξ ὕλης ἀργύρου πικνωμένα. Quæ ita vertit Zenobius Acciaiolus: Pide verò fideliterque precatos ea maxime consequi, qua desiderant, testantur illa, qua *votorum* rei dona persolvunt, manifesta nimirum adeptæ sanitatis indicia. Nam alij quidem oculorum, alij verò pedum, alij porò manuum simulacra suspendunt ex argento aureo confecta. Plura addit laudatus Theodoritus, quæ brevitatè ergò nunc sileo. Sed & videre est illustrem huiusmodi *votorum* memoriam apud Paulinum in Natali III. inter illos versus, quos ex Codice nostro vetustissimo præteritæ nunc restitimus, aut addimus editioni. Sunt autem hi:

Alma dies magnis celebratur catibus, omnes

Vota dicant sacris rata postibus, omnia gaudent &c.

Hic profectò votivæ memorantur tabellæ, quæ sacris suspendebantur Basilicarum postibus; dicere enim vota idem est ac suspendere vota. Vota autem appellantur *rata*, hoc est exaudita ad instar Ovidiani ver-
sus lib. 1. Fast.

Effi:

Efficiatque ratas utraque Dina preces.

In memoriam igitur munerum à S. Felice receptorum, atque ad testandum exauditi voti pignus tabulæ ad sacras templorum fores deferrebantur. Ad hæc utique si respexisset Erasmus, fortassis dicacitati pepercisset, neque votiuarum erga Sanctos oblationum, aut tabellarum usum hæcenus Catholicâ ab Ecclesiâ probatum tam mordacibus sarcasms inuasisset. Ceterum si mos huiusmodi nuperis Nouatoribus non benè accommodatur, litem etiam vetustissimis Patribus ij intentent oportet, à quibus quum sanctitate vincantur, & eruditione, ita & pietatis rationibus facile superabuntur. Vale.

*Ad S. PAVLINI Natal. XIII. vers. 87.
De Sanctorum Martyrum Natalibus.*

DISSERTATIO XIX.

Ad Clar. Virum ANTONIUM FELICEM MARSILIUM
Bononiensis Cathedralis Archidiaconum.

IAmpridem, Marsili Clarissime, vnâ cum Eminentiſſimo Annalium parente Baronio, alijsque multis credideram, quotquot in Ecclesiasticis Fastis Sanctorum Natales proponuntur, eisdem si non perpetuò, at sæpiſſimè diem eorundem emortualem designare. In hanc autem sententiam eò faciliùs ibam, quò accuratiùs animaduertèram ab ipsâ nos nonnunquam moneri Ecclesiâ, quum in alium, quam in obitus diem, Sanctorum solemnna caderent; Tunc enim Hymnis, precibus paulùm mutatis sibi ab antiquâ consuetudine declinatum omnium Ecclesiarum magistra prodebat. Verùm celeberrimi Scriptores P. Papebrocius primùm, deinde P. Pagius me diutiùs in errore versatum præteritis annis commonuere; ille enim in Conatu Chronico-Hist. ad Catalogum Roman. Pontif. pag. 25. ait: *Itaque in hodiernum tempus, exceptis paucis, veteres ferè omnes Romani Episcopi alio coluntur die, quam dicendi sunt obijſſe*; Pagius verò in Criticâ Baronianâ ad Ann. Ch. 67. num. 18. hæc habet Papebrocij vestigijs inhærens: *Dies quibus Sancti Pontifices coluntur, aut quos eorum morti, vel sepultura Martyrologi, alijsque attribunt, nihil plerumque cum die obitus, aut sepultura commune habent*. Quin longiùs procedit num. sequ., dum reliquos Sanctos eidem regulæ subesse pronunciat; inquit enim: *Sancti itaque plerumque alijs diebus, quam quibus ad caelestem patriam migrarint culti*. Et infra: *Hinc pauci Sancti, quibus obierunt diebus coluntur*. Vix verò

nouam hanc & ego opinionem indueram, tantosque viros omnino sequabar, quum antiquam à Paulino magis firmari animaduerti, reque ad examen reuocata, infirmis nuperam hanc niti fundamentis intellexi. Quæ igitur super hisce per otium disserere licuit, en oculis tuis subiecta prodeunt obsequij potius meritum, quam eruditionis laudem mihi allatura. Primum verò de Sanctorum festis diebus quædam adnotabo, ut eorum institutionem continuò nobis fauere perspicuum fiat. Quæcumque enim antiquitus in Ecclesiam Dei inducebantur solemnia, eum ipsum diem respiciebant, quo SS. Martyres vitæ suæ consummarant cursum, cæloque redditæ mortis fructum primò perceperant. Celebris est S. Cypriani locus in Epist. 37. ad Presb. & Diac., vbi sedulò illos hortatur, ut dies, quibus Martyrum quilibet è vniū excesserat, adnocent. Denique, ait, & dies eorum, quibus excedunt, annotate, ut commemorationes eorum inter memorias Martyrum celebrare possimus; quamquam Tertullus scripserit, & scribat, ac significet mihi dies, quibus in carcere beati fratres nostri ad immortalē vitam gloriose mortis exitu transeunt, & celebrentur hic à nobis oblationes, & sacrificia ob commemorationes eorum, quæ citò vobiscum Deo protegente celebrabimus &c. Epist. quoque 34. idem Cyprianus: Sacrificia pro eis semper, ut meministi, offerimus, quoties Martyrum passiones, & dies anniuersaria commemoratione celebramus. Antiquius etiam hac de re testimonium proferamus, nempe Epistolam Smyrnenſis Ecclesiæ de S. Polycarpi Martyrio, quæ inter sacros factus antiquitatis ad nostra vsque tempora peruenit. Inquirent autem pijsſimi viri: Sancti Martyris oblagemmis auroque pretiosiora tumulo mandauimus. ἐνθα ὡς δυνάτον ἡμῖν συναγομένους ἐν ἀγαλλίᾳ, καὶ χαρῇ, παρίξει ὁ κύριος ἐπιτελεῖν τῷ τῷ μαρτυρῇ αὐτοῦ ἡμῶν γυνάδιος &c. Vbi sanè nobis in vnum aliquandò coactis Dominus prestabit, ut cum exultatione, & gaudio eius Martyrj diem instar Natalis festi celebremus. Igitur Apollolicis etiam temporibus Natalis appellabatur hic dies Martyrum commemorationi dicatus, illudque vocabulum apud veteres diem tantummodò Sanctorum emortualem designabat. Primum audiamus Paulinum Nat. XIII. ita loquentem:

Et meritò Sanctis iste Natalis dies

Notatur, in quo lege funèi carneâ

Mortalitatis exuuntur vinculis,

Et in superna Regna nascuntur Deo.

Quia tum Cælo SS. Martyres nascebantur, Natalis nomen eorum obitus diem indicit. S. Petrus Chrysol. Sermon. 129. *Natalem*, ait, *Sanctorum cum auditis charissimi nolite putare illum dici, quo nascuntur in terram de carne, sed de terrâ in Cælum, de labore ad requiem &c.* Euseb. Gallicanus, siue Cæsarius Homil. 50. de S. Genesio: *Beatorum Martyrum passiones Natales vocamus dies, quando eos martyrij vita, & gloria fides dum ingerit morti, genuit aternitati.* Eadem in sententia sunt S. August. Sermon. 1. de Sanct., Nicolaus PP. in Resp. ad consulta Bulgar. cap. 5. a Rhâban.

Rhaban. lib. 2. de Instit. Cler. cap. 43. Radulphus Flavi. lib. 7. cap. 2. in Leuit., Amalar. lib. 4. de Ecclef. Offic. cap. 35., Belet. de Div. Off. cap. 4. & alij. Ex horum autem Auctorum consensu patet eos tantum antiquis temporibus dies solemniter honorasse insignitos, Sanctorumque memorijs sacratos, quibus idem toleratæ mortis beneficio supernæ redditus fuerant quieti. In hanc rem testis luculentissimus accedit Paulinus, siquidem Nat. XIII. inquit:

*Hinc ergo Sanctis, siue Confessoribus
Dies sacratos, in quibus sancti diem
Mortalis aui morte vitali suum
De labe mundi transferunt ad Deum,
Populi fideles gaudijs solemnibus
Honore Christi gratulantes excolunt.*

Quoties igitur seu in vetustis Martyrologijs, seu apud Christianos Patres Natalis vocem comperimus, continuo festum diem intelligamus oportet, quo Sancti alicuius obitus, seu sepultura annuis recolitur votis. Hinc Martyrologia originem, hinc Fasti Ecclesiastici primordia sua cognoscunt. Et profecto constanter affirmandum reor, non nisi seris Ecclesiæ seculis factum, ut alius dies Sanctorum commemorationi dicatus haberetur, quam qui eorum obitus memoriam quotannis renouaret. Auctor est Gregorius Turon. lib. 2. de Mir. Martyr. cap. 29. S. Germani temporibus, hoc est seculo Christi quinto, institutum fuisse S. Iuliani Martyris solemnem diem. Ignorabatur quo die decessisset B. Martyr; hinc populus anxius, incertusque dies ipsius eorum votis obstabat. Diutius tandem subsidium ignavis prælitum, & quæsitum dies cælo ipso reuelante innotuit. Inquit laudatus Auctor: *Huius festiuitatis temporis ignara plebs mæsta pendeat, nesciens diem, in quo Martyr beatus deberet præ virtutis, ac passionis gloriâ honorari, & hac ignorantia usque ad B. Germanum Antiodorensem Antistitem est protracta &c.* Tunc ille, Oremus, inquit, & fortasse nobis hac Domini potentia reuelabit. Quod cum fecissent, mane orto ait, *V. Kal. mensis septimi celebrandam esse festiuitatem.* Si liberum olim fuisset, quoto magis placeret die Sanctorum commemorationem celebrare, utique non adeo segnes in S. Iuliani solemnibus instituendis ij fuissent populi, neque tanto studio tempus, quo recolenda eius passionis gloria foret, inuestigassent. Quamobrem aninaduertas quæ quot scriptores Martyrologia publicis consignauere tabulis id potissimum præ oculis habuisse, ut emortuales Sanctorum dies quanto certius posset exprimerentur. S. Gregor. M. ad Eulogium Alexandr. Epist. 29. lib. 7. Nos autem, inquit, penè omnium Martyrum distinctis per dies singulos passionibus collecta in vno Codice nomina habemus, atque quotidianis diebus in eorum veneratione Missarum solennia agimus. Non tamen in eodem volumine quis qualiter sit passus indicatur, sed tantummodo nomen, locus, & dies passionis ponitur. In hanc rem Ado Vienn. Archiep. scribit in Præf. ad suum Martyrologium: *Hinc operi ut dies Martyrum* verij-

verissimè notarentur, qui confusi in Kalendis inveniri solent, adiuvit Martyrologium ab Urbe Româ Aquileiam transmissum. Beda quoque Adone antiquior in suorum operum Catalogo: Martyrologium, ait, de Natalitijs SS. Martyrum diebus; in quo quos invenire posui non solum quâ die, verum etiam quo genere certaminis, vel sub quo Iudice mundum vicerint, diligenter annotare studui. Eò autem hæc omnia spectant, ut vnum Pagij fundamentum deiciamus; inquit enim: Sanctos plerumque alijs diebus, quam quibus ad caelestem patriam migrarint, cultos, sine quâ persecutionis tempore minus exquisitè notatio haberi potuerit dierum, quibus passi sunt &c. Quantopere verò in hisce diebus notandis seduli Christicolæ forent ex relatis scriptorum suffragijs patebit. Audiatur præterea Chrysost. Hom. 26. in Epist. 2. ad Corinth. At verò, ait, servorum Christi vel monumenta ipsa sunt illustria, quæ regiam, & domum omnium Civitatem obtinuerunt; tum mortis illorum dies noti sunt omnibus qui fæsti per totum orbem aguntur. Quapropter hoc pro certo habeamus nullos olim festos dies in Ecclesiâ Dei fuisse institutos, nisi eos quibus Sanctorum è vitâ decessio quotannis recolatur. Sed iam quærentes audio, cur nonnunquam vetusta inter se Martyrologia dissideant, nec cum ipsis Martyrologijs Sanctorum Acta non rarò conveniant? Si vnum tantum obitus diem sacri repræsentarent Fasti, aut Acta illa fidem non haberent, aut ipsa inter se Martyrologia de veritate certarent. Ego primum varias edisseram huiusce discrepantiæ causas, deinde ne ipsam quidem tantam esse demonstrare, pergam ut (quod Pagius sensit) nullus fermè Sanctorum emortualis dies nunc observetur. Neque enim inficiasimus quorundam Festa non ipsis Martyrij diebus coli, sed id solummodò præstamus, ut ea rarò contingere, ut ferè semper Martyrologio monente ostendamus. Hæc quoque, & non alia est Florentinij sententia in Adnot. XL. ad Martyrol. Hieronymianum, & Petri Damiani in Opusc. cui tit. *Dominus vobiscum*. Itaque primam rationem, cur quorundam Sanctorum alio die, quam quo obierint, memoria celebretur, eam assignari posse puto, quod olim Quadragesimali tempore aut nullæ, aut paucæ Feriæ Sanctorum commemorationem admittebant, eorumque propterea honores in alios extra Quadragesimam protrahere necesse erat. Sic Festum Annunciationis è die 25. Martij in 18. Decemb. à Concilio Toletano X. Can. 1. reiectum est, neque alia intercessit causa. Synodus Laodicensis Can. 51. statuit, Quod non oporteat in Quadragesimâ Martyrum Natales peragere, sed eorum in Sabbato, & Dominicâ tantum memoriam fieri. Idem habetur in Capitulis Martini Bracarenf. cap. 48. Non liceat in Quadragesimâ Natales Martyrum celebrare, sed tantum Sabbato, & Dominico die pro commemoratione eorum oblationes offerri. Si igitur in Sabbatum, Dominicumve diem Sanctorum Natales Quadragesimali tempore incidebant, eorum commemoratio utique permittebatur, alijs vero diebus id interdictum. Hinc diversis diebus, quam quibus è vitâ excessere, quidam coluntur Beati, quod nempe annuus illo;

illorum obitus Quadragesimæ causâ coli non posset. Sanè ubique locorum huiusmodi consuetudinem inualuisse minimè crediderim; in Ecclesiâ tamen Ambrosianâ adeò constans fuit, ut nullus Sancti Festum durante Aduentus, aut Quadragesimæ ieiunio, etiam nunc celebretur, & in alios referantur dies quæ alioqui ipsè temporibus celebranda forent. De hoc idem legit Carolus Guyer. è Soc. Ies. in Neortolog. lib. 2. cap. 2. 3. Secundò quia Sancti alicuius Natalis dies à digniore Festo occupabatur. Sic S. Basilij Festum è die primâ Ianu. in 14. Iun., & S. Remigij è die 15. eiusdem mensis in primum Octobr. coniecta fuere. Sanctorum deinde Translatio efficere potuit, ut diuersus ab emortuali dies ipsorum commemorationi fuerit dicatus. Nonnulla quæso quæ ad id, quo deagimus, pertinent, consideremus. Sacras Martyrum Reliquias sub Constantino tantum transferri cæpisse Paulinus Auctor est disertissimus. Natali XL. inquit ille:

*Ut Constantino primùm sub Casare factum est
Tunc famulis regeunte suis, ut sede priori
Martyres accitos transferrent in noua terra
Hospitia &c.*

Quod tam serò pretiosæ Sanctorum exuvie in varias transferri partes cæperint, Ethnicorum Imperium in causâ fuisse videtur; constat enim antiquo Romanorum iure extinctorum corporum translationem fuisse interdictam, vt l. 9. ff. de Religios., & Plinius Epist. 73. lib. 10. docent. Vix autem sub Constantino Christi Fides extulit caput, quum hinc inde triumphales Martyrum Reliquiæ ad populorum opem transuehi cæpere, iterum Paulinus ait.

*Ex illo sacri cineres quasi semina vita
Diuerfis sunt sparsa locis, quæque ossè minuto
De modicâ sacri stipe corporis exiguis ros
Decidit, ingentes illic pia gratia fontes
Et fluvios vita generavit gutta fanilla.*

Em. Baronius ad diem 15. Iun. in Martyrol., & Azor. tom. 1. Instit. Mor. lib. 9. cap. 8. quæst. 11. ex eotantùm tempore in Gallias, & per Occidentem cæpisse Beatorum corpora transferri censent, quo Franci Romanâ Ecclesiâ à Longobardis, aliisque tyrannis vindicata liberum fecere piorum commercium. Sed multis antefeculis hunc obtinuisse morem cum Paulinus tum innumera suadere possunt exempla, vt mirum sit viros doctissimos in hanc opinionem concessisse. Vnus legatur Gregorius Turonensis, & res palam fiet. Translationis verò nomen non ad quamcumque Reliquiarum transuersionem refertur, sed eam solummodò respicit, quandò ab aliquo iustæ sepulturæ loco ad alium sacra pignora asportantur. Nam quod S. Ignatii Martyris statim post eius cadem corpus Antiochiam Syrorum hominum studio delatum fuerit Anno Ch., vt Baronius arbitratur 110. eius Reliquiæ translata: minus aptè dici potuerunt. Tam celebres dein huiusmodi translationes sunt factæ, ut earum quotan-

nis memoria solemniter recoli in Ecclesia cæperit, earumque mentio nonnumquam in Martyrologijs sit obuia. Quocirca post Florentinum doctissimus Pagius suspicatus est pro diebus Sanctorum emortualibus substitutos quandoque Translationum dies fuisse. Mihi huiusmodi rem examini subicere non vacat; ea tamen non præteribo, quæ erudit. Guyetus in eadem quaestionem lib. 2. cap. 2. quaest. 3. Heortolog. ait: *Verum quantum fas est conijcere, idèd fortasse celebritas maior præfatis diebus indicata est, quod Natalis Sanctorum illorum Quadragesimæ tempore eueniat, quo tempore à celebratione Fæstorum fuisse olim absentum obseruamus.* Sed iam ad controuersiam caput aggrediamur, & in eius arcem inuadamus. Et quæso, Marùli sapientissime, confestimne Pagium veritatis vnus rationem habuisse arbitraberis, quum in seueram illam, absolutamque sententiam discessit, quæ nullorum penè Sanctorum Natales, seu obitus dies, nunc obseruari pronunciauit? Ego nequaquam reor. Hanc ideo opinionem sequutus est ille, ut in Romanorum Pontificum Chronologia calculis suis robur pararetur. Quam benè tamen illi res cesserit, ex quibusdam cognoscamus exemplis, & in eisdem Romanis Antistites tantummodò inquiramus. Neque enim mihi suadere vnquam potui, tam incautè Romanum Martyrologium falli, aut fallere posse, ut quos nobis tamquam dies mortis in Sanctorum Fæstis plerumque proponit, ij sint à nobis diuersi omnino censendi. Quandoquidem quænam adeò graues crebraque causæ intercedere potuerunt, ob quas priorum seculorum vsus in Sanctorum Natalibus colendis ab Ecclesia Romanâ penitus eliminaretur, & Martyrologij fides passim turbata iaceret? Iam verò ipsius Pagij calculos in examen vocemus. S. Linus An. Ch. 67., duobus videlicet post Petri Paulique obitum annis, è viuis sublatus est, eiusque mors cum in Romano, alijsque Martyrologijs, tum in Chronico veterum Pontificum ad diem 23. Septembr. refertur. Quid ad hæc Pagius? *Sed non existimandum, ait, Linum eo die ad superos transiisse, cum dies quibus in Martyrologijs veteres Pontifices coluntur, & in auctiori Chronico veterum Pontificum dicuntur sepulti, ad aliquam eorum Translationem ut plurimum pertineant.* Coluntur præterea S. Cletus die 26. Apr., S. Anacletus die 13. Iul., S. Euaristus die 26. Octobr., S. Telesphorus die 7. Ianuar., S. Soter. die 22. Apr., & in hoc die assignando Martyrologia omnia cum veteri Pontificum Chronico consentiunt; & eandem nihilò secius cantilenam Pagius repetit, videlicet ijs diebus non credendum horum Sanctorum mortem, sed aliquam potius Translationem contigisse. Sed parcat Vir Clar., si expresse libentius Ecclesiæ Romanæ, aliorumque scriptorum testimonio, quam nudæ illius opinionioni fidem habendam esse apertè pronunciamus. Enim verò cuiam magis, dum emortualem sumorum Pontificum diem perquirimus, quam Ecclesiæ Romanæ auscultandum est, quæ præsens olim eorum agones inspicit, adnotauit, atque ad posteros in Martyrologijs relatè transmisit? Placet sanè Philosophis, pluris esse vnus, non modò multorum, asser-

tionem, quam vnus tantum & quidem sine aliquo argumento inficiant
 tis opinionem. Ecquid enim ille vincet, qui id ipsum quod in questione
 versatur pro ratione argumenroque profert? Reliqua videamus. SS. Pe-
 trus, ac Paulus die 29. Iunii, S. Clemens die 23. Nouembr., S. Alexander
 die 3. Maij; S. Hyginus die 11. Ianuar., S. Pius die 11. Iul., S. Anicetus
 die 17. April., S. Callistus die 14. Octobr., S. Vrbanus die 25. Maij, S. Fa-
 bianus 10. Ianuar., S. Lucius 4. Martij, S. Stephanus die 2. Augusti,
 S. Sixtus II. die 6. eiusdem mensis, S. Dionysius 26. Decembr., S. Euty-
 chianus 8. eiusdem mensis, & S. Carius die 22. April. in publicis tabulis
 coluntur, isti que diebus eorum Martyrium, sepulturamue contigisse,
 non Romanum modò Martyrologium, sed Hieronymianum, vt vocant,
 Ado, Beda, Norckerus, Vuandelbertus, Chronicon veterum Pontificum,
 Anastasius, & alij exploratè testantur. Quare tot antiquorum consensui
 in horum Pontificum Natali die assignando victas manus dare coactus
 est Pagius. Quà igitur fronte in illam sententiam ire vir doctissimus po-
 tuit, vt adeò paucos Beatos ipso obitus die solemniter coli assereret, si ex
 ipsis tantum Romanis Pontificibus tot eodem die recoluntur? Quin &
 ille hisce moueri exemplis debuit, vt si de aliquibus diebus Festis non te-
 merè dubitari posse sibi videbatur, eos potius ex comperto Martyrologij
 more, non leui ductus opinione explicaret. Sed & attingere non pige-
 bit, quæ ipsi planè difficultatem peperere. S. Sixti obitus in Martyrolo-
 gijs Romano, Hieronymiano, Vsuardi, Adonis, Rosaueydi, Vuan-
 delberti, aliorumque multorum ad diem 6. Aprilis refertur; ab Anast-
 asio tamen, à Floro, alijsque paucis infimæ notæ Scriptoribus die 3. eius-
 dem mensis memoratur. Pagius verò neutrum diem ad Sixti mortem
 spectare ait, quippe in diem 3. Iulij, si annos Pontificatus numeraueris,
 eius Martyrium cadere animaduertit. Sed quam lubricis ille nitatur
 fundamentis, quantumue eius regulæ in Pontificum Chronologiâ nitent,
 mei non est instituti perpendere. Pauca tamen, vt quod ad Sixtum pec-
 tinet absoluat, producam. Chronicon, vt vocant, Damasi hæc de
 illo habet: *Sixtus annis decem, mensibus tribus, diebus viginti vno.*
Fuit temporibus Hadriani à Consulatu Nigri, & Aproniani vsq; Vero III.
& Ambibulo: Ad hæc Pagius: *Sed error irrepsit in numeros, legendum-*
que mensibus duobus die vno, vt habetur in auctiori Chronico veterum
Pontificum, in Catalogo Palatino, & in duobus Catalogis Corbeiensibus.
 Quum verò teste eodem Damasi Chronico die 3. Maij Anno Ch. 116.
 Martyrium subierit S. Alexander, qui Sixto in Pontificatu præcessit,
 hinc Pagius ad diem 3. Iulij Anni 126. trahendum Sixti obitum censet.
 Sed primùm in producendis veterum testimonijs maior in Pagio diligen-
 tia desideratur, nam Catalogi Corbeienses, quos ille pro sua correctione
 citat, quinq; apud Papebrogium in Conatu Chronico historico post
 S. Felicis IV. vetam inueniuntur, aliter se habent, Sixtumque his producit
 verbis: *Sixtus An. X. m. 7. d. 22. VIII. Id. Apr.* En vt ij. etiam in assi-
 gnando æternali die S. Sixti Romano Martyrologio consentiant.

Cc

Dein.

*Rursus Felicis veneratum limina longè
Ire pudet vacuos deuoti muneris.*

Steterat sus pondere saginæ pressus, ac propterea iidem agricolæ suos alios minores legerunt, vt votum omnino persoluerent. At hinc Paulinus:

*Quod deuota fides obstricti debita voti
Maturare parans tali ratione putauit,
Pluribus vt modicis vnum pensares opimum.
Ergò Sacrum huc venere locum, votisque patris &c.
Tertium Paulinus memorat prodigium hisce carminibus:
Nam genere abiunctam, pecus armentale iuuenecam
Quidam homines aequè longinquâ huc sede profecti
Secretam primò lactantis ab ubere matris
Nutrierant nostris votiuo munere passam
Pauperibus*

Sed & in Nat. VIII. hæc ait:

*Omni namque die testes sumus, undique crebris
Catibus aut sanos gratantia reddere vota
Aut agros varias petere, & sentire medelas.*

Et hæc quidem erga Sanctum vota oblationibus etiam additis conspicua erant. Omnes autem in pauperum alimenta cedebant, nempe vt *sacro*rogaretur paupere Martyr, quod nos hisce tribus exemplis Poeta sacer edocuit, qui etiam dilucide addit vota hæc Martyribus nuncupata. Audiamus.

*————— Sed qui mos esse videtur
Persoluenta pijs longè sua vota ferentum
Martyribus*

'Alia præter hæc vota Sanctis voueri consueuere, quæ huiusmodi oblationibus carebant. Quidam se Beatorum Basilicas visitaturos, alij se Festos eorum dies celebraturos vouebant, quorum votorum exempla nobis idem Paulinus præbebit. Morabatur ille in Hispanijs, quum Natalem primum cecinit, voueratque suum ad Nolanam Urbem iter inuisendi S. Felicis causâ. Itaque ait:

*————— & quâ requiescis in aula
Hunc liceat celebrare diem, pia reddere coram
Vota, & gaudentes inter gaudere tumultus.*

In Natali verò II. illud idem scribit quum se Nolæ reddidisset:

*————— tria tempore longo
Lustra cucurrerunt, ex quo solemnibus istis
Coram vota tibi, coram mea corda dicaui.*

In Nat. IV. hæc habet: *Annua vota mihiremeant.* In Nat. V. itidem: *Exoptata dies anno, quæ dulcia Festa
Et mea vota nouas, &c.*

Quod si quis vota his versibus memorata pro puris putis precibus intel-

telligenda esse contendat, dicat rogo, num preces ad S. Felicem eius tantum Natali die funderet Paulinus? Hoc utique non affirmabit; ait enim Paulinus Nat. IX.

Nam qua, rogo, votis

Cassa dies oritur, vel magnis rara caternis?

Igitur vota eo die nouata erant carmina, quæ S. Felici quotannis vouerat noster vates; Hoc autem expressum reliquit ipse Nat. VI.

Lex mihi iure pio posita hunc celebrare quotannis

Eloquio famulante diem, solempne reposcit

Munus ab ore meo Felicem dicere versu,

Latitiâque meam modulari carmine voto,

En carmen votum, en S. Felici promissum debitumque munus. Vide autem quam bene hæc vota idem Paulinus à vociuis oblationibus supra relatis distinguat. Sic loquitur Nat. laudato;

Fleusque iterum, sed lætiss, modò debita Sancto

Vota refert, non are graui, nec munere surdo,

Munere sed vino linguae, mentisque profusus.

Paulino, qui hucusque rem confecit, iuuat alios apponere propositi nostri testes, vt in lucem melius veritas efferatur. De S. Felice Nolano Epigramma etiam elaborauit S. Damasus Papa, cuius postremi versus ita se habent:

Te duce seruatus mortis quod vincula rupi

Persibus his Damasus supplex tibi vota rependo.

Prudentius in Hymno de SS. Hemeterio, & Chelidonio similia profert:

Illitas cruore sancto nunc arenas incolat

Confrequentant obseruantes voce, votis, munere.

Hic, ni fallor, cum vota pura, tum oblationes memorari videmus. Gregorius verò Turonensis lib. 2. Hist. Frano. cap. 37. Domino, ait, gratias agentes, & vota B. Confessori (Martino) promittentes læti nuntiauerunt Regi &c. S. Augustinus lib. 2. contra Faustum eundem Hæreticum hæc nobis obicientem inducit: *Idola vertistis in Martyres, quos votis similibus colitis.* Egregiam autem est in hanc rem Eusebij Cæsariensis testimonium. Postquam hic lib. 13. Præpar. Euang. cap. 7. à nobis coli Sanctos affirmauit vt veræ pietatis milites, Deique amicos, addit: *Ὁ δὲν καὶ ἐπὶ τὰς ἑκάς αὐτῶν ἰδὼς ἡμῶν προσέειπεν, καὶ τὰς ἑκάς παρὰ ταῦτα ἐκινῆσαι.* Unde tumulos eorum frequentare, & circum eosdem vota illis nuncupare soleamus. Verum quia vocabulum τὰς ἑκάς pro precibus positum quibusdam videri posset, sine quæso me verbi huius rationem explicare, vt palam fiat apud Græcos Patres propriè ἑκάς pro voto, προσέειπεν verò pro oratione, aut prece vsurpari. Henricus Stephanus in Thes. Græcæ linguæ id pluribus exemplis probat, & ego duobus clarissimis roborabo testimonijs. Gregorius Nyss. Orat. 2. de Orat. Domin. ad illud Matthæi 6. Cum Oratis &c. inquit: Non dixit, ἑκάς ἑκάς, idest cum vosa facitis, sed ἑκάς προσέειπεν, idest cum oratis &c.

Sed quanam est horum nominum differentia? *ὑπό*, idest votum quidem promissio est alicuius rei, quæ pietatis nomine deditur, & sacris destinetur; *προσῆυχη* autem idest oratio est petitio bonorum, quæ Deo cum supplicatione offertur &c. tum subdit: Multis in locis Scripturæ eiusmodi *ὑπό*, idest voti significationem videre licet &c. Non minùs apertè loquitur S. Augustinus in Epist. 59. ad Paulinum nostrum scriptà, ubi hæc habet. Nam eam, quam dicunt *ὑπό*, rarò ita Scriptura ponit, ut intelligatur oratio, sed plerumque & multò usitatius votum appellat *ὑπό*; *προσῆυχη* verò semper orationem vocat. Et infra: Porro si usitatius, ut dixi, in Scripturis votum appellatur *ὑπό*, excepto nomine generali orationis ea propriè intelligenda est oratio, quam facimus ad votum, idest *ὑπό*. Videntur autem omnia, quæ offeruntur Deo, maxime Sancti Altaris oblatio &c. Sed redeamus ad nostra, iterumque vota Sanctis nuncupata prodamus. Concilium Namnetense Can. 20. ita fatetur: Omnibus interdicitur, ut nullus votum faciat, aut candelam, vel aliquod munus pro sanitate suâ rogaturus alibi deferat, nisi ad Ecclesiam Domino Deo suo. Ego planè assentiri non possum Clarissimo Du Fresno, qui in Gloss. med. & inf. Latin. hîc votorum nomine dies Paganorum Festos significari censet. Candelæ enim, aliæque munera pro recuperandâ valetudine æterno Numini oblata, quæ hîc memorantur, satis docent vota huiusmodi pro tabellis votivis esse intelligenda. Scilicet antiquis non minùs quam nostris temporibus has Deo, Beatique viris suspendere tabellas in usu fuit. Audi præclarissimum hac de re testimonium Theodoretî Cyrensis Episcopi, qui, ut optimè nosti, medio sæcè seculo quinto scribebat. Hæc autem eius sunt verba in Sermon. 8. de Martyribus ad Græcos: *ὅτι δὲ τυγχάνουσιν ὅσπερ αἰνέουσιν, οἱ πιστοὶ ἐπαγγέλλονται διαφαιδῶν μαρτυρεῖν τὰ τέταρτα ἀναθήματα τὴν ἱεράειαν δαίτην. Οἱ μὲν γὰρ ὀφθαλμοῦν, οἱ δὲ ποδῶν, ἄλλοι δὲ χειρῶν προσέριπναι ἐκ τῶν πιάτων, καὶ οἱ μὲν ἐκ χρυσοῦ, οἱ δὲ ἐξ ὕλης ἀργύρου ποιοῦνται.* Quæ ita vertit Zenobius Acciaiolus: *Piè verò fideliterque precatos ea maxime consequi, quæ desiderant, testantur illa, quæ votorum rei dona persolunt, manifesta nimirum adeptæ sanitatis indicia. Nam alij quidem oculorum, alij verò pedum, alij porò manuum simulacra suspendunt ex argento aureo confecta.* Plura addit laudatus Theodoritus, quæ brevitatîs ergò nunc sileo. Sed & videre est illustrem huiusmodi votorum memoriam apud Paulinum in Natali III. inter illos versus, quos ex Codice nostro vetustissimo præteritæ nunc restituimus, aut addimus editioni. Sunt autem hæc:

Alma dies magnis celebratur catibus, omnes

Vota dicant sacris rata postibus, omnia gaudent &c.

Hîc profectò votivæ memorantur tabellæ, quæ sacris suspendebantur Basilicarum postibus; dicare enim vota idem est ac suspendere vota. Vota autem appellantur rata, hoc est exaudita ad instar Ovidiani versus lib. 1. Fast.

Effi-

Efficiatque ratas utraque Diva preces.

In memoriam igitur munerum à S. Felice receptorum, atque ad testandum exauditi voti pignus tabulæ ad sacras templorum fores deferrebantur. Ad hæc utique si respexisset Erasmus, fortasse dicacitati pepercisset, neque votiarum erga Sanctos oblationum, aut tabellarum usum hæcenus Catholicâ ab Ecclesiâ probatum tam mordacibus sarcasmis inuasisset. Ceterum si mos huiusmodi nuperi Nouatoribus non bene accommodatur, licet etiam vetustissimis Patribus ij intentent oportet, à quibus quum sanctitate vincantur, & eruditione, ita & pietatis rationibus facile superabuntur. Vale.

*Ad S. PAVLINI Natal. XIII. vers. 87.
De Sanctorum Martyrum Natalibus.*

DISSERTATIO XIX.

Ad Clar. Virum ANTONIUM FELICEM MARSILIUM
Bononiensis Cathedralis Archidiaconum.

IAmpridem, Marsili Clarissime, vnâ cum Eminentissimo Annalium parente Baronio, alijsque multis credideram, quotquot in Ecclesiasticis Fastis Sanctorum Natales proponuntur, eisdem si non perpetuò, at sæpissimè diem eorumdem emortualem designare. In hanc autem sententiam eò faciliùs ibam, quò accuratiùs animaduertèram ab ipsâ dies nonnunquam moneri Ecclesiâ, quum in alium, quam in obitus diem, Sanctorum solemnia caderent; Tunc enim Hymnis, precibusque paulùm mutatis sibi ab antiquâ consuetudine declinatum, omnium Ecclesiarum magistra prodebat. Verùm celeberrimi Scriptores P. Papebrocius primùm, deinde P. Pagius me diutiùs in errore versatum præteritis annis commonuere; ille enim in Conatu Chronico-Hist. ad Catalogum Roman. Pontif. pag. 25. ait: *Itaque in hodiernum tempus, exceptis paucis, veteres serè omnes Romani Episcopi alio coluntur die, quam dicendi sunt obiisse*: Pagius verò in Criticâ Baronianâ ad Ann. Ch. 67. num. 18. hæc habet Papebrocij vestigijs in hærens: *Dies quibus Sancti Pontifices coluntur, aut quos eorum morti, vel sepultura Martyrologi, alijsque attribuunt, nihil plerumque cum die obitus, aut sepultura commune habent*. Quin longiùs procedit num. sequ. dum reliquos Sanctos eidem regulæ subesse pronunciat; inquit enim: *Sancti itaque plerumque alijs diebus, quam quibus ad caelestem patriam migrarint culti*. Et infra: *Hinc pauci Sancti, quibus obierunt diebus coluntur*. Vix verò

nouam hanc & ego opinionem indueram, tantosque viros omnino sequabar, quum antiquam à Paulino magis firmari animaduerti, reque ad examen reuocata, infirmis nuperam hanc niti fundamentis intellexi. Quæ igitur super hisce per otium disserere licuit, en oculis tuis subiecta prodeunt obsequij potius meritum, quam eruditionis laudem mihi allatura. Primum verò de Sanctorum festis diebus quædam adnotabo, ut eorum institutionem continuò nobis fauere perspicuum fiat. Quæcumque enim antiquitus in Ecclesiam Dei inducebantur solemnia, eum ipsum diem respiciebant, quo SS. Martyres vitæ suæ consummarant cursum, cæloque redditi toleratæ mortis fructum primò perceperant. Celebris est S. Cypriani locus in Epist. 37. ad Presb. & Diac., vbi sedulò illos hortatur, ut dies, quibus Martyrum quilibet è viuis excesserat, adnotent. Denique, ait, & dies eorum, quibus excedunt, annotate, ut commemoratione eorum inter memorias Martyrum celebrare possimus; quamquam Tertullus scripserit, & scribat, ac significet mihi dies, quibus in carcere beati fratres nostri ad immortalem vitam gloriosa mortis exitu transierunt, & celebrentur hic à nobis oblationes, & sacrificia ob commemorationes eorum, quæ citò vobiscum Deo protegente celebrabimus &c. Epist. quoque 34. idem Cyprianus: Sacrificia pro eis semper, ut meministi, offerimus, quoties Martyrum passiones, & dies anniversaria commemorare celebramus. Antiquius etiam hac de re testimonium proferamus, nempe Epistolam Smyrnenfis Ecclesiæ de S. Polycarpi Martyrio, quæ inter sacros factus antiquitatis ad nostra vsque tempora peruenit. Inquiunt autem piissimi viri: Sancti Martyris ossa gemmis auræque pretiosiora tumulo mandauimus. ἔνθα ὡς θωατὸν ἡμῖν σωμαγομένους ἐν ἀγαλασσει, καὶ χαρᾷ, παρίξει ὁ κύριος ἐπιτελεῖν τῷ τῷ μαρτυρίῳ αὐτοῦ ἡμῶν γένεθλον &c. ubi sanè nobis in unum aliquandò coactis Dominus præstabit, ut cum exultatione, & gaudio eius Martyrij diem instar Natalis festi celebremus. Igitur Apostolicis etiam temporibus Natalis appellabatur hic dies Martyrum commemorationi dicatus, illudque vocabulum apud veteres diem tantummodò Sanctorum emortualem designabat. Primum audiamus Paulinum Nat. XIII. ita loquentem:

*Et meritò Sanctis iste Natalis dies
Notatur, in quo lege sancti carneâ
Mortalitatis exuuntur vinculis,
Et in superna Regna nascuntur Deo.*

Quia tum Cælo SS. Martyres nascebantur, Natalis nomen eorum obitus dici inditum. S. Petrus Chrysol. Serm. 129. Natalem, ait, Sanctorum cum auditis charissimi nolite putare illum dici, quo nascuntur in terram de carne, sed de terrâ in Cælum, de labore ad requiem &c. Euseb. Gallicanus, siue Cæsarius Homil. 50. de S. Genesio: Beatorum Martyrum passiones Natales vocamus dies, quando eos martyrij vita, & gloria fides dum ingerit morti, genuit æternitati. Eadem in sententiâ sunt S. August. Serm. 1. de Sanct., Nicolaus PP. in Resp. ad consulta Bulgar. cap. 5. Rhaban.

Rhaban. lib. 2. de Instit. Cler. cap. 43. Radulphus Flavi. lib. 7. cap. 2. in Leuit., Amalar. lib. 4. de Eccles. Offic. cap. 35., Belet. de Div. Off. cap. 4. & alij. Ex horum autem Auctorum consensu patet eos tantum antiquis temporibus dies solemni honore fuisse insignitos, Sanctorumque memorijs sacros, quibus idem toleratae mortis beneficio supernae redditus fuerant quieti. In hanc rem testis luculentissimus accedit Paulinus, siquidem Nat. XIII. inquit:

*Hinc ergo Sanctis, siue Confessoribus
Dies sacros, in quibus sancti diem
Mortalis aui morte vitali suum
De labe mundi transferunt ad Deum,
Populi fideles gaudijs solemnibus
Honore Christi gratulantes excolunt.*

Quoties igitur seu in vetustis Martyrologijs, seu apud Christianos Patres Natalis vocem comperimus, continuo Festum diem intelligamus oportet, quo Sancti alicuius obitus, seu sepultura annuis recolitur votis. Hinc Martyrologia originem, hinc Fasti Ecclesiastici primordia sua cognoscunt. Et profecto constanter affirmandum reor, non nisi seris Ecclesiae seculis factum, ut alius dies Sanctorum commemorationi dicatus haberetur, quam qui eorum obitus memoriam quotannis renouaret. Auctor est Gregorius Turon. lib. 2. de Mir. Martyr. cap. 29. S. Germani temporibus, hoc est seculo Christi quinto, institutum fuisse S. Iuliani Martyris solemnem diem. Ignorabatur quo die decessisset B. Martyr; hinc populus anxius, incertusque dies pijs eorum votis obstabat. Diutius tandem subsidium ignaris praestitum, & quaesitus dies caelo ipso ipso ante innotuit. Inquit laudatus Auctor: *Huius festivitatis temporis ignara plebs massa pendeat, nesciens diem, in quo Martyr beatus deberet pro virtutis, ac passionis gloria honorari, & hac ignorantia usque ad B. Germanum Antiodorensem Antistitem est protracta &c.* Tunc ille, Oremus, inquit, & fortasse nobis hac Domini potentia reuelabit. Quod cum fecissent, mane orto ait, *N. Kal. mensis septimi celebrandam esse festivitatem.* Si liberum olim fuisset, quoto magis placeret die Sanctorum commemorationem celebrare, utique non adeo legnes in S. Iuliani sollemnij instituendis ij fuissent populi, neque tanto studio tempus, quo recolenda eius passionis gloria foret, inuestigassent. Quamobrem animaduertas quorquoque scriptores Martyrologia publicis consignauere tabulis id potissimum pra oculis habuisse, ut emortuales Sanctorum dies quanto certius posset exprimerentur. S. Gregor. M. ad Eulogium Alexandr. Epist. 29. lib. 7. Nos autem, inquit, *penè omnium Martyrum distinctis per dies singulos passionibus collecta in vno Codice nomina habemus, atque quotidianis diebus in eorum veneratione Missarum solennia agimus.* Non tamen in eodem volumine quis qualiter sit passus iudicatur, sed tantummodo nomen, locus, & dies passionis ponitur. In hanc rem Ado Vienn. Archiep. scribit in Praef. ad suum Martyrologium: *Hinc operi ut dies Martyrum* veris.

verissime notarentur, qui confusi in Kalendis inueniri solent, adinuit Martyrologium ab Pybe Romæ Aquileiam tranſmiſſum. Beda quoque Adone antiquior in ſuorum opum Catalogo: Martyrologium, ait, de Natalitijs SS. Martyrum diebus, in quo quos inuenire poſui non ſolùm quâ die, verùm etiam quo genere certaminis, vel ſub quo Iudice mundum vicerint, diligenter annotare ſtudi. Eò autem hæc omnia ſpectant, ut vnum Pagij fundamentum deiciamus; inquit enim: Sanctos plerumque alij diebus, quam quibus ad caeleſtem patriam migrarim, cultos, ſine quia perſecutionis tempore minus exquiſitè notatio haberi poſuerit diernam, quibus paſſi ſunt &c. Quantopere verò in hiſce diebus norandis ſeduli Chriſticolæ forent ex relatis ſcriptorum ſuffragijs patebit. Audiatur præterea Chryſoſt. Hom. 26. in Epist. 2. ad Corinth. At verò, ait, ſervorum Chriſti vel monumenta ipſa ſunt illuſtria, qua regiam, & dominam omnium Ciuitatem obtinuerunt; tum mortis illorum dies noti ſunt omnibus qui ſeſti per totum orbem aguntur. Quapropter hoc pro certo habeamus nullos olim feſtos dies in Eccleſiâ Dei fuiſſe inſtitutos, niſi eos quibus Sanctorum eſt virâ deceſſio quotannis recolebat. Sed iam quærentes audio, cur nonnunquam vetuſta inter ſe Martyrologia diſſideant, nec cum ipſis Martyrologijs Sanctorum Acta non rarò conveniant? Si vnum tantum obitus diem ſacri repræſentarent Faſti, aut Acta illa fidem non haberent, aut ipſa inter ſe Martyrologia de veritate certarent. Ego primum varias ediſſeram huiusce diſcrepantiæ cauſas, deinde ne ipſam, quidem tantam eſſe demonſtrare, pergam vt (quod Pagius ſenſit) nullus ſermè Sanctorum emortalis dies nunc obſeruetur. Neque enim inſiciasimus quorundam Feſta non ipſis Martyrij diebus coli, ſed id ſolummodò præſtamus, vt ea rarò contingere, vt ſerè ſemper Martyrologio monente offendamus. Hæc quoque, & non alia eſt Florentiniſ ſententia in Adnot. XL. ad Martyrol. Hieronymianum, & Petri Damiani in Opuſc. cui tit. Dominus vobiscum. Itaque primam rationem, cur quorundam Sanctorum alio die, quam quo obierint, memoria celebretur, eam aſſignari poſſe puto, quod olim Quadrageſimali tempore aut nullæ, aut paucæ Feriæ Sanctorum commemorationem admittebant, eorumque propterea honores in alios extra Quadrageſimam protrahere necelle erat. Sic Feſtum Annunciationis eſt die 25. Martij in 18. Decembri à Concilio Toletano X. Can. 1. reiectum eſt, neque alia interceſſit cauſa. Synodus Laodicea Can. 51. ſtatuit, Quod non oporteat in Quadrageſimâ Martyrum Natales peragere, ſed eorum in Sabbato, & Dominicâ tantum memoriam fieri. Idem habetur in Capitulis Martini Bracarenſ. cap. 48. Non liceat in Quadrageſimâ Natales Martyrum celebrare, ſed tantum Sabbato, & Dominico die pro commemoratione eorum oblationes offerri. Si igitur in Sabbatum, Dominicumue diem Sanctorum Natales Quadrageſimali tempore incidebant, eorum commemoratio vtique permittebatur, alijs vero diebus id interdictum. Hinc diuerſis diebus, quam quibus eſt viris exceſſere, quidam coluntur Beati, quod nempe annuus illo;

illorum obitus Quadragesimæ causâ coli non posset. Sanè ubique locorum huiusmodi consuetudinem inualuisse minimè crediderim; in Ecclesiâ tamen Ambrosianâ adèò constans fuit, ut nullius Sancti Festum durante Aduentus, aut Quadragesimæ ieiunio, etiam nunc celebretur, & in alios referantur dies quæ alioqui ipsèdem temporibus celebranda forent. De hoc idem legit Carolus Guyer, è Soc. Ies. in Neortolog. lib. 2. cap. 2. 3. Secundo quia Sancti alicuius Natalis dies à digniore Festo occupabatur. Sic S. Basilij Festum è die primâ Ianu. in 14. Iun., & S. Remigij è die 15. eiusdem mensis in primum Octobr. coniecta fuere. Sanctorum deinde Translatio efficere potuit, ut diuersus ab emortuali dies ipsorum commemorationi fuerit dicatus. Nonnulla quæso quæ ad id, quo de agimus, pertinent, consideremus. Sacras Martyrum Reliquias sub Constantino tantùm transferri cæpisse Paulinus Auctor est disertissimus. Natali XL. inquit ille:

*Ut Constantino primùm sub Casare factum est
Tunc famulis retegente suis, ut sede priori
Martyres accitos transferrent in noua terra
Hospitia &c.*

Quod tam serò pretiosæ Sanctorum exuuie in varias transferri partes cæperint, Ethnicorum Imperium in causâ fuisse videtur; constat enim antiquo Romanorum iure extinctorum corporum translationem fuisse interdictam, vt l. 19. ff. de Religios., & Plinius Epist. 73. lib. 10. docent. Vix autem sub Constantino Christi Fides extulit caput, quum hinc inde triumphales Martyrum Reliquiæ ad populorum opem transfuehi cæpere, iterum Paulinus ait.

*Ex illo sacri cineres quasi semina vita
Diuerfis sunt sparsa locis, quæque osse minuto
De modicâ sacri stipe corporis exiguus ros
Decidit, ingentes illic pia gratia fontes
Et fluiuos vita generauit gutta fanilla.*

Em, Baronius ad diem 14. Iun. in Martyrol., & Azor. tom. 1. Instit. Mor. lib. 9. cap. 8. quæst. 11. ex eo tantùm tempore in Gallias, & per Occidentem cæpisse Beatorum corpora transferri censent, quo Franci Romanâ Ecclesiâ à Longobardis, alijsque tyrannis vindicata liberum fecere piorum commercium. Sed multis ante seculis hunc obtinuisse morem cum Paulinus tum innumera suadere possunt exempla, vt mirum sit viros doctissimos in hanc opinionem concessisse. Vnus legatur Gregorius Turonensis, & res palam fiet. Translationis verò nomen non ad quamcumque Reliquiarum transfuectionem refertur, sed eam solummodò respicit, quandò ab aliquo iustæ sepulturæ loco ad alium sacra pignora asportantur. Nam quod S. Ignatii Martyris statim post eius eadem corpus Antiochiam Syrorum hominum studio delatum fuerit Anno Ch., vt Baronius arbitratur 110. eius Reliquiæ translata: minus aptè dici potuerunt. Tam celebres dein huiusmodi translationes sunt factæ, vt earum quotan-

tionem, quam vnius tantum & quidem sine aliquo argumento inficiant
tis opinionem. Ecquid enim ille vincit, qui id ipsum quod in quaestione
versatur pro ratione argumentoque profert? Reliqua videamus. SS. Pe-
trus, ac Paulus die 29. Iunii, S. Clemens die 23. Nouembr., S. Alexander
die 3. Maij; S. Hyginus die 11. Ianuar., S. Pius die 11. Iul., S. Anicetus
die 17. April., S. Callistus die 14. Octobr., S. Urbanus die 25. Maij, S. Fa-
bianus 10. Ianuar., S. Lucius 4. Martij, S. Stephanus die 2. Augusti,
S. Sixtus II. die 6. eiusdem mensis, S. Dionysius 26. Decembr., S. Euty-
chianus 8. eiusdem mensis, & S. Caus die 22. April. in publicis tabulis
coluntur, isti quæ diebus eorum Martyrium, sepulturamque contigisse
non Romanum modò Martyrologium, sed Hieronymianum, vt vocant,
Ado, Beda, Notkerus, Vuandelbertus, Chronicon veterum Pontificum,
Anastasius, & alij exploratè testantur. Quare tot antiquorum consensui
in horum Pontificum Natali die assignando victas manus dare coactus
est Pagius. Quà igitur fronte in illam sententiam ire vir doctissimus po-
tuit, vt adeò paucos Beatos ipso obitus die solemniter coli assereret, si ex
ipsis tantum Romanis Pontificibus tot eodem die recoluntur? Quin &
ille hisce moueri exemplis debuit, vt si de aliquibus diebus Festis non te-
merè dubitari posse sibi videbatur, eos potius ex comperto Martyrologij
more, non leui ductus opinione explicaret. Sed & attingere non pige-
bit, quæ ipsi planè difficultatem peperere. S. Sixti obitus in Martyrolo-
gijs Romano, Hieronymiano, Vsuardi, Adonis, Rosuueydi, Vuan-
delberti, aliorumque multorum ad diem 6. Aprilis refertur; ab Anastasio
tamen; à Floro, alijsque paucis infimæ notæ Scriptoribus die 3. eius-
dem mensis memoratur. Pagius verò neutrum diem ad Sixti mortem
spectare ait, quippe in diem 3. Iulij, si annos Pontificatus numeraueris,
eius Martyrium cadere animaduertit. Sed quam lubricis ille nitatur
fundamentis, quantumque eius regulæ in Pontificum Chronologiâ nutent,
mei non est institui perpendere. Pauca tamen, vt quod ad Sixtum per-
tinet absoluat, producam. Chronicon, vt vocant, Damasi hæc de
illo habet: *Sixtus annis decem, mensibus tribus, diebus viginti vno.*
Fuit temporibus Hadriani à Consulatu Nigri, & Aproniani usq; Vero III.
& Ambibulo: Ad hæc Pagius: Sed error irrepsit in numeros, legendum-
que mensibus duobus die vno, vt habetur in auctiori Chronico veterum
Pontificum, in Catalogo Palatino, & in duobus Catalogis Corbeiensibus.
Quum verò teste eodem Damasi Chronico die 3. Maij Anno Ch. 116.
Martyrium subierit S. Alexander, qui Sixto in Pontificatu præcessit,
hinc Pagius: ad diem 3. Iulij Anni 126. trahendum Sixti obitum censet.
Sed primùm in producendis veterum testimonijs maior in Pagio diligen-
tia desideratur, nam Catalogi Corbeienses, quos ille pro sua correctione
citæ, quique apud Papebrocium in Conatu Chronico historico post
S. Felicis IV. vitam inueniuntur, aliter se habent, Sixtumque his producit
verbis: *Sixtus An. X. m. 3. d. 22. VIII. Id. Apr.* En vt ipse etiam in assi-
gnando emortuali die S. Sixti Romano Martyrologio consentiunt,

Deinde an inter S. Alexandri mortem, Sixtique electionem nullum (ut vocant) Interpontificium fuit? Sanè Anastasio alijsque testibus 27. dies intercessere. Et cur hos quoque in censum Pagius non refert? Si demum A. Ch. 116. ipso die 3. Maij, quo S. Alexander ad Superos euolauit, Sixtus Pontificatu est auctus, cur in Damasi Chronico non ab A. 316., sed à Consulatu Nigri, & Aproniani, qui in Annum Ch. 117. cadit, eius numerantur Anni? Dicam confidenter quæ sentio: Chronicon Damasi omnium consensu Auctorem incertum habet, pluribusque erroribus scatet, quos ipse Pagius alijque identidem emendent oportet, ut inde quid referant emolumenti. Quænam igitur toties peccanti fides habenda? Oleum facile operamque perdere arbitror, quoscumque huic vni fidere Scriptori in Pontificia Chronologia conspicio. Ipsi etiam Pagij confessione ad A. Ch. 130. num. 3. patet, Interpontificiorum tempus omnino nobis ignotum. *Annotatur quidem, ut ait idem, illud tam in libro Ponticali, quam in Chronico auctiori veterum Pontificum, sed præterquam quod inter horum librorum Auctores non conuenit, vacatio Sedis non ex certis monumentis, sed ex proprio calculo ab illis descripta.* Cur ergo tantum Pagio laboratur, ut electionum obitusque dies ex ipsius Auctoris hauriantur? Cur tam promptè aduersus Romani Martyrologij fidem fertur? Itaque S. Sixtum die 6. Apr. aut obiisse, aut sepulturæ traditum mihi suadeo, & ab huiusmodi die S. Pontificis tempora sunt retrò numeranda. Ad Eleutherum Papam transeo. Hunc Pagius die 26. Maij, quo à Romanâ Ecclesiâ colitur, sepultum non negat, licet quorundam testimonia in aliam sententiam vergant. Quod ad S. Victorem Pagius eum obiisse diem non diffidet die 28. Iul., quo eodem die Martyrologium Romanum, Chronicon auctius veterum Pontificum, antiqui Catalogi, Anastasius, alia Martyrologia, & Henschenius eum coli testantur. Non audiat ergo Hieronymianum Martyrologium, Papebrocius in Conatu Chronico-hist., & nonnulli pauci, qui in alium diem referunt Sancti huius obitum. Zephyrinus eius successor Martyrij palmam inuenisse die 26. Aug. in Martyrologijs præter Pseudohieronymianum, vniuersis, & reliquorum Scriptorum documentis dicitur. Verùm ex fluxis incertisque Pontificatus annis illum die 12. Iul. vitæ defunctum, Pagius arbitratur. Nil tamen vir doctissimus contra tot monumentorum consensum euincet, ni priùs certum aliquem proferat Auctorem, qui tum Pontificatum, tum Interpontificiorum tempora securus erroris signet. Certè hoc ab illo præstari non poterit, dum interim certi, ac ij quidem numero, & auctoritate præcipui Scriptores pro nobis pugnent. Quum in Sardinia exul obierit S. Pontianus, mirum non est, si eius obitus ad varios dies hinc inde trahatur. S. Cornelium vnà cum S. Cypriano die 14. Septembr. inter viuos esse desisse, quo eodem die in singulis Martyrologijs mortem oppetisse dicuntur, Pagius quoque contra Papebrocium eruditè probat. S. Felix die 29. Maij ab omnibus penè refertur, sed suorum calculorum, ac Hieronymiani Martyrologij testimonio fretus die

die 22. Dec. extinctum affirmat. Quum nihilominus inter se Chronica, & Catalogi longè in assignandâ Pontificatus continuatione dissideant, nescio quam multum fidei sibi queat conciliare. Hucusque igitur, Mar-
sili doctissime, per tria Epochæ nostræ priora secula quam plurimos vidi-
mus SS. Pontifices ex Pagij consensu ipsis diebus, quæ coluntur, Martirii
coronâ donatos; dum verò paucorum admodum, qui supersunt, mortem
alijs contigisse diebus, quam quibus coluntur, nullis probare solidis ar-
gumentis queat, proximum est ut nos omnem Romano potius Martyro-
logio, quam levisimis aliorum rationibus fidem habeamus. Quamo-
brem tactam ante querelam nunc repeto: cur Papebrocius, & Pagius
adeò paucos Beatos die eorum emortuali nunc in Ecclesiâ Dei honorari
pronunciant, si tot ex ipsis dumtaxat Pontificibus contra horum opi-
nionem ita recoluntur? Quamquam & hanc nuperam sententiam exem-
plis pluribus profligare arduum non foret, si per otium liceret. Nunc
vnum animaduertisse sufficiat, nempe Eusebium in lib. de Martyr. Pale-
stinæ, qui libro 8. Hist. subijci solet, plurium Martyria, diemque etiam
Martirii memoriam tradidisse. Hæ autem dies prorsus cum Romani Mar-
tyrologij fide conueniunt. Coluntur die 17. Nou. SS. Alphæus, & Za-
chæus; Eusebius verò hæc de illis habet: *Διὰ μνηρὸς ἑπτα, καὶ δικάθη
αὐτῶ παρὰ Ρωμαίους ὃ πρὸ δικάθην καλῶν Δικαιωθῆναι τὰς κενὰς
ἀποτίμωσαι.* 17. die Mensis, qui vocatur *Dius*, hoc est apud Roma-
nos ad 15. Kal. Decemb. capite priuantur. S. Procopij memoria in
diem 8. Iulij cadit, quo sepulturam B. Martyr est nactus, appositè v-
delicet ad ea, quæ tradit Eusebius, dum *Διὰ μνηρὸς ὅλην πρὸ ἑπτα
αὐτῶν ἑλπίον* Desij mensis octauâ die, quæ est apud Romanos VII. Id.
Iulij illum asserit è viuis excessisse. Sic sanctorum Dionysij, Timo-
ai, Agapij, Apphiani, Theodosiæ, Syluani, Hadriani, Euboli; aliorum-
que plurium emortuales dies ab Eusebio traditi cum modernis eorum
Festis concordant, uti Romanum docet Martyrologium. Quod si ger-
mana etiamnum extarent Martyrum Acta, eamque fidem, quam Eu-
sebius Scriptor celeberrimus, mererentur, utique in Martyrologio San-
ctorum Nates rectè consignatos ferè semper legeremus; nam quis
ignorat eadem Martyrum Acta seculorum sæpè posteriorum fatus fide
non tardò infirma esse, atque iccirco cum Martyrologijs certissimis mi-
nimè componenda? At vereor ne plus æquo auribus tuis, Marsili Cla-
rissime, molestiam creauerim, quum ea ad te pertulerim documenta,
quæ tibi eximie eruditionis viro leuia videri possunt, aut quod summum
est, ignota non erunt. Scilicet ad hoc vnum doctissimam in ædibus tuis
Academiâ instituiti, ut Ecclesiasticæ Historiæ, Sacrorumque Cano-
num, & rituum secretiora illustrares, illudque opus adeò feliciter sapien-
terque à te præstitum fuit, ut te Festina nostra venerari, tota verò litera-
torum Republica demirari nequeat satis. Et vti nam aliquando nobis
liceret publicis typis commendatas inueniri, præstantissimas illas disserta-
tiones, quibus præcipuè per te dirimuntur Ecclesiasticæ controuersie;

tunc enim non tam sibi de lucro suo gauderet Ecclesia, quam tibi de tantâ doctrinarum vbertate gratularetur. Et quamdiu quæso eruditorum desideria morâ tuâ patiēre torqueri? Modestix tuæ consilij vt tandem renuncies votis poscimus iteratis, & ego interim, vt humanitate, quâ soles, hanc dissertationem excipias, te sedulò rogare non desinam.

Ad S. PAVLINI Poema postremum.

DISSERTATIO XX.

Vbi eius de Elementis sententia perpenditur. Ad præclarissimum, doctissimumque virum IOSEPHUM FERRARIUM
 Em. Cardinalis FEDERICI CACCIE Archiepiscopi
 Mediolanensis Generalem Vicarium.

MAlè de Paulino, Ferrari Musarum omnium decus, meritis mihi viderer, si singularem eiusdem de Elementis opinionem insalutatam præterirem, eoque grauius in præsentiarum mei me silentij pæniteret, si tempus omnino accommodatum ad menm erga te tuasque virtutes prodendum obsequium, paterer tam facili mihi elabi. Nimirum ad S. Antistitis gloriam, meamque in te obseruantiam plurimum conducere sentio, si illum & in Philosophicis disciplinis non vltimas tulisse demonstrarem: & viro tum Philosophiæ, tum aliarum artium, quæ animum nostrum informare queunt, laudem præstanti hanc quoque Paulini virtutem proponam. Et quidem, vt aiebat Boyle in Dub. & Paradox. Chymico-Phys. part. 1. Dial. *Opiniones de Elementis tanti sunt inter Physiologia dogmata momenti, quanti elementa ipsa sunt inter corpora vniuersi.* Cur igitur Paulinum, quem in reliquis sequutus sum, nunc de Elementis proloquentem in concione desituiam? Pulcherrimam planè in postremo eiusdem Poemate quaestionem animaduertas, siquidem ibi non ignem, sed Cælum S. Doctor inter elementa componit. Hoc vbi Philosophorum vulgus audierit, ita se ament Superi, sibi vix à risu, certè ab admiratione non temperabunt. Vulgaria illi solum quatuor Elementa agnoscunt, Terram videlicet, Aquam, Aerem, & Ignem: quicquid ab his diuersum occurrit, præoccupatis eorum ingenijs aut crucem figit, aut assertum monstro potius quam vero simillimum videtur. Quamobrem operæ pretium duxi non obuiam cuiusque Paulini opinionem illustrare, ne tanti Patris eruditio minùs à quibusdam intellecta aut malè audiat, aut etiam exilisetur. Eius verba primùm intueamur:

Disiri-

*Distribuitque locis mare, terras, aera, COELVM,
Quatuor hæc hiansit varijs exordia rebus.*

*Sunt homines terris, sunt addita sidera COELO,
Aere pendet anis, liquido natat aquore piscis:
Sic ELEMENTA suis decoravit singula formis.*

Elementorum compagine, situmque infrà describit:

*Claudis enim Oceanus terram, mare clauditur, ipse
Axe sub aethereo medius concluditur aer.*

Hæc professio, & non alia Paulini sententia. Cælum is, non verò ignem inter Elementa recenset. Quin & imaginariam illam ignis sphaeram, quam Aristoteles supra aeris regionem commentus est, quamque omnes discimus, nemo ex eruditis nunc credit, sibi nequaquam arrisisse tum Paulinus palam facit, quum de illà ne verbum quidem. Sed quibus calculus fretus in huiusmodi opinionem Paulinus concessit? Ego subinde pro virili inuestigabo, & in primis, dum de Elementis disceptationem instituo, me nolle aduersus aliorum sententias, multòque minus aduersus Patripateticos in arenam descendere lubens fateor, quum & breuitatis sit mihi ratio habenda, eorumque dogmata satis eruditè in examen adduxerint disertissimi temporum nostrorum Philosophi, ac inter illos potissimum emineant Helmontius, Gassendus, & Boyle diuina, si fas est dicere, ingenia. Vnam igitur Paulini sententiam prosequemur, & illam, ni mea me fallit opinio, sacrarum Scripturarum auctoritate niti planè affirmo, earum enim testimonio ignis in Elementorum censum haudquaquam refertur. S. Petrus in Epist. 2. cap. 3. *Expectantes, inquit, & properantes in aduentum dñi Domini, per quem cali ardentis soluentur, & Elementa ignis ardore tabescent.* Ecce ab igne Elementa distinguit Apostolus, quum per illum hæc aut consumenda, aut in melius reformanda nos docet. Sed & Cælum, vrgebis, ab Elementis ibi diuersum dignoscitur. Ego non video. Supra namque ita loquebatur Petrus: *Adueniet autem dies Domini, ut fur, in quo cali magno impetu transient, Elementa verò calore soluentur, terra autem, & quæ in ipsa sunt, exurentur.* Vidistis & hic ab Elementorum serie distinctam terram? Quum verò hinc terram Elementum non esse argui nequeat, idem quoque de Cælis affirmare absurdum non erit; Cæli enim, terræque vices, quæ supremum Iudicii diem instare docebunt, ita S. Petrus memorat, ut non ab Elementis distinguere, sed singillatim clarioris explicationis ergò describere videatur. Quid quod & alios Christianæ Fidei sectatores à Paulini mei sententiâ minimè abhorruisse compertum habeo? Gennadius Massiliensis Presbyter in libello de Eccles. dogmat. cap. 69. hæc habet: *Elementa, idest Cælum, & terram, non credamus abolenda per ignem, sed in melius commutanda.* Philastrius Episcopus Brix., vir sanctitate, ac eruditione inter veteres Patres notus lib. de Hæres. cap. 46. Cælum inter Elementa numeravit. *Scriptura, inquit ille, in primo die Cælum, & terram facta declarat duo hæc elementa.* Eloquentissimus

quoque

quoque Scriptor Theodoritus Serm. 3. ad Græc. Infid. de Angel. apertissime hanc sibi opinionem inhæsisse demonstrat; ait enim de Deo: πᾶσι τῶν σωματικῶν τοῖς τοῖς τοῖς, ἵνα τὸ ἐν καὶ αὐτῶν, καὶ τὸ μὴ γὰρ θαυμάσιαι παρασπᾶν τὸν ποικίλῃ: τὰ δὲ γὰρ σωματικὰ παθήματα καὶ τῶν βίαι αὐτοῖς προσέρχιν προσκωλύσιν. Nonnullas affectiones Elementis adiunxit, ut illorum quidem species, & magnitudinem intuentes homines ad opificem demirandum attollerentur, ipsæque vicissim labe, ac affectiones simul iuncta eisdem cohiberent, quo minus ea tamquam Deos adoranda censerent. Tum addit non de igne exempla, sed de Cælis, in quibus Sol, & Luna quandoque deficient. His adijcit aeris, terræ, aquarumque infirmitates, ut rectè singulis Elementis sua inesse vitia probet. Sed & idem Auctor Serm. 4. de Mater. & Mundo. eandem sententiam confirmavit. Ibi enim inquit: τέτυκται δὲ τὰς ὁμοειδῶν ἰδὼν τὰ ἀψύχα στοιχεῖα φυλάττοντα: hos autem fines videre est ab ipsis Elementis inanitis custodiri. Multa in probationem congerit, & hæc in primis concludendo profert: διὰ τοι τῶτο, καὶ ὃ γὰρ μέγιστον οἶασιρ ἐξ ἀρχῆς ἐγένετο. Καὶ ὃ ἀπὸρ, ὡς ἂν ἀρχῆς ἐλαχὺ οὐκ ἐστίν, ἀεὶ οὐκ ἀπὸρ. Καὶ ὃ τὰ λατὰ οὐτὶ σμικρῶνται, οὐτὶ αὐξάνονται. Καὶ ὃ ἅλιος τέλει οὐ δώδεκα, καὶ διαλύειν ὃ θέει σπέρμα &c. Ex quo factum est, ut tellus hodieque ita permaneat, sicut ab initio fuit constituta, & aer quam ob initio naturam sortitus est, inuiolatam conseruet, neque item mare augeat, neque decreseat, utque Sol firmissimum illud cælum, per quod currat, eliquare, aut dissolvere non possit. Cælum igitur Theodoritus in Elementis numeravit, quodque etiam animaduertendum est, nullam de ipsd. agens ignis mentionem iniecit. Sanè apud veteres quidam extitere, qui ita cælum Elementi nomine appellandum putarunt, ut ignem non excluderent, atque iccirco quintum Elementum excogitarunt. Audi L. Apuleium lib. de Mundo. Elementorum inter se mutuū nexu arctis officinitatibus implicantur, & quinque coniuges copula his ordinata vicibus attinentur, ut adhaerent etiam grauioribus leniora. Aquam in se habet tellus, & aqua (ut alij putant) vehit terram. Aer ex aqua gignitur, ignis ex acrea densitate conflat, æther vicissim, igneque illi immortales Dei vinacitate flammantur. Quinque Elementa apertè facit Apuleius quinque nexibus inter se colligata. Istis autem verbis maximam afferunt lucem, quæ supra disseruerat: Cælum ipsum, stellaque caligera, omnisque siderea compago Æther vocatur, non (ut quidam putant) quod igneus sit, & incensus, sed quod cunctis rapidis semper rotetur. Elementum verò non unum ex quatuor, quæ nota sunt cunctis, sed longè aliud numero quintum, ordine primum, genere diuinum, & inuiolabile. Nil euidens utique proferri poterat, ex quo præstantissimum Elementorum Æthera fuisse disceremus. Hinc est, quod Ioui Æthera assignarunt nonnulli, quos arguit S. Augustinus lib. 4. cap. 10. de Civ. Dei. hisce verbis: Iouem, inquit, in Æthere accipimus, in acre lunonem. Et hac duo Elementa coniuncta sunt. Mare Neptuno

tribuitur, terra Plutoni. Tum ridet magnus Doctor, quod Iuno Ioui, Neptuno Salacia, Plutoni Proserpina coniunctæ dicantur: Si enim, ait, hac ita essent, tria potius Elementa mundi esse, non quatuor eorum videres proderent, ut singula Deorum coniugia singulis diuiderentur Elementis. Ludovicus Viues vir eruditissimus in notis ad hunc locum pro quatuor Elementis Augustinum intellexisse censet terram, aquam, aerem, & ignem. Alia tamen est Augustini mens. Nil de igne ibi, sed de Ethe- re tantum is verba facit, quem Iouis nomine designatum, atque inter Elementa numeratum ab antiquis asseruerat. Recentes porro Ethnicos addit ab ipsdem dissidere, quum Iouem Iunoni, hoc est aerem Ætheri copularent, vnoque propterea ex illis Elemento conflato, tria tantum- modò ex eorum sententiâ Elementa constituerentur. Sentim aperuimus quænam de Elementis veterum placita forent, nunc rem clariùs illustra- bimus, & Gassendum virum ceteròqui doctissimum suis interpretationi- bus ab eorum opinione discessisse identidem ostendemus. Empedocles apud Plutarch. lib. 1. cap. 3. de Placit. Philosoph. inquit:

Τίσινα γὰρ πάντων ὁζόμενα πρῶτον ἄντι.
Ζῆος αἰθέρι, ἤν τι παρσέλιος, ἢ δ' Αἰθέριος,
Νῦκτι θ' ἢ δακρυόεις τέλχει κρῖνα μα βρότειον.
Radices primùm rerum tibi quatuor edam.
Iupiter athereus, Iuno vitalis, ad hos Dis,
Et Nectis lacrymis humanos quæ rigat alueos.

Gassendus lib. 2. sect. 1. cap. 2. Phys. hic non obscure Iouis nomine intelli- gi ignem inquit, Plutarchum fortassè sequutus hæc ad ea carmina dicen- tem: Δία μὲν γὰρ λόγι τοῦ ζῆος, καὶ τὸν αἰθέρα. Iouis enim nomine calorem intelligit, atque atherem. Sed vnà cum Plutarcho minùs rectè sentit vir doctissimus. Æther ab Empedocle Iouis nomine insignitus longè ab ignis Elemento differt, idem enim ipsum est Cælum, de quo Apuleium differentem nuper audiuimus, & alios insuper differentes in- ducemus. Orpheus (seu Onomacritus ille sit) in Hymno ad Rheam, Elementa quatuor recenset:

Ἐκ οὗ γὰρ καὶ γαῖα, καὶ ὕδατος ὑπὲρ ὑπερδεν;
Καὶ πόντος, πνικαῖτα

Ex te nam tellus, calumque, & pontus, & aura
Emerfere

Vides hic ὕδατος, hoc est Calum idem esse Orpheo, ac Empedocli Æthe- ra. Quid igitur Cælum pro igne capi, rursus Æthera pro igne capi Gas- sendus censet? Et quidem lib. eod. ad hoc versus ait: Nimirum cali no- mine obignes in eo apparentes ignem intellexit. Sed ingenio suis iam præoccupato opinionibus omnia, diuersa licet, fauere videntur, quem- admodum oculorum vitio nonnumquam fit, vt quæ nusquam apparent intueamur, quæ verò extant, falsâ imaginis colorumque varietate aciei intentæ obuerfentur. Etenim an adeò verborum inopiâ veteres labora- uere, vt quum Elementum ignis describere vellent, Cæli vocabulo abuti

coge-

cogerentur? Euripides apud Empiricum lib. 2. aduers. Phys. vniuersa ex Æthere, & terrâ gigni arbitratu est:

Αἰθέρα, καὶ γαῖαν πάντων γαιήδαν δίδω.

Ætheraque, & Terram rerum decanto parentem.

Gassendus ibidem addit: *Nomine Ætheris intelligendum esse ignem vel ex ipsâ Aristotelis interpretatione intelligi potest* 1. de Calo. 3. & 4. Phys. 5. Sed falsum est Euripidi Æthera idem esse ac ignem, & Scagyritæ hanc interpretationem in animum vsipiam incidisse. Nil profectò hac de re habet Aristoteles 4. Phys. cap. 5. Libro verò 1. de Calo. cap. 3., tantùmque abest, vt æthera pro igne accipiat, vt etiam ab illo penitus diuersum constituat. Sunt eius verba: *Διότι ὡς ἑτέρη τινα ὄντος τῷ πρώτῳ σώματι παρά γῆν, καὶ πῦρ, καὶ ἀέρα, καὶ ὕδωρ, αἰθέρα προσωνυμίας τὴν κινεῖσθαι τὸν αὐτὸ τῷ θέναι αὐτὸν τοῖς αἰθίορον χρίσιν, θίμνοι τῷ ἐπανυμῖαν αὐτῷ. Ἀναξαγόρας δὲ κατακρίχεται τῷ ὀρίματι τίτῳ ἢ κάλῳ, ὀνομάζου γὰρ αἰθέρα ἀντὶ πυρὸς.* Quapropter quia primum corpus diuersum quiddam est à terrâ, igne, aere, atque aquâ, Ætherem superum locum appellauerunt à semper currendo perpetuo tempore positâ appellatione. Anaxagoras verò hoc nomen non rectè adhibet, pro igne enim Ætherem dixit. Iam Gassendum suo telo iugulaui. Ætherem illum, quem Elementis annumerari audiebamus, Aristotele teste non aliud quam ignem esse vir discretissimus pronuntiabat. Sed quam rectè, quam accuratè iam nemo non videt. Nil minùs reuera quam huiusmodi dogma Philosophus execogitauit. Verùm euidentius perspicimus, quænam hac de re sit eiusdem sententia, vt ipsum Gassendum à memoratâ opinione validiùs deiciamus. Audi perspicua verba in lib. de Mund. cap. 2. *Οὐρανὸν δὲ, καὶ ἄστρον ἑστάν μὲν αἰθέρα καλεῖται, ἔχ' ὡς τινες διὰ τὸ πυρὸς ἔσαν αἰθεῖναι, πλημμελυντες περὶ τοῦ πλείονος πυρὸς ἀππληγμένῳ δυνάμει: ἀλλὰ διὰ τὸ αἰεθῆν κυκλοεφερέμελιν φοιτῆσαι ἔσαν ἵτερον τῶν τισσάρων, ἀνέφατον τε, καὶ θῆον.* Cali porrò siderumque substantiam appellamus Ætherem, non quidem ideo quod ignita flagret ipsa, vt aliqui censuerunt, valde errantes circa potentiam illam maximè ab igneâ naturâ abhorrentem, origine verò huius vocabuli inde ductâ, quod semper Æther currat motu circumductili, quum sit illud Elementum à quatuor illis diuersum, tum interitus expers, tum diuinum. Præterea idem Aristoteles lib. 2. de Gen. Anim. cap. 3. animalium semini, calidam quamdam substantiam inesse inquit, quæ respondeat τῷ τῶν ἄστρον φοιτήῳ, ipsi siderum Elemento. Hinc igitur, Ferrari eloquentissime, satis mirari nequeo, cur tanta Philosophorum turba, quæ vnum Aristotelem præceptorem sequitur, Elementum hoc ita contempserit, vt ne illius quidem mentionem in suos inferre libros sine dignati. Quæ enim clarior Aristotelis opinio profertur quam ista potest? Plutarchus ipse lib. 1. de Placit. Philosoph. ab Aristotele asserit fuisse tradita στοιχία τέτταρα, πῦρ, ἀέρα, καὶ τὴν σῶμα αἰθέριον ἐμμετάβλητον quatuor Elementa, & quantum quoddam corpus immutabile. Itaque si in posterum quis quærat, quomodo Cælum, seu Æther Ele-

Elementi nomine designetur, quidue Paulinus noster hac sententiâ significauerit, parata responsio erit, nempe *Ætherem* substantiam quamdam subtilissimam esse, motuque perpetuo præditam, quæ ad rerum generationem, corporumque constitutionem confluit, quemadmodum terra & aqua. Hinc, ut arbitror, Lucretius lib. 5. *Ætherem liquidissimum, ac diffusilem* vocat. Item Orpheus, seu Onomacritus ab *Æthere omnia* nutrirî sensie, dum vniuersum mundum constitutum ait:

Ἐκ πυρὸς, ἔξ ὕδατος, καὶ γῆς, καὶ παντοτρίῳ αἰθέρι.

Ex igne, ex aquâ, & terrâ, & omnia nutriente *Æthere*. Idem Auctor in hymno ad Amorem quatuor Elementa recensuit:

Αἰθέρος ἱερὰν, πόντου, χθονὸς, ἡδ' ἑσπερίης

Πνύματα.

Ætheris, & ponti, terræ, & spirabilis auræ.

Et hîc Gassendi interpretationem haud probo, *Ætheris* enim nomine ignem intelligendum putat, quum substantia illa hîc referatur, quæ in alio supralaudato carmine omnia nutrire dicitur, & expressè ab igne distinguitur. Quod enim vir doctissimus Franciscus Patricius lib. 7. Pannaug. ait: *Æther vniuersus ex veterum Græcorum sapientiâ ignis est*, tam longè ab eorum sententiâ discedit, ut iam confutatione non egeat. Quibus animaduersis lux quædam Virgilio affulgebit ita lib. 2. Georg. canenti:

Tum pater omnipotens sacundis imbribus *Æther*

Coniugis in gremium latæ descendit, & omnes

Magnus alit magno commixtus corpore fatus.

Quin & Pacuuus in Chryse hoc idem apertissimis tradidit verbis:

Quod nostri Cælum memorant, Graij perhibent *Æthera*,

Quicquid est hoc, omnia is animat, format, auget, alit, serit;

Sepelis, recipitque in se omnia, omniumque idem est Pater.

Vides ergo apud veteres Cælum, siue *Ætherem*, seu substantiam illam, quam Empiricus lib. 2. aduersus Phys., & alibi *κυανοπράκτουρ σάμα mobile in orbem corpus* appellat, pro Elemento habitam, atque iccirco quum ab illis *Æthera* vnâ cum terrâ, aquâ, & aere recenserî audies, non ignem continuò, ut Gassendus censuit, sed Elementum ab igne diuersum inibi designatum intelliges. Plura verò ad hanc spectantia quæstionem breuitatis memor omittero, vnumque pro dictorum coronide animaduerto. Materia illa subtilis, quam Cartesius vir summi ingenij primus omnium excogitasse est visus, ita Paripateticos nouitate percellit, ut tamquam audacissimum figmentum è scholis eliminandum exclament. At nonne mutato paululùm nomine idem est ac antiquorum *Æther*, eademque diffusilis substantia, vnde omnia formantur, atque nutriuntur? Miretur quidem ætas nostra, aut damnet Cartesium; communem ille cum antiquis sortem subeat oportet, quando ingeniosam ab illis audacemue sententiam mutuatus ex imitatione potius, quam ex inuentione sibi nomen quæsiuit. Sed & substantia illa *æthereâ*, quam Robertus Fluddus

Dd

præ-

præclariss. Medicus inter prima rerum principia statuit, nonne ab Auditoribus per me laudatis tradita primum fuit, & inde in acutissimi viri libros transfusa? Ita verum est, quod Ecclesiastes cap. 1. ait: *Nil sub Sole novum*, & in Scientiarum culturâ nil ferè excogitari posse, quod in veterum scholis procusum aliquando non fuerit. Hæc sunt, Ferrari eruditissime, quæ ad Paulini versus adiungenda censui, quæque tandem ab eruditione tuâ suffragium præstolantur. Epimverò non postremum est decus tuum Philosophiæ exquisitori nomen dedisse, interque seriem reliquarum scientiarum, quibus ornaris, hanc quoque tuam ita fuisse factam, vt non Physiologus minùs quam diuini humanique iuris peritissimus videare. Huiusmodi igitur ornamento disceptationi meæ, vt ad te accederet, animum addidisti, nunc humanitate præstabis, vt accedentis obsequium suâ non careat felicitate. Vale.

De Cruce Nolana.

DISSERTATIO XXI.

NE nimium in notis immorarer, placuit huc ea omnia conijcere, quæ de Cruce à Paulino descriptâ disserere non alienum videbatur. Duplex Crucis olim figura componi solebat. *Commis*sa vna vocabatur, quum nempe ligno erecto alterum breuius supra, & in ipso vertice transuersum committebatur, ita vt nil ex eodem ligno erecto supra extaret. *Immissa* altera fuit, videlicet quum ligno erecto transuersum iniungebatur, ita vt ipsum secaret. Prioris exemplum litera T. exhibet, alterius passim occurrit in Templis, alijsque Christianorum monumentis. Vtri Christus affixus fuerit, incertum; quamquam eruditissimi viri Lipsius cap. 10. lib. 1. de Cruce, & Grefserus lib. 1. cap. 3. de S. Cruce, decus hoc *immissa* Cruci contigisse firmis nixi argumentis contendunt. Ego omni quæstione dimissâ Crucis à Paulino memoratæ figuram prosequar, & cuiusnam generis fuerit, breuibus inquirere pergam. Generatim Crucis effigiem describit S. Vates Nat. XI., atque.

*Forma Crucis geminâ specie componitur, & nunc
Antennæ speciem naualis imagine mali,
Sive notam Græcis solitam signare trecentos
Explicat existens, cum stipite figitur vno,
Quæque cacumen habet transuerso velle iugatur.*

En vtriusque Crucis distinctam imaginem. *Immissa* ex antennæ, seu mali naualis specie intelligitur, de quâ Grefserus luculentum, dignumque cedro Opus promulgauit, Bosius lib. 1. cap. 5. de Cruce Triumph., & Lipsius lib. 1. cap. 9. de Cruce, alijsque non pauci egere. *Commis*sa verò

Crux

Crux per notam Græcis solitam signare trecentos, videlicet per Tau delineatur. Hoc exemplo non semel Paulinus est usus, quippe qui in Ep. 2. ad Sulpic. Sever. ita loquitur: Christus non multitudine, nec virtute legionum, sed iam tunc in Sacramento Crucis, cuius figuram per literam Græcam Tau numero trecentorum exprimitur, aduersarios Principes debellauit. S. quoque Augustinus Serm. 1. de Tem. Fer. 2. post Dominicam Passionis: Premisit ergo, ait, mysterium Sanctus Gedeon: denique elegit trecentos viros ad prælium, ut ostenderet non in numero multitudinis, sed in Sacramento Crucis mundum ab incursum grauium hostium liberandum; trecenti enim in Græcâ Tau similitudinem Crucis ostendit. Tertull. lib. 1. aduersus Marcionem: Ipsa enim litera Græcorum Tau, nostra autem T. species Crucis. Dirutum Serapidis templum fuit Theodosio M. imperante, ibique, vt Rufinus lib. 11. cap. 29. Hist., Sozomenus lib. 7. cap. 1., Socrates, ac Suidas testantur, literæ Ægyptiorum Hieroglyphicæ inuentæ fuerunt, quæ Crucis imaginem præ se ferebant. Earundem typum profert Kircherus in Interpr. Obelisci Ægypt. Hierogl. 5., signis prorsus cum nostro T. conuenientibus. Crucem etiam huiusmodi, ni fallor, deformare videtur. I. Firmicus vetustissimus Auctor lib. de profana Relig., quum ait: Cornua nil aliud nisi venerandum Crucis signum monstrant. Huius signi uno extenso, ac directo cornu mundus sustentatur, terra constringitur, & è duorum, quæ per latus vadunt, compagine Oriens tangitur, Occidens subleuatur, ut sic totus Orbis tripartitâ stabilitate firmatus &c. Propterea Crucem baculo stante bicornem supra nuncupauit Paulinus, eisque verbis vnâ Crucem commissam expreßit, quæ, vt is infra addit,

— — — — — stipite figitur vno,

Quæque cacumen habet, transuerso velle iugatur.

Hic de Cruce commissâ animaduertis, Crucis illius, quam è Nolanâ Basilicâ perditissimus latro amouit, seu monili orbauit, descriptionem à Paulino petamus. Sunt eius verba:

Ergo eadem species formam Crucis exerit illam,

Quæ trutinam aquato libratam flamine signat,

Subrectoque ingum concors semone figurat,

Sine supercilijs à fronte ingantia vultum

Lumina transuersis imitatur cornibus arbor &c.

Hinc porro Crucem Nolanam commissâ consimilem elaboratam fuisse colligo. Singula dispiciamus. Si stipitem erigas, eiusque cacumini trutinam aquis hinc inde lancibus pendentem imponas, vtique Crucis memoratæ formam fueris nactus; nam stipes rectus, trutinæque brachia literam T. inuenientibus exhibent. Rursus si rectum curvus alicuius temonem in quo vertici imposito consideres, eandem itidem Crucis effigiem literæ T. similitudinem ab illo designari videbis. Denique si vultus humanos inspicias, & supercilia, nâque & oris dispositionem contemplemur, nonne eiusdem Crucis figura nostris occurrit oculis? Fateor nihilominus,

non ita pro certo statui posse, quænam sit Paulini mens hocce in loco, quandoquidem temonum cum iugo superaddito forma Crucem potius *immissam*, quam *commissam* nostrâ hac tempestate repræsentat. Contrâ facies humana huius potius quam illius figuram præfert, etenim supra oculorum supercilia nullum attollitur in fronte laui, ac planâ signum, quo tertium Crucis cornu eminere videatur. Sit hac de re aliorum iudicium, mea nunc est sententia Nolanam Crucem *commisse* consimilem fuisse efformatam, & fortassis ad Labari similitudinem, cuius effigiem exhibet præter Baronium Bosius lib. 7. cap. 13. de Cruce Triumph. Sed accuratiorem aliorum sententiam opperiri præstat.

*Spicilegium ex operibus S. PAULINI
deperditis.*

DISSERTATIO XXII.

Gennadius de Scriptor. Eccles. S. Paulini opera his verbis recenset : *Paulinus Nola Campaniæ Episcopus composuit versu breuia, sed multa, & ad Celsum quendam Epitaphij vice consolatorium libellum super morte Christiani, & baptizati infantis spe Christianâ munitum. Et ad Severum plures Epistolas. Ad Theodosium Imperatorem ante Episcopatum prosâ Panegyricum super visloriâ Tyrannorum eo maximè, quod Fide, & oratione plus quam armis vicerit. Est hic ille Panegyricus, de quo Hieronymus ad Paulinum ipsum scribens Ep. 13. incredibilia in laudem eius protulit, nobisque propterea intolerabile illius desiderium inicit. Sequitur Gennadius : Fecit & Sacramentarium, & Hymnarium. Ad Sororem quoque Epistolas multas de contemptu mundi dedit, & de diuersis causis disputatione diuersâ Tractatus edidit. Præcipuum tamen opusculorum eius est Liber de Penitentiâ, & de laude generali omnium Martyrum. O iacturam non satis deplorandam ! Postrema hæc amisimus, & nescio an vnquam reparare licebit. Extat in Ambrosianâ Bibliothecâ vetustissimus Codex, quem seculo octauo, atque etiam septimo exaratum crediderim. Caratères ad seculi Merouingici Scripturam accedunt, & non nihil Saxonice præferunt, cuiusmodi exempla nobis exhibuit Mabillonius V. C. in laudatissimo Opere de Re Diplomaticâ. Continentur autem isto in Codice veterum Patrum sententiæ, & explicationes in quædam Scripturæ loca. Augustinus, Hieronymus, & Gregorius maiorem implent partem, ac omnium recentissimus Auctor inter eos venit Isidorus Hispalensis Episcopus. Quædam S. Paulini fragmenta ibi nobis occurrerunt, quæ nunc publici iuris facere congruum videtur. Inter ea potissimum, quæ*

inibi

inibi anitnaduersione digna sum ratus, illa sunt verba: *Christus post Passionem, & Ascensionem ad Cælos, sicut Heliseus ascendit in Bethel, idest in domum Dei, conuersus maledixit Iudeis post XLII. annos Ascensionis sue, & immisit duos vrsos, idest duos Reges horrendos Vespasianum, & Titum, qui de Syluis Gentium prodeuntes crudeli eos strage iactauerunt.* Petauus Chronologorum Princeps lib. 11. cap. 17. de Doctr. Temp., & alibi euerfam à Tito Hierosolymam euincit Anno Epochæ nostræ 70., cui consentiunt Scriptores reliqui. Si igitur ab hoc anno retrò numeres 42. annos, quos Paulinus inter Hierosolymæ excidium, & Ascensionem Dominicam intercessisse affirmat, venies ad annum Epochæ eiusdem 28., aut 29. si vtrumq; terminum simul numeres. Vnde anno 29. Dionysiano secundum Paulinum Christus Dominus Passione consummata in Cælum ascendit. Eusebius Cæsariensis in Chronico Vibem hanc asserit captam anno 42. ab anno 15. Tiberij, & rectè; reuera enim annus 29. *Æræ vulgaris* incidit in 15. Tiberij, quo anno Consules processerunt duo Gemini. Quum tamen Eusebius censuerit Christum anno 18. Tiberij passum, hinc est quod lib. 3. Hist. Eccl. Hierosolymam à Tito captam asserit *quadraginta solidis annis expletis post facinus in Christum admissum*, quā in opinione Paulinus eundem non sequitur, quum ex eius verbis Christus anno 15. Tiberij crucifixus, & in cælos delatus euidenter appareat. Ceterum Paulino in hac sententiā concordēs deprehenduntur omnes ferè vetusti Patres, qui Christum duobus Geminis Cons. passum, anno scilicet 15. Tiberij statuerunt. Clemens Alex. lib. 1. Strom., Tertullianus aduers. Iudæos cap. 8., Lactantius lib. 4. diu. Inst. cap. 10., Sulpicius Severus lib. 2. Sacr. Hist., S. Augustinus lib. 18. cap. ult. de Cui Dei (quamquam ipse ibidem sibi contradicere videatur) Paulus Orosius lib. 7. Hist., Africanus apud S. Hieronymum in cap. 9. Danielis, & aliquamplurimi, quibus accedunt etiam recentiores nonnulli. Singulariter verò 42. annos à Passione Christi ad Hierosolymæ excidium effluxisse docuit Clemens Alex. lib. 1. Stromat., vbi sic habet: *A passione Christi ad emersionem Hierosolymorum anni sunt 42. menses 3.* Sanctus quoque Hieronymus in cap. 1. Sophon. vers. 17. hæc ait: *Post annos 42. Dominica Passionis circumdata est ab exercitu Hierusalem, & consummatio illius facta est cum festinatione.* Quod repetit in Ep. 150. ad Helbiam quæst. 8. Hæc quidem opinio de Christi Passione anno 15. Tiberij, & 29. Epochæ nostræ peractā paucos nunc habet sectatores, celebris tamen ita olim fuit, vt illi Paulinum subscripsisse mirum non sit. Illud quidem mirum videbitur, nempe Scriptorem quemdam Gallicum, cui criticum in S. Augustini opera examen debemus, hanc opinionem ita dissimulasse, aut ignorasse, vt eam Augustino in mentem nunquam obtinere potuisse pronunciarit. Est inter opera huius magni Doctoris Sermo 204. ita inscriptus: *De eo quod scriptum est de S. Heliseo Ascende calne &c.* Ibi præter alia dicitur: *Quid est: Ascende calne, ascende calne, nisi ascende Crucem in loco Calnaria? Et hoc attendite Fratres, quia sicut*

sub

non ita pro certo statui posse, quænam sit Paulini mens hocce in loco, quandoquidem temonum cum iugo superaddito forma Crucem potius immisam, quam commissam nostrâ hac tempestate repræsentat. Contrâ facies humana huius potius quam illius figuram præfert, etenim supra oculorum supercilia nullum attollitur in fronte laui, ac planâ signum, quo tertium Crncis cornu eminere videatur. Sit hac de re aliorum iudicium, mea nunc est sententia Nolanam Crucem commissæ consimilem fuisse efformatam, & fortassis ad Labari similitudinem, cuius effigiem exhibet præter Baronium Bosius lib. 7. cap. 13. de Cruce Triumph. Sed accuratorem aliorum sententiam opperiri præstat.

*Spicilegium ex operibus S. PAULINI
deperditis.*

DISSERTATIO XXII.

GEnnadius de Scriptor. Eccles. S. Paulini opera his verbis recenset : *Paulinus Nola Campaniæ Episcopus composuit versubrenia, sed multa, & ad Celsum quendam Epitaphij vice consolatorum libellum super morte Christiani, & baptizati infantis spe Christianâ munitum. Et ad Severum plures Epistolas. Ad Theodosium Imperatorem ante Episcopatum prosâ Panegyricum super victoriâ Tyrannorum eo maximè, quod Fide, & oratione plus quam armis vicerit.* Est hic ille Panegyricus, de quo Hieronymus ad Paulinum ipsum scribens Ep. 13. incredibilia in laudem eius protulit, nobisque propterea intolerabile illius desiderium inicit. Sequitur Gennadius : *Fecit & Sacramentarium, & Hymnarium. Ad Sororem quoque Epistolas multas de contemptu mundi dedit, & de diuersis causis disputatione diuersâ Tractatus edidit. Præcipuum tamen opusculorum eius est Liber de Penitentiâ, & de laude generali omnium Martyrum.* O iacturam non satis deplorandam ! Postrrema hæc amisimus, & nescio an vnquam reparare licebit. Extat in Ambrosianâ Bibliothecâ vetustissimus Codex, quem seculo octauo, atque etiam septimo exaratum crediderim. Caratæres ad seculi Merouingici Scripturam accedunt, & non nihil Saxonice præferunt, cuiusmodi exempla nobis exhibuit Mabillonius V. C. in laudatissimo Opere de Re Diplomaticâ. Continentur autem isto in Codice veterum Patrum sententiæ, & explicationes in quædam Scripturæ loca. Augustinus, Hieronymus, & Gregorius maiorem implent partem, ac omnium recentissimus Auctor inter eos venit Isidorus Hispalensis Episcopus. Quædam S. Paulini fragmenta ibi nobis occurrerunt, quæ nunc publici iuris facere congruum viderur. Later ea potissimum, quæ

inibi anitnaduersione digna sum ratus, illa sunt verba: *Christus post Passionem, & Ascensionem ad Calor, sicut Heliseus ascendit in Bethel, idest in domum Dei, conuersus maledixit Iudeis post XLII. annos Ascensionis sue, & immisit duos vrsos, idest duos Reges horrendos Vespasianum, & Titum, qui de Syluis Gentium prodeuntes crudeli eos strage iactauerunt.* Petauius Chronologorum Princeps lib. 11. cap. 17. de Doctr. Temp., & alibi euerfam à Tito Hierosolymam euincit Anno Epochæ nostræ 70., cui consentiunt Scriptores reliqui. Si igitur ab hoc anno retrò numeres 42. annos, quos Paulinus inter Hierosolymæ excidium, & Ascensionem Dominicam intercessisse affirmat, venies ad annum Epochæ eiusdem 28., aut 29. si vtrumq; terminum simul numeres. Vnde anno 29. Dionysiano secundum Paulinum Christus Dominus Passione consummata in Cælum ascendit. Eusebius Cæsariensis in Chronico Vibem hanc asserit captam anno 42. ab anno 15. Tiberij, & rectè; reuera enim annus 29. *Æræ vulgaris* incidit in 15. Tiberij, quo anno Consules processerunt duo Gemini. Quum tamen Eusebius censuerit Christum anno 18. Tiberij passum, hinc est quod lib. 3. Hist. Eccl. Hierosolymam à Tito captam asserit *quadraginta solidis annis expletis post facinus in Christum admissum*, quā in opinione Paulinus eundem non sequitur, quum ex eius verbis Christus anno 15. Tiberij crucifixus, & in calos delatus euidenter appareat. Ceterum Paulino in hac sententiā concordēs deprehenduntur omnes ferè vetusti Patres, qui Christum duobus Geminis Cons. passum, anno scilicet 15. Tiberij statuerunt. Clemens Alex. lib. 1. Strom., Tertullianus aduers. Iudæos cap. 8., Lactantius lib. 4. diu. Inst. cap. 10., Sulpicius Severus lib. 2. Sac. Hist., S. Augustinus lib. 18. cap. ult. de Ciu Dei (quamquam ipse ibidem sibi contradicere videatur) Paulus Orosius lib. 7. Hist., Africanus apud S. Hieronymum in cap. 9. Danielis, & alij quamplurimi, quibus accedunt etiam recentiores nonnulli. Singulariter verò 42. annos à Passione Christi ad Hierosolymæ excidium effluxisse docuit Clemens Alex. lib. 1. Stromat., vbi sic habet: *A passione Christi ad euersionem Hierosolymorum anni sunt 42. menses 3.* Sanctus quoque Hieronymus in cap. 1. Sophon. vers. 17. hæc ait: *Post annos 42. Dominica Passionis circumdata est ab exercitu Hierusalem, & consummatio illius facta est cum festinatione.* Quod repetit in Ep. 150. ad Helbiam quæst. 8. Hæc quidem opinio de Christi Passione anno 15. Tiberij, & 29. Epochæ nostræ peractā paucos nunc habet sectatores, celebris tamen ita olim fuit, ut illi Paulinum subscripsisse mirum non sit. Illud quidem mirum videbitur, nempe Scriptorem quemdam Gallicum, cui criticum in S. Augustini opera examen debemus, hanc opinionem ita dissimulasse, aut ignorasse, ut eam Augustino in mentem nunquam obuenire potuisse pronunciarit. Est inter opera huius magni Doctoris Sermo 204. ita inscriptus: *De eo quod scriptum est de S. Heliseo Ascende calue &c.* Ibi præter alia dicitur: *Quid est: Ascende calue, ascende calue, nisi ascende Crucem in loco Caluaria? Et hoc attendite Fratres, qui sicut*

sub

*sub Heliseo 42. pueri lacerati sunt, ita & post 42. annos Passionis Domini-
ca venerunt duo viri Vespasianus, & Titus. Tum subiicit Hierosolymæ
vastationem per Romanos factam, additque Post 42. annos à duobus vir-
tis Vespasiano, & Titogens illa sacrilega quod merebatur excepit. Hinc
memoriatus Auctor occasionem arripit hunc Sermonem exhibilandæ, eum-
que Augustino abiudicandi. Inquit ille insulsum planè videri hoc effa-
tum, quum non 42., sed 36., aut 37. annos post Christi Passionem sub-
ueria fuerit Hierosolyma; esse hoc enorme in Chronologiam peccatum,
ac propterea Augustino Sermonem indignum. Errat ille, ac in veterum
Patrum lectione hospes videri posset, quandoquidem vti superius ani-
maduersum est, eorum plerique Christum passum duobus Geminis Coss.,
hoc est anno Tiberij 15. censuere, ac inter eos potissimum S. Augustinus.
Ab eo autem anno ad Urbis Sanctæ euersionem 42. annos colligere neces-
sarium fuit. Quod si Chronologorum recentium doctissimis placitis
sententia hæc aduersatur, neque Augustino, neque Paulino id vitio ver-
tendum, qui communi celebrique opinioni fauebant. Non igitur istam
ob causam Augustinum ille sermo dedecet, quamuis & ego certissimum
arbitrer ab eius calamo non prodixisse, sed potius à Paulini operibus de-
perditis expressum fuisse, quod hæc fragmenta legenti confestim patebit.
Ut autem ad eadem fragmenta redeamus, tria vltima procul dubio ex
libro de Pœnitentiâ, quem supra omnes laudari à Gennadio audiuius,
sunt hausta; reliqua verò ex Epistolis deperditis, aut ex alio Paulini ope-
re desumpta crediderim. Mihi etiam temperare non potui, quin lepi-
dam omninò, atque apocrypham citarem Epistolam, quæ in ornatissimo
Ambrosianæ Bibliothecæ MS. inter Hieronymianas sexagesima quinta
dicitur, & hunc titulum præfert: *Item Hieronymus de duodecim Docto-
ribus.* Eius initium ita se habet: *Vis nunc acriter, mi frater, ut tibi
quasi de luminaribus, quæ in toto firmamento mundi resurgent, pauca de
Scriptoribus, qui nobis multa de obscuritatibus, quæ propter carnalem
mentem intelligentiam impediunt, ad splendorem considerationis spiritua-
lem proferre potuerunt, manifestissimè dicam.* Toc verborum salebræ, ac
circumloquutiones factum hunc Hieronymi haudquaquam esse continuò
nos monent. Ibi verò censura profertur in Augustinum, Hilarium, &
Origenem, Ambrosium, Eusebium Cæsariensem, Heliodorum, & Dar-
danum. Tum hæc de Paulino nostro maleferiatns Auctor eructat: *Pauli-
no visum est Magister fieri, & non erat ante discipulus, & fructum sine
radice oriri, fierique eius conscriptiones Scriptore, &
chartæ non indigent.* De Pelagio deinde, Ioviniano, Iulio Africano, &
Fannonio Scriptore ignoro sententiam profert. Verùm tam longè abest,
ut hæc Epistola Hieronymo sit adscribenda, quin ab eius stylo, opinio-
ne, ac sanctitate omninò abhorreere dignoscatur. Huic insulso fig-
mento subiiciendas duximus castigationes, ac additamenta ad reliquos
Paulini Natales. Quum enim exemplaria typis hucusque commissa, &
præcipuè editionem Plantin. Antwerp. ann. 1622. cum præstantissimo*

Codi-

Codice nostro contulerimus, quædam deesse carmina, quædam in melius restituenda perspeximus. Itaque has animaduersiones alicui fortè Paulini opera impressuro non modicum profuturas exhibemus, vt quantum in nobis est tanti Scriptoris maiestatem promoueamus.

*Ex Operibus S. PAVLINI
deperditis excerpta.*

PRæcepit Dominus coruis, vt pascere Heliam in torrente Choreb sedentem. Mira profectò res est, vt viro Sancto auis immunda vitæ subsidia ministraret. Vnde si & nos contemnentes etiam propria imitemur paupertatem Heliae, credite dicenti, quod immunda animalia, idest homines peccatores deuoto nobis obsequio ministrabunt.

Cur Heliseus mansuetus, ac mitis paruulos legimus bestiis tradidisse? Heliseus Propheta figuram Christi gerebat. Deniq; vocabulum istud *Salus Dei* interpretatur. Salus autem Dei quid aliud est, nisi Filius eius, qui & Saluator est mundi? Paruuli verò inludentes salutis Dei in Heliseo Iudæorum habuere personam, qui clamabant dicentes: *Ascende calue, ascende.* Quod in Caluariæ loco Christus ascensurus erat in Crucem. *Et conuersus*, ait Scriptura, *maledixit eis in nomine Domini.* Et exierunt duo vrsi de syluâ, & interfecerunt XLII. infantes. Et Christus post Passionem, & Ascensionem ad Cælos, sicut Heliseus ascendit in Bethel, idest in domum Dei, conuersus maledixit Iudæis post XLII. annos Ascensionis suæ, & immisit duos vrsos, idest duos Reges horrendos Vespasianum, & Titum, qui de syluis gentium prodeuntes crudeli eos strage iactauerunt.

Instans septies cadit in die, & resurgit. Qui semel cadit & iterum, quomodo iustus vocari possit? Ideo iustus dicitur, quia cadens erigitur. Septimus autem numerus requiem docet. Qui in septimo ceciderit cauere debet, ne vltcrius cadat. Iam oportuerat post vnum lapsum cauere de reliquo; sed quia misericors Deus est, patienter suffert huiusmodi lapsus, vt quis vel in septimo resipiscat. Si autem negligentior quis effectus resurrectionis transierit numerum, non potest dici iustus, sed propter multitudinem delictorum in peccatorum numero deputatur. Duobus modis homo delinquit; proposito, & casu, vt alius peccare velit, & alius præueniatur peccato. Sed casus duplici diui.

diuiditur modo, ignorantia, & infirmitate. Iudas proposito peccauit dicens: *Quid vultis mihi dare, & ego vobis illum tradam?* Hic quod proposuit volens impleuit, & ideo iustam sceleratissimæ voluntatis mercedem recepit. Petrus verò infirmitate Dominum negauit mortem timens, qui se mortem pro Christo passurum esse promiserat. Sed quia de repente victus fuerat, ideo velocem lapsi veniam promeretur. Paulus verò ignorans persecutor effectus celeri veniâ sanatur, ipso etiam adtestante: *Persecutus sum Ecclesiam Dei, sed misericordiam consecutus sum, quod ignorans feci.* Vides ergò alios nolentes cadere, alios elidi propriâ voluntate. Duo etiam quædam in homine sunt, obliuio, & ignorantia. Obliscitur homo Deum, cum peccare proponit; ignorat autem, cum præuentione delinquit, vt puta fornicatus est quis volens, alius verò repugnans fornicationi infirmitate victus est. Vnum quidem est amborum peccatum, sed non erit æqualis pænitentia, quia ille volens, hic verò nolens in certamine victus succubuit. Vides, quæ sit peccati distantia? Ecce quomodo cadit iustus, & Domino manum supponente saluatur &c.

Dei voluntati nostrâ potestate adiuuemus, vt ipse suâ virtute nostræ fauceat voluntati, quia scriptum est: *Neque volentis, neque currentis, sed Dei miserantis est.* Velle enim, & currere nostrum est, Dei autem misereri, ipsâ etiam Veritate Apostolis adtestante: *Sine me nihil potestis facere.* Ex Paulus: *Quid habes, inquit, quod non accepisti? Si accepisti, cur gloriaris, quasi non acceperis?* &c.

Itaq; si quis exacerbauerit Deum, Moyse imitetur exemplum, qui dubitationis culpam pænitiæ, & humilitatis satisfactione deleuit. Si sacrilegij quis crimen incurrit, imitetur Aaron, qui confessionis, & humilitatis per medelam transgressionis expiatus crimine Sacerdotij meruit principatum. Si quis adulterium, & homicidium fecerit, consideret Dauid, & agat pænitentiam, atq; medicamine sanus effectus in timore Dei permaneat. Si quis in confessione fuerit victus, & tormentis cedens fidei extiterit proditor, Petri, qui negauit imitator existat. Egressus foras, idem egressus à perfidia, fleat amariter, & recurat ad Fidem. In magnis peccatis magnorum virorum delicta, monstrantur, vt simili modo si infirmus quis, aut humilis errauerit, respiciens ad exemplum magnorum virorum facilis vitæ aditum inueniat, & ad Fidem, pænitentiamq; conuertatur &c.

NATAL. I.

Iuxta edit. Plantin. ann. MDCXXII. Antuerpiæ:
cum MS. nostro collatus.

- V. 3. *Constanti voce professus*. MS. *Non viſſâ voce professus*.
V. 10. *Qui nos procul aquore*. MS. *Qui nos tanto aquore*.

NATAL. II.

- Pag. 537. post versum 17. *Semper eo, & terris te propter tutus, & undis*.
Sequitur: *Ecce vias vario plebs discolor &c.* Sed in MS. hæc etiam carmina interponuntur.
Semper eo, & terris te propter tutus, & undis.
Hunc, precor, æternâ pietate, & pace serenum
Posce tuis, cuius magno ſtas nomine Felix.
Nunc inuat effuſas in gaudia ſoluere mentes,
Cara dies tandem, quoniam hic præſentibus orta eſt,
Semper & externum nobis celebrata per orbem,
Qua te ſacravit terris, & contulit aſtris.
Ecce vias vario plebs &c.

NATAL. III.

- Pag. 538. V. 10. *Martyrium ſine cade placet, paſſura voluntas &c.*
MS. *Martyrium ſine cade placet, ſi prompta ſerendi*
Menſque, fideſque Deo caleant, paſſura voluntas &c.
V. 12. *Qua munere rettulit alto*. MS. *qua munere condidit alto*.
Pag. 539. V. 15. *Alma dies magnis celebratur catibus, ora*
Gaudent terrarum, & ridere videtur opertis &c.
MS. *Alma dies magnis celebratur catibus, omnes*
Vota dicant ſacris rata poſtibus, omnia gaudent
Terrarum, & Cali. Ridere videtur apertis &c.
V. 28. *Et qua bis ternas Campania &c.*
MS. *Et bis terdenas Campania &c.*

- Pag. 540. post versum 21. *Hospitibus &c.* Sequuntur verſus tres:
Tu quoque poſt Urbem titulos &c. Sed in MS. non apparent, & quidem iuſſe, quum ſint ipſimet verſus Natalis ſecundi heic inſuſe repetiti.

NATAL. IV.

- Pag. 543. V. ult. *Mutavit patrias externo cespite terras.*
Myſtica Felicem &c.
MS. *Mutavit patrias externo cespite terras,*
Depoſuitque ſacrum Chanaanis ſemen in aruis,
Unde peregrinas abeunte propagine terras.
Myſtica Felicem &c.
Pag. 545. V. 16. *Sed ne ſola viro ſacrum caput inſula velet,*
MS. *Sed ne ſola ſacrum caput inſula comeret illi.*

Ee

NA:

NATAL. V.

- Pag. 553. V. 5. *Felici libata meo*. MS. *Felici libare meo*.
 Pag. 555. V. 30. *Defixoque gradu simul & dixere*. MS. *Sibimet dixere &c.*
 V. vlt. *Non penetrasse virum praelusa*. MS. *Virum per clausa &c.*
 Pag. 556. V. 25. *Opprimis, aduersisque expugnat montibus urbes*.
 MS. *Opprimis, aduersa quæ opponant montibus urbes*.
 Pag. 558. V. 14. *Non fera monstra fides quia vicerat alma Leones*.
 MS. *Non fera iam feritas, sauos quia fida Leones*
 Pag. 559. V. 20. *Maximus, & numerus ductu &c.*
 MS. *Maximus, & pecudes &c.*
 Pag. 561. V. 6. *Hunc retinens animum tria macri &c.* MS. *Modici tria &c.*

NATAL. VI.

- Pag. 562. V. 3. *Non gaudere hodie? & vacuum procedere voti?*
Calicolas Christi &c.
 MS. *Non gaudere hodie? & vacuum procedere voti*
Quæ quis possit ope ingenij, linguaque, reique?
Calicolas &c.
 Pag. 563. V. 1. *Fercula opima cibus, ceruis aulae ferisque &c.*
 MS. *Fercula opima cibus, ceras, aulae, lucernas &c.*
 Pag. 564. V. 16. *Et tacitum obtento seruari marmore corpus*.
Membra latent &c.
 MS. *Et tacitum obtento seruari marmore corpus*.
Nemo oculi hominum, qua corpore cernimus, extat;
Membra latent &c.
 V. vlt. *Frbs deuota pium, sed spe solatur &c.*
 MS. *Sed solabatur &c.*
 Pag. 566. V. 11. *Illic sed positus ex ossibus ecce micat lux*.
 MS. *Illic sed positus ex ossibus emicuit lux*.

NATAL. VII.

- Pag. 575. V. 5. *Ducat, concreto terris canentibus anno*.
 MS. *Ducat concretum terris canentibus annuus*.
 Pag. 576. V. 10. *Inchoat, & sicut præciciens &c.*
 MS. *Et subito præciciens &c.*
 V. 24. *Donetur variare modis, & iam mihi passa*
 MS. *Donetur variare modos, & passa quotannis*.
 V. 32. *Occultæque manu communes &c.* MS. *Manu clamoros*.
 Pag. 577. V. 5. *Pleniùs omne tuant decreto*. MS. *Omne tuant dilato &c.*
 V. 24. *Liber agit, quia non hominis &c.*
 MS. *Liber agit, species panarum in corpore tantum est,*
Sensus abest, quia non hominis &c.
 Pag. 578. V. 27. *Nossum enim morem, ut ieiunare*. MS. *Morem quo &c.*
 Pag. 579. V. 7. *Nutabat solitus lignum suspendere funis*.
 MS. *Nutabat solitus lychnum suspendere funis*.
 Pag. 582. V. 18. *Et peccatorem luscum, fateor, decet esse,*

Sed

Sed recole, ut dudum &c.

MS. *Et peccatorem luscum, fateor, decet esse.
Si deceat talem esse tuum, quocumque ligatus
Crimine, sit dignus veniā iam, si tunc esse
Caperit, ut dudum capi &c.*

NATAL. VIII.

Pag. 588. V. 7. *Quam populo Domini &c.* MS. *Quam famulo Domini.*

Pag. 590. V. 3. *Terrenamque manu latē &c.* MS. *Terrenam magnos latē.*

Pag. 592. V. 32. *Ceu quandoque fera.* MS. *Ceu aliquando fera.*

Pag. 593. V. 4. *Innocuos cantare reos &c.* MS. *Atque suos cantare reos.*

V. 17. *Gloria par, quoniam Sanctis fons omnibus vnus,
Martyribusque sacris, opera & diuersa fuerunt.*

MS. *Gloria par, quoniam sanctis fons omnibus vnus,
Et regnum commune Deus, non vna Propetis,
Martyribusque sacris opera, & diuersa fuerunt*

Pag. 594. V. 30. *Qui vitis animas, & morbis corpora frangunt,
Peccatisque vorant &c.*

MS. *Qui vitis animas, & morbis corpora frangunt,
Qui desiderijs hominem flammantibus urunt,
Peccatisque vorant &c.*

Pag. 595. V. 16. *Quasi tristia myrrha.* MS. *Quasi tristia merra.*

Pag. 596. V. 21. *Petere, ac ambire &c.* MS. *Petere, ac sentire &c.*

NATAL. IX.

Pag. 598. V. 6. *Totis mihi pralucere.* MS. *Totis mihi te lucere &c.*

Pag. 599. V. 18. *Tamen hoc magna pietatis in omnes.*

MS. *Hunc magna pietatis honorem.*

Pag. 600. V. 17. *Currens Aeolio.* MS. *Currens aërio &c.*

V. 30. *Dexter & in seruos.* MS. *Dexter, & inde suis.*

Pag. 602. V. pen. *Inuēsus adest Domini.* MS. *Invēsus adest Domini.*

Pag. 603. V. 4. *Et aromata verna.* MS. *Et aromata Christi.*

V. 16. *Niceram redijste.* MS. *Niceram videre &c.*

V. 20. *Ergo conspicient.* MS. *Hunc ego conspicient &c.*

Pag. 606. V. 26. *Quo te mea dextra.* MS. *Quo me tua dextra &c.*

Pag. 608. V. 19. *Gemino quoque iure.* MS. *Gemino qui iure &c.*

V. pen. *Male casto cespite.* MS. *Male culto cespite.*

Pag. 609. *Populis rumpentibus.* MS. *Populis gaudentibus.*

Pag. 610. V. 14. *Adiacet. Hunc Christus pauida cunctamine mentis
Vivere post mortem, ut vero &c.*

MS. *Adiacet. Hunc Christus pauida cunctamine mentis
Pro nostrā dubitare fide permisit, ut & nos
Hoc duce firmati Dominumque Deumque trementes
Vivere post mortem vero fateamur Iesum
Corpore, vna sua referentem vulnera carnis,
Præ veniente die &c.*

Ec 2

V. 30.

- V.30. *Proque salutiferis*. MS. *Parque salutiferis*.
 Pag.611. V.19. *Fassus enim est unum trino sub nomine regnum*;
Et quod contexta iunctis sibi molibus ades
Fine pio signant &c.
 MS. *Fassus enim est unum Trino sub Numine regnum*;
Es quod contexta iunctis sibi manibus ades
Iure pio signant &c.
 Pag.614. V.31. *Discedant vina tabernis*. MS. *Discedant vina &c.*
 NATAL. X.
 Pag.618. V.21. *Aspētare iocos*. MS. *Aspētare lacus*.
 Pag.620. V.5. *Et multo terrebant igne vapores*.
 MS. *Et magno terrebant rura vapore*.
 Pag.621. V.12. *Quam vicerat illic*. MS. *Quam liquerat illic*.
 V.27. *Gurgustia distis*. MS. *Gurgustia testis*.



APPENDIX

AD PRIMVM TOMVM ANECDOTORVM

AUCTORE

LUDOVICO ANTONIO MURATORIO
Collegij Ambrosiani Doctore.



Propempticon eruditissimo æquè, & amicissimo P. EVSTACHIO
à S. VBALDO ex Congreg. Excalc. S. AVGVSTINI,
Sanctæque Mediol. Inquis. Consultori, V. C.

*De antiquo Iure Metropolitæ Mediolanensis in Episcopum
Ticinensem.*



Ignificasti mihi non semel, Vir Ornatissime, tibi iam constitutum fuisse res patrias, easque potissimum, quæ ad Metropolis Mediolanensis dignitatem spectant, in bono lumine collocare. Consilium, fateor, occupasti, quod animo meo duos ab hinc annos obuersari cepit, & cui iam multa destinaram. Nihilominus de spe meâ decidere mihi adeo gratum fuit, ut potius meditationibus tuis fuerim gratulatus, quam de interruptâ studiorum meorum lineâ doluerim. Quum enim & ingenij acumine, & eruditionis vbertate longè mihi præstes, invidiæ suspicione fortassis non caruissem, si institutum tuum terrarum orbi procul dubio felicius, quam de me sperare queam, profuturum obuijs non excepissem vniis, debitoque plausu non fuisset prosequutus. Quin quanti ego consilium hoc tuum fecerim, non tibi tantum in aurem insusurrare, sed etiam publico parefacere laudum testimonio in animum induxi, ut in dies constet magis, quâ obseruantiam te simul, tuamque doctrinam suspiciam. Vbi igitur audiui in manibus tibi esse Disquisitionem de antiquo Iure Metropolitæ Mediolanensis in Episcopum Ticinensem, continuo quædam in medium afferenda duxi, quæ tum obsequij mei fidem facerent, tum etiam in huiusmodi labore quicquam fortasse subsidij tibi suppeditarent. Præterea mantissa hæc Paulino meo adiuncta, velut fax quædam præuia, clariori luci præluder, quam à te literaria Respublica non tam exposcit, quam sperat. Quantum

tum autem hocce tuum opus Metropoli huic præstantissime sit allaturum splendoris, satis explicari non potest. Ea enim quorundam animos inuasit opinio, nempe nullis vnquam temporibus Mediolanensi Antistiti in Ticinensem Ecclesiam ius Metropoliticum fuisse, istamque ab ipsis Fidei Christianæ incunabulis vnice Romano Pontifici paruisse. Quod & à veritate alienum est, & Mediolanensem Metropolim offendit, cuius antiquum decus, splendorque imminuitur, & ad huius Sanctæ Ecclesiæ dignitatem tuendam veritatis amantes impellit. Enimvero hanc vnā crebrò cantilenam Ticinenses Scriptores canunt, inter quos Antonius Maria Spelta in Oratione de Regiæ, ac antiquis. Papæ præst. Est, inquit, *naturalis, & innata Ecclesiæ Ticinensis libertas &c.* Bernardus verò Saccus lib. 6. cap. 13. Ticin. Histor. ita Episcopum quemdam suum loquentem inducit: *Ticinenses Romanam Ecclesiam ab origine Religionis suæ pro capite, & principe habuerunt, solo Civitatis suæ Episcopo intermediato.* Postremo Hieronymus Boslius in Dipyxis Episcoporum Ticinensium eandem Ecclesiam vocat *A. S. Petro Apostolo insitutam, & à Metropolitans perpetuam liberam.* Quin sibi Clypeum quemdam, seu Apologeticum hac in re Ticinenses quaesiverunt, quo iustam exciperent Mediolanensium opinionem; vti enim testatur Doctor. Bosca in Martyr. Ambr. die 11. Martij, mihi que etiam fidem facit Lazarus Augustinus Corta I. V. D., bonarumque literarum vir amantissimus, pro Episcopi sui splendore multa conscripsit Octavius Ballada Ticinensis, quæ tamen hæcenus luce, ac publico caruere. Parum autem foret, si Ticinensibus tantum, quos patriæ suæ amor intransversum rapere potuit, eadem sententia sedisset; verum quum & Ferdinando Vghel. Io Fiorentino, magni inter literatos nominis viro, & de literis optime merito, hæc opinio infederit, vetustam Mediolanensis Ecclesiæ dignitatem imminui, aut labefactari diutius ferendum non videtur. Inquit enim laudatus Auctor tom. 1. Ital. Sacra: in Ep. Papiens. *Iam inde à suæ institutionis initio nullius Metropolitani arbitrio paruit, sed vnā tantum Apostolicam sedem immediatè usque ad hæc nostra tempora venerata est.* Et nos quidem præsentī ævo nullum à Ticinensibus erga hanc præclarissimam Metropolim obsequium exigimus; Atqui veteri etiam renunciaſſe gloriæ non tam prodigi animi quam vecordis foret. Itaque tuum est, vir doctissime, eruditionem tuam Mediolanensē Ecclesiæ patrociniō commodare, eiusque iura ab iniuriā temporum, Scriptorumque vindicare. Quod quum præstiteris (hoc autem te facturum certō scio) & amantissimi erga tuam Ecclesiam filij, & præclari inter eruditos viri famam nomenque nullus dubito quin sis adepturus. Hæc pauca interim accipe, quæ non omnibus obuia, & in abditi Ambrosianæ Bibliothecæ scriptis per me obseruata, alicui fortassis vsui tibi esse poterunt, quæque *Anecdosis* meis aptissime addenda videntur.

CAP. I.

Metropolis Mediolanensis olim amplissima : Ex Ambrosio ;
 alijque probatur . Ticinensis Episcopus inter
 Prouinciales huius numeratus .

VT autem ad rem aggrediamur, iam tibi persuasum arbitror, per quatuor priora Christianæ Fidei secula Italicis Prouincijs duos solum præfuisse Metropolitæ, Romanum videlicet, ac Mediolanensem . Illi decem Prouinciæ parebant, quæ *suburbicaria* appellatæ à Vicario Urbis regebantur ; Huic verò septem aliz suberant, quas sub præcipuo *Italia* nomine Vicarius Italiæ Mediolani sedens moderabatur, exque fuerunt, vt ex Notitiâ Vtriusque Imperij patet, Venetia, cum Histria, Æmilia, Liguria, Flaminia cum Piceno Annonario, Alpes Cotticæ, Rhetia prima, & Rhetia secunda . Fuit hæc sententia Sirmondi V. C. è Soc. Iesu, quam ille in Propemptico contra Salmasium lib. 1. cap. 8. pluribus confirmat, & quam postea celeberrimus vir Petrus de Marca lib. 1. cap. 3. de Concord. Sac. & Imp., alijque sapientissimi viri sequuti sunt . Porro Card. Baronius ad A. Ch. 380. non has dumtaxat Prouincias, sed & Illyricum Occidentale Mediolanensi Episcopo assignauit, quum à S. Ambrosio perspicuum sit Sirmiensem Episcopum fuisse consecratum, vt fidem facit in eius Virâ Paulinus . Hæc quoque Philippo Berterio in Pithan. Diatribâ 2. cap. 4. sententia placuit, eique subscribere non pauci . Sed ne quis fortè opinionem hanc præsentem solum, aut proximè præterito seculo inualuisse arbitretur, quædam carmina producere liceat, barbara illa quidem, & quod ad phrasim metrumque atinet inculta, & aspera, sed antiquitatis maiestate decora . Habentur illa apud Gaufuaneum Flammam ex Illustris. Prædic. Ordine, qui, vt optimè nosti, circiter A. Ch. 1330. scribebat, & cuius Opera MS. in Ambrosianâ Bibliothecâ asseruantur . Cap. 118. Chron. Extravag. ita is loquitur: *B. Barnabas privilegium concessit, quod Mediolanensis Ecclesiæ Antistes super ceteros Episcopos præsentis, & futuros, non solum Liguria, sed Æmilia, Venetia, Alpæ Cotticæ, Rhetia prima, & Rhetia secunda, vsque in Bauariam post Romanum Pontificem Metropolitæ haberetur . Unde Auctor :*

*Vrbs secunda Roma insulis laureata supremis
 Imperij, sedesque Iouis, miris exarata structuris,
 Prima Metropolis Vrbes Liguria regis,
 Rhetias utraq;que, Baueria, Coria, Cuma,
 Corsica, Sardinia, Rauenna, Ianna, Pisa,
 Gradus, Aquilegia, TICINVM, Placentia, Sena ;
 Augusta cum secundâ subsunt . Et tu Subria Roma*

Vides

Vides hic, vir religiosissime, quam latè olim proferrentur Mediolanensis Metropolis fines, antiquisque etiam temporibus propositam nuper sententiam Scriptorum calculo fuisse firmatam. Equidem non arbitror in Corsicam, Sardiniam, ac Bauariam Mediolanensi Episcopo ius patuisse, sed illud tantùm mihi constat, Prouincias olim Vicario Italix subiectas nostro quoque Metropolitæ paruisse. Aquileiam quoque, & Rauennam antiquitus Metropolitico honore carentes, Cathedræque Mediolanensi subditas penè exploratum habeo, quicquid contra nos asserat Salmasius in Eucharistico ad Sirmond. pag. 137., & (si licet post Salmasium virum heterodoxum producere) Emin., & Clar. Card. Norisius in Diss. Hist. de Synodo quintâ cap. 10. pag. 135. Quâ in quæstione, si Deus aliquando annuerit, vires meas, tenuissimas licet, experiri iam propositum est mihi, vt quam ampliè Mediolanensis Metropoli dominaretur, palam fiat. Nunc ad rem nostram confirmandam animaduertisse sufficiat celeberrima S. Ambrosij verba in Ep. 25. ad Vercellenses, qui in decessu Eusebii locum Episcopum alium substituere cunctabantur. *Conficior, inquit magnus Doctor, dolore, quia Ecclesia Domini, quæ est in vobis, Sacerdotem adhuc non habet, ac sola nunc ex omnibus Liguria, atque Emilia, Penetiarumque, vel ceteris finitimis Italiae partibus huiusmodi eget officio.* En quam apertè nonnullos Diæcesis suæ fines Ambrosius ipse definit. Liguria nempe, Venetiæ (quâ in Prouincia sita olim Aquileia) ceteræque finitimæ Italix regiones à Mediolanensi Episcopo suorum Antistitum consecrationem exposcebant, quod idem est ac Metropolitici honoris primas illi deferre. Nunc igitur à Ticinensibus peto, an illis probum olim foret eidem subesse Cathedræ, cui tot illustiores (absit verbo inuidia) Vrbes parère summum decus arbitrabantur? An fortassis extra Liguriæ fines Ticinum sedebat, ideòque in ditionem Episcopi Mediolanensis redigi non poterat? Benè tamen res cecidit, quod apertè Ambrosius Sedi suæ subiectas OMNES Liguriæ Ecclesias affirmavit. Certè non video, quamnam rationem, & consilium inuiti sint Ticinenses, vt se ab *omnibus Liguriæ Ecclesiis* secernant. Primum hoc est sententiæ nostræ argumentum, cui consentire etiam videas prælaudati apud Gualuaneum Scriptoris carmina, in quibus TICINVM insulis Mediolanensibus subesse dicitur. Et compertum quidem habemus vniuersos antiquitus Episcopos, qui sub vnâ Prouinciâ numerabantur, alium non cognouisse Metropolitam, quam Prouinciæ suæ caput. Ticinum autem in Mediolanensi Prouinciâ perpetuò fuit. Consule Prouinciale Romanum, & ex eo statim intelliges Papiam quoque inter huius Prouinciæ Vrbes recenseri, & quamquam nostrâ hac ætate quò minùs in hunc censum veniat reuocet, olim tamen nullo se titulo ab hac Prouinciâ eximere potuit. Antiquum memoratì Prouincialis exemplar MS. in Ambrosianâ Bibliothecâ habemus, vbi inter Mediolanensis Archiepiscopi Suffraganeos (vt vocant) Papiensis quoque connumeratur ita tamen vt lineâ apposita *exemptus* appelletur, quo etiam verbo editi libri vtuntur. Sed

hinc

hinc patet, quid ævum vetustum, & quid nostra tempora de Ticinensi existiment; neque enim *exemptus* ille appellari potest, qui nunquam subiectus fuit. Hac verò respexisse Landulphum, qui sub Datij nomine MS. cum in nostrâ, tum in Metropolitani Capituli Bibliothecâ servatur, mihi suadeo, siquidem Benedicti Archiepiscopi operam referens pro iuribus suis in Ticinensem Ecclesiam recuperandis hæc ait: *Quam verò sine rationis causâ inre hoc Ecclesia nostra fuerit spoliata, in Pontificali Romanorum (legendum reor Prouinciali) si legeris Lector benigne, reperies.* Hinc porro est quod à Gualuaneo Flammâ Scriptore, vt dicebam, non vulgato in Chron. Maiori cap. 224. Papiensis Episcopus inter Mediolanensis Ecclesiæ Suffraganeos refertur: *Abstractis*, inquit ille, *ab Ecclesiâ Mediolanensi pro maiori parte Suffraganeis, remanserunt tantum XVIII., prout habetur ex libro Beroldi. Itaque ordinabantur per Choros, vt IX. essent in quolibet Choro &c.* Tum Episcopos singillatim ex ordine recenset, quem in Prouinciali Synodo tenebant, eisque Ticinensem meritò adiungit. Quin & hoc vetera monumenta testantur, quæ ad nostra vsque tempora seruantur: Huiusmodi est antiquissimum illud opus depictum, quod in Ambrosianæ Mediolanensis Basilicæ Odeo, seu Choro extat, & à doctissimo Puricello graphicè in Monum. Bas. Ambr. n. 20. & 99. describitur. Decem, & octo ibi conspiciuntur Episcopi, qui Metropolitz Mediolanensis Suffraganei per aliquot secula fuisse, & ad Prouincialem Synodum conueniebant, & quamvis temporum iniuriâ penè obliterati characteres fuerint, nihilò secius inter illos Ticinensem quoque referendum accuratissimus Puricellus arbitrat. Neque præteribo egregium viri doctissimi testimonium, nempe Caroli à S. Paulo, qui in Geogr. Sac. antiquâ Prouincialibus huiusce Metropolis Episcopis Ticinensem quoque accenset.

C A P. II.

Episcopus Ticin. à S. Ambrosio consecratus. Idem Synodo Aquileiensi sub Ambrosio, & Mediolanensi sub Eusebio interfuit.

S. Epiphanius itidem eius Urbis Episcopus consecratus.

Ennodij verba explicantur. Anastasius, ac Damianus

Ticin. Episcopi inter Prouinciales Episcopos

huius Metropolis recensiti.

NE tamen longè nimis coniecturas petamus, aliud argumentum assero, quo Ticinensium opinio prorsus iugulabitur, victasque omnino dare manus aduersarij cogentur: Inquit Paulinus Presbyter in S. Ambrosij vitâ: *Sed post dies hos ordinato Sacerdote Ecclesiæ Ticinensi incidit in infirmitatem, Sacerdotis vox, vt*

optimè nosti, & ego animaduerti ad Paulini mei Nat. XIII., priorē Ecclesiæ aucto, atque adeo Ambrosij temporibus, quibus Paulinus iscribebat, Episcopis tantum communis erat. Iccirco Ticinensis Ecclesiæ Episcopum à Mediolanensi sacram olim consecrationem accepisse hinc patet. Quid autem hoc fuit, nisi ius Metropoliticum, quo in Ticinensem Ecclesiā Mediolanensis utebatur? Certum quippe est Suffraganeorum Episcoporum consecrationem ad vnum olim pertinuisse Metropolitam, uti fidem facit Concilij Nic. Primi Can. 4. & 6., Laodicensi Can. 12., Antiocheni Can. 19. Chalcedonensis Can. 25. & 28., Innocentius I. Ep. ad Vict. Rothom. cap. 1., sexcentaque alia documenta, & innumeri Scriptores testantur. Quid igitur ad hæc reponere Ticinenses queant, plane non video. Anno Æræ vulgaris 381. Synodus Aquileiensis est celebrata, quò conuenere præter Legatos Galliarum, & Africæ, Episcopi ferè omnes ex septem Prouincijs, quæ sub præcipuo Italia nomine continebantur, & nonnulli etiam ex Illyrico. Primas ibi Ambrosius vir Sanctissimus tenuit. Porro inter eos subscriptus legitur *Euentius Episcopus Ticinensis*, uti ex Regio Codice, & Chisletio probant Clarissimi Patres Benedictini ex Congregatione S. Mauri in egregiâ editione Operum S. Ambrosij pag. 801., non *Cenensis*, ut Romana editio habet. Illuc autem se Ticinensem Episcopum contulisse tamquam Mediolanensi Metropolitæ subiectum nemo diffitebitur. Certè nullus Antistes ex ijs, qui Romanæ Metropoli accensebantur, laudato Concilio interfuit. Aliud verò non minùs apertum hæc in re testimonium petamus ab Epistola Eusebij Mediolanensis ad Leonem M. scriptâ, quæ inter huius S. Pontificis opera legi solet. Hanc Eusebius in Mediolanensi Synodo, quò omnes ferè illius temporis Suffraganeos suos coegerat, exarauit, eique subscriptiones ipsorum addidit. Inter eas verò ista quoque deprehenditur: *Ego Crispinus Episcopus Ecclesiæ Ticinensis in omnia superscripta consensi, & subscripsi*. Nemo sanè est in Ecclesiastica eruditione adeo peregrinus, aut infans, qui nesciat Metropolitæ ius amplum fuisse Episcopos Suffraganeos ad Concilium vocandi, & si opus etiam foret, compellendi. Id nunc quoque ex Concilij Tridentini decreto seruatur, idemque semper in Ecclesiâ seruatum fuit, quemadmodum discimus ex Can. 31. Apostol., ex Can. S. Synodi Nicænæ primæ, ex Conc. Antioch. Can. 20., & ex alijs documentis, quæ laudat Hallier de Hierarch. Eccles. lib. 4. sect. 4. cap. 1. art. 2. Ergò si ad Mediolanensem Synodum Ticinensis Episcopus conuocabatur, certè huius Urbis Metropolitæ suberat. Quocirca Em. Baronius ad A. Ch. 451. hoc Mediolanense Concilium referens omnes Episcopos Synodicæ Epistolæ subscribentes *Mediolanensi Ecclesiæ subiectos* appellat. Ad alia propero, & ipsos quidem Ticinenses Scriptores à partibus nostris pugnare planè ostendam. Ennodius vir sanctissimus iuxta ac celeberrimus tum propter eius Scripta, tum etiam propter Episcopalem in Ticinensi Ecclesiâ dignitatem, in S. Epiphaniij vitâ, qui sub seculi quinti finem Ticinensis eidem Episcopus fuit, hæc

scri-

scribit: *Circa finem vitæ, quem spiritu præuidebat S. Antistes* (videlicet Crispinus Ticin. Ep.) *Mediolanum vicinam expetys Cuiatatem, ubi Nobilium germina mæsse quâdam munda ingenuitatis excreuerant. Quos visitationis gratiâ requisitos talibus vir Dei sermonibus appellauit: Ecce filij, iam me atas compellit ad transitum, iam origenariam ad ius suum renocat terra particulam. Commendo Cuiatatem, commendo Ecclesiam, commendo hunc &c. scilicet Epiphanium. Quum verò ad Superos pissimus Pontifex migrasset Crispinus, extemplò (addit Ennodius) in Epiphanium honorum omnium consensus adducitur &c. ducitur Mediolanum adhuc reluctant, & magna; si dimitteretur; præmia promittens, qui, ut fieret, noluit spondere vel minima. Consecratur cum omni celebritate, cunctorum &c. exacto ergo Dedicationis suæ die Ticinum redijt. Anno igitur Epochæ nostræ 466., quo rerum Ticinensium Scriptores consecrationem istam fuisse peractam affirmant; adhuc Metropoliticum ius Mediolanensis Episcopus in Ticinensem exercebat. Ut enim supra animaduerti ad Metropolitas tantum Episcopos Suffraganeorum consecratio pertinebat. Vnum hoc argumentum tanti ponderis est, vt alijs producendis superfedere possemus, & nihilominus victoriâ potiri. Certè Carolus à Basilica Petri in aureo libello de Metrop. Mediol. num. 12., & Purcellus vir eruditiss. in S. Laurentij Mediol. Archiep. vitæ cap. 13. ita vrgent, vt asserant nemini dubium esse debere, quin tum etiam Mediolanensium Episcopo subiectus esset Ticinensis. Antequam tamen hinc digrediamur, ne quæso pigeat quædam Ennodij verba mecum perpendere. Consecratum Mediolani Epiphanium Scriptor laudatus commemorat, deinde ita loquitur: *Aliquos tamen magnarum Vrbiū incolæ edax consumebat inuidia, quod tantum oppidi Ticinensis angustia habere meruisset Antistitem, cum apud ipsos sola Pontifices Metropolitana iactantia vocabula tuerentur.* Hic, ni mea me fallit opinio, sub magnarum Vrbiū nomine Mediolanum modestè designari arbitror. Fortassis etiam scriptum erat *magna Vrbs*, aut, quod veri mihi videtur similis, plurali numero Ennodius est vsus, ne apertè nimis Mediolanensium quorundam præstringeretur inuidia. Scilicet istos vrebant, quod virum tantis virtutibus ornatum Cuias parua Episcopum fortita fuisset, quum sui Pontifices Metropolitani honoris vocabula potius, quam Sanctitatis firmam quærent, aut tuerentur. Mediolanum verò in censum *magnarum Vrbiū* venisse extra omnem dubitationis aleam positum est, & vnus Ausonius in luculentissimo Epigrammate cuiusque obuiò fidem facit; quare hinc colligere licet, Metropoliticum ius supra Ticinensem Episcopum Mediolanensi fuisse, idemque ab ipsismet Ticinensibus affirmari. Animaduertat etiam velim, quibus vocabulis ab Ennodio Ticinum appelletur, quum ait: *Ticinensis Oppidi angustia*, quo nomine itidem Vrber illam superius expresserat. Ticinum profectò ante Gothorum, Longobardorumue Imperium vrbs quidem, sed è minorum numero fuit, licet aliter iudicent eruditi illius Vrbs incolæ, vt par sit credere ipsam Vrbs magni-*

Et 2

ficcū.

scientiam in causâ non fuisse, vt ex Mediolanensis Antistitis ditione Episcopus ille eximeretur.

CAP. III.

Gemini Ticinenses Episcopi inter suffraganeos
Mediolanensis Ecclesiæ numerati.

Sæculo Christi VII., vt animaduertit quoque doctissimus Carolus à Basil. Petri in libello de Metrop. Med. num. 14. alia suppetunt Metropolitani iuris in Ticinensem exempla; Anno siquidem Christi 679. Romana Synodus sub Agathone Pontifice contra Monothelitas coacta est, ibique etiam Epistola, seu institutio exarata, quæ Legatis ad Synodum sextam Oecumenicam mittendis inferuire posset. Huic autem Episcopi 125. subscribere, interque illos Manfuetus Mediolanensis Episcopus vnâ cum Suffraganeis suis. Aderat & Anastasius Ticinensis Episcopus, qui post Laudensem, & ante Aquensem Episcopos subscriptus inuenitur. Si igitur etiam tum inter Mediolanensis Prouinciæ Episcopos Papiensis recensebatur, quis non videret antiquâ adhuc viguisse Metropolitæ Mediolanensis in eundem iura? Sanè si ab vnus Romani Pontificis auctoritate pependisset, inter Episcopos Romanæ Metropoli vnice subiectos illi subscribendum fuerat. Et, ni fallor, hoc telum animaduertit Antonius Maria Spelta Historiæ Papiensis Scriptor, illudque vt declinaret, in eam adductus est opinionem, vt diceret non *Anastasium*, sed *Magnum* Ticinensem Episcopum laudatæ Epistolæ subscripsisse; in editione enim Concil. Bini Act. 4. Conc. VI. Oecum., vbi hæc refertur Epistola, vltimo loco subscribit *Magnum Episcopum Sanctæ Ecclesiæ Papiensis*. Sed pro *Papiensis* Ecclesiæ legendum esse *Popiliensis* (est hæc vrbs Forum Popilij in Exarchatu) Carolus à Basil. Petri primò suspicatus fuerat, melioresque deinde editiones, & ipsa Concilij Acta in Ambros. Bibliotheca eleganter MS. dubitationi locum nullum reliquere. In his enim ita legitur: *Μάγνος Ἐπίσκοπος τῆς ἁγίας Ἐκκλησίας Πρωτοπλῆς Ὁ. Magnus Episcopus S. Ecclesiæ Popiliensis*; Superius verò subscripserat *Ἀναστάσιος Ἐπίσκοπος τῆς ἁγίας Ἐκκλησίας Τικίνου. Anastasius Episcopus S. Ecclesiæ Ticinensis*. Huiusmodi mendum sustulit etiam Vghellus tom. 1. Ital. Sac. in Ep. Papiens. & tom. 2. in Ep. Foropopil. ad Magni huius vitam. Quare nemini dubium suboriri potest, quin reuera inter Prouinciales Mediolanensis Metropolitæ Episcopos Ticinensis eâ tempestate numeraretur. Anno sequenti 680., quum Manfuetus Archiepiscopus Mediolani Concilium Prouinciale aduersus Monothelitas coegisset, Epistolam ad Constantinum Imperatorem suorum Suffraganeorum calculo firmatam conscripsit, quæ inter Prolegomena sextæ Synodi legi solet, & his incipit verbis: *Domino Serenissimo*,
atque

atque tranquillissimo, & à Deo coronato religiosissimo Constantino Imperatori Manfuetus Mediolanensis Metropolitana Ecclesia indignus Episcopus &c. eam porrò Epistolam à Damiano Ticinensi Episcopo elucubratam testis est luculentus Paulus Diaconus lib. 6. cap. 4. *Eo tempore, inquit, Damianus Ticinensis Episcopus sub nomine Manfueti Mediolanensis Archiepiscopi hac de causâ satis utilem, rectaque Fidei consonam Epistolam composuit, quæ in præfatâ Synodo (Oecumenicâ sextâ) non mediocriter suffragium tulit. Quapropter Synodo illi Mediolanensi Ticinensem quoque Episcopum adfuisse nemo inficias ibit; quî enim literas illas Manfuetus Damiano conscribendas tradidisset, si inter suos Prouinciales Episcopos is connumeratus non fuisset? An alij deerant Suffraganei Episcopi doctrinâ moribusque præcellentes, quibus hæc prouincia demandaretur? Neque est quod Vghellus suspicetur Damianum, antequam Episcopus eligeretur, hanc operam nauasse; quandoquidem expressa sunt Pauli Diaconi verba, neque in horum explicatione ullâ coniecturâ est opus. Hæc potius nos inducunt credere Anno superiori 679. Anastasium Ticinensem è viuis excessisse, eodemque propterea Anno Romanam Synodum congregatam, Anno verò 680. alterum Mediolani Concilium institutum fuisse. Sed hæc subtilius tibi examinanda relinquo, ne præscriptæ mihi breuitatis limites transiliam.*

C A P. IV.

Lis à S. Benedicto Med. Archiepiscopo in Ticinensem Romæ excitata proponitur. Gualuanei, & Anonymi hac de re sententia. Eorundem verba non omnino certa.

HActenus per septem à Christo nato secula præclarissimæ huic Metropoli subiectam fuisse Ticinensem Ecclesiam vidimus. Quamquam tamen hic rerum status foret, sensim Ticinenses Episcopi à Romanis Pontificibus consecrationem exposcere, & Mediolanensium iura pelli dari etiam ante Manfueti æuum non leuiter cæperant. Nostri verò in hac re conuiuere non dubitarunt, donec ad Archiepiscopatum tantæ Urbis euectus est Benedictus, vir summè cordatus, magnoque virtutum consensu ita ornatus, vt Paulus Diaconus loco, infra citando dicat: *Fuit autem isdem venerabilis Benedictus Archiepiscopus vir egregie Sanctitatis, de quo per vniuersam Italiam bona opinionis fama fragauit.* Tum ille iura sua tueri, & Episcopum Ticinensem ad eum obsequij modulum compellere, quo Maiores vti. Lis ad Romanum Pontificem totius orbis arbitrium delata, sed infelici euentu, siquidem plurium annorum consuetudo tantum roboris Ticinensi com-

pâ-

parauerat, vt causâ Benedîctus ceciderit. Hæc autem in disceptationem, & controuersiam vocata est sub Constantino Papâ A. Ch., vt Baronius arbitrat, 711., deque illâ Paulus Diaconus, qui eodem seculo floruit, in lib. 6. cap. 29. Hist. Longob. hæc habet: *Tunc quoque venit Benedîctus Archiepiscopus Mediolanensis Romam, & causam egit pro Ecclesiâ Ticinensi, sed victus est, eo quod à priscis temporibus Ticinenses Episcopi à Romanâ Ecclesiâ fuerant consecrati.* Anathasius quoque Bibliothecarius sequentis seculi Scriptor in Constantini PP. vitâ rem à Paulo mutuatus his verbis describit: *Penit autem & Benedîctus Archiepiscopus Mediolanensis Romam orationis voto & suo se Pontifici præsentare: Altercatus verò est pro Ecclesiâ Ticinensi, sed victus est, eo quod à priscis temporibus Sedi Apostolicâ eiusdem Ticinensis Ecclesiâ Antistes ad consecrandum pertinebat, & pertinet.* Idem alij æstuerent Auctores, paucis dumtaxat mutatis. Itaque quom tanti hæc res momenti fuerit, in illam inquirere accuratius inuatur, tum quia hæc totius quæstionis cardo vertitur, tum etiam quod egregia & nemini hucusque inspecta occurrere mihi eruditionis huius documenta: Primum quid de illâ ferat Gualuaneus Flamma, qui, vt supra dixi, circiter A. Ch. 1330. scribebat, audiamus. Scribit iste in Chronico Maiori MS. cap. 350. *Christi Anno DCLXXXVII. eminente in Româ Sergio Papâ, imperante Iustiniano secundo, Benedîctus Archiepiscopus Mediolani sedit XLVII. Et dicit Cronica Archiepiscoporum, quod isse Archiepiscopus consecrauit Episcopum Papiensem, & ex hoc dixit, quod Episcopus Papiensis erat suus Suffraganeus, & deuoluta est quæstio ad Curiam Romanam, & succubuit Archiepiscopus, quia plures Episcopi fuerant Papienses per Papam successiuè consecrati.* Cronica Daty sic dicit: *Quod unus Episcopus Papiensis nuper electus iuit Romam tempore Constantini Papæ pro suâ consecratione. Quo audito Archiepiscopus Benedîctus scripsit Papæ, quod non ad Papam, sed ad Archiepiscopum pertinebat consecratio Episcopi Papiensis quatuor de causis. Primò quia E. Barnabas Apostolus Spiritu Sancto plenus Archiepiscopum Mediolanensem instituit Metropolitanum, subiciens ei Ecclesiam Papiensem. Secundò quia B. Crispinus Episcopus Papiensis misit Epiphanium successorem suum ad B. Protasium Archiepiscopum Mediolanensem, vt ipsum consecraret Episcopum Papiensem. Tertiò quia decem Pontificum Præuilegia declarant Episcopum Papiensem esse subiectum Metropolitanæ Mediolanensi, & anathematis mucrone percutiunt contrarium facientes. Quartò quia iura nolunt, quod unus Antistes se intromittat de Parochiâ alterius. Ex his Pater Reuerende, qui in Româ sedetis, sciatis quod si Episcopum Papiensem consecraueritis, tam accipientis quam ordinantis irrita erit consecratio. Hoc non obstante Constantinus Papa Episcopum Papiensem consecrauit, nec eius consecratio irrita fuit, imò suis optima secundum iura. Tum pergit Gualuaneus ostendere rem apud Catholicos certam, videlicet consecrationem à Pontifice peractam maximè ratam fuisse. Hoc profectò & nos ambabus, vt aiunt, vniusexipimus, itâ tamen vt nobiscum*

ad-

adversarij sentientes affirmant Archiepiscopi Mediolanensis petitionem iustitiâ nequaquam caruisse, summumque Pontificem per supremam illam, quâ pollet, auctoritatem huiusmodi sibi vendicasse. Vidimus porro Chron. con quoddam Mediolanensium Archiepiscoporum à Gualuaneo citari, eiusque iccirco verba hîc nobis sunt proferenda. MS. extat in Ambrosianâ Bibliothecâ Historia quædam *de Situ, & vocabulo Urbis Mediolanensis* &c. vbi Mediolanensium Antistitum vitæ, ac gesta memorantur. Auctor est Michael Pizolpassus, qui (ut etiam animaduertit C.V. Puricellus cap. 2. Diss. Naz.) A. Ch. 1438. eandem à *veteriosis* (ita is loquitur) *Codicibus, qui apud illustrissimi Pontificis Ambrosij Bibliothecam* (Significat Monasterij Ambrosiani Bibliothecam) *puluerulenti, & tineati iacebant*, collegit ille, & Francisco Pizolpasso Mediolanensi eo tempore Archiepiscopo, patruoque suo inscripsit. Non ignotum illi fuerat memoratum nuper Chronicon, atque ideò hæc de Benedicto habet: *Benedictus Mediolanensis Archiepiscopus quadragesimus secundus A. Domini 688. sedit Annis 47., & consecrauit Episcopum Papiensem, quem postea dicens suum Suffraganeum in Romanâ Curia causam istam, egit, sed succubuit, quia plures Episcopi Papienses successivè fuerant à Papâ consecrati.* Ego tamen libenter fateor me vix itius Chronici verbis adhibere fidem, dum à Mediolanensi Præfule consecratum Ticinensem asserit; non enim facîle induci possum, ut credam securè adeò à Ticinensibus consecrationem illam admissam, quæ antiquis Mediolanensium iuribus valdè fauebat. Siquidem etiamli Romani Pontificis delegatio intercessisset, non ex istius, sed ex pristinæ auctoritatis vi id à se præstitum Mediolanensis affirmasset, & infirma causa vel plumbeo telo iugulatur. Ut se res habeat, ex Gualuaneo didicimus exortam litem ante Romanum tribunal disceptatam, simulque à Benedicto Archiepiscopo litteras ad Constantinum Papam fuisse datas, quibus vetusta iura propugnarentur. Si hæc Epistola ad nostra vsque tempora incolumis pervenisset, minimè dubito, quin inde maxima lux propostæ quæstioni, Historiæque adfulgere posset. At reapse, doctissime, eandem adhuc sartam testamque contra temporum iniurias haberi, quin integram mihi nunc esse proferendam scias. Antequam tamen fidem meam liberem, animaduertamus velim non satis accuratè loquutum fuisse Gualuaneum, dum Epistolæ nomine Orationem designauit, quam verè ante Pontificem Maximum, Conciliumque Romanum Benedictus habuit. Profectò Benedictum ad Vrbem se contulisse, ut iura sua tueretur, cum Paulus Diaconus, tum Anastasius, ceterique testantur. Ipsa verò Orationis verba Benedictum produunt Romano in Concilio concionantem, dum ipse ita loquitur: *Dei & vestri, Pater venerande, atque huius S. Concilij coadunus PRÆSENTIA* &c. Datus autem, seu Landulphus, de quo mihi infra sermo recurret, haudquaquam sub Epistolæ nomine refert, sed his tantummodò verbis: *Querimonia B. Benedicti Archiepiscopi Mediolanensis in Synodo, eo quod Papa Constantinus ipsum Archiepiscopum prima-*

uerat consecratione Episcopi Papiensis contra antiquam consuetudinem. In alio autem Codice ita scribitur: *Querimonia B. Benedicti Archiepiscopi Mediolanensis super Papiensis Episcopi consecratione, quam sui Antecessores usque ad sui tempus quietè, ac caritatine celebrauerant, residente in Cathedrâ Romanâ Constantino Pontifice &c.* Titulum igitur ap-
torem documento huic propositum volui.

C A P. V.

Oratio à Benedicto Mediolanensi Archiepiscopo habita in Romanâ Synodo ante Constantinum Pontificem Maximum, pro Ecclesiâ suâ in Ticinensem Metropolitico iure.

SVMMO Cælorum conditori, terrarumque vniuersarum factori, gentiumque cunctarum auctori, Creaturarum vniuersarum genitori, qui Cæli terræque stabilimentum est, Angelorum, & hominum, ac Fidei Catholicæ, & Sedis Apostolicæ vnicum munimentum, orphanorum, & viduarum, Ecclesiarumque vniuersarum, solidum stabilimentum, Patri, & Filio, & Sancto Spiritui gratias refero immensas, Pontificem quod talem Sanctæ Sedi Apostolicæ virum clementer eligere, ac misericorditer ordinare suâ ineffabili pietate disposuit. Vnde Chorus vniuersus Episcoporum, ac Sacerdotum Collegium sedulè reminiscatur generi vniuerso humano benignè, ac misericorditer prouidere, cum huic Sanctæ Sedi virum huiusmodi discretum, illustrem, Orthodoxum & præesse, & præordinare summâ cum pietate disposuit, qui operibus bonis, admonitionibus sanctis orbem sibi commissum confortare, & errantes docere non desinit. De quo Veritas ait: *Ego pro te rogaui Petre, ut non deficiat fides tua, & tu aliquando conuersus confirma fratres tuos.* Quamobrem Dei, & vestri, Pater venerande, atque huius Sancti Concilij coadiutus præsentia, & confortatus clementia Ego Benedictus Mediolanensis Archiepiscopus causam nostræ Ecclesiæ, quæ Dei dispositionibus, & B. Barnabæ Apostoli doctrinis, & miraculis restituit, nuncque gloriosissimi Confessoris Ambrosij ornata disciplinis, ac honoranda virtutibus præfulget, cuius reuerentiâ, & caritate, vestro ductus conspectui, & huic Sancto Conuentui, me ex longo representare disposui, & voce, quâ possum, longo confectus senio, pandere, & referare curabo. Igitur Mediolanensis Ecclesia Dei, & B. Ambrosij factis, & virtutibus exaltata, ac multis Episcopis per multa iam tempora antecedentia sublimata, nunc consecratione Ecclesiæ Papiensis iniuste expoliata vobis humiliter, ac deuotè conqueritur. Quæ inter ceteros, nostræ Ecclesiæ Suffraganeos B. Syri meritis Primitij Pri-

ui.

uilegium nunc usque nostræ causæ indicium summo vigore tenuit, at nunc Romanæ Sedis dignitatibus, & maiorum honoribus ambitiosa, suâ, & propriâ Metropoli illicitè derelictâ, & iniuste destituta, ut consecrationem furtiue acciperet, Romanum adiit Pontificem. Quam nostra Ecclesia per tempora iam multa annorum longo curriculo antecedentia à tempore S. Barnabæ Apostoli usque mei præsentiam, qui per annos quadraginta Sedem residue Mediolanensem, atque inibi Episcopum Gregorium humiliter consecrauit, habuit, & caritatiue Deo opitulante tenuit. Nunc itaque vestrà succurrente clementiâ, sanctisque collaudantibus Canonibus, ut quod iniuste nostra Ecclesia amisit, adipisci valeat, fideliter & deuotè exoramus. Prosit nobis vestra sapientia omnibus præferenda disciplinis. Qui enim omnibus præest, omnibus prodesse debitâ paternitate condecet, nulli nocere, neminique inuidere, nulli Ecclesiæ honorem, ac dignitatis prærogatiuam usurpare. Discretus, & iustus iudex summâ iustitiæ lance ponderat vniuersa, inferentes iniurias alicui iniuste condemnans, ac illicitè sufferentes à malis misericordiâ, dexterâ, legisque cæremoniis defendendo benignè sustentat. At iudex iniquitatis cuncta pretio subuertens negotia, quæ legis sunt obscurat, ac quæ temporaliter arident criminose exaltat. A quibus iustitiæ amator se quotidiè Dei protegente dexterâ custodit. Iustitiam discamus, vnde Esayas Propheta Spiritu Sancto repletus dicit: *Iustitiam discite, qui habitatis terram.* Venerande Pater, potestatem culminis Romani ratio vincat diuina. Vnde S. Magister Ambrosius ait: *Decet, ut ratio vincat potestatem.* Iudicium caulium querimoniam nostræ iustitiæ vindicate. Vnde omnes Dominus per Zachariam alloquitur dicens: *Iustum iudicium, & pacificum iudicate, & nolite retinere militiam fratris vestri in cordibus vestris.* Et David: *De vultu tuo iudicium meum prodeat, oculi mei videant æquitatem.* At ut nostræ Ecclesiæ, nostræque querimonie veritatem enucleatiùs, ac verissimè aperiàm, decem Romanorum Pontificum priuilegia, hæc omnia, quæ de consecratione Ticinensis Ecclesiæ dico asserentia, atque sub anathematis mucrone rigide ab vniuersis Episcopis interdientia solitâ pietate cognosce. Quin etiam nostra Ciuitas qualiter ab ipsis primordiis inculca, & exaltata curâ diligenti maiorum permanet per Romanos Imperatores, ac Consules Patricios eiusdem Urbis accolas, cum orbis vno regetur Imperio, attentè cognosce. Quam tamen, ut in annoso libro de situ descriptionis eiusdem comperi, postmodum Romani Reges, & Principes expulsi Senonum populis longè melius sublimantes opere mirifico auxerunt, locantes in eâ more patrio eximium Augustorum dignitat. Palatium Imperiale, Theatrum Atriatum, Thermas, viridarum agnæum floribus diuersis, & odoribus variis delectabile. Arenam lapidibus, & magistris admirandam, in quâ Italiæ Cives vniuersi confidere, & ab vno Oratore concionari possent competenter. Ob quam lapsissime causam ab eisdem postmodum Augustis frequentari, & incoli, ac honorari super cunctas

Italix Ciuitates adorsa est, maximè quod esset inibi saluberrimi aeris aprissima temperies, locusque aduersus inimicos inrefragabiliter paratissimus. Exinde, Pater Venerande, Sanctâ Christianitate orbi apparen- te vniuerso, sicut audiuit, illico Deo credidit, S. Barnabâ Apostolo à Spiritu Sancto inibi destinato, & Fidem Orthodoxam fideliter prædican- te, à quo nostra Ecclesia ab ipsis primordijs Caput Ecclesiæ per Sedem Metropolitanam Dei dispensante clementiâ tenuit, & Deo largiente in æternum tenebit. Quamobrem Cathedra Mediolanensis ab ipso Aposto- lo exaltata decenter, & sublimata competenter Dei dexterâ, & B. Petri remigio reffloruit. Quod enim verissimè reperimus in nostris Annalibus, & eius descriptione aduentus, & S. Anatalon vitâ, de Discipulis Domini vnus discipulus fidelissimus fidelissimè, & certissimè dicit: *Qua post Ro- manam arcem famosissimam iam tunc habebatur Ciuitas sapè dicta Medio- lanum, quippe qua pari ditione sublimis secunda post ipsam, ut præfatus sum, Augustales Occidni Imperij insulas tenebat.* Itaque Sanctus Dei dispensante clementiâ sanxit Barnabas Apostolus, vt Mediolanensis Vrbs, quam Imperatores nouerat super cunctas Italix Ciuitates sublimasse, & quam ipse sanctis prædicationibus primitus fundauerat, principalis Ec- clesiastici culminis Sedes, aliarumque in eâ Prouinciâ Ecclesiarum Me- tropolis perpetualitèr haberetur. Cui profectò Vrbi, vt in Vitâ S. Ana- talon, quem inibi consecrauerat Hierosolymas processurus, inueni, tan- tum priuilegij manus S. Anatalon à suo nouerat Magistro concessum, vt sicut inter reliquas Italicarum Prouinciarum Vrbes, earum dumtaxat, quæ Occidentalem versùs marginem ab Italix sinibus protenduntur, post Romanam arcem subfellijs eminentiâ, atque populorum conuentu fre- quentissimo principalis videbatur, ita Ecclesiasticæ ditionis prærogatiuâ post Romuleam sedem cunctas excelleret. In hunc modum & ipse præ- fatus Antistes nîl à suo Institutore discrepans Metropolitanam Cathe- dram pro futuris temporibus Christi statuit esse Fidelibus, quatenus om- nium populorum Antistites, hoc est Venetix, Liguriæ, Æmilix, Rhetix, Alpibus Cortix, quotquot fuerunt in Sanctâ Matre Ecclesiâ futuri per has supradictas Prouincias, caput quoddam, & decus insigne post Romanum Pontificem habere deberent Mediolanensis sedis Præfulem Metropolita- num. Itaque Ecclesia Mediolanensis his, & alijs multis fulta, & ornata remigijs ferè cum honoribus his omnibus vsque ad mei tempus Dei mi- sericordiâ, & B. Ambrosij meritis deuotè peruenit. Sed vt ex causis multis, quibus nostræ querimonix causa munitur decenter, atque tue- tur competenter, quorundam SS. Episcoporum Papiensium testimonium Crispini, & Epiphaniij percipe; Sanctus enim Crispinus, cum se videret morti accelerare, vt in S. Epiphaniij certissimâ vitâ haberetur, duxit S. Epi- phanium Mediolanum, & dixit ad Episcopum Protaxium, & Ordines, quos inibi inuenit: *Ecce Filij iam mea ætas mea vitâ cursum compleuit. Commendo Ciuitatem, commendo Ecclesiam, commendo hunc, cuius labori, & gratia debeo, quod vsque ad hoc tempus vixi grandævus, & debilis,*

cuius

cuius corporea felicitas, & virtus animæ imbecillitatem meam portauit sine fastidio. Item in eadem: Ducitur B. Epiphanius Mediolanum adhuc reluctans, & magna, si dimitteretur, munera promittens, qui, ut fieret, noluit spondere vel minima. Consecratur autem à B. Protasio B. Ambrosij successore, & Catholicæ Ecclesiæ propugnatore firmissimo summâ cum deuotione, ac celebritate cunctorum. Præterea testimonium, Pater Venerande, cape certissimum, cui dubitare, aut refragare periculosum SS. Patres decreuerunt; Legitur enim in Vitâ S. Ambrosij Patroni nostri, & Ecclesiarum vniuersarum tutoris: Ordinato Sacerdote Ecclesiæ Tici- nensis incidit in infirmitatem. Cura est itaque, sicut S. Fabianus Papa suo in Decreto asserit, vestra sollicitudini adhibenda, ut ea, quæ sunt ab Apostolis, eorumque Successoribus ordinata, ac S. Spiritus gratiâ con- stituta, nec dissimulatione negligere, nec aliqua præsumptio valeat per- turbare; sed sicut hoc, quod rationis exigebat utilitas, oportuit definire. Itaque ut definitum est non debere violari, præcipuè Pater Reuerende, vestræ sanctæ Paternitatis reuerentiam, atque huius S. Concilij carita- tem vicariam caritatiuè exoro, ac obnixè à parte Dei, & S. Ambrosij con- tendo, ut nullus Episcopus nostræ Ecclesiæ Suffraganeum, maximè hunc Papiensem, de quo huius S. Concilij clementiæ conqueror, retinere, ac ordinare Fraternitatis vestræ perturbator præsumat. Quod si euenerit, accipientis, & ordinantis irrita, & vacua sit in perpetuum ordinatio. Vnde S. Sixtus Papa suo in Decreto Diuino admonitus magisterio dicit: Nullus Episcopus præsumat alterius Parochianum retinere, aut ordina- re, vel indicare absque eius voluntate, quia, sicut irrita erit eius ordina- tio, ita & iudicatio; nam qui eum ordinare non potuit, nec iudicare nullatenus poterit, Pater Venerande, vnaquæque Metropolis, ac Sedes Apostolica, quæ vniuersis præpollet dignitatibus, suos terminos à SS. Pa- tribus constitutos ordinatiuè nunc vsque tenet, de quibus Papa Callistus suo in Decreto dicit: Nemo alterius terminos præsumptione illicitâ usur- pet. Vnde Dominus loquitur dicens: Ne transgrediaris terminos anti- quos, quos posuerunt patres tui. Itaque vnaquæque Ecclesia, quæ San- ctis fidem Maioribus seruare desiderat, & hæc Sanctorum decreta hono- rare contendit, nostræ querimoniæ fideliter, & caritatiuè, ut sibi, ne- similia patiatur, prouideat.



C A P. VI.

Codicis, qui *Chronicon Datij* inscribitur, Landulphus est Auctor, non verò Datus Mediolanensis Archiep. Tempus, quo exaratus Codex. Datum hunc Historiæ alicuius Auctorem asserere vetamur. Certè huiusmodi Historia non extat.

IAm verò tempus poscit, ut unde hæc hauserim, palam fiat. Audi si à Gualuaneo *Datij Chronicon* citari, eiusque verba hac in re laudari. Illud verò idem est, cui propositam Orationem debeo. Geminus eiusdem exemplar in Metropolitani Capituli Bibliothecâ extat, itidemque aliud in pluteis suis Ambrosiana servat. At quoniam de hoc Datio, eiusque Chronici Auctore tu quoque plura differuisti in Disquis. 1. de Hymni *Te Deum laudamus* Auctoribus §. 6. 7. 8. &c. quod egregium opus tuum per eruditorum manus magnâ cum tui laude nunc fertur, & nuper à Cl. & Erud. P. D. Benedicto Bacchino in Diarium Liter. A. 1696. relatum animaduerti, patiari quæso, ut nonnulla & ego hic proferram, quæ tibi, cui eorundem exemplarium copia non suppetebat, animaduvertere minimè licuit. Certissima primò est sententia tua, quâ memoratam Historiam non S. Datum Mediolanensem Archiepiscopum, Auctorem habere asseruisti; etenim Landulphus Mediolanensis eiusdem scriptor fuit, quemadmodum fidem faciunt hæc ad calcem libri apposita verba: *Explicit liber Historiarum Landulphi Historiographi*. Hic autem scribebat circiter A. Ch. 1080. Porro titulus ille, qui hisce Landulphi Historijs impositus est, nempe: *Chronica Datij Archiepiscopi Mediolani nuncupata*, nullam sapit antiquitatem. Quin mihi attentissimè singula perpendenti certissimè visus est à Francisco Castello additus, quippe eisdem planè characterum figuris in priori paginâ scriptum reperitur: *Chronica Datij Archiepiscopi Mediolani mei Francisci Castelli Sanctæ Mediolanensis Ecclesiæ Ordinarij MDLXXIV*. Fuit hic vir planè doctissimus, eiusque lucubrationes quasdam luce adhuc carentes in Ambrosianâ seruamus; sed quam accuratè hoc ab illo fuerit assertum, tute videas: Certè in eadem paginâ hæc ab alio addita leguntur: *Primus Landulphus, secundus Arnulphus, tertius Landulphus, qui omnes scripsere inter Annum Domini 1000. & 1100. & ferè de rebus Schismaticis illius temporis, ut mirum sit hunc bonum Castellum Datij titulum imposuisse*. Secundò certum adeò non videtur, quod tamquam certissimum §. 10. affirmasti, videlicet à S. Datio Chronicon quoddam fuisse conscriptum. *Chronica*, quidem *Datij* à Corio, Gualuaneo Flammâ, Auctore libri Flos Flor., & ab alijs rerum Mediolanensium Scriptoribus citantur, quare ais: à tot

an-

antiquis Landatum Datij Chronicon extitisse pernicacis tantummodo esset denegare. Verum sub Datij nomine vnum Landulphi Chronicon citari, non verè Datianam quampiam Historiam certissimum scito. Plurima ego loca, quæ tum à Gualuaneo, tum ab alijs ex Datij Chronico citantur, cum eodem libro contuli, & eadem omnia exactissimè ibidem legi. Quamobrem consultum optimè tibi fuit, uti num. 471. laudatæ Disquis. scripsisti, ijs non habere fidem, qui aliqua ex Datij Chronico per Gualuaneum desumpta non legi in Landulphi Historiâ assernere. Nescio igitur quam firmo fundamento tuum illud argumentum nitatur, quo Chronicon quoddam idè extitisse contendis, quòd *Chronicon Datij* à pluribus ijsq; antiquis Scriptoribus citetur. Istis obscura quedam opinio fucum fecit, tibi verò acutissimo simul doctissimoq; viro si ab his imponeretur, molestè omnino ferendum esset. At, inquis, ipse Landulphus eorum Capitulum titulos ita proponit: *Expositio Ordinum S. Ambrosij edita à S. Memoria Datio Episcopo Mediolanensi* Item: *De Chrismon S. Ambrosij secundum Datium Archiepiscopum Mediolani.* Et postremò: *De Crucis Antiphonâ secundum Datium Episcopum Mediolani.* Quis igitur neget ante Landulphi ævum Datianam aliquam extitisse Historiam? Hæc, fateor, omnium robustissima ratio est, sed quæ nihilò secius quæstioni definiendæ satis non est. Has Landulpho lacinias ab amanuensi aliquo affutas Puricellus vir doctiss. cap. 39. num. 13. Diss. Nazar. suspicatus fuerat. Tu tamen Puricelli suspensionem omnino nullam vocas, & hocce argumentum probare niteris. Ante Annum 1675. Antonius Maria Pusterla Capituli Metropolitani Bibliothecarius, quum à Mabillonio V. C., & cui innumera debet eruditorum Respublica, de hoc interrogaretur, respondit, ut idem V. C. tom. 1. pag. 4. Analec. testatur: *Landulphi Chronicon conscriptum in pergamena esse annorum sexcentorum, eiusque nota, qualem atas illa ferebat Longobardorum dominatui proxima.* Ergò, tu inquis, *Landulphi Codex circa A. Ch. 1075 vel ab ipso Landulpho conscriptus est, vel ab alio eisdem, vel valdè propè Landulphum temporibus.* Male igitur Puricellus ea Capita S. Datio adscripta fuisse ab amanuense post longa tempora Landulphi Historias exscribente contendit. Equidem te hucusque Landulphi exemplaria consulere non potuisse valde doleo, quum enim alienæ tantùm fidei fidere necesse tibi fuerit, diligentia illâ, quam soles adhibere, uti nequaquam potuisti. Quum verò hac in re felicioz ego fuerim, accipe quicquid in eodem Codice, dum Metropolitana Bibliotheca non semel perlustrarim, mihi fuerint obseruata. Gemina ibidem sunt Landulphi exemplaria. Ex ijs vnum, cui titulus Datij impositus, coniunctum habet Arnulphum & ipsum rerum Mediolanensium Scriptorem. Horum verò Historiæ vnâ eademque manu sunt scriptæ. Alterum exemplar Landulphum Seniore, itemque Arnulphum complectitur, neque vlla ibidem Datij fit mentio. Additus huic catalogus Mediolanensium Antistitum eodem planè charactere, & in Galdinum desinit, quem A. Ch. 1176. obiisse mortem affirmat. Quum

verò

verò vtriusque Codicis vna penè, eademque sit scriptura, & characterum forma, eosdem circiter A. Ch. 1180. exaratos opinor. Huiusce autem opinionis meæ fundamentum aliud exhibeo. Ipsemet amanuensis, qui vetustiore Landulphi Codicem exscripsit, dum S. Arialdi Martyrium refertur, hæc in libri margine additamenta apposuit: *Passus est B. Arianus Martyr, & Leuita Anno Domini MLXVI. V. Kal. Iul., canonizatus per Alexandrum II. Nec mirandum, si iste Historiographus, & sequens (scilicet Landulphus, & Arnulphus) non laudent istam Arianum, nam ipsi erant fautores Sacerdotum uxorum, concubinariorum, & Simoniacorum, à quibus B. Arianus passus est. Anno autem Domini 1067. Alexander II. venit Mediolanum ob mortem Arianaldi, dum ad Synodum pergeret, quem Mantua celebrauit, in qua omnes Mediolanenses Sacerdotes uxoratos Beneficij priuauit, quod & de ceteris facere intendebat; sed morte præuentus fuit. Sed Hildebrandus eius successor facti Alexandri consensu id expleuit. Igitur vides etiam, post Gregorij VII., & Landulphi, ac Arnulphi æuam longè hunc amanuensem scripsisse. Porro addit ad S. Herlembaldi mortem hæc verba: *Verjus super sepulchro Herlembaldi in S. Dionysio, quem SS. Martyrum Catalogo adnotauit Urbanus II., qui cum Arnulpho Archiepiscopo Mediolani corpus eius tumulauit MLXXXI., quia ipse Herlembaldus vexillifer Ecclesiæ, ac tutor aduersarijs ratione Ecclesiæ occisus est. Tum subiicit versus. Atqui hinc rursus colligo, laudatum Amanuensem multo post Urbanum II. tempore vixisse. Siquidem testibus Bertholdo Constantiensi, Sigonio, Baronio, alijsque, Urbanum II. ad Urbem Mediolanensem Anno tantum 1095. venisse constat; quum verò hoc ille Scriptor Anno 1091. contigisse affirmet, vtrique longè à tanti Pontificis ætate se in viuis fuisse prodit, cuius tempora minimè sibi perspecta erant. Quæ quum ego adnotassem, gaudius sum postea mihi à doctissimo Puricello lib. 1. cap. 2. num. 3. de SS. Marr. Arianlo, & Herlembaldo easdem lacinijs obseruatas, simulque *Amanuensis illius, qui Codicem illum exscripsit, additamenta marginalia* ab ipso fuisse nuncupatas. Itaque vides Landulpho seniori: titulos supra memoratos ab amanuense quodam affingi potuisse, deceptumque illum, qui ante sexcentos annos scriptum Landulphi Codicem putarat. Sed etiam si ipsius Landulphi factus tituli memorati forent, an inde colliges Historiam à Datio Archiepiscopo elucubratam? Quod summum est, Datum *Expositionis* cuiusdam *Ordinum Ecclesiæ Mediolanensis* Auctorem haberemus, non Chronici alicuius. Mihi tamen hæc stat sententia, ne huiusmodi quidem Opus, è Datio prodixit, sed ex Landulphi iudicio, aut errore. Hoc sæpè ab illo usurpatum scimus, vt alijs appingeret, quæ ipsemet meditabatur, aut in vobis habebat. Sic titulum *de Monogamis Sacerdotibus* à B. Ambrosio se hausisse ait, quod quantum Historiæ, Fideique Catholice aduerteretur, nemo nescit. Alium profert titulum *de Frontone à Constantino Episcopo Mediolanensi*, quem tamen alicuius libri Scriptorem nemo somnauit. In eiusdem quoque Metrop. Capit. Biblio-**

the;

thecâ Codex alius antiquissimus extat MS., ubi legitur *Expositio Matutini Officij Mediolanensis Ecclesie edita à Theodoro eiusdem Ecclesie Pontifice*, quam est ego exscripsi. Ac an eius libelli Theodorum Auctorem arbitreris? Nequaquam; Siquidem ter, aut quater, ibidem Amalarius citatur, qui proximo post Theodorum Archiepiscopum seculo floruit. Ceterum ais num. 488. Colligo ergò *S. Datij Chronicon reuera extitisse, hoc tamen modo. A S. Datio quidem quo ad ea sui temporis reuera compositum, nonnulla tamen ex subsequentibus ætatibus addita; completum scilicet Datij Chronicon, & quæ à S. Datio conscripta, & posteriorum additamenta, & omnia sub eodem Datij nomine partim propriè ut ab eo conscripta, partim denominatiuè, quia illi adiuncta. Sed plura huiusmodi sententiæ tuæ obstat quispiam fatebitur. Primò quia, ut ipsemet s. 8. num. 465. fateris, S. Datij Chronicon non reperitur. Secundò quia idem ab exordio ad calcem Chronici memorati est stylus, eademque verborum barbaries. Tertiò in Epistolâ libro præfixâ, & à Landulpho ipso conscriptâ, idem Landulphus se omnia, quæ subsequuntur, enarraturum, nihilque de Datio; rebusque eius Chronico addendis, profiteatur. Quartò à voluminis vertice ad calcem maledicentiâ, & furore totus scæter is Auctor, neque religioni habet sacrosanctam Sedem Romanam passim insectari. Nihil utar circuitione: Vbiq; se Schismaticum prodit. An amabo hîc Datium virum Sanctissimum, Ecclesiæque Romanæ fautorem amantissimum latere arbitraberis? Tandem Paulus Diaconus lib. 16. Hist., & ex illo Anastasius Biblioth. in Siluero, famem describunt, quæ A. Ch. 539. Liguriam itâ inuaserat, ut, sicut *vir Beatissimus Datus Mediolanensis Antistes retulit, pleraque matres infelixium natorum comederent membra*. Atque hinc tibi aliisque visus est Datus Chronicon quoddam elucubrasse. Verùm quum huiusce famis in Landulphi Codice nulla fiat mentio, omne vides argumentum ruere, quo probetur eundem librum cum Datij Historiam, tam aliorum additamenta completi. Quod si Datianum hoc Chronicon aliquandò extitisset, cur illud viri eruditi obliuione conspelihi, atque obrui perpetuò voluissent? Nolo morosior videri, atque iccirco vnum hoc statuentum mihi videtur, volumen nempe illud, quod *Datij Chronicon* nuncupatur, ab vno Landulpho seniore compositum. Datium verò Historiæ alicuius Scriptorem fuisse suspicari vix audeo.*



C A P. VII.

Orationis laudatæ S. Benedictus Auctor non fuit, sed Landulphus, aut quisquam alius. Perspicue probatur. Sigonij de hac quæstione minus æqua sententia. Pallium Ticinensi collatum quandò.

Sed ut ad rem nostram redeamus, quibus auctoritatibus ius Mediolanensis Ecclesiæ in Ticinensem niteretur, in laudatâ Oratione perspeximus. Primò decem Summorum Pontificum Privilegia Ticinensis Consecrationem Mediolanensi Præsuli demandabant, & anathematis gladium cuiusque aliter agenti intentabant. Secundò Mediolanensis Ecclesia ab Apostolo Barnabâ instituta Metropolis dignitatem in Prouincias, Vrbesque varias, atque aded in Ticinensem ab ipso sui exordio consequta fuerat. Tertiò id exemplo S. Epiphaniij probabatur, qui ab Antistite Mediolanensi consecrationem acceperat. Demùm ex Vita S. Ambrosij, qui Ticinensem Episcopum consecrarat, id abundè confirmabatur. Et planè vides, quot præsidij Mediolanensium causa fulciretur, & quam iuste Benedictus Archiepiscopus coram Romano Pontifice ius suum experiretur. Verùm quia plures iam Episcopi Ticinenses ab eisdem Summis Pontificibus consecrati fuerant, consuetudo contra Mediolanensium iura præscriptionem induxerat, eaque tanti est habita, ut Benedictus causâ ceciderit. Ne tamen rem, quâ de agere instituiamus, leuiter nimis attingere videamur, exponere placet, quæ sit mea de huius Orationis Auctore sententia. Illam enim ego non à Benedicto compositam, sed ab ipso Historiographo Landulpho excogitatam arbior. Fuit isti in moribus reliquorum Historicorum more viros loquentes inducere, eisque orationes affingere, quas veri simile est ab ipsis dicendas, aut dictas iam fuisse. Hinc apud illum videas *Vulberti Archidiaconi*, *Ambrosij Diaconi*, & *Andrea Sacerdotis decumani* contra S. Arialdum Orationes, huiusque in illos, aliaque multa, quæ vnus Landulphi sætum esse stylus vbique similimus suadet. Præterea non dixisset Benedictus se *per annos quadraginta in Mediolanensi Cathedrâ sedisse*; quum enim sit exploratum sub Constantino Pontifice causam hanc fuisse agitatam, & Benedictus Anno tantùm 687. ad Archiepiscopalem dignitatem euectus fuerit, longè post Constantini tempora quadragesimus illi Archiepiscopatus annus excurrisset. Huius igitur erroris culpa ad Landulphum Orationis Auctorem est referenda. Alio autem inuidissimò argumento id probatur. Tres in hac Oratione citantur Epistolæ Decretales, nempe Fabiani, Sixti, & Calisti Romanorum Pontificum. Hæ verò Epistolæ licet, uti nunc eruditi omnes fatentur, tantis Pontificibus suppositæ, affictæque fuerint, adhuc à multis seculis veluti germana eorum

rum

rūm soboles sunt habitæ, eximiamque fidem ab vniuersis Catholicis non minùs quam nostro aucto impetrare. Isidorus seu *Mercator*, seu *Peccator* (vti post Archipræsulem de Marca probat Cl. & Em. Card. de Aguirre Maximum Hispaniæ, purpureique Senatus ornamentum in luculentissimâ Hispanorum Conciliorum collectione T. 1. diss. 4.) hanc mercem aut collegit, aut elaborauit, ita vt viris etiam doctissimis imposuerit, qui S. Isidori Hispanensis Episcopi opus illud fuisse crediderunt. Ceterum, quo tempore huiusmodi Syllogus prodierit, ipsæ nos Epistolæ docent, siquidem inter eas quædam sunt Gregorij II. ac III. & Zachariæ Summorum Pontificum nominibus insignitæ. Quum verò hi Pontifices octauo seculo federint vsque ad A. Ch. 751. post illa tempora scripserint Isidorum istum dignoscimus. Sed ne statim quidem publici iuris factæ sunt huiusmodi Decretales; etenim primus omnium Riculphus Moguntinus Episcopus eas ex Hispaniâ, vbi cunas sortitæ fuerant, in Gallias importauit. Hincmarus Rhemenfis in Opusc. cap. 24. hæc habet: *De libro collectionum Epistolarum ab Isidoro, quem de Hispaniâ allatum Riculphus Episcopus Moguntinus obtinuit, & illas regiones ex illo repleri fecit.* Moguntiacam autem Ecclesiam rexit Riculphus iste ab A. Ch. 787. vsque ad Annum 814. Quare affirmandum omninò est, Epistolas illas sub finem tantum seculi octauo inter eruditos versari cepisse. Quod si verum, vt prorsus verissimum est, an illis Benedictus Archiepiscopus, qui Ann. Ch. 711. Romæ perorasse dicitur, vt potuisset? Superest igitur, vt fateamur, aut à Landulpho ipso memoratam Orationem fuisse elucubratam, aut ab alio quopiam, qui pluribus post Benedictum annis inter viuos numeraretur. Stylus quidem, vt hoc quoque exponam, à consuetudo Landulphi stylo nonnihil dissidere videtur, ita vt, quod summum est, suspicari possimus, etiam ante Landulphum Orationem hanc extitisse. Quæ igitur Mediolanensi Episcopo in Ticinensem firmissimæ rationes forent, ni fallor, exploratè ostendimus. Nunc verò videndum, quibus verbis à Sigonio magni nominis viro Historia hæc proponatur. Inquit is lib. 3. Hist. de Regno Ital. ad A. Ch. 715. *Lis inter Archiepiscopum Mediolanensem, & Episcopum Papiensem exorta. Archiepiscopus noui parandi iuris causâ Episcopi consecrationem ad se traducere voluit. Quod ius ad eum non pertinere Episcopo contendente, ex communi sententiâ res est Romæ reiecta. Ibi causâ utrinque apud Pontificem agitatâ Archiepiscopus aduersantibus omnibus vetustatis exemplis victus abscessit.* Verum paratraxerat Sigonius; neque enim ius nouum Benedicto parabatur, neque illi omnia vetustatis exempla aduersabantur. Vna plurium annorum præscriptio fecit, vt secundum Ticinensem iudicaretur. In anno etiam huiusce quæstionis assignando Sigonium calculi defecere, quandoquidem Anno 715., quo rem peractam is arbitratur, Romanam Sedem Gregorius II. implebat, non verò Constantinus. Decefferat hic Anno superiore, eodemque in Summum Pontificem electus fuerat Gregorius, vti Em. Annalium parens certis Anastasij Biblioth., Theophanis,

Sigifredi, aliorumque testimonijs ductus liquidò ostendit. Quam verò sub Constantino tantum huiusmodi lis composita fuerit, annum eidem aut 711. cum Baronio, aut cum alijs 712. assignari debere patet. Porro hac in re quantum à Sigonij mente reliqui Scriptores discedant, multis probare possem, sed omnium instar sat erit Benuenutum (hunc Imolensem fuisse arbitror) proferre, vetustum Scriptorem, qui ante Annos 300. & quod excurrit, scribebat, & cuius Chronicon MS. in Ambrosianâ Bibliothecâ extat. Cap. 137. de Papâ Vrbe hæc ille habet: *Huius Civitatis Episcopus Suffraganeus fuisse asseritur Archiepiscopi Mediolanensis. Quod patet ex eo quod B. Proasius Archiepiscopus Mediolani consecrauit B. Epiphanium Episcopum Papiensem S. Crispini Successorem. Sed quia tempore Longobardorum, qui erant infideles, timore eorum Archiepiscopi Mediolanenses apud Iannam residebant, sicut de Honorato legitur, Episcopi Papienses consecrari ceperunt à Papâ. Vnde cum Benedictus Archiepiscopus Mediolani in Curia Romanâ citaret Episcopum Papiensem suum ab antiquo Suffraganeum, succubuit. Vnde & hodie Papienses, Placentini, & Ferrarienses Episcopi subsunt immediatè Domino Papa. Reliqua videamus. Sic rebus compositis ad multum tempus Ticinenses Episcopi Mediolanensem ignorauere Metropolitam, & ab vno pendentes Romano Pontifice Pallij etiam dignitate sunt aucti. Quo tempore hic honor eisdem collatus, prorsus definire non audeamus. Illud tamen absque hæsitacione affirmandum duco, Vghellum à veritate desciscere, dum sine tabulis, & sine testibus hæc de Papiensi Ecclesiâ asserit: *Cui Pontifex Hormisdâ (Romanam Sedem hic tenuit ab Anno 514. ad 523.) Pallij vsum concessit, extenditque eam gratiosam indulgentiam ad Successores. Vt enim Pallij per ea tempora aut paucissimis, aut nemini à Summis Pontificibus tribuebatur. Anno deinde D. Gregorij, vt doctissimus de Marca animaduertit lib. 6. cap. 7. num. 3. de Concord. Sac. & Imp. inualuit, vt Romanus Pontifex Pallio ornaret præcipuos Metropolitanos, qui ad eius consecrationem pertinebant, aut eos, quibus vices suas in Provincijs committebat. Si igitur neque omnes Metropolitanos, sed præcipuos dumtaxat Pontifex Pallij vsu decorabat, idque etiam seculo solùm Gregorij Magni vsurpari cepit, quanto minus Hormisdæ duo Pallium Ticinensi concedendum fuit, qui non inter Metropolitanos, sed in Episcoporum solummodò vulgariu censu numerabatur? Plura in hanc rem non aggero, tum ne messem hanc tibi præripiam, tum vt eruditorum auribus parcam, qui à te vberiora prærolantur. Velim tamen seriò perpendas, an ad Ioannem VIII. Papam prærogatiuæ huius primordia sine referenda. Ille enim Pontifex nihil antiquius habuit, quam vt Ticinensem extolleret Sedem, quò vinidum nimis, ac forte Mediolanensis Episcopi ingenium retunderetur, qui de promptè præstandâ tum temporis Ecclesiæ Romanæ obedientia recusabat. Certè hic Summus Pontifex Epistolam dedit, quæ inter eius Opera est 139. illaque Mediolanensem, ac Rauennatem Metropolitam statuit ad Synodum conuocari à Ticinensi Episco-**

Episcopo posse, quod (nisi eadem Epistola in Apocryphis sit recensenda) adeò mirum videtur, vt Baronius ad An. Ch. 878. pronunciare non dubitauerit: *Quod non crederem, nisi legissem*. Equidem hanc coniecturam facile sequor, à quâ tamen discedam, statim vt meliora abs te, vt spero, proferantur.

C A P. V L T I M V M.

Synodus Mediolanensis, cui interfuisse Ticinensis Episcopus dicitur, omninò ficta est. Simillimi Diplomatis fides in examen vocatur. Ticinensis Episcopi factus ab Heriberto Archiepiscopo castigatus. Gualuanei, ac Landulphi testimonia. Cur à Mediolanensi Metropoli Ticinum sciunctum.

Hic quidem memoranda Synodus foret, quæ A. Ch. 945. Mediolani habita in quodam Diplomate dicitur. Extat hoc in Ambrosiani Cænobij Archivio, publicique iuris factum fuit ab ornatissimo viro, mihiq; amicissimo Patre D. Bartholomæo Aresio Cisterciensi Abbate in Lib. Privileg. & Diplom. Monast. Ambros. pag. 36. Concilio autem huic in Ambrosianâ Basilicâ coacto præter alios Episcopos subscriptus legitur *Litfredus Papiensis Episcopus*. Verùm multa me absterrent, ne huiusmodi documento auscultem. Nolo locum, vnde prodijt, in suspicionem vocare, quamquam fortasse possit non nihil fursuris ibidem inter gemmas esse commixtum. Pauca tamen commemorabo, quibus Diplomatis auctoritas infirmari videtur. *Olricus Sanctæ Mediolanensis Ecclesiæ Archiepiscopus* ibi appellatur, quum tamen vetusta quæque monumenta *Ardericum* nuncupent. *Sigifredus Parmensis Episcopus* Anno eodem 945. si Luitprando in Chron. lib. 5. cap. 9. Sigonio de Regno Ital. lib. 6. & Vghello in Ital. Sac. in Catal. Parm. Episc. fidem habemus ab Italiâ aberat, & Constantinopolim iussu Hingonis Regis se contulerat. *Ioannes quoque Massanensis Episcopus* subscriptus legitur. At Massæ Episcopus tum temporis non *Massanensis*, sed *Populoniæ Episcopus* appellabatur, vt Vghellus tom. 3. Ital. Sac. in horum Episcoporum serie eruditè animaduertit. Deinde non *Massanensis*, sed *Massensis* scribendum fuit. Tandem Episcopum istum Mediolanensi Metropoli subiectum minimè tunc fuisse extra dubitationis aleam positum est. Quod verò eidem Synodo interfuisse legitur *Bado Curienfis Episcopus*, licet Curiam Urbem in Rhetiâ sitam olim Mediolanensi Ecclesiæ subiectam fuisse fatear, eâ tamen tempestate vix crediderim paruisse, quum inter illos decem & octo Episcopos, qui, vt ex Beroldo, & ex Ambrosianæ Basilicæ picto, &

vetusto opere mihi cap. 1. memorato obseruauī, Curiensi Episcopo locus non esset. *Lotharius* item *Marianensis Episcopus* subscripsit. Hic Episcopatus in Corsicā situs, & Mediolanensi Episcopo nequaquam parebat. Postremò subscriptos ibidem legimus *Sigifredum Parmensem*, & *Vuidonem Mutinensem Episcopos*, quos ante illa tempora à Mediolanensi Metropoli seiuñctos Rauennati obtemperasse adeò certum, vt nil certius. Idem fortasse de *Bosone Placentino Episcopo* dici potest. Atque hæc opinor, ea sunt, quæ Puricellum monuere, ne inter Ambrosianæ Basilicæ Monumenta præclarissimum istud (si verum foret) documentum referret. Alia quædam adferre possem, quæ omnia, vt sincerè loquar in eam mentem me impulere, vt in Apocryphorum censum Diploma illud conijcerem. Tu accuratius inquires; mihi indicasse, leuique, vt aiunt, brachio rem tetigisse sic satis. Aliud quoque documentum hac in re prætereundum non est, videlicet Dedicatio Ecclesiæ S. Sepulcri in Vrbe Mediolanensi ab Anselmo Archiepiscopo Anno Dom. 1100. peracta, publicisque tabulis consignata, quas inspexi in MS. Codice Francisci Castelli, & olim protulit Puricellus in Monum. Basil. Ambr. num. 289. & post eum Vghellus tom. 4. Ital. Sac. pag. 170. Præter *Anselmum* laudatum, *Grosulanum* Sauonensem Episcopum, Clerum Nouariensem, ac Vercellensem, aliosque plures Abbates, & Presbyteros, subscriptus ibidem legitur *Gulielmus Episcopus Ticinensis Ecclesiæ*. Inquit autem Anselmus: *Adunato Clericorum, Populorumque conuentu, communi consilio omnium, ac frequenti hortatu, sancitum est à nobis &c.* Igitur non immerito hinc licet colligere, ita ab Antistitis Mediolanensis imperio solutum non fuisse Ticinensem, vt ad eius nutum Mediolanum accedere non deberet. Curenim id officij ab isto præstitum fuisset, nisi etiam tunc aliqua in Ticinensem Cathedram iura Archiepiscopus seruasset? Verùm sedulò perpendas velim, num hocce monumentum à suspitione falsi omninò absit. Archiepiscopus ita subscribit: *Ego Anselmus quartus Dei gratiâ Archiepiscopus firmani, & subscripsi*. Equidem huiusmodi subscriptionem à consuetudine abhorre certissimum reor, æquis enim vnquam Episcopos animaduertit eā formulā *secundus, tertius, quartus &c.* vsos, vt se ab alijs nominis sui Episcopis distinguerent? Hinc videas in alio Anselmi huius diplomate, quod profert Puricellus cap. 9. num. 8. Disi. Nazar. hanc subscriptionem: *Ego Anselmus Dei gratiâ Archiepiscopus &c.* sequitur deinde subscriptio *Grosulani Episcopi*, qui post Anselmi mortem simoniacè electus Mediolanensem sedem inuasit. Illi verò non *Grosulanus* (quo nomine à vulgo appellabatur) sed *Chrysolaus* nomen fuit, quemadmodum vetusta documenta, & in primis Epigraphæ eius tumulo imposita, & à Baronio relata, fatentur. Tandem cur post longam Presbyterorum, ac Abbatum seriem Ticinensis Episcopus subscripsit? Nonne post Archiepiscopum, quod poscebat ordo, illi subscribendum fuit? Alia omitto vnum pro coronide allaturus. Exploratum habemus Anselmum laudatum coactâ Mediolanensium militum manu

ad

ad sacrum bellum in Syriam traiecit; Hoc autem Puricelli testimonio Anno Ch. contigit 1099. Ut igitur huiusce diplomatis fidem hic Auctor tueatur, Anselmum reditum Anno 1100. ex Oriente in patriam excogitare cogitur, exiguoque dein tempore interposito iterum ad sacram expeditionem profectum eundem esse Archiepiscopum, quum hæc habeat Landulphus à S. Paulo vetustissimus Scriptor, & MS. in Ambr. Biblioth. *Archiepiscopus verò ille de Buis* (scilicet Anselmus) *à Turcis & Saracenis fugatus in grani luctu Constantinopoli expiravit.* Sed coniecturæ Puricelli quis umquam acquiescat? Non paucorum dierum iter illud erat, ut tam facile è Syriâ in Italiam, rursusque ex Italiâ in Syriam Anselmus migrare posset. Quin Landulphus memoratus vnam tantum Archiepiscopi expeditionem refert, multaque addit, quæ numquam illum post primum iter in patriam rediisse luculenter suadeant. Pluribus parco, ut Lectorem hac in re tu firmitus erudias. Pergamus ad reliqua. Tria post Benedicti litem secula quæsitum sibi ius Papienses nemine interpellante tenuere. Ac Heriberti Archiepiscopi Mediolanensis tempore antiquæ dignitatis memoria in nostris iterum est excitata. Rem Gualuaneus Flamma his verbis describit in Chronico Maiori cap. 746. *Imperator Conradus Gibelinus Mediolanum rediit, & conuocatis vniuersis Archiepiscopis, Episcopis, & Baronibus Concilium in Rhoncalijs conuocauit pro sui Imperij stabilimento. Leges iustas edidit, & toti Orbi pacem indixit. Ipsi Concilio interfuit Eusebius Episcopus Papiensis portans ante Crucem. Contrà quem Archiepiscopus Heribertus insurrexit redarguens eum, quod propriâ temeritate Crucem deferret. Et dicit Cronica Datij, quod Crucem antepedes Archiepiscopi deposuit, ubi erat multum de crystallo. Istam Crucem Archiepiscopus in Sacristiâ Ecclesiæ Hyemalis deposuit ad perpetuam rei memoriam, quod nullus Episcopus Papiensis Crucem ante se deferri faceret.* Hic vides sub nomine Datij Landulphum appellari, cuius Chronicon, ut supra significauimus, elaboratum seculo Ch. v. decimo fuit, & MS. in Ambrosianâ quoque Bibliothecâ seruatur. Itaque huius verba in medium proferre non abs re videtur. Inquit is lib. 2. Hic. *Eâ tempestate Eusebius Papiensis Episcopus Crucem tamquam Metropolitanus ante portari faciens, summo superbia fastu elatus, Mediolanensis Præfatus culmini coequari anhelans, serò & ipse ad colloquium venit. Ut autem hunc Dominus Heribertus eminens vidit, tactus dolore cordis intrinsecus diu inter se tacitè suspirans, mirantibus vniuersis, voce clarâ ex medio inquit.* Tum Heriberto sermonem affingit Schismaticus Landulphus irarum plenum, & in ipsam Romanam Ecclesiam non leuiter contumeliosum, quâ in ille antiquo suo iure Mediolanensis Cathedra expoliata fuisset, ideoque illum sciens prætereo. Dein addit hæc Heriberti verba: *Vnde dolores magni, & duplicati cordi inherent meo sanctam deuotionem B. Inuentij, & Crespini, nec non & reuerentissimi Epiphany sedulè cognoscens, quam in nostram Ecclesiam deuotè ut matrem impenderunt. Qui, cum eadem Ecclesia Imperatorum, & tyrannorum sanisid olim Pa-*

fore

*rore viduata, Dei adiutorio quandoque sustentata floruisse, ipsam benignis admonitionibus, & consecrationibus refouerunt, huius Sanctæ Ecclesiæ Primiceriatum, & omnium nostrorum Episcoporum præminentia prærogatiuam habentes. Præsertim verò quanti amoris, quantæque diligenter: a S. Confessori nostro Ambrosio eorum Ecclesiæ fuerit, patet, nam quamuis corporis molestiâ gramaretur, inibi Sacerdotem in Episcopum, in unum propriâ ordinare curauit. Quo audito, animis omnium circumstantium magis atque magis exardescensibus, qui multa sæua, ac aspera prælia ob B. Ambrosij amorem eade datâ immensâ, ac à Deo datâ victoriâ sustinuerant, Crux, quam Eusebius sibi anteferri fastu superbia permittebat, ab ipso summâ humilitate, ac deuotione debitâ coram omni multitudine refutata est. Quæ usque hodie plurimum crystalli habens in S. Mariæ Secretario in testimonium posterorum decenter custoditur. Quo Anno hæc gesta fuerint prorsus incertum est mihi. Gualtaneus quidem ad Conradi Imperatoris tempora rem refert, sed Landulphum ab illo diligenter non fuisse consultum suspicor; inquit enim isto: Heribertus summâ Henrici Imperatoris ductus amicitia in Rhoncali ob Regni stabilitamentum multis cum Ducibus, & Episcopis tempore competentî colloquium decenter construxit. Tum ea, quæ superius retulimus, addit. Quamobrem sub Henrico potius Imperatore Sancto, hoc est ante Annum Chr. 1024. hoc accidisse autumarem. Ceterum miror Eusebium istum Ticinensem Episcopum in Ecclesiæ eiusdem tabulis haudquaquam apparere, neque de illo verbum quidem penes Vghelium. Quum tamen nullâ hîc suspitione laborare queat Landulphi fides, qui eodem seculo scripsit, inter Vbertum, & Guidonem Secundum Papiensem Episcopos Eusebius iste numerandus esse mihi videtur. Quid verò causæ fuerit, cur à Metropoli Mediolanensis iurisdictione Ticinenses euaserint, & quomodo id factum, tibi viro præclarâ eruditione, & doctrinâ, inquirendum prorsus referuo. Accipe in præsentia, quæ habet Anonymi cuiusdam liber in Ambrosianâ Bibliothecâ MS., vbi Mediolanensium Episcoporum iura recensentur. Ita is loquitur: Quo ad Papiensem sedente Benedicte quadragésimo sexto Mediolanensi Archiepiscopo, qui sedis Annos 47. & decessit de Anno 735. Non. Mart., habuit litterem longam in Curia Romanâ cum Domino Episcopo Papiensi; Sed tandem Mediolanum succubuit, quia plures Episcopi Papienses à Pontifice Maximo fuisse consecrati, ac insigniti Pallio, & Cruce. Arbitror quod hoc euenerit propter Regalem Gothorum, seu Longobardorum Sedem, quæ longo tempore vixit in ipsâ Cinitate Papiæ. Tamen in Chronicâ, quæ Datisij dicitur, legitur quod Heribertus Archiepiscopus Mediolani septuagesimus secundus, qui sedis Annos 26. & decessit An. Dom. 1045., maximo cum honore deponere fecit Crucem præfato Papiensi Episcopo, quam ipsemet consignauit S. Heriberto, eamque ad futuram rei memoriam in Secretarium Ecclesiæ Mediolanensis reposuit. Quidquid sit, iste Papiensis habet Crucem, & Pallium, & Crux huiusmodi in Secretario Me-
diola-*

diolanensi non reperitur. Vt vides, Gothorum, ac Longobardorum in Vrbe Ticinensi diuturna commoratio tantam Episcopis illis peperit dignitatem. Hæc sanè omnium potissima ratio est, cur à Mediolanensi Metropoli Ticinenses abscesserint, illamque etiam accuratissimus vir Carolus à Basili Petri in libello de Metrop. Mediol. num. 15. scriptis consignauit. Aliam itidem causam Gualuaneus Flamma refert in Manipulo Florum cap. 109., qui liber in Ambrosianâ Bibliothecâ MS. extat. De Benedicto Archiepiscopo agens: Epistolam, inquit, ad Papam scripsit, quod de consecratione Episcopi Papiensis sui Suffraganei se non intromitteret. Tamen Archiepiscopus Mediolanensis succubuit, eò quod plures Episcopi Papienses non inueniebant Archiepiscopum Mediolani in sua Sede existere, sed in lanuensi Ciuitate propter metum Longobardorum residere, & ideo ad Papam quasi furtiue conuolabant. Quibus verò rationibus ius nouum tueantur Papienses, & quam faciliè eorundem argumenta refelli queant, altiùs inquirere nolo. Munus hoc tu felicis implebis, spero enim fore vt è penu tuo vberissimo meis longè præstantiora depromas. Atque hæc sunt, quæ in præsentiarum, eruditissime vir, pro tantæ Metropolis Maiestate proferenda duxi, vt laboris communione consilia tua ad illius amplitudinem præsidiumque collata meliùs procederent. Hinc laudem, hinc nomen, mihi non quæro, sed tantùm vt obseruantia erga te meæ, studioque in hanc præstantissimam Ecclesiam, meo aliquà satisfiat ex parte. Et quamquam hoc meo conatu infirmum fortassis tantæ causæ patrocinium præstiterim, me tamen non pudebit signis tuis præcurrisse, quæ certissimæ interim victoriæ spem nobis faciunt. Leuioris armaturæ militem despexerint, vt lubet, Ticinenses; certè Triarium, fortissimumque militem, qualem te egregia eruditio tua facit, ij sentient, ac formidabunt. Ergo nunc Spartam, quam nactus es, ornare, & egregium consilium tuum ad exitum strenuè perducere perge, ab inuidiâ securus, victoriæ famæque certus; verè quippe canit Homerus:

Εἰς ὁλοῦς ἀπὸς ἀμύνειν πρὶ πατρί.

Vnum auspiciū optimū est pugnare pro patriâ.

F I N I S.



Accentus, Diphthongos, & Græca quædam vitiata omitto,
reliqua errata sic restituantur.

Pag. 10. lin. 27. *serunt*. 25. l. pen. *Diff. XIX.* 39. l. 18. *sui* 41. l. 34.
adde: *rogantem ipsos*. 42. l. 31. *albo*. 43. l. 15. *effingebatur*. 44. l. 21.
22. à *culmine*. 63. l. vlt. emendari posset: *tuguri fortassis aperti*. 64.
l. 34. tollatur tota. 65. l. 7. restitui posset verius: *Ignoto quadrupes pro
limine constitit hospes*. l. 10. *huc*. 68. l. 23. *Apronianus*. 74. l. pen.
Hexametris. 76. l. 36. *putamus*. 78. l. 23. *Itaque scribe annuis*. 86.
l. 14. *Tecla*. 25. *fuere*. 89. hn. 18. *ephebis*. 91. l. 23. *Vasconia*. 93.
l. 31. *Presbyteri*. 95. l. 5. *Vile*. 98. l. 22. *vicina*. l. 35. *sine*. 123.
l. 28. *Numâ*. 129. l. 3. adde: *ait*. 130. l. pen. *quærunt*. 136. l. 10.
nonum. 153. l. 16. *generis*. 155. l. 37. *sacerdotalem*. 156. l. 4. adde:
tributum. 158. l. 21. *Calaguris*. 166. l. 27. *elucubrauit Paulinus*. 178.
l. 20. pro *Caluinista lege Tigurinus*. 181. l. antepen. pro *Caluinista lege
Tigurinus*. 189. l. pen. *calumniam*. 191. l. 24. *iugulat*. 199. l. 6. *le-
gendus in Heortol*. 200. l. pen. *relatos*. 204. l. 24. *protoquentem* 239.
l. 3. &

Quodlibet erratum sum retractare paratus;
Quod tibi nec, Sapiens, nec tibi, Roma, placet:



INDEX RERVM.

A.
A Litera tribus virgis con-
 texta Triadis mysterium
 signat. **248. 45**
Abella Vrbs Campaniæ. **106.**
 laudatur à Paulino. lb. Sancti
 cuiusdam sepulcrum ibi. **106.** lau-
 datur à Paulino. **110**
Adonis in Vulcanibus malè habi-
 tus. **132 & 133.** Quid significa-
 ret. **133**
Agaporum usus penes antiquos
 Christianos. **62**
Edes S. Ioannis ad Fontes Medio-
 lani. **174**
Ediles Curules apud Romanos. **162**
Editui sunt Ostiarii, quorum ordo
 antiquissimus in Ecclesiâ. **34**
Egyptiorum Dij innumeri. **11**
 Ipsorum numen proprium Iu-
 piter Ammon. **8**
 Eorum Superstitio in sacris Isia-
 cis. **13. & seq.**
Emilius Ep. Benen. **153.** adest nup-
 tijs Iuliani, & Ie. **154.** Quando
 obierit. **155.** An parens is fuerit.
 Fortassis frater Memoris Episcopi
 fuit. **ibid.**
 Quo anno is Legatus Constanti-
 nopolim. **153**
Enigma vetus, In triclinio Coa,
 in cubiculo nola explanatum. **18**
Ether Elementum apud antiquos.
106. Ionis nomine figuratus. lb.
 Ignis non censebatur. **107. 108**
Alaricus quo tempore Roman-
 euerit. **4**
Albina Rufij Ceionij Albini filia.
145. Nurus **McLania** senioris.
146. Eius peregrinatio, ac pietas.

lb. **Albina**, non **Albinus**, di-
 cta. **147**
Alfia, seu **Appia** soror **Philemo-**
nis. **62. & 75**
Altaria antiquitus Martyrum reli-
 quijs munita. **30**
Altaria antiquitus velo clausa. **46**
Altaria Crucibus antiquo more or-
 nabantur. **46**
Altaria prioribus Ecclesiâ tempo-
 ribus plura erant in templis, non
 unum tantum. **31**
Ambrosij Mediolani Pastoris lan-
 des. **17**
 Eiusdem Legatio ad Maximum
 Tyrannum. **176.** Quo tempore is
 Oratione de Basilicis recitavit. lb.
 Quando ab Imperatrice Iustina
 vexatus miraculo eius furorem
 repressit. **26**
 Idem S. Gernasij, & Protasij
 Martyrum repertor. **26**
Amen. Huius vocis usus in primi-
 tiuâ Ecclesiâ quavis fuerit. **4**
Ammon Iupiter proprium apud
 Egyptios numen. **8**
Anastasius Tic. Ep. inter Suffraga-
 neos **Mediolanensis** Metrop. sub-
 scribit. **228**
Andreas Patris martyrium con-
 summauit. **5**
 Idem apud Patras Achaia tu-
 mulatus. **8**
 Illius, & **Timothei** corporum
 translatio in Vrbem Constantino-
 politanam. **27**
 Ipsius reliquie una cum **Luca** ossi-
 bus Constantiopolim de Achaia
 translatae. **8**
Anselmus Archiep. Med. 244. quan-
 do

- ad in Orientem transmissit. [245](#)
 Antonius vir ignotus, ad quem scribit Paulinus. [114](#)
 Anubis caput caninum gerens. [130](#)
 Apis, celebre numen apud Aegyptios bouis specie. [8](#)
 Apollo Pythius oraculo clarus. [11](#)
 Aquaductus Nolanus à Paulino instructus. [105. 106. &c.](#)
 Aquileia olim Metropoli Mediolanensi paruit. [224](#)
 Aquileiensis Synodus quando coacta. [226](#)
 Aquitania olim à Gallijs distincta. [157. & seq.](#)
 S. Arialdi mors quo anno contigerit. [238](#)
 Aristotelis opinio de Elementis, ac Æthere proposita. [208](#)
 Asterius ab Astro denominatus. [86](#)
 Fuit Turcij Aproniani filius. [143](#). Christo ab ineunte ætate dicatus. *ibid.* Asterij varij. [144](#)
 Atys puer à Cybele adamatus. [125](#).
 Illam spernit, atque iccirco virilibus priuatur. [126](#)
 S. Augustinus natus A. Ch. 354. [172](#).
 A. 387. Baptismum suscepit. [172](#).
 173. quando in Africam redierit. [173](#). tempus, quo mortuus est. [174](#).
 Quà in Basilicâ baptizatus. [174](#).
 Eius sermo examini subiectus. [213](#). eiusdem fama, ac sanctitas. [146](#). quando Ep. 250. ad Paulinum scripserit. [152](#)
 Auita Aproniani coniux. [144](#). mulier sancta. *ib.* Eius peregrinatio. [1b.](#)
 Aurum in sacris adibus antiquitus usurpatum. [179](#)
 Ausony familiaritas, & Paulini in Proleg.
 Ausonius Paulino amicissimus. [114](#)

B.

- Baptismus S. Augustini, eiusque annus statuuntur. [172](#)
 Baptisterium unum olim in Urbibus. [175](#)
 Barba quo tempore à Romanis primum posita. [160](#). à Paulino ante Felicis tumulum secta. [89](#). Illam benedicere, cum tondebatur, mos penes Christianos antiquus. [89](#).
 Eam tondere, & Deo alicui, aut Penatibus dicare. [89](#)
 Basilica Baptisteryj una fuit Mediolani. [175](#). Basilica Portiana Mediolani non fuit Cathedralis. *Ibid.*
 Basilica à Paulino condita Nolan. [168](#)
 Beati ante extremum Iudicium visione Dei potiuntur. [103](#). quæ sit hac de re Paulini sententia. *Ibid.*
 S. Benedictus Mediol. Arch. eius sum in Ticinensem tuetur. [229](#). causâ cadit. [230](#). eiusdem rationes. *ib.*
 & Oratio in Synodo Romanâ. [232](#).
 Cuius ille non est Auctor. [240](#)
 Benuentus Auctor MS. [242](#)
 Boethia, seu Achaia sepulcrum Luca. [8](#)
 Burdigala, clarissima ciuitas Aquitania, Paulini patria. [90](#)
 Cælum inter Elementa recensetur. V. diss. [20. 204](#). Idem est ac Æther. [206. & seq.](#)
 Calorum numerus. [135](#). octo tantum à Poetis recensentur. [136](#)
 Calamina ciuitas India, ubi Thomas martyrium passus. [7](#)
 Calix in Aquaductibus. [107](#)
 Campani antiquitus Osci appellati. [18](#)
 Campania Consularis omnium praestantissimus. [160](#)
 Cancelli ad Sanctorum tumulos. [98](#)
 Can-

Candelabra in Sacris adibus. 11. 180
Candela quomodo antiquitus tum
ab Ethnicis, tum à Christianis
efformarentur. 32
Candelæ sanctis oblatæ. 194
Candidati non poterant accedere ad
Comitia cum tunica. 40. & 41
Canthara cerosstrata. 36
Canthari nomen in ritualibus Am-
brosiana Ecclesiæ perdurat. 36
Canthari species lucerna. 36
Capita & nauia in ludo quid es-
sent. 124
Capua Campania Metropolis. 161
Castitas, & pudicitia Sacerdota-
lis. 23
Cellula in templis quid forent. 186
Cerei etiam interdum in Christianorū
templis accensi. 181. P. diss. 16.
eorum usus ab Ethnicis ad nos
rectè translatus. 1b.
Cereos pingendi mos antiquitus in
Ecclesiâ, qui adhuc durat. 22
Christiani apud Martyres tumulati.
187. Hic usus comprobatur. 188
Christianorum sepulcra in templis
olim fuisse sita. Diss. 17. 185
Christi nomen quomodo à Græcis ef-
formetur. 42. & seq.
Christus Dominus quo anno obie-
rit. 213. Eius potentia, ac divini-
tas commendantur. 138
Chronicon Damasci fallax. 202
Chronicon Datij Landulphum Au-
ctorem habet. 216. Eiusdem exem-
plaria quando scripta. 238
Chronos Saturni nomen. 127
Codices gemini Bibliotheca Metro-
politana examinati. 237
Cameteria Christianorum. 189
Complutum patria uxoris Paulini,
ex coniectura. 90
Coniunctio in secundo consanguini-
satis gradu perpetuò interdi-

cta. 116
Constantinopolis à Constantino se-
cunda, & noua Roma dicta. 27
Constantinopolitanus Episcopus post
Romanum privilegia honoris ob-
tinuit. 28
Constantini cura in veneratione of-
fium Apostolorum. 27
Constantinus, & alij pī imp̃p. leges
contrà Paganos sanxerunt. 22
Consul in Colonia Astigitana. 81.
Barcinonensis. 81
Consulares viri, ac Prouinciæ. 160.
Consularibus ius fascium conce-
sum. 162
Consules in ciuitatibus Imperij præ-
clarissimis. 81
Consules ordinarij, ac honorarij 159.
horum munus. 1b.
Cophinus quid sit. 108
Cosmos dicitur mundus, & qua-
re. 137
Creta Titi Episcopatus, & sepul-
crum. 8
Creta Regnum, sepulcrumque Io-
uis. 9
S. Crispinus Ticinensis Ep. inter Suf-
fraganeos Metrop. Mediol. nume-
ratus. 226
Cruces antiquitus in altaribus col-
locabantur. 46
Cruces corona circumdata pingi so-
lebant. 47
Crucis descriptio. 31
Crucis duplex figura. 210. commi-
sa, & immissa. 211
Crux à Ticinensi Ep. deposita coram
Arch. Mediol. 246
Crux cum candelabris in brachijs. 35
Crux cum cantharulis. 35
Crux in formam antemna. 42
Crux in formam Tau. 42
Crucis varia descriptio. 42. & 46
Cubicula, seu Capella, in sacris
li 1 adi-

- adibus. 186
 Cybele Iouis mater libidini ser-
 uijt. 125
 Cybeleia, dies festi Cybeles. 9
 Cybeles à Cybelo Phrygia monte sic-
 dicta. 9
 Cynici canibus similes. 117. Physicæ
 operam non dabant. 118. Eorum
 vita describitur. 119
 Cynocephalus idem ac Anubis. 130
 Cypriani sanctitas quanta penes La-
 tinos, & Græcos fuerit. 16
 D.
Dæmon Delphicus nato Christo
 obmutuit. 10
 Dæmonum cultus à quibus Imp-
 petrius. 22
 Dagon, Deus venter, apud Philis-
 tæos cultus. 20
 Damianus Tic. Ep. ad Synodum
 Med. conuenit. 229
 Datus Archiep. Med. non est Auc-
 tor Chronicæ MS. 236. an verè
 scripserit Historias, dubitatur. 239
 Decretales Summis Pontificibus
 suppositæ. 241
 Dei summi unitas. 135. eius mira
 clementia. 138. 139
 Delphi antiquitatis Pythus appel-
 lati. 10
 Delphicus Dæmon Christo nato ob-
 mutuit. 10
 Delphinus Burdegalenfis Episcopus
 Paulinum baptizat. 17
 Denarius numerus à Latinis per li-
 teram X. expressus. 42
 Deois quid sit. 120
 Deus venter, qui & Dagon, apud
 Philistæos cultus. 20
 Diabolus sub specie Draconis cul-
 tus. 133. Ad nomen Christi ti-
 met. 134
 Diaconissarum antiquarum vestigia
 remanent in Ambrosiana ritibus
 Ecclesiæ. 55. Quanam essent in
 antiquis Ecclesijs. 55
 Dii Egyptiorum innumeri. 11
 Dii stercorei. 133
 Diogenes Cynicus irridetur. 118
 Diplomata duo suspectæ fidei. 243.
 244.
 Dominadius quid verè significet. 169
 Dominus Legatus Valentiniani.
 sol. 176
 Draco apud Paganos in cultu habi-
 tus. 133
 Dungalus quis fuerit, & quando
 scripserit. In Proleg. & pag. 1.
 eiusd. lapsus. ibid.
 E.
Ecclæsiarum dedicationis mos an-
 tiqus. 30
 Ecclesiæ nomen per unicum c. scrip-
 tum. 134
 Edessa ciuitas, in quam translatus
 Thomas. 7
 Elementa quæ sint ex Paulino. V.
 Diss. 20. pag. 204. Elementum
 quintum. 206
 Elementorum compago. 135
 Ennodius explicatus. 227. testatur
 ipse Ticinenses Metropolitæ Me-
 diolanensi subiectos. ibid.
 Ephesina Diana templum. 10
 Ephesus ciuitas, ubi Iohannes oc-
 cubuit. 5
 S. Epiphanius Tic. Ep. à Mediolanensi
 Metropolitâ consecratur. 227
 Epithalamium Iuliano quando cecit-
 auit Paulinus. 154
 Erasmi dicacitas repulsa. 190
 Ethnicismus quando & quomodo
 confusus. 4
 Euxin quid propriè sit. 193
 Eucalius Ep. Ticin. inter Suffraga-
 neos Archiepiscopi Mediolanen-
 sis numeratus. 226
 Eunomia virgo, Turcij, ac Auitæ
 filia.

filia. 145
Eusebius Mediol. Archiepif. Syno-
dum cogit. 226

Eusebius Ticin. Ep. 245. Crucem
deponit coram Archiep. Med. 246
F.

Facies ex pinu in nuptijs. 85
Fasces Consularium. 162

Felix Nolanus Antistitis nomine di-
guus. 44. Episcopatum renuit. 77.
Damonum fugator. 22. Miraculis
clarus. 50. & 169. Quo tempore
obierit. 170. Aliorum sententia
infirmatur. lb. Martyrio vitam non
consummavit. Sine sanguine mar-
tyr. 77. Quanta eius veneratio,
& ad eum populi frequentia. 63.
Ei Festus dies dicatus. 77. Eius
sepulcrum apertum. 98

Festus dies in honorem Sanctorum an-
tiquitus instituti. 76. eorum
translatio unde prodierit. 198
Fideles Christiani apud Martyres
sepulti. 187

Feminarum Græca nomina in um
desinentia. 147

Foramen, & fenestella in tumultis
Sanctorum. 99

Formæ in Aquaductibus. 108

Fratris uomen inter Episcopos usur-
patum. 166

G.

Galli Cybelis Sacerdotes. 9
Gallia à quinque Provincijs
distincta. 158

Ganymedes raptus à Ioue. 121

Gentiles an solo naturæ lumine bo-
num aliquod patrare dicatur. 81.
Eorum sacra à quibus Imp. ve-
rita. 22

SS. Gervasij ac Protasij inuentio
quo anno contigerit. V. Diss. XV.
171. Ex Augustini Baptismo, & ex
S. Ambrosio verus annus proba-

tur. lb. Eorum corpora ab Am-
brosio reperta. 26. 28

Gothi in Italiâ victi anno 405. 72
Græci Aegyptiorum ritibus infecti.

20. Eorum insania circa articu-
lum de Spiritu Sancto. 16

Grosulanus, seu Chrysolaus Episc.
Saron. 244

Gualuaneus Flamma quis fuerit, &
quandò scripserit. 223. eius dili-
gentia desideratur. 231

H.

Hæreticorum calumnie refel-
luntur. 178. 184. 185

Hærispicina de videtur. 116

Hærispicum vestes, & furor. 19

Hebromagum Paulini patria. 90

Hedera caput redimitum in Diony-
siacis. 23

Hieribertus Arch. Med. 245. Tici-
nensem Ep. castigat. 246

Hierapolis urbs Phrygiæ, ubi Phi-
lippus sepultus. 7

Hierosolyma quo anno à Tito cap-
ta. 213

Honorarius Consulatus qualis es-
set. 159

Honorij Augusti ætas. 73

Horus filius Isis. 13

Humanâ victimâ Iupiter Latiaris
cultus. 128

Hyginus scriptor, Augusti liber-
tus. 131

Hymnus in S. Ambr. malè Paulino
adscriptus. 140

I.

Iuliani uxor. 154

Ianiculum à Iano conditum. 123

Ianus ante Iouem in Sacris innoca-
tus. 122. Quis iste fuerit. Ibid.,
& seq. Duplici figurâ pictus. 123.

Ianus geminus. Ibid.

Idololatriæ intemperantia. 19

Ignis à nonnullis inter Elem. non re-
cen-

cenſetur. 205
 Immunitas Eccleſiarum. 34
 Et quo ſpatio comprehenderetur
 Imperatorum conceſſ. 34
 Inuiſſi agnomen Soli tributum. 129
 In triclinio Coa, in cubiculo nola,
 vetus anigma declaratum. 18
 Ioannes Apoſtolus oraculo Diana
 Ephesine ſilentium impoſuit. 11.
 Ephesi occubuit. 5
 Io. VIII. Papa Ticinenſi Cathedra
 add. ſus. 242
 Ioſeph Patriarcha ab Aegyptiorum
 ſuperſtit: Serapidem conuerſus.
 11.
 Iſiaca Sacra. 130
 Iſidis, & Serapidis ſacerdotes, &
 cultores cum capitibus raiſis. 13
 Iſidorus Auſtor quarundam Decre-
 talium. 241
 Italia ſtriſſe intellecta Med. Metro-
 politæ ſuberat. 223
 Iudaicus populus ingratus Deo. 115
 Iudas, Thaddaeus, & Lebbaeus Sy-
 nonyma. 7
 Iulianus Memoris Episcopi filius. 154.
 Iam ſibi Matrimonio iungit. lbid.
 Quo tempore id actum. lb. & ſeq.
 Inno lous ſoror, & coniux. 119
 Iupiter Ammon proprium apud
 Aegyptios numen. 8. Cretâ pul-
 ſus, Tito Euangelium prædican-
 te. 8. Cretæ Rex, ibique ſepul-
 tus, & ab Ethnicis inter Deos
 relatus. 9
 Iniuſſe ita vocatus. 122. Iupiter
 optime apud antiquos formula. lb.
 Iouis in recto caſu. 125
 In Aquilam conuerſus Ganymedē
 rapit. 121. Eius turpia facta. lb.
 Proſerpinam filiam ſuprat. 120.
 Eius varia adulteria & libido.
 lbid. Eius Metamorphoſes. lb.
 Inſlina Imperatrix liuore plena in

Ambroſium, viſo miraculo cor-
 porum Gernasi, & Protasi ab
 Ambrosio reperorum furorem
 coercuit. 26. 175

L.

L Abara cum monogrammate no-
 minis Chriſti. 42. 43
 Labari forma. 43
 Laſſantius cautè legendus. 184. De-
 fenditur. 183
 Lampades etiam Paulini tempori-
 bus ad laſus altaris ſuspendeban-
 tur. 33. Eadem in ſacris adibus
 interdū accenſe. 181
 Landolphus Auſtor Chronici Dati-
 ni. 236. Eius fides perpenditur.
 238. Schismaticus fuit. 239. &
 Orationem Benediſſo Arch. affi-
 xit. 240
 Latiaris Iupiter, eiſque ſacra hor-
 rendo. 128
 Latium unde dictum. 127
 Lebbaeus, Thaddaeus, & Iudas Sy-
 nonyma. 7
 Lucas apud Patras Achaiae tumu-
 latus. 8. Quandò, & à quo Con-
 ſtantinopolim translatus. 27
 Lucerna in templis Chriſti. 179. 181
 Lucernarum, quæ Italicè Lumiere,
 Mediolani mirâ arte elaborantur,
 deſcriptio. 33
 Luci antiquitùs ſuperſtitione me-
 morabiles. 20
 Ludus puerorum teſtis vetuſta-
 tis. 124

M.

M Acedi ſcriptoris Cl. ſententia
 de Albino. 147
 Manlia Dadalia ubi ſepulta. 188
 Marcus Alexandria paſtor ibidem
 martyrium, & ſepulcrum ſorti-
 tus. 8
 Martinus Episcopus quo tempore in
 Gallia floruerit, & obierit. 17

Mar-

Martyr Gracè, latine testis. 76
Martyria SS. sedulo à Christianis ad-
notata. 196
Martyrologia quare instituta. 197.
Martyrologij Romani fides. 203
Martyres nostris cereis non indi-
gent. 183
Martyres Pricæ passî. 17
Martyris nomen in primitiâ Eccle-
siâ etiam ijs tribuebatur, qui tor-
mentis supersites erant. 24
Martyrum coetus innumeri vel in
vnâ Vrbe. 73. *Eorum corpora,*
vel ossa altaribus quibusque olim
subesse solebant. 30. *Illorum Na-*
tales quid sint. 195
Materia subtilis Cartesij. 209
Matthai evangelizatio, & obi-
tus. 6. *Eius ossa in ciuitatem*
Naddauerem Parthiæ transla-
ta. 6. *Euangelium hebraica lin-*
gua conscripsit. 1b.
Maximus Tyrannus quando subla-
tus è uiuis. 173
Medici medicina contrarij. 60
Medicina, & medicamentorum in-
certitudo, & contrâ illam, & hac
querimonia. 60
Medicus, & medicina vera quæ
sit. 60
Mediolanum Vrbs præclarissima. 227
Mediolanensis Urbis magnificentia.
 234.
Mediolanensis Metropolis amplitu-
do qualis olim fuerit. 223. *Eius*
Suffraganei. 225. *Ticinensem Ep.*
subiectum habuit. Vide Append.
S. Melania Albina filia, Melania
senioris neptis. 152. *Eius res ge-*
stæ. 1b. *quando eius pater obierit.*
Ibid. Melanium quoque appella-
ta. 153
Melania senior sâmina illustris. 146.
 152.

Memor Episcopus Iuliani Pater. 154.
interest nuptijs eiusd. ac lae. 155.
fortassis Emily Benen. Epif. fra-
ter fuit. Ibid.
Metropolis Mediolanensis olim am-
plissima. 223. *Eius Suffrag.* 225
Metropolita omnes Suffraganeos
suos olim consecrabant. 226. *ad*
Synodum conuocare, & cogere
possunt. Ibid.
Michael Pixolpassus quando scrip-
serit. 231
Milium pro milliari, seu mille pas-
sibus. 109
Mithra solis nomen. 129. *Mithra*
Sacra. Ibid.
S. Monica quo anno obierit. 173
Monogramma compendium nominis
Christi in Labaris antiquis, & quâ
formâ. 42. & 45
Mundus cur ita dictus. 137
 N.

Naddauer ciuitas in Parthiâ
sita, quò Matthai ossa trans-
lata. 6
Natales Martyrum quid sint. 78.
 163. 196. *Natales Episcoporum.*
 165.
Natales Paulini quot sint, & quan-
dò scripti. in Proleg.
Natiuitatis suæ diei maledicere an
liceat. 79
Nauia quid sint. 124
Nemora apud antiquos superstitio-
nibus memorabilia. 20
Nola prostibulum Veneris habuit. 18.
Sacris S. Felicis adibus aquam
negat. 109. *Abella est mater.* 111.
dulciter à Paulino arguitur. Ibid.
Nolana basilica quibus Reliquijs
sanciorum decorata. 29
Nolana lasciuia in prouerbio
translata. 18
Nucceria in Umbria. 18

Nuceria in Picentibus, quæ est Pa-
ganorum. 38

Nummi in honorem Iani. 123. ro-
strum & caput insculptum ha-
bebant. 124

O.

Oblationes votivæ in pauperum
subsidiũ antiquitatis confere-
bantur. 62. Earum apud Chri-
stianos diuersitas. 199. in hono-
rem Sanctorum facta. 191

Oleum ad sepulcra Sanctorum ferri
solum miraculis illustre. 100

Omega tribus virgis compositum
Triadis mysterium signat. 45

Oraculum Delphicum. 10

Orgia à Phrygiis cur culta. 2. Per
vindemiatores Paulini tempore
celebrata detestabili abusu. 18

Ornamenta in Christianorum tem-
plis. 178

Osci, quasi obsceni olim dicti. 18

Oscula quando apud antiquos Chri-
stianos visitata in ianuis Eccle-
siarum. 56

Ostis filius, non coniux Iſidis. 13

Ostiaratus primus Clericatus gra-
dus tempore Paulini. 34

Illorum antiquum ministerium
in Ecclesijs notum cubandi, & vi-
gilias ducendi. 35

P.

Pagani dementes. 115. Eorum
superstitiones. Vide Poema ult.
Nomen unde haustum. 138. Eorum
cultus à Constantino, & alijs p̃ys
Imp̃. vetiti. 22

Paganorum Nuceria. 38

Pallium quando conferri cepit.

242.

Paradisi gloria iussis promissa. 139

Parthia locus martyrii Matthæi. 6

Patra, urbs Achaia, ubi Andreas
martyrio coronatus. 5

Patris nomen Episcopis commune. 166

S. Paulinus vir eloquentissimus. In
Proleg. Quot Natales cecinerit.

Ibid. Eius vita. Ibid. A Sacchi-
no luculenter scripta. 157. No-
bilissimus fuit. Ibid. Natus in

Gallia. 88. & 158. Senatorum al-
bo adscriptus, Consulatum etiam
gessit, & quidem Ordinarium. 159.

Anno Ch. 378. id muneri ei con-
tigit. 161. Campania Consularis
fuit. 160. Non fuit Praef. Urbi.

161. Eius peregrinatio. 163. Nup-
tias cum Therasia contraxit. 92.

& 163. Fratrem habuit. Ibid. No-
lam se recepit. 164. Quo tempore
Episcopatum suscepit. 165. Edi-
ficia per eum Nolæ excitata. 167.

Aqueductum, Basilicas plures
condidit. 168. In Paganos scribit,
& quando. 113. Non est Auctor

Hymni in S. Ambr. 140. Eius ope-
ra deperdita. 212. censura in il-
lum lepidæ. 214

Paulus Apostolus oratione suâ Py-
rthonis expulso. 11

Pauperes ex redditibus Ecclesiarum
nutriri solebant. 55

Paupertas scala Cali. 95

Persis in Parthiâ collocatur. 7

Personæ insignes utriusque sexus,
quibus Paulinus carmen Natalis
Decimiterij recitavit. 68

Personæ triplicis generis in veteri-
bus Ecclesijs precentes. Senes,
inopes, & canæ matres. 55

Petrus, & Paulus Apostoli cur à
Deo Romæ destinati. 4

Pballus, & Virilia penes antiquos
Synonyma. 20

Pharocanthara quid sint. 36

Philippus Apostolus Hierapoli Phry-
giæ sepultus. 7

Philistai Dagonis cultores. 19

Phi-

Phi-

Philosophi Gentiles vaniloqui. 116
Physici Philosophi. 118
Pinea tæda in nuptijs usitata apud antiquos. 85
*Pinianus Paulini filius spiritua-
 lis.* 85
*Idem vir illustris quo tempore
 vixerit.* 80. 81. *E Valeriâ gente
 prodijt.* 149. *Seueri filius.* Ibid.
Non fuit Præf. Vrbi. 150. *Quo
 tempore Melania nupsit.* Ibid.
*Quot annis matrimonio operam
 dederit.* 151. *Eius pietas, & no-
 men germanum.* Ibid.
Pini morbus Thæda. 85. V. 251
Pinus arbor semper virescens. 84. 85.
In tutelâ Cybeles. 10
*Plato incertam doctrinam vendi-
 dit.* 117. *Eius liber de animâ nil
 certi continet.* Ibid.
Platonici Philosophi. 117
Paniteo apud veteres Latinos. 111
S. Polycarpi Martyrium. 126
S. Possidius Calamensis Ep. 152. *quo
 tempore in Italiam nauigauit.* ib.
 & 154.
*Prætura Urbana biennio Consula-
 tum præcedebat.* 162
*S. Priscus Nuceria Paganorum tu-
 telaris, & martyr.* 38
*Proserpina à Ioue patre corrup-
 ta.* 120
Προσων quid propriè sit. 193
*Prouincia Consulares, ac Procon-
 sulares.* 160
*SS. Protasij, ac Gernasij corpora à
 S. Ambrosio reperta.* 16. 171. *quo
 anno id actum.* Vide Diss. XV. ib.
*Pueri vocabulum quomodo debeat
 intelligi in sensu Paulini.* 80
*Puerorum, ac puellarum Virginita-
 tem Deo dicare mos antiquus
 Christianorum.* 86
Puluis è Sanctorum tumulis aspor-

tatus. 101
*Pythium in se habere quid significa-
 ret.* 11
Pythius Apollo clarus oraculo. 11
*Pythus pro Delphis, vel Delphorum
 incolis.* 10

Q.
*Quadragesima tempus Sancto-
 rum Fæsta olim non patieba-
 tur.* 128
Querimonia in medicos. 60
*Quinque Prouincia olim à Galliâ
 distincta.* 158

R.
*Radagaisus Gothorum Rex Ita-
 liam terruit anno 405.* 72. *Cum
 suo exercitu profligatus.* 68. 72.
 & 73.

*Rectores prouinciarum Populi Ro-
 mani quâ potestate pollerent.* 91
*Reliquia Sanctorum à Deo destinata
 pro custodia Prouinciarum, &
 Cinitatum.* 3. *In lœticijs olim col-
 locabantur, quandò transfere-
 bantur.* 28. *Quandò transferri cœ-
 perint.* 129. *Propugnacula, &
 turres Regnorum.* 27

*Remigij Rhemensis Episcopi sancti-
 tatis, continentia, ac atatis te-
 stimonium.* 86

Riculphus Moguntinus Episcopus.
 241.

*Roma quo tempore ab Alarico euer-
 sa.* 4

*Romani Imperij quæ olim latitu-
 do.* 136

*Romani Pontifices Beati quo die co-
 lantur.* 126

*Romani primam barbam quo tem-
 pore tonderent.* 160

Rufius Volusianus quis fuerit. 145

S.
*Acerdotes Isidis, & Serapidis
 rasa capita gestabant.* 13

K k

S a.

Sacerdotis nomen solis Episcopis olim tribuebatur. 102
 Sacerdotium semper pudicum. 93
 Sacra Ethnicorum risum mouent. 127. Quam sint turpia. 133
 Sancti plerumque us diebus, quibus obire mortem, culti. 196.
 & sequi. Aliquorum sententia refellitur. V. Diss. XIX. pag. 195. Eorum antiqua veneratio. 25
 Saturni fabulosa narratio. 127. sem-
 pus significat. Ibid. Latio nomen dedit. 128
 S. Satyrus ab Ambrosio Fratre se-
 pulsus. 188
 Scyphus vas sacrum, ad quem usum. 36.
 Semiviri Cybeles Sacerdotes. 126
 Sepulcra Christianorum in aedibus
lucris sita. Vide Diss. 17. pag. 185
 Serapis in locum Iosephi Patriar-
 cha ab Aegyptiorum superstitione
 conuersus. 11. Eius templum,
 quando dirutum. 12. Laceratus
 a Paganis. 131. Eius Metamor-
 phoses. Ibid.
 Seueri plures. 149. ex eis quidam
 Consulatu auctus. Ibid. quidam
 Praef. Vrbs fuit. 151
 Sigma, & eius figura. 42
 Simulacra falsorum numinum male
 ab ipsis Paganis habita. 116
 Sistra in Isiacis Sacris. 130
 S. Sixtus Papa quo die obierit. 201
 Sol Inuictus Mithra. 129
 Soli vestes suspensae. 132
 Spelaea, in quibus Mithra Sacra
 peragebantur. 129
 Sphera ignis commentitia. 205
 Spiritus Sanctus ex Patre, Filioque
 procedere probatur. 15
 Stercora in sacris Paganorum. 133
 Substantia aetherea Fluddi. 209
 Suffraganei Eccl. Mediol. qui fue-

rint. 243
 Sumen quid sit. 62
 Syagrii familia Consularis. 143. 150
 Synodus Aquileiensis quando cele-
 brata. 226. Mediolanensis sub Eu-
 sebio. Ibid. sub Mansuetio. 228.
 sub Arderico ficta. 243
 T.

Tabella votina in sacris adi-
 bus. 194

Tau litera Crucis figura. 211
 Templi Ephesini magnificentia. 10
 Templorum ornamenta apud Chri-
 stianos. 178. Varia, ac opulenta.
 179. & seq.

Thaddei sepulcrum varijs opinionibus
 controuersum. 7

Thaddaeus, Lebbaeus, & Iudas Sy-
 nonyma. 7

Theodorus Arch. Med. non est Au-
 thor libri cuiusdam. 239

Theologia Ethnicorum male per al-
 legorias explicata. 126

Therastia S. Paulini coniux. 90. 148.

Eius patria. Ibid. castitatis im-
 pulsus in tori separationem con-
 sentit. 93. Eius pietas mirabilis.
 148.

Thomas in India martyrio corona-
 tus. 7. eius ossa Edessam trans-
 lata. Ibid.

Ticinensis Episcopus consecratus à
 S. Ambrosio. 225. ad Synodum
 Mediolanensem conuenit. 226.

quando Pallium consequutus. 242

Ticinensis Eccl. cur à Mediol. Me-
 tropoli annulla. 246. 247

Illam uni Romano Pontifici su-
 biectam semper fuisse qui cre-
 dant. 222. Mediolanensi Metro-
 politae paruit. 224. Probatur ex
 Prouinciali Romano. Ibid. ex
 consecrationibus, & Synodis.
 Vide disceptationem XXI.

Tici-

Ticinum ante Gothos, ac Longobardos angustum Oppidum fuit. 227
Timothei, & *Andreae* corporum translatio Constantinopolim. 27
Tito Cretæ Evangelium prædicante, Jupiter illinc pulsus. 8. Is Cretæ Episcopus, ubi sepultus. 8
 Translatio sacrarum reliquiarum quando cæperit. 199
Tropæum, & trophæum promiscuè visitatum. 46
Tumuli Sanctorum argenteis laminis circumdati. 99
Tunica vulgaris penes antiquos Romanos descriptio. 40
Turcius Apronianus. 141. Eius nobilitas. *Ibid.* Senator fuit. 142.
Amicus fuit *Rufini Aquileiensis*. *Ibid.*
 V.
Valeria gens nobilissima. 149
Valerius Poplicola inter primos Romæ Consules. 81.149
Veneuentum pro Beneuentum. 62
Venus in Insula Coo culta. 18. in Sacris Paganorum notata. 132
Verbum Diuinum omnia creauit. 135. 137. quam sit colendum. 138

Vergilij nomen per E. scriptum. 120
Vesta quid sit ignorabant Gentiles. 131. Modò ignem, modò terram significat. *Ibid.*
Vestales Virgines. 133. arcana de illis eruditio. *Ibid.*
Vestes Dyis, & Soli suspensæ. 132
Vesuvius mons. 38
Via diuitis, & via Christi. 97
Via olim Strata appellabantur, undè Italicum nomen Strada. 64
Vincentius martyr in Hispania. 17
Virginitatem puerorum, vel puellarum Deo dedicandi mos antiquus Christianorum. 86
Virilia in Iliacis, & Orgijs nefando ritu culta. 20
Vota Sanctis Martyribus nuncupata. 190. Eorum diuersitas. 192
Votina oblationes in SS. Martyrum honorem factæ. 190
Urbanus II. quo anno Mediolanum venerit. 238
Utica urbs celebris Africa. 16
Vulcanalia Vulcani Sacra. 132
Vulcanus, eiusque Sacra. 132
Vultus humanus Crucis figuram exhibet. 211

F I N I S.

